



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը


You are free to:

Share — copy and redistribute the material in any medium or format

Adapt — remix, transform, and build upon the material



|| $\omega = 373$



ՓԻՆՈՔԲՐՈՅԻ ԱՐԿԱՆԵԼԵՐԸ

Կ Ո Մ

ԻԱՄԱՋԻԿԻ ՄԸ ՊԱՏՄՈՒԹԻՒՆԸ

- 6 NOV 2011

350

4-64

ԱԿ

Կ. ԿՈԼԼՈԴԻ

ՓԻՆՈՔՔԻՈՅԻ ԱՐԿԱԾՆԵՐԸ

ԿԱՄ

ԽԱՄԱՃԻԿԻ ՄԸ ՊԱՏՄՈՒԹԻՒՆԸ

ՔԱՐԳՄԱՆԵՑ ԻՏԱԼ. ԲՆԱԳՐԷՆ

ՍԻՐՎԱՐԴ ՄԿՐՏԻՉԵԱՆ ՄԿՐԵԱՆՑ



9656

ՎԵՆԵՏԻԿ — Ս. ՂԱԶԱՐ

1925

22 MAY 2013

2197

ԱՄԷՆ ԴՐԱՌՈՒՆԻ ՎԵՐԱՊԱՏՆԱՆ,



2719

34



ԳԼՈՒԽ Ա.

Ինչպէս եղաւ որ ատաղձագործ վարպետ Կեռաս փայտի կտոր մը գտաւ՝ որ տղու մը պէս կու լար ու կը խնդար:

— Ժամանակաւ կար....

— Թագաւոր մը պիտի ըսեն անմիջապէս փոքրիկ ընթերցողներս:


— Ո՛չ տղաքս, սխալեցաք: Ժամանակաւ կար փայտի կտոր մը:

Զարդարուն փայտ մը չէր, այլ պարզ վառելիք փայտի կտոր մը, անոնցմէ՛ որ ձմեռը պղտիկ վառարաններու և օճախներու մէջ կը դնենք վառելու և սենեակները տաքցնելու համար:

Չեմ գիտեր ինչպէս, բայց իրօք պատահեցաւ որ՝ օր մը փայտին այս կտորը ծերուկ ատաղձագործի

մը խանութն ինկաւ, որուն անունն էր վարպետ Անտոն, և զոր ամէն մարդ վարպետ կեռաս կը կոչէր, որովհետեւ քթին ծայրը միշտ փայլուն և մանիշակագոյն էր՝ հասունցած կեռասի մը նման:

Վարպետ կեռաս հազիւ թէ տեսաւ այն փայտին կտորը, բոլորովին զուարթացաւ, և գոհունակութեանէն ձեռքերը շփելով կէս ձայնով մոմռաց.



... շատ մեղմիկ ձայն մը լսեց.

— Այս փայտը ճիշդ ժամանակին ինկաւ ձեռքս, կ'ուզեմ սեղանի ոտք մը շինել ասով:

Խօսքը գործին միացուց և իսկոյն սուր տապարը ձեռքն առաւ՝ զայն կեղեկելու և տաշելու համար: Տապարի առաջին հարուածը տալու վրայ էր ան, սակայն բազուկը օդին մէջ առկախ մնաց, ու շատ մեղմիկ ձայն մը լսեց որ պաղատագին կ'ըսէր իրեն.

— Այնչափ ուժով մի ձեռքեր զիս:

Երեւակայեցէք ինչպէս ափշած մնաց այն բարի ձերուկ վարպետ կեռասը:

Շուարած աչքերն ասդին անդին դարձուց սենեկին մէջ տեսնելու համար թէ՛ ուսկից կրնար գալ այդ ձայնիկը, ու ոչ ոք տեսաւ: Գործասեղանին տակը նայեցաւ, ո՛չ ոք կար. նայեցաւ պահարանի մը ետեւը որ միշտ գոց էր; ո՛չ ոք. տաշեղներու կողովին մէջ, ո՛չ ոք. խանութին դուռը բացաւ փողոցն ալ աչք մը տալու, և սակայն ո՛չ ոք կար:

Ո՞վ էր ուրեմն....

— Հասկցայ, ըսաւ այն ատեն խնդալով ու կեղծամը քերելով, կ'երեւայ թէ ես երեւակայեցի այդ ձայնիկը: Սկսինք դարձեալ աշխատիլ:

Եւ տապարը ձեռքն առնելով՝ հանդիսաւոր հարուած մ'իջեցուց փայտի կտորին:

— Ո՛հ, ցաւցուցիր զիս, պոռաց ողբագին միեւնոյն ձայնիկը:

Այս անգամ վարպետ կեռաս քար կտրեցաւ, վախէն աչքերը դուրս ինկած, բերանն խոշոր մը բացած, լեզուն մինչեւ կզակը հասնելու չափ վար կախուած, աղբիւրներու վրայ դրուած անհեթեթ զիմակի մը կը նմանէր:

Ան հազիւ թէ խօսելու կարողութիւնը վերստացաւ, վախէն զողզոյալով ու կակազելով մը....

— Բայց ուսկից ելաւ այս ձայնիկը որ՝ վայ, սն, ըսաւ.... Եւ սակայն հոս մարդ չկայ: Արդեօք պատահմամբ այս փայտի կտորը տղու մը պէս լալ ողբալ սորվեր է: Չեմ կրնար հաւատալ: Ահա հոս է փայտը, վառելու համար փայտի կտոր մըն է ուրիշներուն պէս, կրակը նետելու և պտուկ մը լուրիւս

եփելու համար... Հապա ո՞վ էր: Արդեօք ներսը մէկը պահուըտած է: Եթէ մէկը պահուըտած է, աւելի գէշ իրեն: Հիմայ կը սորվեցնեմ ես անոր:

Եւ այս ըսելով՝ երկու ձեռքերով ուժով մը բռնեց խեղճ փայտի կտորը, և սկսաւ անգթօրէն սենեկին պատերուն զարնել:

Յետոյ մտիկ ըրաւ լսելու համար թէ՛ ողբի կամ հեծեծանաց ձայն ձուն մը կ'աւր: Սպասեց երկու վայրկեան, ոչինչ: Ինչ վայրկեան ոչինչ, տասը վայրկեան, ոչինչ:

— Հասկցայ, ըսաւ այն ատեն խնդալու ճիգով մը և կեղծամը խառնակելով, կ'երեւայ թէ այն վայ ըսող ձայնիկը երեւակայութեանս արդիւնք էր: Սկսինք ուրեմն աշխատիլ:

Եւ որովհետեւ վրան մեծ վախ մ'եկած էր, թիչ մը սիրտ առնելու համար փորձեց մեղմ ձայնով երգել:

Միեւնոյն ատեն տապալքը մէկդի դնելով քերիչը ձեռք առաւ՝ փայտին կտորը քերելու և յղկելու համար. բայց երբ վեր վար քերիչով յղկելու վրայ էր, լսեց նոյն սովորական ձայնը՝ որ խնդալով մ'ըսաւ իրեն.

— Մէկդի թող, մարմինս կը կամթես:

Այս անգամ խեղճ վարպետ կեռաս շանթահարուած վար ինկաւ: Երբ աչքերը բացաւ, տեսաւ որ գետինը նստած էր:

Դէմքը այլակերպած, և մինչեւ քթին ծայրը՝ որ գրեթէ միշտ մանիշակագոյն էր, սաստիկ վախէն կապուտցած էր:



Գ Լ Ո Ւ Խ Բ .

Վարպետ կեռաս փայտին կտորը կը նուիրէ իր բարեկամին ճեպպետտոյի, որ զայն կ'առնէ զարմանալի խամաճիկ մը շինելու համար, այնպէս որ կարենար պարել, սրախաղութիւն և մահացու ոստումներ ընել:

Նոյն պահուն դուռը զարնուեցաւ:

— Ներս մտիր, ըսաւ ատաղճագործը, ոտքի վրայ ելլելու կարողութիւն չ'ունենալով:



Աշխոյժ կայտառ ծերուկ մը որուն անունն էր ճեպպետտոյ:

Այն ատեն խանութին մէջ մտաւ աշխոյժ, կայտառ ծերունի մը՝ որուն անունն էր ճեպպետտոյ.

սակայն զրացի տղաք երբ զինքը սաստիկ կատղեցնել ուզէին, Բոլեկոյիկնս կը կանչէին իրեն՝ ղեղին կեղծամին պատճառաւ, որ խիստ շատ կը նմանէր մարացորենի ալիւրէ շինուած փոխենդին:

Ճեպպետտոյ խիստ ցասկոտ էր: Վայ թէ որ Բոլենդինա կոչէին զինքը, գազան կը դառնար, և ալ հնար չկար զինքը զսպելու:

— Բարի լոյս, վարպետ Անտոն. ըսաւ ճեպպետտոյ:

— Հոտ՝ գետինը նստած ի՞նչ կ'ընես:

— Մըջլուններուն թուաբանութիւն կը սորվեցնեմ:

— Շատ ուրախ եմ:

— Քեզ իմ տունս ո՞վ բերաւ, կնքահայր ճեպպետտոյ:

— Մրունքներս: Գիտցած եղիր, վարպետ Անտոն՝ որ եկած եմ քեզմէ շնորհ մը խնդրելու:

— Պատրաստ եմ ծառայելու քեզի, պատասխանեց ատաղձագործը ծունկերուն վրայ ելլելով:

— Այս առտու ըղեղիս մէջ գաղափար մը ծնաւ:

— Ի՞նչ է, նայինք:

— Մտածեցի փայտէ աղուոր խամածիկ մը շինել. բայց հրաշալի խամածիկ մը՝ որ կարենայ պարել, սրախաղութիւն և մահացու ոստումներ ընել: Այս խամածիկով կ'ուզեմ աշխարհ պտրտիլ, պատառ մը հաց և գաւաթ մը գինի ճարելու համար. ի՞նչ կ'ըսես:

— Կեցցես Բոլենդինա, գոչեց սովորական ձայնիկը՝ որուն ուսկից գալը անհասկնալի էր:

Բոլենդինա կանչուելը լսելուն պէս, ճեպպետտոյ բարկութենէն դարապղպեղի մը պէս կարմրե-

ցաւ, և ատաղձագործին դառնալով՝ կատաղաբար ըսաւ.

— Ձիս ինչո՞ւ կը նախատես:

— Ո՞վ կը նախատէ զքեզ:

— Բոլենդինա չըսի՞ր ինծի:

— Ես չէի ըսողը:

— Այն ատեն ես ըսած պիտի ըլլամ: Կը կրկնեմ որ դուն էիր:

— Ո՞չ:

— Այո՞:

— Ո՞չ:

— Այո՞:

Եւ միշտ աւելի բորբոքելով՝ խօսքէն գործի անցան, և իրարու մագեքէն քաշելով զիրար ճանկատեցին, խածին ու նախատեցին:

Կռիւր վերջանալուն՝ վարպետ Անտոն իր ձեռքին մէջ գտաւ ճեպպետտոյի ղեղին կեղծամը, և ճեպպետտոյ զգաց որ իր բերնին մէջ էր ատաղձագործին աղբրեկ կեղծամը:

— Կեղծամս ինծի դարձուր, պոռաց վարպետ Անտոն:

— Դուն ալ իմինս ինծի տուր, և իրարու հետ հաշտուինք: Երկու ձեռունները՝ իւրաքանչիւրը իր կեղծամը առնելէ վերջ, իրարու ձեռք սեղմեցին, և խօսք տուին այնուհետեւ իրարու լաւ բարեկամներ ըլլալու իրենց ամբողջ կեանքին մէջ:

— Ուրեմն, կնքահայր ճեպպետտոյ ըսաւ ատաղձագործը ի նշան կնքուած հաշտութեան, ի՞նչ է այն շնորհը զոր ինձմէ կը խնդրես:

— Կտոր մը փայտ պիտի խնդրեմ խամածիկս շինելու համար. կու տաս:

Վարպետ Անտոն բոլորովին գոհ, անմիջապէս գնաց բերաւ գործասեղանին վրայէն այն փայտի կտորը՝ որ իր այնքան վախճալուն պատճառ եղած էր: Բայց զայն իր բարեկամին յանձնելու պահուն փայտին կտորը սաստիկ ցնցում մ'ըրաւ, և բուն կերպով ձեռքերէն սահելով գնաց ուժգին զարնուելու խեղճ ճեպպետոյ չորցած սրունքներուն:

— Ո՛հ, վարպետ Անտոն, ինչպիսի՛ քաղաքաւ վարութեամբ ասլրանքդ ինձի կը նուիրես: Գրեթէ կաղացուցիր զիս....

— Կ'երդնում որ ընողը ես չէի:

— Ուրեմն ե՛ս էի....

— Բոլոր յանցանքը այս փայտին է....

— Գիտեմ թէ փայտին է, բայց զայն սրունք- ներուս մէջ նետողը դուն էիր:

— Ես չնետեցի:

— Ստախօ՛ս:

— Ճեպպետոյ զիս մի՛ նախատեր, ապա թէ ո՛չ, Բոլենդինա կը կոչեմ զքեզ....

— Է՛շ:

— Բոլենդինա:

— Աւանակ:

— Բոլենդինա:

— Տգեղ կապկի ձագ:

— Բոլենդինա:

Երբ ճեպպետոյ երրորդ անգամ Բոլենդինա կոչուիլը լսեց, աչքերը դարձան, յարձկեցաւ ատաղ- ձագործին վրայ, և հոն բերաննին եկածը դուրս տուին:

Կոիւր վերջանալուն՝ վարպետ Անտոն երկու ճան- կատուք աւելի գտաւ քթին վրայ, միւսն ալ՝ բաճ-

կոնակին վրայ երկու կոճակ պակաս: Այս կերպով՝ հաշիւնին մաքրելով, իրարու ձեռք սեղմեցին, ու երդուընցան որ՝ իրարու լաւ բարեկամներ ըլլան բո- լոր կեանքերնուն մէջ:

Նոյն ատեն ճեպպետոյ առաւ իր նշանաւոր փայտին կտորը, և շնորհակալ ըլլալով վարպետ Անտոնին՝ կաղալով տուն գնաց:





Գ. Լ. ՈՒԽ Գ.

Ճեպպետտոյ տուն դառնալով անմիջապէս կը սկսի շինել խամաճիկը, և անոր անունը կը դնէ Փինոքքիոյ: Փինոքքիոյի առաջին ստահակութիւնները:

Ճեպպետտոյի տունը գետնայարկ խցիկ մ'էր, որ սանդուխին տակ գտնուած բացուածքէ մը լոյս կ'առնէր: Կահ կարասին՝ եղածէն աւելի պարզ չէր կրնար ըլլալ. հինցած աթոռ մը, խեղճ ու կրակ անկողին մը և բոլորովին քայքայուած պզտի սեղան մը: Խորը պատին մէջ կը տեսնուէր վառ կրակով պզտիկ օճախ մը, սակայն կրակը նկարուած էր, ու անոր քով նկարուած կար նաեւ պտուկ մը՝ որ կ'եռար զուարթօրէն. և դուրս կ'արձակէր շոգիի ամպ մը, որ կարծես իրական շոգի էր:

Ճեպպետտոյ հազիւ տուն մտաւ, անմիջապէս առաւ գործիքները և սկսաւ կտրտել ու շինել իր խամաճիկը:


— Ի՞նչ անուն պիտի դնեմ, ըսաւ ինքն իրեն, կ'ուզեմ Փինոքքիոյ կոչել զայն: Այս անունը բախտ պիտի բերէ իրեն: Փինոքքիոներու ամբողջ ընտանիք մը ճանչցայ. Փինոքքիոյ հայրը. Փինոքքիոյ մայրը և զաւակները, և ամէնքն ալ՝ թիչ շատ լաւ կ'ապրէին: Անոնցմէ ամենէն հարուստը կը մուրար:

Երբ գտաւ իր խամաճիկին անունը, այն ատեն

սկսաւ ամէն ջանքով աշխատիլ, և անմիջապէս մազերը շինեց, յետոյ ճակատը, յետոյ աչքերը:

Երբ աչքերը շինեց լմնցուց, երեւակայեցէք իր զարմանքը, տեսաւ որ այդ աչքերը կը շարժէին ու պիշպիշ իրեն կը նայէին:

Ճեպպետտոյ այդ փայտէ երկու աչքերուն իրեն



... բայց քանի կը կտրէր, կը կարճեցներ, այնքան աւելի կ'երկնար այդ յամառ թիթը...

նայելը տեսնելով, զրեթէ կիրք ելաւ, ու նեղուած շեշտով մ'ըսաւ.

— Անպիտան փայտէ աչքեր, ինչո՞ւ ինծի կը նայիք:

Ոչ ոք պատասխանեց:

Այն ատեն աչքերէն վերջը շինեց թիթը. բայց թիթը հազիւ թէ լմնցաւ, սկսաւ ան խոշորնալ. խոշորցաւ, խոշորցաւ, խոշորցաւ, և քանի մը վայրկենի մէջ եղաւ ահագին թիթ մը՝ որ վերջ չ'ունէր:

Խեղճ ճեպպետոյ կտրելէն կը յոգնէր, բայց քանի կը կտրէր, կը կարճեցնէր, այնքան աւելի կ'երկննար այն յամառ քիթը:

Քիթէն վերջ շինեց բերանը:

Բերանը տակաւին լմնցած չէր, երբ ան սկսաւ անմիջապէս խնդալ ու ծաղրել զինքը:

— Դադրէ՛ ծիծաղելէն, ըսաւ ճեպպետոյ առնուած. բայց կարծես պատին կը խօսէր:

— Դադրէ՛ խնդալէ, կը կրկնեմ քեզի, զոռաց սպառնական ձայնով:

Այն ատեն բերանը դադրեցաւ ծիծաղելէն, բայց ամբողջ լեզուն դուրս հանեց:

Ճեպպետոյ իր գործը չաւրելու համար չի տեսնելու զարկաւ, և սկսաւ աշխատիլ: Երբ բերանը լմնցաւ, կզակը շինեց, յետոյ կարգաւ ուսերը, կուրծքը, թեւերն ու ձեռքերը:

Հագլւ լմնցեր էին ձեռքերը, ճեպպետոյ զգաց որ մէկը գլխէն կեղծամը ատաւ տարաւ: Վեր նայեցաւ, և ինչ տեսնէ: Իր դեղին կեղծամը Փինոքքիոյին ձեռքն էր:

— Փինոքքիոյ... շո՛ւտ ինձի տուր կեղծամս:

Փինոքքիոյ կեղծամը փոխանակ անոր տալու իր զլուխը դրաւ, կէս մը անոր տակ թաղուելով:

Այս անպատկառ և ծաղրական վարմունքը տեսնելով ճեպպետոյ, այնքան տխրեցաւ և մեղաժողովեցաւ՝ որ ամբողջ կեանքին մէջ երբեք այդպէս եղած չէր բնաւ, և Փինոքքիոյի դառնալով, ըսաւ.

— Այ անառակ գաւակ: Դեռ կատարեալ ձեւ մը չառած արդէն սկսար չյարգել հայրդ: Գէշ բան է, տղաս, գէշ բան:

Եւ կաթիլ մը արցունք սրբեց:

Կը մնար շինել սրունքներն ու ոտքերը:

Երբ ճեպպետոյ շինեց լմնցուց ոտքերը, քիթին ծայրը աքացի հարուած մը զգաց:

— Արժանի եմ ըսաւ այն ատեն ինքն իրեն: Առաջ պէտք էի մտածել: Այլ եւս շատ ուշ է:




Եւ Փինոքքիոյ փոխանակ անոր դարձնելու կեղծամը՝ իրեն զլխուն դրաւ...

Ու խամաճիկը թեւին տակէն բռնած գետինը խցիկին յատակին վրայ կայնեցուց քալել տալու համար:

Փինոքքիոյի սրունքները ընդարմացած ըլլալուն չէր կրնար շարժիլ, և ճեպպետոյ անոր ձեռքէն բռնած կ'առաջնորդէր սորվեցնելու համար թէ ինչպէս իրարու ետեւ քայլերը պիտի առնէր:

Երբ ոտքերուն թմրութիւնը անցաւ, Փինոքքիոյ սկսաւ ինքնիրեն քալել ու վազել սենեկին մէջ, մինչեւ որ տանը դռնէն ալ անցնելով փողոց ցատկեց և փախչիլ սկսաւ:

Եւ այն խեղճ ճեպպետտոն կը վազէր ու կը վազէր ետեւէն առանց անոր հասնիլ կարենալու, որովհետեւ



Բռնեցէք, բռնեցէք, կը գոռար ճեպպետտոյ:

այդ ստահակ Փինոքքիոն նապաստակի մը պէս ուտոստելով կ'երթար, որուն փայտէ ոտքերը փողոցի քարայտակին վրայ զարնուելով մեծ դղրոց մը կը հանէին, զիւղացիներու քսան զոյգ սանդալներու հանած շառաչին պէս:

— Բռնեցէք, բռնեցէք, կը գոռար ճեպպետտոյ, բայց ճամբուն վրայ եղող ժողովուրդը տեսնելով այն փայտէ խամաճիկը՝ որ ճեպքնիթաց ձիու մը պէս կը վազէր, սպշած կը կենային անոր նայելու, և անե-

րեակայելի կերպով կը խնդային, կը խնդային ու կը խնդային:

Վերջապէս, բարեբախտաբար վրայ հասաւ հրացանակիր զինուոր մը՝ որ լսելով այն աղմուկ աղաղակները, և կարծելով թէ խնդիրը մտրուկի մը վրայ է՝ որ իր տիրոջ ձեռքէն կապը կտրած փախած է, սրունքները խոշոր մը բացած ճամբուն մէջտեղ քաջութեամբ կանգ առաւ, հաստատ մտքով զանի կեցնելու, և մեծագոյն չարիքներու պատճառ ըլլալէ արգիլելու համար:

Սակայն Փինոքքիոյ երբ հեռուէն տեսաւ հրացանակիր զինուորը՝ որ բոլոր ճամբան բռնած փակած էր, մտածեց անակնկալ կերպով անոր սրունքներուն մէջտեղէն անցնիլ, և սակայն չյաջողեցաւ:

Հրացանակիրը առանց բնաւ տեղէն շարժելու, ամուր մը բռնեց անոր ըթէն (տարօրինակօրէն խոշոր ըթիթ մը՝ որ կարծես թէ յատուկ շինուած էր հրացանակիրներէ յանկարծակի բռնուելու համար) և զայն ուղղակի ճեպպետտոյի ձեռքը յանձնեց, որ իբր յանդիմանութիւն ուզեց անմիջապէս ամուր մը քաշել անոր ականջներէն: Սակայն երեակայեցէք ինչպէս զարմացած մնաց երբ փնտռելու ատեն զանոնք չկրցաւ գտնել. և գիտէք ինչո՞ւ. որովհետեւ խամաճիկը աճապարանօք քանդակած ատեն մոռցեր էր զանոնք շինել:

Ուստի անոր ծոծրակէն բռնեց և մինչ տուն կը տանէր, սպառնական կերպով գլուխն երերցնելով ըսաւ անոր:

— Անմիջապէս տուն երթանք: Երբ հոն հասնինք, մի տարակուսիր հաշիւնիս կը տեսնենք:

Փինոքքիոյ այս վերջին բառերը լսելուն ինք-

զինքը գետին նետեց, ու ալ չուզեց քալել: Նոյն ատեն հետաքրքիրներն ու դատարկապորտները սկսան խոնուիլ անոնց՝ շուրջը և խումբ կազմել:

Ամենքն ալ մէկ մէկ տեսակ բան կ'ըսէին:



.... ամուր մը բռնեց անոր ըթէն:


— Խեղճ խամաճիկ, կ'ըսէին ոմանք, տուն դառնալ չուզելու իրաւունք ունի: Ո՛վ գիտէ ինչպէս պիտի ծեծէ զինքը այն ճեպպետոյ ըսուած անպիտան մարդը.... Իսկ ուրիշներ ալ չարամտութեամբ կ'աւելցնէին:

— Ճեպպետոյ պարկեշտ մարդ մը կը թուի. բայց տղոց հետ կատարեալ բռնաւոր մըն է: Եթէ այդ խեղճ խամաճիկը անոր ձեռքը ձգուի, կարող է կտոր կտոր ընել զայն:

Վերջապէս այնքան ըսին, այնքան ըրին որ հրացանակիրը ազատ թողուց Փինոքքիոն, և բանտ առաջնորդեց այն խեղճ ճեպպետոն. որ ինքզինքը պաշտպանելու համար անմիջապէս ուրիշ խօսք չգրտնելով, կու լար հորդի մը պէս, և դէպ ի բանտ երթալու ատեն կը կակազէր հեկեկալով:

— Թշուառական գաւակ, և մտածել որ եւ այնքան աշխատեցայ աղուոր խամաճիկ մը շինելու համար զայն: Սակայն բաժինս առի: Առաջ մտածելու էի....

Ինչ որ պատահեցաւ վերջը, այնքան տարօրինակ պատմութիւն մըն է՝ որ գրեթէ անհաւատալի կը թուի, և զոր պիտի պատմեմ ես ձեզի հետեւեալ գլուխներուն մէջ:



Գ Լ Ո Ի Խ Գ .

Փինոբքիոյի ունեցած պատահարը խօսուն ծղրիզին հետ ուր կը տեսնուի թէ ինչպէս անառակ տղաք կը նեղուին խրատ լսելու անկէ՝ որ իրենցմէ աւելի բան գիտէ:

Ուրեմն պիտի ըսեմ ձեզի տղաքս, թէ մինչդեռ խեղճ ճեպպետտոյ առանց յանցանքի բանտ տարուած էր, այդ ստահակ Փինոբքիոն հրացանակրին ճանկերէն ազատուելուն պէս, դաշտերուն մէջէն փախչիլ սկսաւ աւելի շուտ տուն հասնելու համար, և սաստիկ արագ վազելու ատեն ամենաբարձր հողաբլուրնեւրու և ջրով լեցուն փոսերու վըայէն կը ցատքէր, որսորդներէն հալածուած ուլիկի մը կամ նապաստակի ձագի մը նման:

Երբ տանը առջեւ հասաւ, կիսաբաց գտաւ դուռը: Մղեց զայն՝ ներս մտաւ, և հագիւ դրան փակաղակը դրաւ, նստեցաւ գետին, գոհունակութենէն խոշոր շունչ մ'առնելով:

Սակայն երկար չի տեսց այդ գոհունակութիւնը, որովհետեւ լսեց սենեկին մէջ մէկուն կանչելը.

— Քրի, քրի, քրի:

— Ո՞վ է զիս կանչողը, ըսաւ Փինոբքիոյ բոլորովին սարսափած:

— Ես եմ:

Փինոբքիոյ դարձաւ նայելու, և խոշոր ծղրիզ մը տեսաւ որ ծանր ծանր պատէն վեր կ'ելլէր:

— Ըսէ՛ ինձ ծղրիզ՝ դուն ո՞վ ես:

— Ես խօսուն ծղրիզն եմ, և հարիւր տարիէն աւելի է որ այս խուցին մէջ կը բնակիմ:

— Եւ սակայն այս խուցը այսօր իմս է, ըսաւ խամաճիկը, և եթէ ճշմարիտ հաճոյք մ'ընել կ'ուզես ինձի, գնա՛ անմիջապէս առանց ետեւ դառնալու:

— Ես այս տեղէն չեմ երթար, պատասխանեց ծղրիզը, առանց քեզի ըսելու մեծ ճշմարտութիւն մը:

— Ըսէ՛ և շուտ լմնցուր:

— Վա՛յ այն տղոց՝ որ իրենց ծնողաց դէմ կ'ապստամբին, և անխորհրդաբար կը թողուն հայրենի տունը: Այս աշխարհիս մէջ բնաւ բարիք պիտի չտեսնեն, և ուշ կամ կանուխ պիտի զղջան դառնապէս:

— Դուն երգէ ծղրիզս ինչպէս որ կ'ուզես. բայց ես գիտեմ որ վաղը արշալոյսին այս տեղէն պիտի երթամ, որովհետեւ եթէ հոս մնալու ըլլամ միւս բոլոր տղոց պատահածը ինձ ալ պիտի պատահի, որ է՝ զիս դպրոց պիտի դրկեն, և գործս պիտի ըլլայ կամայ ակամայ ուսանիլ: Մտերմաբար ըսեմ քեզի ուսանելու բնաւ փափաք չունիմ, և աւելի կը զուարճանամ թիթեռնիկներուն ետեւէն վազելով, ծառերուն մագլցելով՝ բոյներու մէջէն թռչնիկները առնելու համար:

— Խեղճ տիմարիկ: Բայց չե՞ս գիտեր որ այդպէս ընելով երբ մեծնալու ըլլաս՝ շնորհքով աւանակ մը պիտի դառնաս և ամէն մարդ վրադ պիտի խնդայ:

— Լո՞ւ է չարագուշակ ծղրիզ, գոչեց Փինոբքիոյ:

Սակայն ծղրիզը՝ որ փիլիսոփայ և համբերող էր, այս ամբարտաւանութենէն փոխանակ նեղուելու, ձայնի միեւնոյն աստիճանով շարունակեց.


— Իսկ եթէ քեզի հաճելի չէ դպրոց երթալ, ինչո՞ւ գոնէ արհեստ մը չես սորվիր՝ պատուաւոր կերպով կտոր մը հաց վաստկելու կարող ըլլալու համար:

— Կ'ուզե՞ս որ ըսեմ քեզի, պատասխանեց Փինոբջիոյ՝ որ կը սկսէր համբերութիւնը կորսնցնել: Աշխարհիս վրայ եղած արհեստներուն մէջ մէկ հատ միայն կայ՝ որ հաճելի է ինծի:

— Ո՞րն է այս արհեստը:

— Ուտել, խմել, պառկել, զբօսնուլ և առաւօտէն մինչեւ իրիկուն դատարկաշրջիկ կեանք մ'անցնել:

— Գիտցած եղիր որ, ըսաւ խօսուն ծղրիղը իր սովորական հանգարտութեամբ, անոնք որ այս արհեստով կ'ապրին զրեթէ միշտ հիւանդանոցին և կամ բանտին մէջ կը վերջացնեն իրենց կեանքը:



.... փայտէ մուրճը առնելուն պէս խօսուն ծղրիղին դէմ նետեց:

— Զգոյշ եղիր չարագուշակ ծղրիղ.... Եթէ բարկանալու ըլլամ, վայ քեզի....

— Խեղճ Փինոբջիոյ, իրաւ որ գութս կը շարժես....

— Ինչո՞ւ գութիդ կը շարժեմ:

— Որովհետեւ խամաճիկ մըն ես, և ինչ որ չարագոյն է, փայտէ գլուխ մ'ունիս:

Այս վերջին խօսքերը լսելուն Փինոբջիոյ յետին ծայր կատղած տեղէն վեր ցատքեց և գործասեղանին վրայի փայտէ մուրճը առնելուն պէս խօսուն ծղրիղին դէմ նետեց:

Գուցէ չէր ուզեր և ոչ իսկ վիրաւորել զանի սակայն դժբախտաբար ճիշդ գլխին զարկաւ, այնպէս որ խեղճ ծղրիղը հազիւ կրցաւ քրի, քրի, քրի մըն ալ ճչել, ու հոն պատին վրայ փակած ու գամուած մնաց:

Փ Լ Ո Ւ Խ Ե .

Փինոքքիոյ անօթի է. հաւկիթ մը կը փնտռէ որ ձուագեղ շինէ և ուտէ. բայց հագիւ թէ պիտի սկսի ուտել՝ ձուագեղը պատուհանէն դուրս կը թռչի:

Սկսած էր մութը կոխել, և Փինոքքիոյ յիշելով որ բան մը կերած չէր, պզտիկ կռկոտց մը զգաց ստամոքսին մէջ, որ շատ կը նմանէր ախորժակի:

Բայց տղոց ախորժակը շուտ կ'աճի, և իրաւաւ քանի մը բոպէ վերջը՝ ախորժակը անօթութեան փոխուեցաւ և անօթութիւնը՝ ակնթարթի մէջ սաստիկ քաղցի, անյագ ու սուր քաղցի մը:

Խեղճ Փինոքքիոյ անմիջապէս վազեց վառարանին քով՝ ուր եռացող պտուկ մը կար, և խուփը պիտի բանար տեսնելու համար թէ ինչ կար մէջը. սակայն պտուկը նկարուած էր պատին վրայ: Երեւակայեցէք թէ ինչպէս ափշահար մնաց: Իր արդէն երկար քիթը չորս մատ աւելի երկնցաւ:

Ս,յն ատեն սկսաւ խուցին մէջ ասղին անդին վազել, և անձկանօք փնտռել բոլոր զգրոցներուն և պահարաններուն մէջ կտոր մը հաց գտնելու համար, երանի թէ կտոր մը չոր հաց, հացի կեղեւ մը, շան առջեւէն աւելցած ոսկորի կտոր մը, քիչ մը մզլոտած փոխինդ, ձուկի փուռ մը, կեռասի կուտ մը, վերջապէս ծամելու որ և է բան մը գտնէր. սակայն ոչինչ գտաւ, ամենեւին ոչինչ, պարզապէս ոչինչ:

Միեւնոյն ատեն անօթութիւնը երթալով կը սաստկանար, կը սաստկանար շարունակ. և խեղճ Փինոքքիոյ յորանջելէ զատ ուրիշ սփոփանք չ'ունէր, և այնքան երկար երկար կը յորանջէր որ երբեմն բերանը մինչեւ անկանջները կը հասնէր: Այսպէս շատ մը յորանջելէ վերջ սկսաւ թքնել, ու կը զգար որ ստամոքսը երթալով կը լմնար:

Այն ատեն լալով և յուսահատած սկսաւ ըսել. — Խօսուն ծղրիդն իրաւունք ունէր: Գէշ ըրի հօրս դէմ ապստամբելով և տունէն փախչելով... Եթէ հայրիկս հիմայ հոս ըլլար յորանջելէն մեռնելու վիճակի չէի հասնիր: Ո՛հ, ինչ գէշ հիւանդութիւն է անօթութիւնը:

Նոյն պահուն յանկարծ աւուրցներու կոյտին մէջ կարծես աչքին երեւցաւ ճերմկուկ կլորիկ բան մը՝ որ ճիշդ հաւու հաւկիթին կը նմանէր: Վէր ոստնուը և անոր վրայ նետուիլը մէկ եղաւ: Իրաւցնէ հաւկիթ մ'էր:

Խամահիկին ուրախութիւնը նկարագրել անկարելի է. պէտք է երեւակայել զայն: Կարծելով որ երազ մըն էր, հաւկիթը ձեռքերուն մէջ կը դարձնէր ու կը դարձնէր, կը շոյէր, կը համբուրէր, և համբուրելով կ'ըսէր.

— Է՛հ, հիմայ ինչպէս պիտի եփեմ: Չուագե՞ղ շինեմ... Չէ, աւելի լաւ է սկաւառակին մէջ եփեմ... կամ աւելի համով չ'ըլլա՞ր արդեօք տապակին մէջ տապակելը: կամ թէ ընդհակառակն խմելու համար թէ որ եփե՞մ: Չէ, ամենէն լաւը պնակի և կամ պտուկի մէջ եփելն է. սաստիկ ախորժակ ունիմ ուտելու:

Այս ըսելով պտուկ մը դրաւ վառուած կրակին վրայ և փոխանակ ձէթի կամ կարագի՝ քիչ մը ջուր

լեցուց անոր մէջ. ու երբ ջուրը սկսաւ եռալ, թա՛րք.... կոտորեց հաւկթին կեղեւը և պտուկին մէջ ղնելու վրայ էր:

Սակայն փոխանակ ճերմկուցի և դեղնուցի, դուրս ցատքեց վառեակ մը բոլորովին գուարթ և չափազանց շնորհալի՝ որ յարգական խոնարհութիւն մ'ընելէն ետք ըսաւ.

— Հազար շնորհակալութիւն, պարոն Փինոքքիոյ, կեղեւը կոտորելու յոգնութիւնը ինձ խնայելուդ: Յտեսութիւն, մնաս բարով, շատ մը բարեւեներ տունը:

Այս ըսելով թեւերը բացաւ, և բաց պատուհանէն անցնելով թռաւ ու անյայտացաւ:

Խեղճ խամաճիկը հոն ափշած մնաց, աչքերը սեւեռուն, բերանը բաց, հաւկթին կեղեւներն ալ ձեռքին մէջ: Սակայն երբ առաջին սարսափն անցաւ և գտաւ ինքզինքը, յուսահատութենէն սկսաւ լալ պոռալ, ոտքերը գետին զարնել, ու լալով կ'ըսէր.

— Եւ սակայն խօսուն ծղրիղը իրաւունք ունէր: Եթէ տունէն փախած չ'ըլլայի, ու հայրիկս հոս ըլլար, հիմայ անօթութենէ մեռնելու աստիճանին չէի հասներ: Ա՛հ, ինչ գէշ հիւանդութիւն է եղեր անօթութիւնը....

Եւ որովհետեւ ստամոքսին գոռումը աւելի սաստիկ կը շարունակէր, և չէր գիտեր ինչպէս լռեցնել զայն, խորհեցաւ տնէն դուրս ելլել ու երթալ մօտակայ զիւղակը, յուսալով գտնել հոն բարեսիրտ անձ մը՝ որ պատառ մը հաց ողորմութիւն տար իրեն:



Գ Լ Ո Ւ Խ Զ .

Փինոքքիոյ ոտքերը վառարանին վրայ քունը կը տանի, և հետեւեալ առաւօտ արթննալուն՝ ոտքերն այրած կը գտնէ:

Կատարեալ ձմեռնային սոսկալի գիշեր մ'էր:

Սակայն կ'որոտար, այնպէս մը կը փայլատակէր որ կարծես թէ երկինքը պիտի բռնկէր, և սաստկաշունչ պաղ հով մը կատաղաբար փչելով, և փոշիի ահագին ամպեր հանելով, շէլ ու ճարճատել կուտար դաշտին բոլոր ծառերը:

Փինոքքիոյ սաստիկ կը վախնար որոտումէն և փայլատակումէն. սակայն անօթութիւնը վախէն աւելի զօրաւոր էր, որուն պատճառաւ մօտեցաւ տանը դրան և սրարշաւ վազելով, հարիւր ոստումով մինչեւ զիւղն հասաւ, շունչը կտրած, լեզուն դուրս ինկած որսի շան մը պէս:

Ամէն կողմ մութ և ամայի գտաւ: Խանութները գոցէին, ճամբուն վրայ և ոչ իսկ շուն մը կը գտնուէր:

Մեռելներու երկիր մ'էր կարծես:

Փինոքքիոյ յուսահատութենէ և անօթութենէ մղուած, տան մը զանգակը բռնեց, և սկսաւ անընդհատ զարնել ինքնիրեն ըսելով.

— Հարկաւ մէկը գլուխը դուրս պիտի հանէ պատուհանէն. իրաւ ալ ծերունի մը երեւցաւ, գլուխը գիշերային գտակ մը դրած՝ ու սաստիկ զայրացած պոռաց:

— Ի՞նչ կ'ուզես այս ժամուս:

— Կը հաճի՞ք ինձ քիչ մը հաց տալ:


— Հոն սպասէ՛ կուզամ անմիջապէս, պատասխանեց ծերունին, կարծելով որ գործը այն յանդուգն չարածրճի տղոցմէ մէկուն հետ է՝ որ գիշերատեն դռներուն զանգակները զարնելով կը զուարճանան՝ խաղաղ քնացող բարի մարդիկը անհանգիստ ընելու համար:

Կէս վայրկեան վերջ կրկին բացուեցաւ պատուհանը, և միեւնոյն ծերուկին ձայնը պոռաց Փինոքքիոյի.

— Մօտեցիր և զըլխարկդ բաց:

Փինոքքիոյ որ տակաւին գլխարկ չունէր, մօտեցաւ և զգաց զլխէն վար թափուիլը ահագին լական մը ջուրի՝ որ զինքը զլխէն մինչեւ ոտքը բոլորովին թրջեց՝ թառամած ճիրսերիոյի թաղարի մը պէս:

Տուն դարձաւ հաւու ձագի մը նման թրջած, յոգնութենէն և անօթութե-



...զգաց զլխէն վար թափուիլը ահագին լական մը ջուրի:

նէն ուժասպառ. և որովհետեւ ոտքի վրայ կենալու ալ ոյժ չունէր, նստեցաւ ու ոտքերը կրակով լեցուն պզտի կրակարանի մը վրայ հանգչեցուց:

Ու հոն քունը տարաւ, քնացած առտներ փայտէ



Տուն դարձաւ հաւու ձագի մը նման թրջած...

ոտքերը կրակ առին, և կամաց կամաց ածխացան ու մոխիր դարձան:

Ու Փինոքքիոյ կը շարունակէր քնանալ և խորդալ, իբր թէ իր ոտքերը ուրիշի մ'ըլլային: Վերջապէս առաւօտեան դէմ արթնցաւ՝ երբ մէկը դուռը գարկաւ:

— Ո՞վ է, հարցուց նա յօրանջելով և աչքերը շփելով:

— Ես եմ, պատասխանեց ձայն մը:

Այդ ձայնը ճեպպետտոյի ձայնն էր:

Ք Լ Ո Ւ Խ Է .

Ճեպպետտոյ տուն կը դառնայ, և իրեն համար միասին բերած նախաճաշը խամաճիկին կու տայ ուտելու:

Խեղճ Փինոքքիոյ, աչքերը միշտ քնաթաթախ, տակաւին չէր նշմարած իր այրած ոտքերը. որով հազիւ թէ՛ լսեց հօրը ձայնը, նստած տեղէն վար ցատքեց վազելու՝ դրան ձողիկը քաշելու համար, և սակայն երկու երեք տատանումներէ վերջ զլիսիվար տախտակամածին վրայ ինկաւ փոռեցաւ:

Գետին իյնալու ատեն այնպիսի աղմուկ հանեց որ կարծես հինգերորդ յարկէ փայտէ դգալներով լեցուն պարկ մը վար կ'իյնար:

— Դուռը բաց, կը պոռար սակայն փողոցէն ճեպպետտոյ:

— Հայրիկ, չեմ կրնար... կը պատասխանէր խամաճիկը լալով և գետնին վրայ թաւալգլորելով:

— Ինչո՞ւ համար չես կրնար:

— Որովհետեւ ոտքերս կերան:

— Ո՞վ կերաւ ոտքերդ:

— Կատուն, ըսաւ Փինոքքիոյ, տեսնելով որ կատուն՝ հոն առջեւի թաթիկներովը փայտի քանի մը կտորներ խաղցնելով կը գուարճանար:

— Բաց, կ'ըսեմ քեզի, կրկնեց ճեպպետտոյ, ապա թէ ոչ՝ երբ ներս մտնեմ կը հասկցնեմ քեզի թէ ինչ ըսել է կատուն:

— Հաւատացիր որ ոտքի վրայ չեմ կրնար կենալ: Ա՛հ, վա՛յ ինձի, ամբողջ կեանքս ծոնկերու վրայ քալելով պիտի անցնեմ:

Ճեպպետոյ, կարծելով որ այս բոլոր լաց ու կոծը



... պատէն վեր մագլցելով, պատուհանէն ներս մտաւ:

խամաճիկին մէկ ուրիշ ստահակութիւնն է, մտածեց վերջ մը տալ, և պատէն վեր մագլցելով, պատուհանէն ներս մտաւ:

Անմիջապէս՝ ըսածը կ' ուզէր ի գործ դնել, բայց երբ տեսաւ իր խամաճիկը գետին տարածուած, և իրաւցնէ առանց ոտքի, այն ատեն սիրտը կակղցաւ,

և անմիջապէս անոր վզէն բռնելով սկսաւ համբուրել, և հազարումէկ զգուանքներ ու փայփայանքներ ընել, ու անոր այտերէն վար թափուող արցունքի խոշոր կաթիլները տեսնելով, հեկեկալով մ'ըսաւ.

— Փոքրիկ Փինոքքիոս, ոտքերդ ինչպէս այրեցան:

— Չեմ գիտեր, հայրիկ, բայց հաւատացէք որ զժողային զիշեր մ'էր, և պիտի յիշեմ որքան որ ապրիմ: Կ'որոտար, կը փայլատակէր, և ես սաստիկ անօթի էի, և խօսուն ծղրիղը ըսաւ ինձի. «Շատ աղէկ եղաւ, չար էիր, արժանի ես»: Իսկ ես ըսի. «Զգուշացիր ծղրիղ...»: Բայց ան շարունակեց. «Խամաճիկ մ'ես, ու փայտէ զլուխ մ'ունիս»: Ես ալ մուրճի հարուած մը տուի անոր ու մեռաւ, բայց յանցանքը իրենն էր, ինչու որ ես զինքը մեղցնել չէի ուզեր, և ասոր ապացոյցն է՝ որ տապակը վառուած կրակարանին վրայ դրի, բայց վառեակը դուրս թռաւ ըսելով. «Յտեսութիւն... շատ բարեւնեք տարէք տունը»: Ու անօթութիւնս քանի կ'երթար կը սաստկանար, այն պատճառաւ՝ զլուխը զիշերային գտակով այն ծերուկը պատուհանէն դուրս երկննալով ըսաւ ինձի. «Մօտեցիր ու երկնցո՛ր զլխարկղ», ու ես կոնք մը ջուրը գլխուս վրայ, որովհետեւ քիչ մը հաց խնդրելը ամօթ չէ, այնպէս չէ՞, անմիջապէս դուն դարձայ, որովհետեւ անօթութիւնս երթալով կը սաստկանար, ոտքերս վառարանին վրայ դրի որ տաքնան, ու դուն այն ատեն դարձար, ու ես տեսայ որ ոտքերս այրած էին, և հիմակ դեռ անօթի եմ միշտ, բայց ափսոս ալ ոտք չունիմ, ա՛հ... վախ... եղո՛ւկ ինձ...

Ու խեղճ Փինոքքիոն սկսաւ այնքան սաստիկ

լալ ու պոռալ, որ հինգ մղոն հեռուէն կը լսուէր ձայնը:

Ճեպպետոյ, որ այն խառնիխուռն խօսակցութենէն բան մը միայն հասկցեր էր, այսինքն թէ խամածիկը սաստիկ անօթութենէն կը մեռնէր, զրպանէն դուրս հանեց երեք տանձ, և անոր երկնցնելով ըսաւ.

— Այս երեք տանձերը իմ նախաճաշիս համար էին, բայց ես քեզի կու տամ զանոնք սիրով: Կեր, անուշ ըլլայ:

— Եթէ կ'ուզես որ ուտեմ, հաճէիր կեղեւել զանոնք:

— Կեղեւել, կրկնեց ճեպպետոյ զարմացած: Երբեք չէի կարծեր, տղաս, որ դուն այնքան պզտիկ բերան և այնքան զփուլարահաճ քիմք մ'ունենաս: Գէշ բան: Այս աշխարհիս մէջ պզտիկուց վարժելու է ախորժակ ունենալու, և ամէն բան ուտել զիտնալու, որովհետեւ երբեք չենք կարող զիտնալ թէ ինչեր կրնան պատահիլ: Փորձանքները խիստ շատ են.....:

— Դուն կրնաս իրաւունք ունենալ աւելցուց Փինոքքիոյ. բայց ես պտուղը առանց կեղեւելու չեմ ուտեր: Կեղեւները ստամոքսոս չի մարսեր:

Իսկ այն բարեմիտ ճեպպետոն պզտիկ դանակ մը դուրս հանելով, և սուրբ համբերութեամբ զինուած, կեղեւեց երեք տանձերը, և բոլոր կեղեւները սեղանին մէկ անկիւնը դրաւ:

Երբ Փինոքքիոյ երկու պատառով կերաւ առաջին տանձը անոր սրտուկը նետելու ձեւ մ'ըրաւ. սակայն ճեպպետոյ անոր թեւը բռնելով ըսաւ.

— Մի նետեր, ամէն բան կրնայ օգտակար ըլլալ այս աշխարհիս վրայ:

— Բայց ես սրտուկը երբեք չեմ ուտեր.... զոչեց խամածիկն իժի մը նման ըմբոստանալով:

— Ո՞վ զիտէ: Պատահարները խիստ շատ են.... կրկնեց ճեպպետոյ առանց զայրանալու:

Վերջապէս երեք տանձերու սրտուկները՝ փոխանակ պատուհանէն դուրս նետուելու՝ սեղանին անկիւնը կեղեւներուն քով դրուեցան:

Երեք տանձերը ուտելէն, կամ աւելի շիտակ լափելէն վերջ, Փինոքքիոյ երկար մը յօրանջեց և ըսաւ հեծեծելով.

— Դեռ անօթի եմ:
— Սակայն, տղաս, քեզի տալիք ուրիշ բան չունիմ:

— Իրաւ, ուրիշ բան չունիս:
— Ունեցածներս տանձի այս կեղեւներն ու սրտուկերն են:

— Համբերութիւն, ըսաւ Փինոքքիոյ եթէ ուրիշ բան չկայ, կեղեւ մը կ'ուտեմ:

Ու սկսաւ ծամել: Սկիզբը քիչ մը ծոմոտեց բերանը, բայց յետոյ մէկը միտին ետեւէ բոլոր կեղեւներն ալ անյաճաբար կերաւ. կեղեւներէն վերջ սրտուկները բոլորն ալ կերաւ լմնցուց, բոլորովին գոհ ձեռքերը կուրծքին վրայ զարնելով և խայտալով ըսաւ.

— Հիմայ իրաւցնէ աղէկ եմ:

— Ուրեմն տես, զիտել տուաւ ճեպպետոյ, որ իրաւունք ունէի երբ քեզի կ'ըսէի թէ պէտք չէ վարժիլ՝ ո՛չ շատ զփուլարահաճ, և ո՛չ ալ շատ փակահաճաշակ ըլլալու: Սերելիս չի գիտցուիր երբեք թէ ինչեր կրնան պատահիլ այս աշխարհիս վրայ: Պատահարները շատ են.....:

Գ Լ Ո Ի Խ Ը .

Ճեպպետոյ կրկին կը շինէ Փինոքքիոյ ոտքերը, և իր տառա-
տոկը կը ծախէ անոր ֆերական մը գնելու համար:

Խամաճիկը հազիւ անօթութիւնն անցուցած, սկսաւ
տրտոռալ ու լալ՝ զոյգ մը նոր ոտքեր ուզելով:
Բայց ճեպպետոյ՝ ըրած անառակութիւններուն



... Թողոց որ օրուան կէսը լացով և յուսահատութեամբ անցնէ:

համար զինք պատժել ուզելով, թողոց որ օրուան
կէսը լացով և յուսահատութեամբ անցնէ, յետոյ
ըսաւ անոր.

— Ինչո՞ւ համար քեզի նորէն կրկին ոտքեր
շինեմ. դարձեալ տունէն փախչիլդ տեսնելո՞ւ համար:

— Քեզի կը խոստանամ որ, ըսաւ խամաճիկը
հեկեկալով, այսօրունէ սկսեալ բարի պիտի ըլլամ...:

— Բոլոր տղաքն ալ, կրկնեց ճեպպետոյ երբ
որ և է բան մը ձեռք բերել ուզեն, այսպէս կ'ըսեն:

— Քեզի կը խոստանամ որ դպրոց պիտի եր-
թամ, պիտի սորվիմ ու պատիւ պիտի բերեմ ինծի...:

— Բոլոր տղաքն ալ երբ որ և է բան մը ձեռք
բերել ուզեն, միեւնոյն պատմութիւնը կը կրկնեն:

— Սակայն ես միւս տղոց պէս չեմ: Ես ա-
մենէն աւելի բարի եմ, և միշտ ճշմարտութիւնը կը
խօսիմ: Կը խոստանամ քեզի հայրիկ որ արհեստ մը
պիտի սորվիմ, և թէ քու ձերութեանդ նեցուկն ու
միտիթարութիւն պիտի ըլլամ:

Ճեպպետոյ՝ թէպէտ և բռնաւորի դէմք մ'առած
էր, սակայն և այնպէս իր խեղճ խամաճիկը ցաւալի
կացութեան մէջ տեսնելով՝ կարեկցութենէն սիրտը
փղձկեցաւ ու աչքերն արցունքով լեցուած ուրիշ բան
չըսաւ. ձեռքն առաւ իր արհեստի գործիքները և
լաւ չորցած փայտի երկու կտորներ, ու սկսաւ ա-
մենամեծ խնամքով աշխատիլ:

Չամ մը չանցած ոտքերը շինուած լմնցած էին.
երկու թեթեւաշարժ վտիտ և ջղուտ պզտիկ ոտքեր,
կարծես թէ հանձարեղ արուեստագէտի մը ձեռքէն ելած
էին: Այն ատեն ճեպպետոյ ըսաւ խամաճիկին.

— Աչքերդ գոցէ ու քնացիր:

Փինոքքիոյ աչքերը գոցեց ու քնանալ ձեւացուց:
Անոր քնանալ ձեւացուցած միջոցին ճեպպետոյ հաւ-
կթի կեղեւին մէջ քիչ մը լուծուած սօսինձով երկու
ոտքերն իրենց տեղերը փակցուց, և այնքան լաւ

կերպով՝ զբաւ որ միացուած տեղն իսկ չէր տեսնուեր:

Խամաճիկը հազիւ թէ զգաց որ ոտքերը շինուած են, վար ցատքեց սեղանէն՝ որուն վրայ տարածուած էր, և սկսաւ սրունքին վրայ հազար տեսակ շար-



... սկսաւ սրունքին վրայ հազար տեսակ շարժումներ և ոտտումներ ընել:

ժուճներ և ոտտումներ ընել, կարծես սաստիկ ուրախութենէն խելագարած էր:

— Ինձ ըրած բարիքիդ փոխարինելու համար, ըսաւ Փինտրիոյ հօրը, կ'ուզեմ անմիջապէս դպրոց երթալ:

— Ապրիս տղաս:

— Բայց դպրոց երթալու համար ձեռք մը հագուտի պէտք ունիմ:

Ճեպպետտոյ որ աղքատ մէկն էր, ու զբպանին

մէջ լուճայ մ'իսկ չունէր, ծաղիկներով զարդարուն թղթէ հագուստիկ մը շինեց անոր, ծառի կեղեւէ զոյգ մը մուճակ, և հացի միջուկէ փոքրիկ գտակ մը: Փինտրիոյ շուտ մը վազեց ջրալից կոնքի մը



... և հացի միջուկէ փոքրիկ գտակ մը շինեց:

մօտ, անոր մէջ ինքզինքը տեսնելու համար, և այնքան հաւնեցաւ որ պարծենկոտութեամբ մ'ըսաւ.

— Ճիշդ պարոնի մը կը նմանիմ:

— Իրաւցնէ, կրկնեց ճեպպետտոյ, որովհետեւ միտքդ պահելու ես որ գեղեցիկ հագուստը չէ որ պարոն կ'ընէ զմարդ, այլ մաքուր հագուստը:

— Լաւ միտքս եկաւ աւելցուց խամաճիկը, դպրոց երթալու համար միշտ բան մը կը պակսի ինձ, մանաւանդ ամենէն կարեւորը:

— Այսինքն:

— Քերական չունիմ:

— Իրաւունք ունիս. սակայն այդ գրքին համար ինչ ընելու ենք:

— Շատ դիւրին է. գրավաճառի մը կ'երթանք կը գնենք:

— Հապա դրամը:

— Ես չունիմ:

— Ես ալ չունիմ, վրայ բերաւ բարի ծերուկը տխրելով:

Փինոքքիոյ շատ զուարթ տղայ մ'ըլլալով հանդերձ ինքն ալ տխրեցաւ. որովհետեւ չքաւորութիւնը, երբ իրական թշուառութիւն մըն է՝ գայն ամէնքը, նոյն իսկ տղաքն ալ կը զգան:

— Համբերութիւն, գոչեց ճեպպետտոյ յանկարծ ոտքի ելլելով, և հինցած կարկատուն բամբակէ տառատուկը վրան առած, տնէն դուրս ելաւ վագելով:

Քիչ վերջը դարձաւ, և ձեռքին մէջ ունէր տղուն համար, քերական մը, բայց ալ տառատուկը չկար: Խեղճ մարդուկը շապիկով մնացեր էր, և դուրսը կը ձիւնէր:

— Հայրիկ, հապա տառատուկը:

— Ծախեցի:

— Ինչո՞ւ ծախեցիր:

— Որովհետեւ զիս կը տաքցնէր:

Փինոքքիոյ այս պատասխանին նշանակութիւնը հասկցաւ անմիջապէս և իր բարի սրտին եղանդը չկարենալով զսպել, ճեպպետտոյի վիզը նետուեցաւ, և սկսաւ համբոյրներ տալ անոր երեսին:

Գ Լ Ո Ի Խ Թ .

Փինոքքիոյ կը ծախէ իր Քերականը՝ խամածիկներու թատրոնը երթալու տեսնելու համար:

Չիւնը դադրելուն պէս, Փինոքքիոյ իր աղուոր նորուկ Քերականը թեւին տակը, դէպ ի դպրոց տանող ճամբան բռնեց, ու երթալու ատենը մտքին մէջ կ'երեւակայէր հազար ու մէկ խորհրդածութիւններ և օղային դղեակներ, մէկը միւսէն գեղեղիկ:

Եւ ինքնիրեն խօսելով կ'ըսէր.

— Այսօր դպրոցին մէջ կ'ուզեմ շուտ մը կարգալ սորվիլ. վաղն ալ գրել, և միւս օրն ալ հաշիւներ ընել: Յետոյ իմ ճարպիկութեամբս շատ մը դրամ պիտի վաստըկիմ, և առաջին վաստակովս կ'ուզեմ անմիջապէս ասուեայ գեղեցիկ տառատուկ մը շինել հօրս: Սակայն ասուին ինչ է որ: Կ'ուզեմ ամբողջ ոսկիէ և արծաթէ շինել, աղամանդեայ կոճակներով: Եւ այդ խեղճ մարդը իրաւցնէ արժանի է անոր. որովհետեւ վերջապէս ինծի համար գրքեր գնելու և ուսմունք սորվեցնելու համար շապիկով մը մնաց... այս ցուրտին: Միայն հայրիկներն են՝ որ կարող են ընել այսպիսի զոհողութիւններ...

Մինչ բոլորովին յուզուած այսպէս կը խօսէր, յանկարծ հեռուէն լսեց նուազածութիւն մը սրինգներու և թմբուկի հարուածներու. փի՛, փի՛, փի՛, փի՛, ձում, ձում, ձում, ձում:

Կեցաւ՝ ու սկսաւ մտիկ ընել: Այն ձայները կու գային կողմնակի երկար փողոցէ մը՝ որ դէպ ի փոքրիկ գիւղակ մը կը տանէր, ծովեզերքին վրայ:

— Ի՞նչ է արգեօք այս նուագածուկները: Մեղք որ դպրոց պիտի երթամ, եթէ ոչ...

Ու հոն մնաց վարանոտ: Ամէն պարագայի պէտք էր որոշում մը տալ՝ կամ դպրոց երթալու, և կամ սրինգ լսելու:

— Այսօր սրինգ լսելու կ'երթամ, վաղն ալ դպրոց: Գպրոց երթալու համար միշտ ժամանակ կայ, ըսաւ վերջապէս այդ ստահակը ուսերը թօթուելով:

Ըսելն ու գործադրելը մէկ ըրաւ, և դէպ ի վար կողմնակի փողոցին մէջ մտաւ ու սկսաւ արագօրէն վազել: Որքան կը վազէր, այնքան աւելի որոշ կը լսէր սրինգներու շփնդը ու խոշոր թմբուկին թընդիւնը. փի՛, փի՛, փի՛, փի՛, փի՛, փի՛, ձու՛մ, ձու՛մ, ձու՛մ, ձու՛մ:

Երբոր ինքզինքը գտաւ հրապարակի մը մէջտեղ, ուր բազմութիւնը՝ փայտեայ և հազար տեսակ գոյներով նկարէն կտաւէ ծածկոյթով գոցուած շէնքի մը բոլորտիքը խոնուեր էր:


— Ի՞նչ է այդ խոշոր, շէնքը հարցուց Փինոքքիոյ, գիւղացի պզտիկ տղու մը ուղղելով խօսքը:

— Կարդա՛ ազդատախտակը՝ ու պիտի գիտնաս:

— Սիրով պիտի կարդայի, բայց այսօր կարդալ չեմ գիտեր:

— Ապրին տխմար: Այն անոնն ես կը կարդամ քեզի: Գիտցիր ուրեմն՝ որ այն կըրակի պէս կարմիր գրերով՝ յայտագրին մէջ գրած է. Մե՛ծ քատրոն խամսա՛իկներու...:

- Շատո՞նց է որ սկսած է ներկայացումը:
- Հիմայ կը սկսի:
- Մուտքը ո՞րքան է:
- Չորս փող:
- Փինոքքիոյ որ հետաքրքրութեան տենդէն բռնուած



Կ'ուզես չորս փող տալ ինձ այս նոր քերականիս համար:

էր, մէկդի դնելով ամէն զգուշութիւն, առանց ամբը նալու ըսաւ այն պզտիկ տղուն՝ որուն հետ կը խօսէր.

— Ինձի չորս փող կու տամ մինչեւ վաղը:

— Սիրով կու տայի, պատասխանեց միւսը գանի ծաղրելով, բայց ճիշտ այսօր չեմ կարող տալ:

— Չորս փողի համար հագուստս քեզի կը ծախեմ, յարեց խամսաճիկը:

— Ի՞նչ կ'ուզես որ ընեմ ծաղկազարդ թղթէ հագուստը: Եթէ վրան անձրեւ գալու ըլլայ, ալ կոնակէն հանելու ճար չկայ:

— Կ'ուզէս գնել մուճակներս:

— Անոնք կրակ վառելու համար լաւ են:

— Գտակիր ի՞նչ կը վճարես:

— Իրաւ, փառաւոր սպրանք: Հացի միջուկով շինուած գտակ մը: Անշուշտ մկները գլխուս վրայ կու գան զայն ուտելու:

Փինոքքիոյ փուշի վրայ կեցած էր: Կը մնար վերջին առաջարկ մըն ալ ընել, սակայն քաջութիւն չունէր. կը վարանէր, կը տատամսէր, կը նեղուէր: Վերջապէս ըսաւ.

— Կ'ուզէս չորս փող տալ ինձ այս նոր քերականիս համար:

— Ես տղայ մ'եմ, և երբեք բան չեմ գներ տղոցմէ, պատասխանեց իր փոքրիկ խօսակիցը որ իրմէն աւելի լաւ դատողութիւն ունէր,

— Ես չորս փողի կը գնեմ քերականը, գոչեց հինցած լաթեր վաճառող մը՝ որ խօսակցութեան ներկայ գտնուած էր:

Եւ գիրքը հոն անմիջապէս ծախուեցաւ: Մտածեցէք մէյմը խեղճ ճեպպետտոյ տունը մնացեր էր շապկանց ցուրտէն զողողալով, իր տղուն քերական մը գնելուն համար:

Գ Լ Ո Ի Խ Ժ.

Խամաճիկները կը ճանչնան իրենց եղբայրը Փինոքքիոն, ու ամենամեծ ընդունելութիւն մը կ'ընեն իրեն, բայց յանկարծ գուրս կ'ելլէ խամաճիկ խաղցնող « Հրակուլը » և Փինոքքիոյ գործը գէշ վերջացնելու վտանգի մէջ կ'իյնայ:

Երբ Փինոքքիոյ խամաճիկներու փոքրիկ թատրոնին մէջ մտաւ, բան մը պատահեցաւ որ կէս յեղափոխութիւն մը պատճառեց:

Պէտք է գիտնալ որ թատրոնին վարագոյրը վեր քաշուած և ներկայացումն արդէն սկսած էր:

Տեսարանին վրայ կ'երևէին խայտաբղէտ Հտպիտն ու Խեղկատակը՝ որ իրարու հետ կը կուռէին, և սովորականին պէս վայրկեանէ վայրկեան ապտակներ, գաւազանի հարուածներ փոխանակել կը սպառնային իրարու:


Գետնայարկին վրայ՝ ժողովուրդը բոլորովին ասոնց ուշադիր, սաստիկ կը ինդար բանակոխը լսելով այն երկու խամաճիկներուն՝ որոնք ամէն տեսակ անարգանքի շարժումներն այնքան ճիշդ կերպով կը կատարէին, որ կարծես երկու բանաւոր կենդանիներ և երկու իրական մարդիկ էին:

Երբ յանկարծակի, չեմ գիտեր ինչու, Հտպիտը կը զաղրի խօսելէ, և դէպ ի հանդիսականները դառնալով ու ձեռքովը գետնայարկին խորը բան մը ցուցնելով թատերական ձայնով մը կը սկսի պոռալ.

— Ո՛վ երկնից աստուածներ, կ'երազեմ թէ արթուն եմ: Ու սակայն հոն վարը եղողը Փինոքքիոն է...

— Իրացնէ Փինոքքիոն է, գոչեց խեղկատակը:

— Իրաւ որ ան է, ճշեց արիկին Ռօզաուրա տեսարանին խորէն ծածուկ զիտելով:



... հոն վարը եղողը Փինոքքիոն է:

— Փինոքքիոն է, Փինոքքիոն է, կը գոչեն խմբովին բոլոր խամաճիկները՝ տեսարանին երկու կողմերէն դուրս ցատկուտելով:

— Փինոքքիոն է: Մեր եղբայրը, Փինոքքիոյ: Կեցցէ Փինոքքիոյ...

— Փինոքքիոյ, հո՞ս վերը բովս եկուր, կը գոչէ Հտպիտը, եկուր բու փայտէ եղբայրներուդ թեւերուն մէջ նետուելու:

Այս սիրալիբ հրաւէրը լսելուն պէս, Փինոքքիոյ մէկ ուստումով գետնայարկի խորէն առաջին կարգի

նստարաններուն մէջ գնաց, յետոյ անկից ալ ուրիշ ուստումով մը նուագախմբի տնօրէնին գլխուն, և անկէ ալ ցատկեց թատերաբեմին վրայ:

Անկարելի է նկարագրել անոնց զրկախառնումը, վիզի փաթթուիւնները, բարեկամական կամթումները, ճշմարիտ և անկեղծ եղբայրակցութեան զգուանքները՝ զորս Փինոքքիոյ ընդունեցաւ այն թատերա-բուսական ընկերութեան դերասաններու և դերասանուհիներու խառնաշփոթութեան մէջ:

Յուզիչ էր այս տեսարանը, ըսելիք չկար:


Սակայն հանդիսականները տեսնելով որ ներկայացումը այլ եւս չի շարունակուիր, անհամբերութենէն սկսան պոռչտալ: Ներկայացումը կ'ուզենք, ներկայացո՞ւմը:

Պարապ տեղ շունչ կը հատցնէին, որովհետեւ խամաճիկները փոխանակ ներկայացումը շարունակելու, ազմուկն ու գոռում գոչումը կրկնապատկեցին, և Փինոքքիոյ իրենց ուսերուն վրայ առած՝ յաղթանակաւ թատրոնին առջեւի կանթեղներու լոյսերուն մէջ տարին:

Այդ պահուն դուրս ելաւ խամաճիկ խաղցնողը, խոշոր մարդ մը այնքան տգեղ, որ վրան նայելը վախ կ'ազդէր: Ահաւոր մօրուք մ'ունէր՝ թանաքի պէս սեփ սեւ և այնքան երկար՝ որ կզակէն վար մինչեւ գետին կ'իջնէր, այնպէս որ քալած ատենը ոտքերովը վրան կը կոխկոտէր: Բերանը՝ փուռի նման լայն էր, աչքերը կը նմանէին ներսը լոյս վառուած կարմիր ապակեայ երկու լապտերներու, ձեռքերուն կը շառաչեցնէր խոշոր մտրակ մը որ իրարու փաթթուած օձերէ և աղուէսներու պոչերէ շինուած էր: Խամաճիկ խաղցնողին անակնկալ ե-

րեւոմով ամենուն լեզուն կապուեցաւ. շունչ իսկ
չէին առներ: Նոյն իսկ ճանճի մը թռչիլը կարելի էր
լսել:

Խեղճ խամաճիկները, ըլլայ կին, ըլլայ այր՝ տե-
րեւի պէս կը դողդղային:



Ինչո՞ւ եկար խառնակութիւն ձգելու թատրոնին մէջ,
գոռաց խամաճիկ խաղցնողը....

— Ինչո՞ւ եկար խառնակութիւն ձգելու թատրո-
նին մէջ, գոռաց խամաճիկ խաղցնողը Փինոքքիոյին,
գլխէն սաստիկ պաղ առած մարդակեր ճիւղի խո-
շոր ձայնով մը:

— Հաւատացէք, մեծապատիւ տէր, որ յան-
ցանքն իմա չէր... .

— Բաւական է, այս իրիկուն հաշիւնիս մը
մարքենք:

Ներկայացումը վերջանալուն պէս խամաճիկ
խաղցնողը խոհանոց գնաց ուր ընթրիքի համար կը
պատրաստէր գեղեցիկ խոյ մը՝ որ շամփուրի վրայ
անցուած ծանր ծանր կը դառնար: Եւ որովհետեւ
լաւ մը եփելու և խորովելու համար փայտ կը
պակսէր իրեն, կանչեց Հտպիտն ու խեղկատակը և
ըսաւ անոնց:

— Հոս ինձի բերէք այն խամաճիկը զոր գամին
կապուած պիտի գտնէք: Շատ չոր փայտէ շինուած
կ'երևայ ինձ այդ խամաճիկը, և վստահ եմ որ
կրակը նետուելուն պէս, շատ աղուոր բոց մը պի-
տի տայ խորովածիս:

Հտպիտն ու խեղկատակը նախ վարանեցան. բայց
իրենց տիրոջ սոսկալի նայուածքէն սարսափած՝ հնա-
զանդեցան. ու յետոյ խոհանոց դարձան թեւերնուն
վրայ բերելով խեղճ Փինոքքիոն որ տապալտրկելով՝
ջրէն դուրս մնացած օձաձուկի մը պէս յուսահա-
տօրէն կը ձուար. Հայրիկ, հայրիկ, ազատէ զիս:
Չեմ ուզեր մեռնիլ, ո՛չ, չեմ ուզեր մեռնիլ... .

Գ Լ Ո Ի Խ Ժ Ա .

« Հրակուլը » կը փոնգտայ ու կը ներէ Փինոքքիոյի՝ որ յետոյ մահուընէ կ'ազատէ իր Հտպիտ բարեկամը :

Խամաճիկ խաղցնող « Հրակուլը » (այս էր իր անունը), իրացնէ սարսափելի մարդ մը կ'երեւար, մանաւանդ այն անհեթեթ սեւ մօրուքով՝ որ գոգնոցի մը պէս կը ծածկէր անոր կուրծքն ու սրունքները. սակայն վերջապէս գէշ մարդ մը չէր : Օրինակի համար, երբ տեսաւ իր առջեւ բերուիլը այն խեղճ Փինոքքիոյին՝ որ ամէն կերպով կը կռուէր ճշարով « չեմ ուզեր մեռնիլ, չեմ ուզեր մեռնիլ », սկսաւ անմիջապէս յուզուիլ և կարեկցիլ. և յետ բաւական ատեն ղիմաղրելու, վերջապէս ալ չկրցաւ, և մեծածայն շառաչով մը փոնգտաց :

Այն փոնգտալը լսելուն Հտպիտը՝ որ մինչեւ այն ըոպէին գլուխը կախ և վշտահար կեցած էր լալկան ուռիի մը պէս, բոլորովին զուարթացաւ, և ղէպ ի Փինոքքիոյ ծռելով ցած ձայնով փսփսաց .

— Աչքդ լոյս, եղբայր : Խամաճիկ խաղցնողը փոնգտաց, ասիկայ նշան է որ քեզի համար ի գուլթ շարժած է, և հիմայ ալ ազատ ես :

Որովհետեւ պէտք է գիտնալ որ՝ մինչ միւս բոլոր մարդիկ՝ երբ ո՞ր և է մէկուն հանդէպ կարեկցուած թիւն մը զգան, կամ կու լան և կամ զոնէ աչքեր-

նուն արցունքը սրբել կը ձեւացնեն, ընդհակառակն Հրակուլը ամէն անգամ որ իրացնէ ի գուլթ կը շարժէր, կը փոնգտար : Իր սրտին դիւրազգածութիւնը ուրիշներուն հասկցնելու կերպ մըն ալ աս էր :

Խամաճիկ խաղցնողը փոնգտալէն վերջ շարունակելով դարձեալ իր դաժանութիւնը պոռաց Փինոքքիոյին .

— Վերջացուր լացդ : Քու հեծեծանքներդ հոս սրտիս խորը կսկիծ մը դրին... սաստիկ ցաւ մը կը զգամ որ գրեթէ... հեփշն, հեփշն և երկու... անգամ եւս փոնգտաց :

— Անուշներ, ըսաւ Փինոքքիոյ :

— Շնորհակալ եմ : Հայրդ ու մայրդ ո՞ղջ են, հարցուց Հրակուլը :

— Հայրս, այո՛, բայց մայրս բնաւ չեմ ճանչցած :

— Ո՞վ զիտէ ո՞րքան ցաւ պիտի պատճառէր ձերունի հօրդ, թէ որ հիմայ սա վառ ածուխներուն վրայ նետել տայի գրեզ : Խեղճ ծերունի : Կը կարեկցիմ իրեն... հեփշն, հեփշն, հեփշն, և երեք անգամ եւս փոնգտաց :


— Անուշներ, ըսաւ դարձեալ Փինոքքիոյ :

— Շնորհակալ եմ : Սակայն պէտք է ինձի ալ կարեկցիլ, որովհետեւ ինչպէս որ կը տեսնես, այն խոյր խորովելու համար ալ փայտ չունիմ, և դուն, շիտակն ըսելով, շատ օգտակար պիտի ըլլայիր ինձի այս պարագայիս մէջ : Սակայն հիմայ գուլթս շարժեցաւ և պէտք է համբերել : Ուստի քու տեղը շամփուրին ներքեւ վառելու համար պիտի դնեմ խումբիս խամաճիկներէն մէկը : Հո՛ս, ոստիկաններ :

Այս հրամանին վրայ՝ իրեն ներկայացան երկու փայտէ երկայնահասակ ոստիկաններ՝ չորցած, գլուխ-

նին փայլուն գլխարկներով, ու մերկացած սուրերը ձեռքերնին:

Այն ատեն խամաճիկ խաղցնողը կերկրուն ձայնով մ'ըսաւ.



Հո՛ս բերէք այդ Հտպիտը, լաւ մը կապեցէք....

— Հո՛ս բերէք այդ Հտպիտը, լաւ մը կապեցէք, և յետոյ կրակին վրայ նետեցէք, կ'ուզեմ որ խոյս լաւ մը խորովի:

Երեւակայեցէք խեղճ Հտպիտին վիճակը: Այն.

քան սաստիկ եղաւ իր սարսափը՝ որ սրունքները ծալլուեցան և երեսի վրայ գետին ինկաւ:

Փինոքքիոյ ի տես այն սրտակոտոր տեսարանին, գնաց խամաճիկ խաղցնողին ոտքերուն նետուելու, սաստիկ լալով և իր արցունքներովը թրջելով անոր երկար մօրուքին բոլոր թելերը, պաղատագին սկսաւ ըսել.

— Գթութի՛ն, պարոն Հրակուլ....

— Հոս պարոններ չկան, կրկնեց խստութեամբ խամաճիկ խաղցնողը:

— Գթութի՛ն, պարոն Ասպետ....

— Հոս ասպետներ չկան:

— Գթութի՛ն, պարոն Հրամանատար:

— Հոս հրամանատարներ չկան:

— Գթութի՛ն, Վսեմափայլ տէր....

Իրեն Վսեմափայլ կանչուիլը լսելուն, խամաճիկ խաղցնողը պզտիկցուց ու կլորցուց բերանը, և անմիջապէս աւելի մարդասէր և աւելի քաղցրաբարոյ դառնալով՝ ըսաւ Փինոքքիոյին:

— Լա՛ւ ուրեմն, ինձմէ ի՛նչ կ'ուզես:

— Խեղճ Հտպիտին համար շնորհ կը խնդրեմ....

— Հոս կարելի չէ շնորհ ընել: Քանի որ քեզի խնայեցի, պէտք է որ զանիկա դնել տամ կրակին վրայ, որովհետեւ կ'ուզեմ որ իմ խոյս լաւ խորոված ըլլայ:

— Այս պարագայիս, գոչեց Փինոքքիոյ հպարտօրէն, ոտքի վրայ կանգնելով և իր հացի միջուկէ գտակը մէկզի նետելով, այս պարագայիս կը հասկնամ թէ ինչ է իմ պարտականութիւնս: Յառաջ, պարոն ոստիկաններ: Կապեցէք զիս, և նետեցէք այդ բոցերուն մէջ: Չէ, արդար չէ՝ որ խեղճ Հտպիտը, իմ ճշմարիտ բարեկամս, մեռնի ինձի համար:

Բարձր ձայնով, և դիւցազնական շեշտով արտասանուած այս խօսքերը, լացուցին այդ տեսարանին ներկայ բոլոր խամաճիկները: Ոստիկաններն իսկ, փայտէ ըլլալով հանդերձ, կաթնկեր զանուկներու պէս կու լային:



Արշալոյսը ծագեր էր, և տակաւին կը պարէին:

Հրակուլը, նախ և առաջ անզգայ և անշարժ մնաց սառի կտորի մը պէս. բայց յետոյ կամաց կամաց ինքն ալ սկսաւ յուզուիլ ու փոնգտալ: Չորս հինգ անգամ փոնգտալէ վերջ, խանդաղատանօք բացաւ թեւերը և ըսաւ Փինոքքիոյի.



Փինոքքիոյ վագեց անմիջապէս, և խամաճիկ խաղցնողին մօրուքն է վեր սկիւռի մը պէս մազլցելով գնաց աղուոր համբոյր մը դրողմեց անոր ըթին ծայրը: (Էջ 57):

— Դուն շատ լաւ տղայ մըն ես: Եկուր քովս,
և համբոյր մը տուր ինձի:

Փինոքքիոյ վագեց անմիջապէս, և խամաճիկ
խաղցնողին մօրուքն ի վեր սկիւռի մը պէս մագլցե-
լով գնաց աղուոր համբոյր մը դրոշմեց անոր քթին
ծայրը:

— Ուրեմն ներումը շնորհուեցաւ, հարցուց խեղճ
Հտպիտը մեղմ ձայնով մը՝ որ հազիւ կը լսուէր:

— Ներումը շնորհուեցաւ, պատասխանեց Հրա-
կուլը, յետոյ հառաչելով ու գլուխն երեւցնելով
աւելցուց.

— Համբերութիւն, այս իրիկուան համար պիտի
համակամիմ կէս եփած ուտել խոյր. բայց, ուրիշ
անգամ վայ անոր որ հանդիպի...

Երբ լսուեցաւ եղած շնորհքը, բոլոր խամաճիկ-
ները բեմին վրայ վագեցին, լոյսերն ու աշտանակ-
ներ վառելով, հանդիսաւոր երեկոյթի մը պէս սկսան
ցատքել ու պարել:

Արշալոյսը ծագեր էր, և տակաւին կը պարէին:

Գ Լ Ո Ի Խ Ժ Բ .

Խամաճիկ խաղցնող Հրակուլը հինգ հատ ոսկի դրամ կը նուիրէ Փինոքքիոյի՝ որպէս զի իր հօրը ձեպպետտոյի տանի. և սակայն Փինոքքիոյ կը խաբուի Աղուէսին և կատուէն, և անոնց հետ կ'երթայ:

Հետեւեալ օրը հրակուլը մէկ կողմ կանչեց Փինոքքիոն և հարցուց անոր.

- Հօրդ անունը ի՞նչ է:
- Ձեպպետտոյ:
- Արհեստն ի՞նչ է:
- Աղքատութիւն:
- Շատ կը վաստըղի՞:
- Կը վաստըղի այնչափ որչափ որ պէտք է մեզի, գրպանը բնաւ փող մը չունենալու պայմանաւ: Երեւակայեցէք որ ինձի քերական մը գնելու համար, որպէս զի դպրոց երթամ, պարտաւորուեցաւ ծախել վրան ունեցած մէկ հատիկ վերարկուն. վերարկու մը՝ որ կարկտաններով լեցուած էր:
- Խեղճ մարդ. գրեթէ կը կարեկցիմ իրեն: Ահաւասիկ հինգ հատ ոսկի դրամ: Գնա շուտ տար իրեն ասոնք, և իմ կողմանէս շատ բարեւ ըրէ:

Փինոքքիոյ՝ դիւրին է երեւակայել, հազար անգամ շնորհակալ եղաւ խամաճիկ խաղցնողին. խումբին բոլոր խամաճիկները մէկիկ մէկիկ ողջագուրեց,

նոյնպէս ոստիկանները, և ուրախութենէն ինքիւրմէն դուրս ելած, ճամբայ ելաւ տուն դառնալու համար:

Բայց տակաւին կէս մղոն չէր գացած, երբ ճամբուն վրայ հանդիպեցաւ մէկ ոտքը կաղ Աղուէսի մը, և երկու աչքերը կոյր կատուի մը՝ որ կամաց կամաց կ'երթային իրարու օգնելով, իբրեւ զժբախտութեան ճշմարիտ ընկերներ: Աղուէսը՝ որ կաղ էր, կատուին



Բարի լոյս, Փինոքքիոյ, ըսաւ Աղուէսը, քաղաքավարութեամբ բարեւելով զանի:

վրայ կոթընած կը քալէր. և կատուն՝ որ կոյր էր, կը թողուր որ Աղուէսն իրեն առաջնորդէր:

- Բարի լոյս, Փինոքքիոյ, ըսաւ Աղուէսը, քաղաքավարութեամբ բարեւելով զանի:
- Ի՞նչպէս գիտես անունս, հարցուց խամաճիկը:
- Հայրդ աղէկ կը ճանչնամ:
- Ո՞ւր տեսար զանի:
- Երէկ իր տանը դրան առջեւ տեսայ:

— Ի՞նչ կ'ընէր:

— Շապիկով էր ու ցուրտէն կը դողար:

— Խեղճ Հայրիկ: Բայց եթէ Աստուած կամե-
նայ, այսօրուրնէ անդին ալ պիտի չդողայ:

— Ինչո՞ւ համար:

— Վասն զի մեծ պարոն մ'եղայ:

— Դո՞ւն մեծ պարոն մը, ըսաւ Աղուէսը ու
սկսաւ ծիծաղիլ, կոշտ ու հեզնոտ ծիծաղով մը.
Կատուն ալ կը խնտար, բայց չտեսնուելու համար
առջեւի թաթերով պիտի կը շտկէր:

— Խնտալու բան չկայ, պոռաց Փինոբջիոյ նե-
ղացած: Իրաւ որ կը ցաւիմ բերաննուզ ջրերը
վազցնելուս. ասոր կ'ըսեն ոսկի, եթէ կը հասկնաք,
հինգ հատ պատուական ոսկի դրամներ են:

Եւ Հրակուլէն նուէր ընդունած դրամները դուրս
հանեց: Այդ դրամներուն անուշ ձայնը լսելուն, Ա-
ղուէսը աւամայ շարժումով մը երկարեց սրունքը՝
որ կաղացած կ'երեւար, և Կատուն երկու աչքերը
խոշոր մը բացաւ, որոնք երկու կանաչ լապտերնե-
րու կը նմանէին, և յետոյ շուտով մը գոցեց զանոնք,
այնպէս որ Փինոբջիոյ բան մը չնշմարեց:

— Իսկ հիմայ, հարցուց Աղուէսը, ի՞նչ պիտի
ընես այս դրամները:

— Նախ և առաջ, պատասխանեց խամաճիկը
կ'ուզեմ նոր աղուոր վերարկու մը գնել հայրիկիս
համար, ամբողջ ոսկիէ եւ արծաթէ, ազամանդեայ
կոճակներով. յետոյ կ'ուզեմ քերական մը գնել ինծի
համար:

— Քեզի՞ համար:

— Այո՞, վասն զի կ'ուզեմ դպրոց երթալ, և
լըջօրէն սորվելու սկսիլ:

— Ինծի նայէ՛, ըսաւ Աղուէսը, ես ուսանելու
յիմար փափարիս համար սրունքիս մէկը կորսնցուցի:

— Ինծի նայէ՛, ըսաւ Կատուն, ուսանելու յիմար
փափարիս համար, երկու աչքերուս լոյսը կորսն-
ցուցի:

Նոյն պահուն սպիտակ սարեակ մը՝ որ ճամբու



Կատուն մեծ ոստումով մ'անոր վրայ ցատկեց,
և ոչ իսկ ճիչ մ'արձակելու ժամանակ թողուց

ցանկապատին վրայ թռած էր, իր սովորական
երգը երգեց ըսելով.

— Փինոբջիոյ, չար ընկերներու խրատներուն
մտիկ մի՛ ընէր, եթէ ոչ, կը զղջաս:

Խեղճ սարեակ, ո՛ւր էր թէ ըսած չ'ըլլար: Կա-
տուն մեծ ոստումով մ'անոր վրայ ցատկեց, և ոչ
իսկ ճիչ մ'արձակելու ժամանակ թողուց անոր, փե-
տուրներովը միասին մէկ պատառ ըրաւ, լափեց:

Կերաւ լմնուց, բերանը սրբեց, դարձեալ աչքերը

գոցեց և սկսաւ դարձեալ առաջուան պէս կոյր ձեւանալ:

— Խեղճ սարեակ, ինչո՞ւ անյարմար գէշ կերպով վարուեցար անոր հետը, ըսաւ Փինոբքիոյ Կատուն:

— Անոր դաս մը տալու համար: Այսպէսով ուրիշ անգամ պիտի սորվի ուրիշներուն խօսակցութեան չմիջամտել:

Ճամբուն կէսէն աւելին ըրած էին՝ երբ Աղուէսը մէկէն կանգ առնելով ըսաւ խամաճիկին.

— Կ'ուզե՞ս ոսկի դրամներդ կրկնապատկել:

— Այո՞ր՞նքն:

— Այդ հինգ ողորմելի ոսկի դրամներդ հարիւր, հազար, երկու հազար ընել կ'ուզե՞ս:

— Երանի՛ թէ. և ատոր կե՞րպը:

— Կերպը շատ գիւրիին է: Փոխանակ տունդ դառնալու, հետեընիս պէտք է գաս:

— Չիս ո՞ւր տանիլ կ'ուզէք:

— Ապուշներուն երկիրը:

Փինոբքիոյ քիչ մը խորհելէն վերջ՝ վճռական կերպով ըսաւ.

— Ո՛չ, չեմ ուզեր գալ: Գրեթէ տան մօտ հասած եմ, կ'ուզեմ տուն երթալ ուր հայրիկս ինձի կը սպասէ: Ո՞վ գիտէ խեղճ ձերունին որքան հառաչեց երէկ վերադառնալու չտեսնելով: Չափէն աւելի անառակ տղայ մ'եղայ, և խօսուն ծղրիղն իրաւունք ունէր երբ կ'ըսէր. « Անհնազանդ տղաք աշխարհիս մէջ բարիք չեն կրնար գտնել »: Եւ ես իմ վնասովս խրատուեցայ, որովհետեւ բաւական դժբախտութիւններ եկան գլխուս, երէկ իրիկուն ալ Հրակուլին տունը վտանգի հանդիպեցայ... Պրոր, քանի միտքս կու գայ՝ մագերս կը տնկուին:

— Ուրեմն, ըսաւ Աղուէսը, իրաւ տունդ երթալ կ'ուզես: Գնա՛, եթէ կ'ուզես, վնասը քեզի:

— Վնասը քեզի, կրկնեց Կատուն:

— Աղէկ մտածէ ըսածիս վրայ Փինոբքիոյ, ինչու որ դուն կից մը կու տաս բախտին:

— Բախտին, կրկնեց Կատուն:

— Քու հինգ ոսկի դրամներդ այսօրուընէ մինչեւ վաղը կրնային երկու հազար ըլլալ:

— Երկու հազար, կրկնեց Կատուն:

— Բայց ի՞նչպէս կարելի է որ այնքան շատնան, հարցուց Փինոբքիոյ զարմանքէն բերանը բաց մնացած:

— Քեզի կը բացատրեմ անմիջապէս, ըսաւ Աղուէսը, պէտք է գիտնաս որ Ապուշներուն երկրին մէջ օրհնուած դաշտ մը կայ, որ հրաշքներու դաշտ կը կոչեն ամէնքն ալ: Դուն այն դաշտին մէջ պզտիկ փոս մը կը բանաս, և անոր մէջ կը դնես, օրինակի համար, ոսկի դրամ մը: Յետոյ քիչ մը հողով փոսը կը գոցես. աղբիւրէն երկու դոյլ ջուր բերելով կը ջրես, պտղունց մըն ալ աղ կը նետես վրան, և իրիկունը հանդարտ սրտով անկողին կ'երթաս: Գիշեր ատեն ոսկի դրամը ծիւր կ'արձակէ ու կը ծաղկի, և առաւօտը ծագելուն դաշտ վերադառնալով, ի՞նչ կը գտնես: Կը գտնես գեղեցիկ ծառ մը բեռնաւորուած այնքան ոսկի դրամներով՝ որքան գեղեցիկ հասկ մը կրնայ ցորենի հատիկներ ունենալ յունիս ամսուան մէջ:

— Այդ հաշուով, ըսաւ Փինոբքիոյ միշտ աւելի ապշած, եթէ ես իմ հինգ ոսկի դրամներս թաղեմ այն դաշտին մէջ, հետեւեալ առաւօտ քանի՞ ոսկի դրամ պիտի գտնեմ հոն:

— Շատ դիւրին հաշիւ մ'է, պատասխանեց Աղուէսը, հաշիւ մը՝ որ մատիդ վրան ալ կրնայ ըլլալ:

— Համարէ թէ իւրաքանչիւր ոսկի դրամ հինգ հարիւր ոսկի դրամ պարունակող ողկոյզ մը բերէ քեզի, բազմապատկէ հինգ անգամ՝ հինգ հարիւրը, և հետեւեալ առաւօտ գրպանիդ մէջ կը գտնեսերկու հազար հինգ հարիւր փայլուն և հնչուն ոսկի դրամներ:

— Ո՛հ, ինչ աղուոր բան, գոչեց Փինոքքիոյ, ուրախութենէն ցատքոտելով: Այն ոսկի դրամները ժողվելուս պէս, երկու հազարը ինծի կ'առնեմ և աւելցած հինգ հարիւրը ձեր երկուքին նուէր կ'ընեմ:

— Մեզի նուէ՛ր, գոչեց Աղուէսը զայրանալով և իբր վիրաւորուած ցուցնելով ինքզինքը, Աստուած մի՛ արասցէ:

— Աստուած չընէ, կրկնեց կատուն:

— Մենք՝ խօսք առաւ Աղուէսը, անարգ շահու համար չէ որ կը գործենք. մենք կ'աշխատինք հարստացնելու համար ուրիշները:

— Ուրիշները, կրկնեց կատուն:

— Ինչ պատուական մարդիկ, խորհեցաւ ինքն իրեն Փինոքքիոյ. և վայրկենաբար մոռնալով հայրը, նոր վերարկուն, այրբենարանը, և ունեցած բոլոր բարի առաջադրութիւնները, ըսաւ Աղուէսին և կատունին. Երթանք, ես ալ հետերնիդ կու գամ:



Գ Լ Ո Ի Խ Ժ Գ .

«Կարմիր խեչափառ»ին պանդոկը:

Քալէ՛, քալէ՛, քալէ՛, վերջապէս իրիկուան դէմ սաստիկ յոգնած հասան Կարմիր խեչափառին ճաշարանը:

— Հոս քիչ մը կանգ առնենք, ըսաւ Աղուէսը, գոնէ պատառ մը բան ուտելու և քանի մը ժամ հանգչելու համար: Կէս գիշերին կրկին կը մեկնինք վաղը արշալոյսին հրաշքներու դաշտը հասնելու համար:

Պանդոկ մտնելուն պէս երեքն ալ սեղան նստան. բայց անոնցմէ ոչ մէկը ախորժակ ունէր:

Խեղճ կատուն, զգալով որ ստամոքսը սաստիկ անհանգիստ է ուրիշ բան չկրցաւ ուտել, բայց միայն ոսկեխնձորի համեմունքով պատրաստուած երեսունըհինգ արքայաձուկ, և չորս բաժին փարմացիներուն ռճով եփած խաշ. և իբր թէ խաշը ըստ բաւականին լաւ համեմուած չըլլար, երեք անգամ կարագ և քերուած պանիր ուզեց:

Աղուէսն ալ պիտի ուզէր որ և է բան մ'ուտել ախորժով, բայց որովհետեւ բժիշկը խիստ ծոմ պատուիրած էր, ստիպուեցաւ զոհանալ պարզապէս խոշոր և քաղցրահամ նապաստակով մը, որուն մաս կը կազմէին պարարտ վառեակներ և մէկ նորահաս

աքաղաղ : Նապաստակէն վերջը իբրեւ ախորժակ բացող բան մը, ան բերել տուաւ կաքաւի, ճագարի, գորտի, մողեզի տապկածներ, և դրախտախաղող, վերջը ալ ուրիշ բան չուզեց :

— Այնքան զգուանք կը զգամ կերակուրէ, կ'ըսէր Աղուէսը, որ բերնիս բան մը չեմ կրնար մտեցնել :



Ամենէն քիչ կերողն եղաւ Փինոքքիոյ :

Ամենէն քիչ կերողն եղաւ Փինոքքիոյ : Պճեղ մ'ընկոյզ և չոր հացի կտոր մ'ուզեց, և ամէն բան պնակին մէջ թողուց : Խեղճ տղեկը, միտքը շարունակ հրաշքներու դաշտին վրայ սեւեռած, ոսկի դրամներու կանխիկ անմարսութիւն մ'ունեցած էր :

Երբ ընթրիքը վերջացուցին, Աղուէսն ըսաւ պանդոկապետին .

— Երկու լաւ սենեակներ տուր մեզի, հատ մը պարոն Փինոքքիոյի, ուրիշ մ'ալ ինձի և ընկերիս համար : Մեկնելէ առաջ թեթեւ բան մը պիտի առնենք : Սակայն գիտցի՛ր՝ որ կէս գիշերին կ'ուզենք արթննալ ճամբորդութիւննիս շարունակելու համար :

— Շատ լաւ, պարոններ, պատասխանեց պանդոկապետը, և աչքով նշան մ'ըրաւ Աղուէսին և կատուին, ըսել ուզելով. « Միտքերնիդ հասկցայ, զիտեմ ընելիքս »... :

Փինոքքիոյ հազիւ անկողին մտաւ անմիջապէս քնացաւ, ու սկսաւ երազել : Ու երազին մէջ իրեն այնպէս կ'երեւար թէ դաշտի մը մէջն էր, և այս դաշտը լեցուն էր ողկուզալից թուփերով, և այդ ողկոյղներէն ոսկի դրամներ կախուած էին որոնք հովէն երերալով ձայն կը հանէին, զի՛ն, զի՛ն, զի՛ն, իբր թէ ըսել ուզէին. « Ո՛վ որ մեզ կ'ուզէ, թող գայ առնէ » : Բայց երբ Փինոքքիոյ ամենագեղեցիկ կէտին վրայ էր, այսինքն երբ ձեռքն երկնցուց այն աղուոր դրամներէն բուռ մ'առնելու և գրպանը դնելու, յանկարծ արթնցաւ սենեկին դրան զարնուած երեք սաստիկ հարուածներէն : Պանդոկապետն էր՝ որ եկած էր ըսելու թէ կէս գիշեր է :

— Ընկերներս պատրաստ են, հարցուց անոր խամաճիկը :

— Պատրաստն ալ խօսք է. երկու ժամ կ'ընէ որ արդէն մեկնած են :

— Ինչո՞ւ այնքան աճապարանք :

— Որովհետեւ կատուն պատգամաւորութիւն մ'ընդունեցաւ, վասն զի իր մեծ ձագը ոտքերուն վրայ ձմեռնուկի հիւանդութիւն ունենալով՝ կեանքը վտանգի մէջ է եղեր :

— Ընթրիքը վճարեցին:

— Ի՞նչ կ'ըսէք: Անոնք շատ կըթուած մարդիկ են, չէին կընար ձեր մեծապատուութեան դէմ այնպիսի նախատինք մ'ընել:

— Մե՛ղք: Այս նախատինքն ինձի շատ հաճոյք



Պանդոկապետն էր՝ որ եկած էր ըսելու թէ կէս գիշեր է:

պիտի պատճառէր, ըսաւ Փինոքքիոյ գլուխը քերելով: Յետոյ հարցուց.

— Եւ այն ազնիւ բարեկամներն ըսին թէ ո՛ւր պիտի սպասեն ինձի:

— Հրաջներու դաշտին մէջ՝ առտու, արեւծագին:

Փինոքքիոյ ոսկի մը վճարեց ընկերներուն և իր ընթրիքին համար և յետոյ մեկնեցաւ:

Սակայն պէտք է ըսել թէ խարխափելով գնաց, որովհետեւ պանդոկէն դուրս այնքան սաստիկ մուժ էր, որ քայլ մ'անդին չէր տեսնուեր: Գիւղին մէջն ու շուրջը տերեւի մը շէնջիւնն իսկ չէր լսուէր: Միայն քանի մը զիշերային վայրի թռչուններ, ճամբուն մէկ ցանկապատէն միւսն անցնելու ատեն կու գային Փինոքքիոյի քիւն զարնուելու. խեղճը վախէն դէպ ի ետեւ ցատքելով կը պոռար. Ո՞վ կայ հոն: Եւ շրջակայ բլուրները արծագանգը կը կրկնէին հեռուէն. Ո՞վ կայ հոն, ո՞վ կայ հոն, ո՞վ կայ հոն:

Սակայն երթալու ատեն, ան ծառի մը կոճղին վրայ տեսաւ փոքրիկ միջատ մը՝ որ տոբոյն և անթափանց լուսով մը կը փալփէր, ինչպէս գիշերուան ճրագ մը ճինապակեայ թափանցիկ կանթեղի մը մէջ:

— Դուն ո՞վ ես, հարցուց անոր Փինոքքիոյ:

— Խօսուն ծղրիղին ստուերն եմ, պատասխանեց փոքրիկ միջատը, հազիւ լսելի կերկերուն ձայնով մը, որ կարծես անդիւ աշխարհէն կու գար:

— Ինձմէ ի՞նչ կ'ուզես, ըսաւ խամաճիկը:

— Կ'ուզեմ քեզի խրատ մը տալ: Ե՛տ դարձիր, ու քովդ մնացած այն չորս ոսկի դրամները տար հորդ տուր՝ որ յուսահատ նստեր կու լայ ա՛լ քեզ չտեսնելուն համար:

— Վաղը իմ հայրիկս մեծ պարոն մը պիտի ըլլայ, որովհետեւ այս չորս ոսկիները երկու հազարի պիտի փոխուին:

— Մի՛ վստահիր տղաս անոնց՝ որ առտուընէ իրիկուն կը խոստանան զքեզ հարստացնել: Սովորաբար այդպիսիները կամ խենդ են և կամ խարերայ: Ինձի մտիկ ըրէ, ետ դարձիր:

— Ու ես ընդհակառակն կ'ուզեմ առաջ երթալ:

— Ժամը ուշ է...

— Կ'ուզեմ առաջ երթալ:

— Մութ գիշեր է...

— Կ'ուզեմ առաջ երթալ:


— Ճամբան վտանգաւոր է...

— Կ'ուզեմ առաջ երթալ:

— Յիշէ ուրեմն, այն տղաքը որ իրենց քմահաճոյքը կ'ուզեն կատարել իրենց խելքին համեմատ, շուտ կամ ուշ կը զղջան:

— Սովորական շաղփաղփութիւններ: Գիշեր բարի, Ծղրիդ:

— Գիշեր բարի Փինոքքիոյ, թող Աստուած ազատ պահէ զքեզ ցողէն և աւազակներէ: Հագիւ ըսեր էր այս վերջին խօսքերը, խօսուն Ծղրիդը՝ յանկարծ մարեցաւ, ինչպէս փչելով կը մարի ճրագ մը, ու ճամբան առաջուրնէ աւելի մթնցաւ:



Գ Լ Ո Ի Խ Ժ Գ .

Փինոքքիոյ խօսուն Ծղրիդի խրատը մտիկ չընելուն համար, աւազակներու կը հանդիպի:

— Իրաւցնէ... ըսաւ ինքնիրեն խամաճիկը ճամբան շարունակելով, ինչպէս դժբախտ ենք մենք՝ խեղճ տղաքս: Ամէնքն ալ կը յանդիմանեն զմեզ, կ'ազդարարեն, ու խրատներ կուտան: Եթէ թողունք որ ըսեն՝ ամենքն ալ մտքերնին պիտի դնեն մեր հայրերը ու վարժապետներն ըլլալ, ամենքն ալ, նոյն իսկ խօսուն ծղրիդներն ալ: Ահաւասիկ, որովհետեւ չուզեցի այդ ձանձրացուցիչ ծղրիդին մտիկ ընել, իրեն նայելով՝ ո՞վ գիտէ ո՞րքան դժբախտութիւններ պէտք էին զալ գլխուս: Նոյն իսկ աւազակներո՞ւ պէտք էի հանդիպիլ: Աղէկ որ չեմ հաւատար թէ աւազակներ կան, և երբեք ալ հաւատացած չեմ: Անշուշտ աւազակները մեր հայրերէն հնարուած բաներ են, գիշերը դուրս ելլել ուզող տղաքը վախցնելու համար: Եւ յետոյ, եթէ նոյն իսկ հոս ճամբուս վրայ գտնեմ զանոնք, միթէ վա՞խ պիտի ազդեն ինձի: Բնաւ երբեք անոնց դէմ կ'ելլեմ երեսնուն պոռալով. «Պարոն աւազակներ, ի՞նչ կ'ուզէք ինձմէ: Յիշեցէ՛ք որ ինձի հետ կատակ չ'ըլլար: Ուրեմն գործերնուդ զացէք ու լռեցէ՛ք»: Այս խօսքերը երբ լրջօրէն ըսուին, այն խեղճ մարդասպանները, զորոնք կարծես թէ

կը տեսնեմ, հովի պէս ասողին անդին պիտի փախչին: Խոկ այդ պարագային որ շատ անկիրթ ըլլան ու փախչիլ չուզեն, այն ատեն ես կը փախչիմ, և այսպէս ինդիրը կը վերջանայ....

Սակայն Փինոքքիոյ չկրցաւ վերջացնել իր պատճառաբանութիւնը, երբ նոյն վայրկենին իր ետեւ տեբեւներուն մէջ թեթեւ շէնջիւն մը լսել կարծեց:

Դարձաւ նայելու, և մութին մէջ երկու սեւ տգեղ դէմքեր տեսաւ, ածուխի պարկերու մէջ բռնուրովին ծածկուած, և որոնք ոտքերնուն ծայրին վրայ՝ ցատքելով իր ետեւէն կը վազէին, երկու ուրուականներու պէս:

— Իրաւցնէ անոնք են, ըսաւ ինքնիրեն, և չորս դրամները ո՛ւր պահելը չգիտնալով, բերնին մէջ պահեց զանոնք, ճիշդ լեզուին տակը:

Յետոյ փորձեց փախչիլ: Բայց տակաւին առաջին քայլը առած չէր, երբ զգաց թեւերէն ուժով մը բռնուիլը, և երկու անոնք և խոռոչային ձայներ լսեց՝ որ իրեն կ'ըսէին.

— Կամ քսակդ կամ կեանքդ:

Փինոքքիոյ բերնին մէջ դրամները պահած ըլլալուն, բռնուրով պատասխանել չկարենալով հազար խորին մեծարանքներ և մնջկատակութիւններ ըրաւ միտքը հասկցնելու համար այն երկու կնզղատրեւրուն՝ որոնց աչքերը միայն կը տեսնուէին պարկերու ծակերուն մէջէն, թէ ինքը խեղճ խամաճիկ մ'էր, թէ գրպանին մէջ կեզ լի փող մ'անգամ չուներ:

— Շո՛ւտ, շո՛ւտ, քիչ խօսէ ու դուրս հանէ դրամները, պողոցին սպառնալով երկու աւազակները:

Ու խամաճիկը գլխով ու ձեռքերով նշաններ կ'ընէր ըսելու համար թէ՛ « չունիմ »:

— Դուրս հանէ դրամները, ապա թէ ոչ կը սպաննենք զքեզ, ըսաւ այն աւազակը որ հասակաւ աւելի բարձր էր:

— Կը սպաննենք, կրկնեց միւսը:

— Եւ քեզ սպաննելէ վերջ պիտի սպաննենք նաեւ հայրդ:

— Ո՛չ, ո՛չ, ո՛չ, իմ խեղճ հայրիկս, ո՛չ. գոչեց



.... երբ զգաց թեւերէն ուժով մը բռնուիլը

Փինոքքիոյ յուսահատ շեշտով մը. սակայն այսպէս պողոցած ատեն, ոսկի դրամները բերնին մէջ հնչեցին:

— Վայ խաբեբայ, ուրեմն դրամները լեզուիդ տակը պահած էիր: Դուրս հանէ բերնէդ անմիջապէս: Փինոքքիոյ յամառեցաւ:

— Վայ, խո՛ւլ կը ձեւանաս: Ի՛նչ մը սպասէ դու, մենք գիտենք զանոնք քեզի դուրս թքնել տալու կերպը:

Իրաւ ալ անոնցմէ մին խամաճիկին քթին ծայրէն բռնեց ամուր մը, միւսն ալ անոր դուրս ցցուած

ծնօտէն, ու մէկն ասդիէն միւսն անդիէն սկսան բրտօրէն քաշել՝ բռնադատելու համար զինքը՝ որպէս զի լայն մը բանայ բերանը: Սակայն անհնարին եղաւ: Խամաճիկին բերանը կարծես գամուած ու գամին ծայրն ալ դարձուած էր:

Այն ատեն աւելի փոքրահասակը խոշոր դանակ մը դուրս հանելով, լծակի մը կամ դուրի մը պէս անոր շրթունքներուն մէջտեղ հաստատել փորձեց. բայց Փինոքքիոյ փայլակի նման արագ ակոսանքուն մէջ առաւ անոր ձեռքը, ու մէկ խածնելով գայն ամբողջովին փրցնելէ վերջ՝ բերնէն դուրս թքաւ. և երեւակայեցէք իր զարմանքը երբ տեսաւ որ՝ փոխանակ ձեռքի, կատուի թաթ մը դուրս նետած էր բերնէն գետնին վրայ:

Այս առաջին յաղթութենէն քաջալերուած, բըռնութեամբ ինքզինքն ազատեց մարդասպաններուն ճիրաններէն, եւ ճամբուն ցանկապատին վրայէն ցատկելով, սկսաւ դաշտերու մէջէն փախչիլ: Մարդասպաններն ալ անոր ետեւէն՝ նապաստակի մը ետեւէն վազող երկու շուներու պէս. և անիկայ որ մէկ թաթը կորսնցուցած էր՝ մէկ հատով միայն կը վազէր, և չես գիտեր թէ ինչպէս:

Տասնըհինգ մղոն վազքէ մը վերջ՝ Փինոքքիոյ ալ կարողութիւն չունէր: Եւ տեսնելով որ ալ կորսուած է, խիստ բարձր շոճի մը բունէն վեր մազլցելով անոր ճիւղերուն ծայրը ելաւ նստեցաւ: Աւազակները իրենք ալ փորձեցին մազլցելով վեր ելլել, բայց բունին կէսը հազիւ թէ հասան՝ սահեցան վար, ու գետին իյնալով ոտքերնին ու ձեռքերնին սկրթուեցան:

Ասոր համար սակայն չյուսահատեցան. ընդ-

հակառակն չոր փայտերու խուրձ մը ժողովելով շոճիին բունին տակը, կրակ տուին անոր: Ակնթարթի մը մէջ շոճին սկսաւ վառիլ, և հովէն շարժող ճրագի մը պէս բորբոքիլ: Փինոքքիոյ տեսնելով որ բոցերը միշտ աւելի վեր կ'ելլէին, և չուզելով խորոված աղանիի մը վերջն ունենալ, ոստում մ'ըբաւ ծառին կատարէն և նորէն սկսաւ արտերուն ու այգիներուն մէջէն սաստիկ վազել: Ու աւազակներն ալ ետեւէն, շարունակ ետեւէն՝ առանց բնաւ յոգնելու: Սակայն օրը կ'երեկոյանար և անոնք միշտ կը վազէին իրարու ետեւէն, և Փինոքքիոյ յանկարծ իր անցքը գոցուած գտաւ լայն և խորունկ փոսով մը՝ որ սրճախառն կաթի գոյնով աղտոտ տղմոտ ջրով լեցուն էր: Ի՞նչ ընէր: «Մէկ, երկու, երեք», պոռաց խամաճիկը, և ուժգին ոստումով ցատքեց միւս կողմը: Աւազակներն ալ ցատքեցին, բայց չափը ճիշդ չկրնալով առնել, փարսարակ... ինկան փոսին ճիշդ մէջտեղը: Փինոքքիոյ որ լսած էր իյնալու ձայնը և ջուրին ցայտուքը, խնդալով և վազքը շարունակելով պոռաց.

— Անոյ՛ք բաղնիք, պարոն աւազակներ:

Եւ արդէն խեղդուած կը կարծէր զանոնք, երբ ընդհակառակն ետ դարձաւ նայելու, տեսաւ որ երկուքը միասին ետեւէն կը վազէին, միշտ զուրնին ծածկած իրենց պարկերուն մէջ, վրաններնէն ջուր կաթելով երկու անյատակ սակառներու պէս:



Գ Լ Ո Ի Խ Ժ Ե .

Աւագակները կը հետապնդեն Փինոքքիոն, և անոր հասնելով՝ մեծ կաղնիի մը ճիւղէն կը կախեն զինքը:

Այն ատեն խամաճիկը ճարահատ արիութիւնը կորսնցնելով, գետին իյնալու և անձնատուր ըլլալու վրայ էր՝ երբ նայուածքը չորս կողմը դարձնելով՝ տեսաւ ծառերուն մութ կանաչին մէջ հեռուն ձեան պէս փայլող սպիտակ տուն մը:

— Եթէ մինչեւ այն տունը հասնելու շունչ ունենամ, թերեւս կ'ազատիմ, ըսաւ ինքնիրեն:

Եւ առանց վայրկեան մը կորսնցնելու սկսաւ նորէն անընդհատ վազքը անտառին մէջէն: Աւագակներն ալ միշտ ետեւէն:

Գրեթէ երկու ժամ յուսահատ վազքէ մը յետոյ, վերջապէս բոլորովին շնչասպառ, հասաւ այն տընակին քով ու դուռը զարկաւ:

Ոչ մէկը պատասխանեց:

Կրկին ուժով ուժով զարկաւ, որովհետեւ զինքը հալածողներուն քայլերուն աղմուկը և տազնապալից շնչառութիւնը կը լսէր:

Մի և նոյն լուսնիւնը:

Տեսնելով որ դրան զարնելը ոչ մէկ օգուտ ունէր, յուսահատութենէն սկսաւ կիցեր տալ դրան: Այն ատեն պատուհանէն գլուխը դուրս հանեց գե-

ղեցիկ աղջիկ մը, կապոյտ մագերով, մոմի պէս սպիտակ դէմքով, աչքերը գոց ու ձեռքերը խաչածեւ կուրծքին վրայ դրած, և առանց երբեք շրթունքը շարժելու, ըսաւ ձայնով մը՝ որ կարծես անդիի աշխարհէն կու գար:

— Այս տան մէջ մարդ չկայ. ամենքն ալ մեռած են:

— Գոնէ դուն դուռը բաց ինձի, պոռայ Փինոքքիոյ լալով ու պաղատելով:

— Ես ալ մեռած եմ:

— Մեռած. հապա հոտ պատուհանը ի՞նչ կ'ընես:

— Կը սպասեմ դագաղին՝ որ գայ զիս տանելու:

Պզտիկ աղջիկը ասոնք ըսելուն պէս աներեւոյթ եղաւ, ու պատուհանը առանց աղմուկի կրկին գոցուեցաւ:

— Ո՛վ կապոյտ մագերով գեղեցիկ աղջիկ, կը պոռար Փինոքքիոյ, Աստուծոյ սիրուն, դուռը բաց: Գութ ունեցիր խեղճ տղու մը վրայ որ հալածուած է աւագակ...:

Բայց խօսքը չկրցաւ լմնցնել, որովհետեւ զգաց որ վզէն կը սեղմեն, և լսուեցան երկու սովորական խոպոտ ձայները՝ որ սպառնալով կը մրմոսային իրեն:

— Ա՛լ ձեռքերնէս չես ազատիր:

Խամաճիկը իր աչքին առջեւ տեսնելով մօտալուս մահը, այնքան սաստիկ սարսուռէ մը բռնուեցաւ՝ որ դողալու ժամանակ փայտէ սրունքներուն յօդուածները ձայն կը հանէին, ինչպէս նաև լեզուին տակը պահուած չորս ոսկիները:

— Ուրեմն, հարցուցին իրեն աւագակները, բերանդ պիտի բանաս թէ ո՛չ: Հա՛, չե՛ս պատասխաներ... Ընելիքնիս զիտենք. այս անգամ մենք բանալ կու տանք...:

Եւ դուրս հանելով երկու երկար խոշոր դանակներ ածելիի պէս սուր... երկու հարուած իջեցուցին անոր մէջքին:

Սակայն խամաճիկը բարեբախտաբար ամենակարծր փայտէ շինուած ըլլալով դանակները կոտորեցան հազար կտոր եղան, և աւազակները՝ դանակներուն կոթերը միայն ձեռքերնուն մէջ տեսնելով, սկսան իրարու երես նայիլ:

— Հասկցայ, ըսաւ այն ատեն անոնցմէ մէկը, պէտք է կախել զանիկա: Կախենք:

— Կախենք, կրկնեց միւսը:

Ըսին ու մէկէն ի գործ դրին, ձեռքերը ետին կապեցին, և խեղդանի հանգոյցն անցնելով անոր կոկորդին շուրջը, զանի կախեցին խոշոր ծառի մը ճիւղէն որ մեծ կաղնի կ'ըսուէր: Յետոյ զալարին վրայ նստան հանգչելու, սպասելով որ խամաճիկը սրունքներու վերջին շարժումն ընէ: Սակայն երեք ժամ անցած էր և խամաճիկին աչքերը միշտ բաց էին, բերանը գոց և սրունքները միշտ կը շարժէր:

Վերջապէս սպասելէ ձանձրացած՝ դարձան Փինոքքիոյի և բարձրաձայն ծիծաղելով ըսին անոր.

— Մնաս բարով, վաղը կը տեսնուինք: Երբ վաղը հոս դառնալու ըլլանք, կը յուսանք որ մեռած և բերանդ խոշոր բացած ըլլալու ազնուութիւնը պիտի ընես մեզի:

Ու ելան գնացին:

Նոյն միջոցին հիւսիսային սաստիկ հով մ'ելած էր՝ որ կատաղաբար մռնչելով ու փչելով ասղին անդին կը զարնէր խեղճ կախուածը, հանդիսապէս հնչող զանգակի մը լեզուակին պէս երերցնելով.



.... խամաճիկին աչքերը միշտ բաց էին, բերանը գոց և սրունքները միշտ կը շարժէր:


և այն երեքումը ամենասաստիկ ցաւեր կը պատճառէր իրեն, և չուանին հանգոյցը միշտ աւելի սեղմելով կոկորդը, շունչը կը կտրէր:

Կամաց կամաց աչքերը կը մթննային, և թէպէտ կը զգար որ մահը կը մօտենար, այսու հանդերձ միշտ կը յուսար որ վայրկենէ վայրկեան գթասիրտ մէկը պիտի հանդիպէր հոն իրեն օգնելու համար:

Բայց ե՞րբ, սպասէ ու սպասէ. տեսաւ որ մէկը չերեւնար, բնաւ ոչ ոք, այն ատեն միտքն ինկաւ իր խեղճ հայրիկը... ու գրեթէ հոգեվարք վիճակի մէջ կակազեց.

— Ո՛հ հայրիկս, եթէ հոս ըլլայիր...

Եւ ուրիշ բան ըսելու շունչ չունեցաւ: Աչքերը փակեց, բերանը բացաւ, սրունքներն երկնցուց, և սաստիկ ցնցում մը տալէ վերջ հոն կարկամած մնաց:



Գ Լ Ո Ի Խ Ժ Զ .

Կապոյտ մագերով գեղանի աղջիկը այն տեղէն վերցնել կու տայ խամաճիկը. անկողին կը դնէ զանի, և երեք բժիշկ կը կանչէ գիտնալու համար թէ՛ ողջ է թէ՛ մեռած:

Այն պահուն որ խեղճ փինոքը իրոն՝ աւազակներէն մեծ կաղնիի ճիւղին կախուած՝ աւելի մեռած կը թուէր քան կենդանի, կապոյտ մագերով գեղեցիկ Աղջիկը դարձեալ պատուհանը երեւցաւ, ու գութը շարժեցաւ տեսնելով այն դժբախտը՝ որ վզէն կախուած սաստկաշունչ հովին կը պարէր անդադար, երեք անգամ ձեռքերն իրարու զարկաւ, ու երեք թեթեւ հարուածներ տուաւ:

Այս ազդանշանին թռչուններու թեւերու՝ մեծ աղմուկ մը լսուեցաւ որոնք սաստիկ շտապաւ կը թռչէին, և խոշոր բազէ մ'եկաւ կեցաւ պատուհանի քարին վրայ:

— Ի՞նչ կը հրամայէք, իմ սիրուն Պարիկս, ըսաւ բազէն կտուցը խոնարհեցնելով ի նշան յարգանաց. որովհետեւ պէտք է գիտնալ որ կապոյտ մագերով Աղջիկը, ուրիշ մէկը չէր վերջապէս, եթէ ոչ ամենաբարի Պարիկ մը՝ որ հազար տարիէն աւելի էր որ այն անտառին շրջակաները կը բնակէր:

— Այն մեծ կաղնիին ճիւղէն կախուած խամաճիկը կը տեսնես:

— Կը տեսնեմ, այո՛:

— Լաւ ուրեմն. հոն վարը թռի՛ր անմիջապէս, և քու զօրաւոր կտուցովդ փրցուր զինքը օղին մէջ բռնող հանգոյցը, և կաղնիի բունին տակ մարգագետնին վրայ փափուկ կերպով պառկեցուր զինքը:



Բազէն թռաւ գնաց, ու երկու վայրկեան վերջը դարձաւ ըսելով.

— Ինչ որ ինձի հրամայեցիք՝ կատարեցի:

— Ինչպէս գտար զինք, մեռած թէ ողջ:

— Երեսը որ նայելու ըլլաս՝ մեռած կ'երեւայ, սակայն տակաին մեռած ըլլալու չէ, վասն զի հազիւ թէ

քակեցի չուանին հանգոյցը՝ որ կոկորդը կը սեղմէր, հառաչանք մ'արձակեց տկար ձայնով մը թոթովելով. « հիմա լաւ կը զգամ ինքզինքս... »:

Այն ատեն Պարիկը ձեռքերը երկու անգամ թեթեւ կերպով իրար զարկաւ, և երեւցաւ հրաշալի



... խոշոր բազէ մ'եկաւ կեցաւ պատուհանի քարին վրայ:

մօրուքաւոր շուն մը՝ որ ետեւի ոտքերուն վրայ կայնած կը քալէր, ձիշդ մարդու մը պէս:

Մօրուքաւոր շունը կառապանի զարդարուն նշանազեեստը հագած էր: Գլուխը դրած էր եռանկիւն գլխարկ մը ոսկի դրէզով պատած, խարտեաշ կեղծամ մը խոպոպներով՝ որ պարանոցէն վար կ'իջնէին, վերարկու մը կոլոհատի գոյն, աղամանդեայ կոճակներով և երկու խոշոր գրպաններով մէջը դնելու համար ոսկորները՝ զորս տանտիկինը իրեն կը նուիրէր, մութ կարմիր գոյնով կարճ տաբատ մը, մետաքսէ գուրպաններ, կիսաբաց պզտի մուճակներ, և ետեւէն կը կախուէր փայլուն կապոյտ գոյնով հովանոցի պէս ծածկոյթ մը անձրեւի ատեն պոչը մէջը դնելու համար:


— Օ՛ն քեզ տեսնեմ, Մետորոյ, ըսաւ Պարիկը մօրուեղ շան: Ետևով լծէ ախոռիս մէջ ունեցած էն գեղեցիկ կառքը, և անտառին ճամբան բռնէ: Երբ խոշոր կաղնիին տակը հասնիս, մարգագետնին վրայ տարածուած պիտի գտնես խեղճ խամաճիկ մը կիսամեռ: Զգուշութեամբ վերցուր զինքը, և կառքին բարձերուն վրայ տեղաւորէ նոյն զգուշութեամբ, և հոս ինձի բեր: Հասկցա՛ր:

Մօրուեղ շունը, ցուցնելու համար թէ հասկցած էր, երեք չորս անգամ շարժեց փայլուն կապոյտ ծածկոյթը որ ետեւէն կախուած ունէր, և մեկնեցաւ ձեպընթաց ձիու մը պէս:

Քիչ վերջը տեսնուեցաւ օղին գոյնով գեղեցիկ կիսակառք մը որ ախոռէն դուրս կ'ելլէր, ամբողջովին դեղձանիկի փետուրներով զարդարուած, ու ներսէն աստառուած փրփրուն սերով և սավոյեան խիւտով: Կառքը կը քաշէին հարիւր գոյգ սպիտակ

փոքրիկ մկներ, և մօրուեղ շունը կառավարի նստա-
րանին վրայ նստած մտրակը աջ ու ձախ կը շառա-
չեցնէր հապճեպով ուշ մնացած կառավարի մը պէս:

Քառորդ ժամ անցած չէր տակաւին՝ երբ կառքը
վերադարձաւ, և Պարիկը՝ որ տանը դրան առջեւ կը
սպասէր, թեւերուն վրայ առաւ խեղճ խամաճիկը, և



... Մօրուեղ շունը մեկնեցաւ ձեպընթաց ձիու մը պէս:

խցիկի մը մէջ տանելով որուն պատերը սատափէ
էին, մարդ զրկեց շուտով կանչելու համար զրացի
ամենէն հոչակաւոր բժիշկները: Բժիշկները՝ մին
միւսին ետեւէ եկան անմիջապէս. այսինքն եկաւ,
Ագոաւ մը, Բու մը և խօստուն — Ծղըրիդ մը:

— Կ'ուզէի գիտնալ ձեզմէ պարոններ, ըսաւ
Պարիկը խօսքը ուղղելով երեք բժիշկներուն, որոնք
Փինոքքիոյի անկողնին շուրջը խմբուած էին, կը
փափաքէի գիտնալ ձեզմէ պարոններ՝ որ այս դժբախտ
խամաճիկը մեռած է թէ ողջ է...

Այս հրակէրին վրայ՝ Ագոաւը նախ ինքը առաջ
անցնելով շօշափեց Փինոքքիոյին երակը, յետոյ

ըիթը, յետոյ ոտքերուն ձկոյթը, ու այսպէս լաւ մը
շօշափելէ վերջ՝ հանդիսաւոր կերպով հետեւեալ խօս-
քերն արտասանեց.

— Իմ կարծիքովս խամաճիկը մեռած լինցած է.
բայց եթէ դժբախտաբար մեռած չըլլար, այն ատեն
սպահով նշան էր թէ՛ միշտ կենդանի է:



... Պարիկը թեւերուն վրայ առաւ խեղճ խամաճիկը:

— Կը ցաւիմ, ըսաւ Բուն, պարտաւոր ըլլալուս
հակասելու Ագոաւին, իմ մեծանուն բարեկամիս և
պաշտօնակցիս. իմ կարծիքովս ընդհակառակն խա-
մաճիկը միշտ կենդանի է, սակայն եթէ դժբախտաբար
ողջ չըլլար, այն ատեն նշան էր թէ՛ իրաւցնէ մեռած է:

— Իսկ դուք բան մը չէ՞ք ըսեր, հարցուց Պա-
րիկը խօստուն — Ծղըրիդին:

— Ես կ'ըսեմ թէ՛ երբ խոհեմ բժիշկ մը ինչ ըսելիքը չի գիտեր, լաւագոյն է իրեն համար որ լուռ կենայ: Միւս կողմանէ, այդ խամաճիկը նոր դէմք մը չէ ինձ համար. բաւական ատենէ ի վեր զինքը կը ճանչնամ:

Փինոքքիոյ որ մինչեւ այն ըոպէ անշարժ մնացած էր ճշմարիտ փայտի կտորի մը պէս, տեսակ մը սաստիկ ջղացնցում մ'ունեցաւ՝ որ ամբողջ անկողինը դողացուց:

— Այս խամաճիկը, շարունակեց ըսել խօսուն — Ծղրիղը, վարպետ չարածըճի մըն է....

Փինոքքիոյ բացաւ աչքերն ու անմիջապէս գոցեց:

— Ստահակ մը, ծոյլ մը, դատարկաշըջիկ մ'է....


Փինոքքիոյ սաւաններուն տակը ծածկեց երեսը:

— Այս խամաճիկը անհնազանդ զաւակ մըն է, որ սրտի ցաւով պիտի մեռնէ իր խեղճ հայրը....

Այս ըոպէիս խցիկին մէջ լալու և հեկեկալու խղղուկ ձայն մը լսուեցաւ: Երեւակայեցէք ինչպէս զարմացած մնացին ամէնքն ալ, երբոր սաւանները քիչ մը վերցնելով տեսան որ Փինոքքիոն կուլար ու կը հեկեկար:

— Երբ մեռել մը կու լայ, նշան է թէ բժշկուելու ճամբուն մէջն է, ըսաւ Ագոաւը հանդիսաւոր կերպով:

— Պարտաւոր եմ հակառակը ըսել իմ յարգելի բարեկամ պաշտօնակցիս, աւելցուց Բոնն, ըստ իս երբ մեռել մը կու լայ, նշան է թէ մեռնիլ չուզեր:



Գ Լ Ո Ւ Խ Ժ Է .

Փինոքքիոյ շարքը կ'ուտէ, բայց չուզեր մաքրողական առնել, սակայն երբ կը տեսնէ որ մեռելաթաղերը կու գան զինքը տանելու համար, այն ատեն կ'առնէ մաքրողական դեղը: Յետոյ սուտ կը խօսի, և ասոր ի պատիժ քիթը կ'երկնայ:

Երեք բժիշկները հագլու դուրս ելած էին խցիկէն, Պարիկը մօտեցաւ Փինոքքիոյի, և ճակատը բռնելով հասկցաւ որ սաստիկ ջերմէ կը տառապէր:

Այն ատեն, կէս գաւաթ ջուրին մէջ տեսակ մը ճերմակ փոշի խառնեց ան ու խամաճիկին տալով ըսաւ խանդաղատանօք.

— Ասիկա իմէ, ու քանի մ'օրէն պիտի ազնկնաս:

Փինոքքիոյ գաւաթին նայեցաւ, բերանը քիչ մը ծոմոտկեց, ու հարցուց լալկան ձայնով.

— Անո՞յ է թէ լեղի:

— Լեղի է, բայց օգուտ պիտի ընէ քեզի:

— Քանի որ լեղի է չեմ խմեր:

— Ինձի մտիկ ըրէ. իմէ:

— Ես լեղի բան չեմ սիրեր:

— Խմէ, կ'ըսեմ քեզի. երբ խմելու ըլլաս, կ'որ շարքը մը պիտի տամ քեզի, բերանդ անուշցնելու համար:

— Ո՞ւր է այդ կըր շաքարը:

— Ահա՛ հոս է, ըսաւ Պարիկը ոսկեղէն շաքարա-
մանի մը մէջէն դուրս հանելով զայն:

— Նախ շաքարը կ'ուզեմ, յետոյ կը խմեմ այդ
լեղի ջուրը....

— Կը խոստանաս որ պիտի խմես:

— Այո՛....

Պարիկը անոր տուաւ շաքարէ գնդակը, և Փինոք-
քիոյ վայրկեանի մը մէջ զայն ահռանքովը կոտորելէ
ու կլլելէ վերջ, շրթունքները լզելով ըսաւ.

— Աղուոր բան պիտի ըլլար եթէ շաքարն ալ
դեղ մ'ըլլար.... Ա՛մէն օր մաքրողական կ'առնէի:

— Ուրեմն պահէ՛ խոստումդ ու խմէ՛ սա քանի
մը կաթիլ ջուրը, որ քեզի առողջութիւն պիտի տայ:

Փինոքքիոյ ահամայ ձեռքն առաւ զաւաթը ու
քթին ծայրը մէջը խոթեց. յետոյ բերնին մօտեցուց.
յետոյ կրկին մէջը խոթեց քիթը ու վերջապէս ըսաւ.

— Շատ լեղի է, շատ լեղի է: Ես չեմ կրնար
խմել:

— Ի՞նչէն գիտես քանի որ և ոչ իսկ համը
նայեցար:

— Կ'երեւակայեմ. հոտէն հասկցայ: Նախ ուրիշ
շաքարէ գնդակիկ մ'ալ կ'ուզեմ... յետոյ կը խմեմ:

Այն ատեն Պարիկը բարի մօր մը բոլոր համբե-
րութեամբ քիչ մ'եւ շաքար դրաւ անոր բերնին
մէջ, ու դարձեալ ներկայացուց զաւաթը:

— Այս կերպով չեմ կրնար խմել, ըսաւ իս-
մաճիկը, հազար քնքշանքներ ընելով:

— Ինչո՞ւ համար:

— Որովհետեւ ոտքերուս վրայ եղած բարձր
նեղութիւն կը պատճառէ ինձի:

Պարիկը բարձր վերցուց:

— Անօգուտ բան է: Այսպէս ալ չեմ կրնար
խմել:

— Ուրիշ ի՞նչ բան կը նեղէ քեզ:

— Խցիկին դուռը, որ կիսաբաց է:

Պարիկը գնաց գոցեց խցիկին դուռը:

— Վերջապէս, պոռաց Փինոքքիոյ սաստիկ լաց
մը փրցնելով, այս անպիտան լեղի ջուրը չեմ ուզեր
խմել, ո՛չ, ո՛չ, ո՛չ....

— Չաւակս պիտի զղջաս....

— Ի՛նչ փոյթս....

— Հիւանդութիւնդ ծանր է:

— Ի՛նչ փոյթս....

— Ձերմը քիչ օրէն անդիի աշխարհ պիտի տանի
զքեզ:

— Հոգս անգամ չէ....

— Մահէն չէս վախնար:

— Ո՛չ, ամենեւին: Աւելի կը նախընտրեմ մեռ-
նիլ, քան թէ խմել այդ լեղի դեղը խմել:

Այս պահուս յանկարծ խցիկին դուռը կոնակին
վրայ բացուեցաւ, ու ներս մտան թանաքի պէս սեպ
սեւ չորս ճագարներ իրենց ուսերուն վրայ բերելով
մեռելի պատիկ դագաղ մը:

— Ինձմէ ի՞նչ կ'ուզէք, պոռաց Փինոքքիոյ,
սաստիկ սարսափած ընդօստ անկողնին վրայ նստե-
լով:

— Եկանք քեզ առնելու, պատասխանեց ճագար-
ներէն ամենէն խոշորը:

— Չի՞ս տանելու: Բայց ես տակաւին մեռած
չեմ....:

— Այո՛. բայց դուն քանի մը վայրկեան միայն

կեանք ունիս չխմելուդ համար այն դեղը՝ որ ջերմդ պիտի անցնէ:

— Ո՛վ Պարիկս, Պարիկս, սկսաւ ճշալ այն ատեն խամաճիկը, տո՛ւր ինձի շուտով այն գաւաթը...



... ներս մտան թանարի պէս սեպ սեւ չորս ճագարներ, ուսերուն վրայ մեռելի դագաղ մը:

Աստուծոյ սիրոյն շո՛ւտ ըրէ, որովհետեւ մեռնիլ չեմ ուզեր, չէ՛... չեմ ուզեր մեռնիլ:

Ու երկու ձեռքերովը բռնելով գաւաթը, մէկ շունչ չով պարպեց զայն:

— Համբերութի՛ն, ըսին ճագարները: Այս անգամ ձրի տեղ ըրինք ճամբորդութիւնը:

Եւ դարձեալ ուսերնուն վրայ առնելով պզտիկ դագաղը, դուրս ելան խցիկէն տրտաւով և մրմռալով ակռաներնուն մէջէն:

Իսկապէս անկէց քանի մը վայրկեան վերջ, Փիւնոքքիոյ անկողնէն վար ցատկեց բոլորովին առողջացած, որովհետեւ պէտք է գիտնալ՝ թէ փայտէ խամաճիկները այս առանձնաշնորհութիւնն ունին որ հազիւ երբեք կը հիւանդանան, և շուտով ալ կ'առողջանան:

Պարիկը տեսնելով անոր խցիկին մէջ վազելն ու խաղալ խնդալները, առաջին անգամ երգող պզտիկ արդաղի մը պէս աշխոյժ ու գուարթ, ըսաւ անոր.

— Ուրեմն դեղը իրաւցնէ օգտակար եղաւ քեզի:

— Անշուշտ: Նոր կեանք ստացայ:

— Հապա ինչո՞ւ այնքան աղաչել տուիր խմելու համար:

— Անոր համար որ մենք տղաքս ամէնքս ալ այսպէս ենք: Աւելի կը վախնանք դեղերէն, քան թէ չարիքէն:

— Ամօթ: Տղաք պէտք են գիտնալ թէ ժամանակին առնուած օգտակար դեղ մը, կարող է ազատել զիրենք ամենաժանր հիւանդութենէ մը, և զուցէ նոյն իսկ մահուրնէ...

— Ո՛հ, բայց ուրիշ անգամ այնքան աղաչել պիտի չտամ: Պիտի յիշեմ այն սեւ ճագարները, դագաղը ուսերնուն վրայ... ու այն ատեն անմիջապէս գաւաթը ձեռքս պիտի առնեմ ու կլլեմ...

— Հիմա քիչ մը քովս եկուր, և պատմէ ինձի թէ ի՞նչպէս եղաւ որ աւազակներուն ձեռքն ինկար:

— Այնպէս եղաւ, որ խամաճիկ խաղցնող Հրա-
կուլը քանի մը ոսկի տուաւ ինծի, ու ըսաւ. Առ
ասոնք ու հօրդ տար, ես ալ ընդհակառակն ճամբուն
վրայ հանդիպեցայ Աղուէսի մը ու կատուի մը, երկու
շատ շնորհքով անձինք՝ որոնք ինձ ըսին. « Կ'ուզե՞ս
որ այս դրամները հազար, երկու հազար ըլլան: Հե-
տերնիս եկուր, ու քեզ հրաշքներու դաշտը առաջ-
նորդենք »: Ես ալ ըսի « Երթանք ». և անոնք ըսին.
« Հոս կարմիր Խեչափառի պանդուկը քիչ մը կանգ
առնենք, և կէս գիշերէն յետոյ կը մեկնինք »: Ու
երբ արթնցայ այլ եւս հոն չէին, արդէն մեկնած էին:
Ես այն ատեն սկսայ քալել, գիշեր էր, սարսափելի
մութ գիշեր, ու այն պատճառաւ ճամբուն վրայ գտայ
երկու աւազակները ածուխի պարկերու մէջ, որոնք
ըսին ինծի. « Դուրս հանէ դրամներդ ». իսկ ես պա-
տասխանեցի. « Դրամ չունիմ ». վասն զի ոսկի դրա-
մները լեզուիս տակը պահած էի, և աւազակներէն մին
փորձեց ձեռքը բերնիս մէջ դնել, ես ալ մէկ խաձ-
նելով փրցուցի ձեռքը ու բերնէս դուրս տուի, բայց
փոխանակ ձեռքի մը, տեսայ որ կատուի թաթիկ
մըն էր: Աւազակները ետեւէս սկսան վազել, ես՝
վազեցի ու վազեցի, մինչեւ որ ինծի հասան, ու վզէս
կախեցին զիս այս անտառին մէկ ծառէն, ըսելով.
« Վաղը կը դառնանք հոս, այն ատեն մեռած կ'ըլլաս
ու բերանդ ալ բաց, այս կերպով կ'առնենք քեզմէ
ոսկի դրամներդ՝ զորոնք լեզուիդ տակ պահած ես »:

— Բւ հիմա ո՞ւր պահեր ես այդ չորս դրամները,
հարցուց Պարիկը:

— Կորսնցուցի, պատասխանեց Փինոքքիոյ: Սա-
կայն սուտ էր, վասն զի գրպանին մէջ պահած էր
զանոնք:

Հագիւ թէ ըսաւ այդ սուտը, իր քիթը որ արդէն
երկար էր, անմիջապէս երկու մատ աւելի մեծցաւ:

— Ո՞ւր կորսնցուցիր զանոնք:

— Սա մօտակայ անտառին մէջ:

Այն երկրորդ սուտին վրայ, քիթը շարունակեց
մեծնալ:

— Եթէ մօտակայ անտառին մէջ կորսնցուցիր
զանոնք, ըսաւ Պարիկը, պիտի փնտռենք ու պիտի
գտնենք զանոնք. որովհետեւ ինչ որ մօտակայ ան-
տառին մէջ կը կորսուի, միշտ կը գտնուի:

— Ո՛հ, հիմա միտքս եկաւ վրայ բերաւ խամա-
ճիկը շփոթելով չորս դրամները չկորսնցուցի, բայց
առանց զգալու կ'լլեցի զանոնք երբ տուած դեղդ կը
խմէի:

Այս երրորդ սուտին վրայ, քիթը տարօրինակ
կերպով այնքան երկնցաւ՝ որ խեղճ խամաճիկը
ոչ մէկ կողմ կրնար դառնալ: Եթէ այս կողմ դառ-
նար, քիթը կը զարնուէր անկողնին և կամ պատու-
հանին ապակիներուն, իսկ եթէ այն կողմ, խցիկին
պատերուն և կամ դրան. եթէ գլուխը քիչ մ'աւելի
վեր վերցնէր, Պարիկին աչքին մէջ խոթելու վտան-
գին կը հանդիպէր:

Իսկ Պարիկը կը նայէր անոր ու կը խնդար:

— Ինչո՞ւ կը խնդաս, հարցուց խամաճիկը բո-
լորովին յուզուած ու մտահոգ իր այն քիթին համար՝
որ զգալիօրէն կը խոշորնար:

— Խօսած սուտերուդ վրայ կը խնդամ:

— Ի՞նչպէս գիտես որ սուտ խօսեցայ:

— Ստուծիւնները՝ տղաս, շուտով կը ճանչցուին
վասն զի երկու տեսակ են անոնք. կան ստուծիւն-
ներ՝ որոնք կարճ սրունքներ ունին, և կան՝ որոնք

Երկար քիթ ունին. քու խօսածդ ճիշդ անոնցմէ է՝
որ երկար քիթ ունին:

Փինոքքիոյ ամօթէն այլ եւս ուր պահուիլը չգիտ-



... քիթը տարօրինակ կերպով այնքան երկնցաւ որ ...

նալով, փորձեց փախչիլ խցիկէն, բայց չյաջողեցաւ:
Քիթը այնքան խոշորցեր էր՝ որ դռնէն ալ չէր կրնար
անցնիլ:



Գ Լ Ո Ւ Խ Ժ Ը .

Փինոքքիոյ կը գտնէ Աղուէսն ու Կատուն, և անոնց հետ
կ'երթայ հրաշքներուն դաշտը չորս զրամները սերմանելու:

Կրնաք երեւակայել, Պարիկը թողուց որ խա-
մաճիկը գրեթէ կէս ժամ լայ պոռայ իր այն քիթն
համար, որ այլ եւս սենեկին դռնէն չէր անցնէր.
դիտամբ այդպէս ըրաւ խիստ դաս մը տալու համար
անոր, որպէս զի սուտ խօսելու տգեղ ախտէն ուղ-
ղուի, ամենատգեղ ախտ՝ տղու մը համար: Սակայն
երբ տեսաւ անոր այլակերպած և յուսահատութենէն
աչքերն իրենց կապիճներէն դուրս ինկած, ի գուժ
շարժելով, ձեռքերն իրար զարկաւ, ու այս նշանին՝
պատուհանէն սենեկին մէջ մտան փայտփոր կոշուած
հազարաւոր մեծ թռչուններ՝ որոնք ամէնքն ալ Փի-
նոքքիոյի քիթն վրայ հանգչելով, սկսան զայն կտցել
և այնքան կտցեցին որ՝ քանի մը վայրկենի մէջ այն
տարօրինակօրէն ահագին քիթը՝ իր բնական մեծու-
թիւնը գտաւ:

— Ո՛րքան բարի ես, Պարիկս, ըսաւ խամաճիկը
աչքին արցունքները սրբելով և ո՛րքան կը սիրեմ
զքեզ:

— Ես ալ քեզ կը սիրեմ, պատասխանեց Պարիկը
և եթէ կ'ուզեն քովս մնալ եղբայրիկս կ'ըլլաս, ես
ալ քու բարի քոյրիկդ....

— Սիրով կը մնայի... բայց խեղճ հայրը՞ կս:

— Ամէն բան խորհած եմ: Արդէն իմաց տրուեցաւ հօրդ. ու գիշեր չեղած ինք հոս կ'ըլլայ:

— Իրան պոռաց Փինոքքիոյ ուրախութենէն ցատքելով: Այն ատեն, իմ սիրուն Պարիկս, եթէ կը հաճիս՝ կ'ուզեմ երթալ դիմաւորել զինքը: Անհամբեր եմ համբոյր մը տալու այն թշուառ ծերունիին՝ որ ինձի համար այնքան տանջուեցաւ:

— Գնա՛, բայց զգոյշ եղիւր չըլլայ թէ կորսուիս: Սնտառին ճամբան բռնէ, և վստահ եմ որ իրեն պիտի հանդիպիս:

Փինոքքիոյ մեկնեցաւ. և հագլիւ թէ անտառին մէջ մտաւ սկսաւ այծեամի մը պէս վազել: Բայց երբ հասաւ այն կէտին, խոշոր կաղնիին զրեթէ զիմացը, կանգ առաւ, որովհետեւ ճիւղերու մէջէն մարդու ձայն մը լսել կարծեց: Իրաւ ալ ճամբուն վրայ երեւնալը տեսաւ, երեւակայեցէք որո՞ւ... Աղուէսին և Կատուին, կամ իր ճամբու ընկերներուն՝ որոնց հետ ընթրած էր կարմիր Խեչափառի ճաշարանին մէջ:

— Ահաւասիկ մեր սիրելի Փինոքքիոն, պոռաց Աղուէսը զանի զրկելով և համբուրելով: Ի՞նչպէս եղաւ որ հոս կը գտնուիս:

— Ի՞նչպէս հոս կը գտնուիս, կրկնեց Կատուն:

— Երկար պատմութիւն է ըսաւ խամաճիկը, յարմար ատենին կը պատմեմ ձեզի: Սակայն և այնպէս գիացէք՝ որ անցեալ գիշեր, երբ զիս պանդուկին մէջ առանձին թողուցիք, ճամբան երթալու ատենս մարդասպաններու հանդիպեցայ...

— Մարդասպաններո՞ւ... Ո՛հ, խեղճ բարեկամս: Եւ ի՞նչ բան կ'ուզէին:

— Կ'ուզէին զողնալ ոսկի դրամներս:

— Անամօթներ, գոչեց Աղուէսը:

— Ամենախայտառակներ, կրկնեց Կատուն:

— Բայց ես սկսայ փախչիլ շարունակեց խամաճիկը, անոնք ալ շարունակ ետեւէս եկան, մինչեւ



Ահաւասիկ մեր սիրելի Փինոքքիոն, պոռաց զայլ զանիկայ զրկելով:

որ հասան ինձի և այս կաղնիին ճիւղէն կախեցին զիս...

Ու Փինոքքիոյ ցոյց տուաւ խոշոր կաղնին՝ որ քայլ մ'անդին էր:

— Ասկից աւելի վատ բան կրնայ ըլլալ ըսաւ Աղուէսը: Ինչպիսի աշխարհի մէջ ապրելու դատապարտուած ենք: Մենք պարկեշտ մարդիկս ո՞ր արդեօք ապահով ապաստանարան մը կրնանք գտնել:

Այս խօսակցութիւնը ըրած միջոցին, Փինոքքիոյ

անդրադարձաւ որ կատուին առջեւի ոտքերէն աջակողմանը կը կաղար, որովհետեւ ամբողջ թաթը կը պակսէր, որուն համար հարցուց անոր.

— Ի՞նչ պատահեցաւ թաթիդ:

Կատուն կ'ուզէր ո՛ր և է բան մը պատասխանել, բայց շփոթեցաւ: Այն ատեն Աղուէսը վրայ բերաւ անմիջապէս.

— Բարեկամս շատ համեստ է, անոր համար չուզէր պատասխանել: Ես իր կողմանէ կը պատասխանեմ: Ուրեմն գիտցիր որ ժամ մ'առաջ ճամբուն վրայ ծեր գայլի մը հանդիպեցանք, որ անօթութենէ գրեթէ մարած վիճակի մէջ կը գտնուէր, ու մեզմէ քիչ մ'ողորմութիւն խնդրեց: Իսկ մենք անոր տալու ձուկի փուշ մ'իսկ չունենալով, գիտե՞ս, ի՞նչ ըրաւ իմ բարեկամս, որ իրաւցնէ կեսարի սիրտ մ'ունի, ահռաներովը փրցուց իր առջեւի թաթերէն մին, և այն խեղճ անասունին տուաւ, որ կարենայ անօթութիւնը անցնել:

Եւ աղուէսը այսպէս խօսած ատենը աչքէն արցունք մը սրբեց: Փինոքքիոյ ինքն ալ յուզուած, մօտեցաւ կատուին, ու անոր ահանջին փսփսաց.

— Եթէ բոլոր կատուները քեզի նմանէին, մկները երջանիկ կ'ըլլային:

— Իսկ հիմայ ի՞նչ կ'ընես հոս հարցուց Աղուէսը խամաճիկին:

— Հայրիկիս կը սպասեմ, որ վայրկեանէ վայրկեան հոս պիտի հասնի:

— Հապա ոսկի դրամներդ:

— Միշտ գրպանիս մէջն են, բաց ի մէկէն՝ որ կարմիր խեչափառի պանդուկին մէջ ծախսեցի:

— Ու երբ կը խորհիմ որ փոխանակ չորս դրամ

ներու, կրնայիր հազար, երկու հազար դրամ ունենալ... Ինչո՞ւ խրատիս մտիկ չես ընէր: Ինչո՞ւ չես երթար հրաշքներու դաշտը զանոնք սերմանելու համար:

— Այսօր անկարելի է. ուրիշ օր մը կ'երթամ հոն:

— Ուրիշ օր մը շատ ուշ կ'ըլլայ, ըսաւ Աղուէսը:

— Ինչո՞ւ համար:

— Անոր համար որ այդ դաշտը գնուեցաւ հարուստ պարոնի մը կողմէ, և վաղուընէ վերջ՝ ալ ոչ մէկուն հրաման պիտի տրուի հոն դրամ ցանելու:

— Հրաշքներու դաշտը ասկից ո՞րքան հեռի է:


— Հազիւ երկու մղոն: Կ'ուզե՞ս հետերնիս գալ: Կէս ժամէն հոն կ'ըլլաս. անմիջապէս կը տանիս չորս դրամները, քանի մը վայրկեան վերջ երկու հազար կը ժողվես անոնցմէ, և այս իրիկուն գրպաներդ լեցուն կը վերադառնաս հոս: Կ'ուզե՞ս հետերնիս գալ:

Փինոքքիոյ պահ մը վարանեցաւ պատասխանել, որովհետեւ միտքն ինկաւ Բարի Պարիկը, Ծերունի Ճեպպետոնն և խօսուն Ծղրիդին տուած խորհուրդները. բայց յետոյ այնպէս ըրաւ՝ ինչպէս որ կ'ընեն անխելք ու սիրտ չունեցող բոլոր տղաք, այսինքն՝ գլխու թեթեւ շարժումով մը հաւանեցաւ. ըսաւ Աղուէսին ու կատուին.

— Ուրեմն երթանք, ես ալ հետերնիդ կու գամ: Ու մեկնեցան:

Կէս օր մ'ամբողջ քալելէ վերջ հասան քաղաք մը որուն անունն էր, « Անմիտները-բռնող »: Հազիւ քաղաք մտան, Փինոքքիոյ տեսաւ որ բոլոր փո

զոցները լեցուն էին մագերնին թափած շուներով՝ որոնք անօթութենէ կը յօրանջէին, բուրդերնին խուզուած ոչխարներով՝ որ ցուրտէն կը դողդղային, առանց ցցունքի և բբուկի հաւերով որ եզիպտացորենի հատիկ մ'ողորմութիւն կը խնդրէին. խոշոր թիթեռ-



©hiakri
frenze

... փողոցները լեցուն էին մագերնին թափած շուներով...

նիկներ՝ որոնք ալ կարող չէին թռչելու որովհետեւ իրենց ամենագեղեցիկ գունաւոր թեւերը ծախած էին, պոչերնեն կտրուած սիրամարգներ՝ որ մարդու երեւնալու կ'ամչնային, և էգ փասխաններ՝ որ լոխի մշիկ կը քալէին ողբալով իրենց ոսկիէ և արծաթէ շողջողուն փետուրները, զորոնք ցմիշտ կորուսած էին:

Այս մուրացկաններու և թշուառ ամօթահարներու բազմութեան մէջէն, երբեմն երբեմն կ'անցնէին քանի մը շքեղ կառքեր որոնց մէջ նստած էին կամ Աղուէս մը, կամ գող Սնծիղ մը և կամ քանի մը գիշատիչ թռչուններ:

— Հապա ուր է հրաշքներու դաշտը, հարցուց Փինոքքիոյ:

— Հոն, երկու քայլ անդին է:

Իսկոյն քաղաքին մէջէն անցան ու պարիսպէն դուրս ելլելով կանգ առին ամայի դաշտի մը մէջ՝ որ ուրիշ դաշտերու պէս դաշտ մըն էր:

— Ահա՛ հասանք, ըսաւ Աղուէսը խամաճիկին հիմայ գետինը ծռէ՛, ձեռքերովդ պզտիկ փոս մը փորէ հողին մէջ, ու չորս ոսկիներդ մէջը դիր:

Փինոքքիոյ հնազանդեցաւ: Ծակը փորեց, և քովը մնացած չորս ոսկի դրամները մէջը դրաւ, և փոսը կրկին ծածկեց քիչ մը հողով:

— Հիմայ, ըսաւ Աղուէսը գնա՛ սա մօտակայ ջրաղացքը դոյլ մը ջուր բեր, և ջրէ հողը՝ ուր ծածկեցիր դրամները:

Փինոքքիոյ գնաց, և որովհետեւ դոյլ չունէր, հին կօշիկներէն մին ոտքերէն հանեց, ու անոր մէջ ջուր լեցնելով բերաւ փոսը ծածկող հողը ջրեց: Յետոյ հարցուց.

— Ուրիշ բան կ'այ ընելիք:

— Ուրիշ բան չկայ, պատասխանեց Աղուէսը՝ հիմայ ալ կրնանք երթալ: Դուն սակայն քսան վայրկեան վերջ վերադարձիր հոս, և թուփը՝ արդէն բուսած ու գետնէն բարձրացած և բոլոր ճիւղերն ալ դրամներով լեցուած պիտի գտնես:

Խեղճ խամաճիկը, սաստիկ ուրախութենէն ինք-

իրմէ դուրս ելած, հազար անգամ շնորհակալ եղաւ Աղուէսին և Կատուին, և գեղեցիկ նուէր մը խոստացաւ անոնց:

— Մենք նուէր չենք ուզեր, պատասխանեցին երկու նենգամիտները, մեզի կը բաւէ՝ որ առանց յոգնելու հարստանալու կերպը սորվեցուցինք քեզի, և չափազանց ուրախ ենք:

Աս ըսելով բարեւեցին Փինոքքիոն, և յաջող բերք մաղթելով անոր, իրենց գործին գնացին:



Գ Լ Ո Ի Խ Ժ Թ .

Փինոքքիոյ կը կողոպտուի իր չորս ոսկի դրամներէն, և ի պատիժ ասոր չորս ամիս կը բանտարկուի:

Քաղաք դառնալով խամաճիկը սկսաւ մէկիկ մէկիկ համրել վայրկեանները. ու երբ համարեց թէ ժամանակը եկած է, անմիջապէս հրաշքներու դաշտը տանող ճամբան նորէն ձեռք առաւ:

Եւ մինչ աճապարանօք կ'երթար, սիրտը սաստիկ կը բաբախէր, րիք, րաք, րիք, րաք, խոշոր ժամացոյցի մը պէս: Ու նոյն ատեն ինքնիրեն կը մտածէր:

— Հապա եթէ ճիւղերուն վրայ փոխանակ հազար ոսկիի երկու հազար գտնեմ... Ու եթէ փոխանակ երկու հազարի հինգ հազար, ու փոխանակ հինգ հազարի հարիւր հազար գտնեմ հոն: Ո՛հ, ի՛նչ գեղեցիկ պարոն մը պիտի դառնամ այն ատեն... Պիտի ուզէի ունենալ գեղեցիկ պալատ մը, փայտեայ հազար ձիեր ու հազար ախոռներ՝ խաղերով զբաղելու համար. մարան մը անոյշ ըմպելիներու, և մատենադարան մը ամբողջ լեցուն շաքարապտուղներով, կարկանդակներով, անոյշներով, և տեսակ տեսակ նշախառն ու սերով ծածկուած կարկանդակներով:

Այսպէս որոճալով մտքին մէջ հասաւ դաշտին մօտերը, ու հոն կեցաւ նայելու համար որ արդեօք պատահմամբ պիտի կրնա՞ր տեսնել ծառ մը՝ որուն

ճիւղերը դրամներով լեցուն ըլլային. բայց ոչինչ տեսաւ: Հարիւր քայլ եւս առաջ գնաց, ոչինչ, մտաւ դաշտին մէջ..... գնաց ուղղակի այն պզտի փոսին



.... դուրս հանեց զրպանէն մէկ ձեռքը
և երկար ատեն զլուխը քերեց:

քով՝ ուր թաղած էր իր չորս ոսկի դրամները, ոչինչ: Այն ատեն բոլորովին մտախոհ, և մոռնալով քաղաքավարութեան օրէնքները դուրս հանեց զրպանէն մէկ ձեռքը և երկար ատեն զլուխը քերեց:

Նոյն րոպէին քրքշաձայն խնդալ մը հնչեց ալանջին, ու վեր նայելով ծառի մը վրայ տեսաւ խոշոր թութակ մը՝ որ վրան ունեցած քանի մը փետուրները կը մաքրէր:

— Ինչո՞ւ կը խնդաս, հարցուց Փինոքքիոյ զըրգոռած ձայնով:

— Կը խնդամ, որովհետեւ քթուած ատենս թեւորուս տակը խըտխտաց:

Խամաճիկը չպատասխանեց: Գնաց ջրաղացքին քով և միեւնոյն հին կօշիկը ջրով լեցնելով բերաւ դարձեալ ջրել սկսաւ հողը՝ ուր դրամները ծածկած էր:

Երբ ահա՛ յանկարծ, առաջուանէն աւելի անհեթեթ ուրիշ ծիծաղ մ'ալ լսելի եղաւ դաշտին հանդիսաւոր լուսթեան մէջ:

— Բայց վերջապէս, պոռաց բարկութեամբ Փինոքքիոյ, անկի՛րթ թութակ, կրնամ գիտնալ թէ՛ ի՞նչ բանի համար կը խնդաս:

— Կը խնդամ այն անմիտներուն վրայ՝ որոնք կը հաւատան ամէն յիմարութեանց, կը խարուին իրենցմէ աւելի խորամանկներէ:

— Արդեօք ինձի՞ համար է ըսածդ:

— Այո՛, քեզի համար կ'ըսեմ ինդճ Փինոքքիոյ. քեզի համար՝ որ այսքան միամիտ ես հաւատալու, դրամները կրնան արտին մէջ ցանուիլ ու հնձուիլ, ինչպէս լուբիան ու դդումը: Ես ալ հաւատացի օր մը, այսօր պատիժը կը կրեմ: Այսօր, թէպէտեւ շատ ուշ, համոզուեցայ բոլորովին՝ որ պատուաւոր կերպով իրարու քով քիչ մը դրամ դնելու համար, պէտք է վաստկիլ գիտնալ զանոնք կամ իր ձեռքերուն աշխատանքովը, և կամ բնածին տաղանդով:

— Չեմ հասկնար միտքդ ըսաւ խամաճիկը՝ որ արդէն վախէն դողալ սկսեր էր:

— Համբերութիւն: Պիտի ջանամ լաւագոյն կերպով բացատրել միտքս, աւելցուց թութակը: Ուրեմն պէտք է գիտնաս՝ որ երբ դուն քաղաքն էիր, Աղուէսն ու Կատուն այս դաշտը դարձան, թաղուած ոսկի դրամներն առին, ու հովի պէս փախուտ տուին: Ու հիմայ՝ քաջ է ո՛վ որ անոնց ետեւէն հասնի:

Փինոքքիոյ բերանարաց մնաց հոն, և թութակին խօսքերուն հաւատք ընծայել չուզելով՝ սկսաւ ձեռքերով, եղունգներով փորել հողը՝ զոր ոտոգած էր: Փորեց, փորեց, փորեց, ու այնքան խորունկ փոս մը բացաւ որ յարդի դէզ մը կրնար կենալ հոն. սակայն դրամներն այլ եւս հոն չէին:

Այն ատեն յուսահատած՝ վազելով քաղաք վերադարձաւ, և ուղղակի դատարան գնաց ամբաստանելու երկու խաբեբանները՝ որոնք զինքը կողոպտած էին:

Դատաւորը՝ մարդակապիկներու ցեղէն խոշոր կապիկ մ'էր, ծեր կապիկ մը. պատկառելի էր իր յառաջացած տարիքին համար, սպիտակ մորուքին, և մասնաւորապէս իր առանց ապակիներու ոսկի ակնոցներուն պատճառաւ՝ զորոնք ստիպուած էր շարունակ գործածելու աչքերու տկարութեան հետեւանքով՝ որ քանի մը տարիէ ի վեր զինքը կը նեղէր:

Փինոքքիոյ դատաւորին ներկայութեան տեղն ու տեղը պատմեց անիրաւ խաբէութիւնը՝ որուն զոհ եղած էր. խաբեբաններուն անունն ու մականունը տուաւ և արտաքին կերպարանքի նկարագիրն ըրաւ, ու վերջացուց արդարութիւն պահանջելով:

Դատաւորը մեծ բարեարտութեամբ մտիկ ըրաւ շատ հետաքրքրուեցաւ անոր պատմութեամբը. խանդադատեցաւ, յուզուեցաւ. ու երբ խամաճիկն իր ըսելիքները վերջացուց, ձեռքը երկնցուց ու զանգակը զարկաւ:



Փինոքքիոյ դատաւորին ներկայութեան տեղն ու տեղը պատմեց անիրաւ խաբէութիւնը ...

Չանգակի ուժով ձայնին՝ անմիջապէս երկու զամփոռներ երեւցան ոստիկաններու պէս հագուած:

Դատաւորը Փինոքքիոն ցոյց տալով ոստիկաններուն, ըսաւ.


— Այս խեղճ տղան գողցնել տուեր է իր չորս ոսկի դրամները. ուստի բռնեցէք զինքը ու շուտով բանտ տարէք:

Խամաճիկը այս անտեղի, անիրաւ դատավճիռը
լսելով ափշած մնաց, կ'ուզէր բողոքել. բայց ոստի-
կանները անօգուտ ժամավաճառութեան տեղի չտալու
համար, գոցեցին անոր բերանը ու բանտ տարին:



... բայց ոստիկանները անօգուտ ժամավաճառութեան տեղի չտալու
համար գոցեցին անոր բերանը ու բանտ տարին:

Պարտաւորուեցաւ չորս ամիս բանտ մնալ, չորս
երկար ամիսներ. և գուցէ աւելի ալ պիտի մնար,
եթէ բարեբախտ դէպք մը չհանդիպէր: Որովհետեւ
պէտք է գիտնալ որ Անմիտները — բռնող քաղաքին



C. CHIOSTRI

Այս խեղճ տղան գողցնել տուեալ է իր չորս ոսկի գրանցները, ուստի բռնեցէ զինքը ու շուտով բանտ տարեց: (Իջ 108)


տիրող երիտասարդ կայսրը, իր թշնամիներուն դէմ մեծ յաղթանակ մը տարած ըլլալով, հրամայեց որ հրապարակաւ մեծ հանդէսներ, լուսավառութիւններ, հրախաղութիւններ, ձիերու և հեծելանիւններու արշաւանքներ ըլլան, և ի նշան ամենամեծ ուրախութեան, ուզեց որ բանտերն ալ բացուին ու բոլոր աւագակները դուրս հանուին:

— Քանի որ միւսները բանտէն դուրս կ'ելլէն, ես ալ կ'ուզեմ ելլել, ըսաւ Փինոքքիոյ բանտապանին:

— Դուն ո՛չ, պատասխանեց բանտապանը, վասն զի անոնց շարքին մէջ չես դուն...

— Կը ներես, աւելցուց Փինոքքիոյ, ես ալ աւագակ մըն եմ:

— Այդ պարագային հազար իրաւունք ունիս, ըսաւ բանտապանը, և գտակն հանելով, ու յարգանօր զանի բարեւելով՝ բացաւ բանտին դուռը, և թողուց որ ելլէ երթայ:



Գ. Լ. ՈՒԽ Ի.

Փինոքքիոյ բանտէն ազատուելուն պէս Պարիկին տունը դառնալու համար ճամբայ կ'ելլէ, երթալու ատեն սոսկալի օձ մը կը տեսնէ ճամբուն վրայ, ու թակարդի մէջ բըռնուած կը մնայ:

Երեւակայեցէք Փինոքքիոյի ուրախութիւնը երբ ինքզինքն ազատ զգաց: Առանց կենալու և առանց մտածելու եղածին վրայ, քաղքէն անմիջապէս դուրս ելաւ ու Պարիկի տնակին ճամբան բռնեց:

Օղը անձրեւոտ ըլլալուն ճամբան ցեխով լի էր, և մինչեւ սրունքներուն կէսը կը հասնէր:

Սակայն խամաճիկը կարեւորութիւն չէր տար:

Իր հայրիկը և կապոյտ մազերով քոյրիկը կրկին տեսնելու սաստիկ բաղձանքէն մղուած, կը վազէր ոստումներով որսական բարակի մը պէս, ու վազելու ատեն ցեխին ցայտուքները մինչեւ գտակին ծայրը կ'ելլէին: Ու երթալով ինքնիրեն կ'ըսէր.

— Ո՛րքան դժբախտութիւններ պատահեցան ինծի..... Ու ես արժանի եմ անոնց, ինչու որ ես յամառ և կռուասէր խամաճիկ մըն եմ..... կ'ուզեմ ամէն բան իմ ուզածիս պէս ընել, առանց մտիկ ընելու անոնց՝ որ զիս կը սիրեն, և ինձմէ հազար անգամ աւելի խելք ունին..... Սակայն, միտքս դրած եմ ասկէ վերջ վարքս փոխել՝ պարկեշտ ու հնազանդ

տղայ մ'ըլլալ..... Վերջապէս հիմայ շատ լաւ իմացայ՝ որ տղաք անհնազանդ գտնուելով՝ միշտ կը տուժեն և երբեք ո՛ր և է շահ մը կամ օգուտ մը չեն քաղեր: Հապա հայրիկս, անշուշտ ինծի սպասեց.....: Արդեօք Պարիկին տունը պիտի գտնեմ զինքը: Շատ ատենէ ի վեր չեմ տեսած խեղճ մարդը, և հազար զգուանքներ տալու և զինքը համբոյրներով ծածկելու փափագէն կը հալիմ կը մաշիմ: Պարիկը պիտի ներէ՞ ինծի իրեն դէմ գործած անվայել ընթացքիս համար.....: Ու մտածել որ այնքան խանդաղատալից գորով և խնամք ընդունեցայ անկէ.... Ու մտածել որ այսօր ողջ մնալս իրեն կը պարտիմ: Միթէ ինձմէ աւելի ապերախտ և անսիրտ տղայ մը կրնայ ըլլալ.....

Այս ըսած միջոցին յանկարծ սարսափած կանգ առաւ, ու չորս քայլ ետ ընկրկեցաւ:

Ի՛նչ բան տեսած էր:

Խոշոր օձ մը տարածուած էր ճամբուն ճիշդ մէջտեղը, կանաչ մորթով, կրակէ աչքերով ու սրածայր պոչով մը որ կը մխար ծխնելոյզի պէս:

Անկարելի է նկարագրել խամաճիկին զգացած վախը. անկէ կէս մղոն հեռանալով անիկայ քարերու կոյտի մը վրայ նստեցաւ, սպասելով որ օձը հաճէր իր գործին երթալ ու ճամբուն անցքը ազատ թողուլ:

Սպասեց ժամ մը, երկու, երեք ժամ, բայց օձը միշտ հոն էր, և անոր կրակէ աչքերուն կարմրիչն ու պոչին ծայրէն ելած մուխի սիւնը հեռուէն իսկ կը տեսնուէր:

Այն ատեն Փինոքքիոյ քաջութիւն ունեցողի մը պէս մօտեցաւ քանի մը քայլ հեռաւորութեամբ, և նուրբ, անուշիկ, յանկուցիչ ձայնով մը ըսաւ օձին.

— Ներողութիւն, պարոն օձ, քիչ մը մէկդի քաշուելու շնորհը կ'ընէիք ինծի, այնչափ որ կարեւորամ անցնիլ:

Կարծես պատին էր որ կը խօսէր: Տեղէն շարժող չեղաւ:

Այն ատեն Փինոքքիոյ միեւնոյն անուշ ձայնովը շարունակեց.

— Պարոն օձը պէտք է գիտնայ որ, ես տուն կ'երթամ, ուր հայրիկս ինծի կը սպասէ, և զոր շատ ատենէ ի վեր բնաւ տեսած չեմ... Ուրեմն կը հաճի՞ք որ ճամբաս շարունակեմ:

Այդ հարցումին պատասխանող նշանի մը սպասեց, բայց ի զուր. ընդհակառակն օձը՝ որ մինչեւ այն բոպէն աշխոյժ և կենսալից կ'երեւար, յանկարծ անշարժ և փայտացածի պէս մնաց: Աչքերը գոցուեցան, ու պոչն ալ դազրեցաւ մխալէ:

— Արդեօք իրաւցնէ մեռաւ, ըսաւ Փինոքքիոյ ուրախութենէն ձեռքերը շփելով, և առանց ժամանակ կորսնցնելու անոր վրայէն անդին ցատկելու շարժում մ'ըրաւ, ճամբուն միւս կողմը անցնելու համար: Բայց տակաւին ոտքը բոլորովին վեր վերցուցած չէր, երբ յանկարծ օձը վեր տնկուեցաւ զսպանակէ մը շարժածի պէս, ու խամաճիկը սարսափած ետ քաշուելու ատեն ոտքը սահելով ինկաւ գետին:

Եւ յիրաւի այնքան գէշ կերպով ինկաւ՝ որ գլուխը ճամբու ցեխին մէջ գամուեցաւ, ոտքերն ալ օդին մէջ վեր տնկուեցան:

Օձը տեսնելով խամաճիկը այնպէս գլխի վար և ոտքերը օդին մէջ անհաւատալի արագութեամբ շարժելով, սաստիկ խնդուքէ մը բռնուեցաւ, և այնքան խնդաց, այնքան խնդաց որ, վերջապէս չափէ

զուրս խնդալէն կուրծքին մէկ երակը փրթաւ, և այս անգամ իրաւցնէ մեռաւ:

Այն ատեն Փինոքքիոյ սկսաւ վազել մութը կոխելէ առաջ Պարիկին տունը հասնելու համար: Սակայն ճամբան երկար ըլլալով և ալ չկարենալով




Եւ յիրաւի այնքան գէշ կերպով ինկաւ՝ որ գլուխը ճամբու ցեխին մէջ գամուեցաւ, ոտքերն ալ օդին մէջ...

զիմանալ անօթութեան պատճառած սոսկալի ցաւերուն, այգիի մը մէջ ցատքեց մշկահամ խաղողի քանի մը ողկոյզ առնելու դիտաւորութեամբ: Երանի՛ թէ ըրած չ'ըլլար:

Հազիւ թէ որթին տակը հասած էր, քրաք... սրունքներուն սեղմուելը զգաց երկու սուր երկաթ-

ներու միջեւ, որ երկինքը քանի աստղ ըլլալը ցոյց տուին իրեն:

Խեղճ խամաճիկը թակարդի մը մէջ բռնուած էր, զոր հոն լարած դրած էին գիւղացիներ քանի մը խոշոր կուզեր բռնելու համար, որոնք զրացի բոլոր հաւնոցներուն պատուհասը եղած էին:



Գ Լ Ո Ի Խ Ի Ա.

Փինոքքիոյ գիւղացիէ մը կը բռնուի, որ կը ստիպէ գինքը հաւնոցի մը պահապան շունն ըլլալու:

Փինոքքիոյ՝ անշուշտ կրնաք դիւրաւ երեւակայել, սկսաւ լալ, պոռալ, և օգնութիւն խնդրել. բայց անօգուտ լաց ու կոծ էր, վասն զի հոն մօտերը տուն չկար և ճամբուն վրայէն ալ մարդ չէր անցներ:

Երթալով մութը կը կոխէր:

Թէ՛ թակարդէն զգացած սաստիկ ցաւէն որ սրունքներուն խոշոր ոսկորները կը սղոցեր, և թէ՛ այն դաշտերուն մէջ մութ գիշեր ատեն առանձին փոնուելու վախէն, խամաճիկը սկսեր էր գրեթէ նուազիլ, երբ յանկարծ գլխուն վրայէն կայծոռիկի մը անցնիլը տեսնելով, կանչեց զանի ու ըսաւ.

— Կայծոռիկ, կայծոռիկ, զիս այս տանջանքէն ազատելու շնորհը կ'ընես.....:

— Խեղճ տղայ, պատասխանեց կայծոռիկը փութը շարժած կանգ առնելով ու անոր նայելով: Ինչպէս եղաւ որ սրունքներովդ այս սուր երկաթներու տանջանքին մէջ ինկար:

— Այգիին մէջ մտայ այս մշկահամ խաղողէն երկու ողկոյզ փրցնելու համար, և.....

— Բայց քուկդ էր խաղաղը:

— Ոչ.....

— Ուրեմն քեզի ո՞վ սորվեցուց ուրիշներուն ապրանքն առնել տանիլ...:

— Անօթի էի...:

— Անօթութիւնը, տղաս, արդար պատճառ մը չէ որ կարենանք մեզի սեպհականել օտարին ապրանքը...:

— Իրաւ է, իրաւ է, գոչեց Փինոքքիոյ լալով, ուրիշ անգամ մըն ալ չեմ ըներ:

Այս կէտին խօսակցութիւնն ընդհատեցաւ ամենաթեթեւ ոտքի ձայներէ որոնք կը մօտենային: Այգիին տէրն էր, որ մատներուն ծայրերուն վրայ կոխելով կու գար հոն տեսնելու թէ արդեօք՝ գիշեր ատեն իր հաւերը ուտող կուզերէն մին թակարդին մէջ բռնուած է թէ ոչ:

Ո՛րքան մեծ եղաւ զարմանքը երբ վերարկուին տակէն լապտերը դուրս հանելով, տեսաւ որ փոխանակ կուզի, տղեկ մը բռնուած էր թակարդին մէջ:

— Ո՛հ, գո՛ղ աւագակ, ըսաւ գիւղացին զայրացած, ուրեմն հաւերս առնող տանողը դո՞ւն ես:

— Ես չեմ, ես չեմ, պոռաց Փինոքքիոյ հեկեկալով: Ես այգիին մտայ միայն երկու ողկոյզ խաղող փրցնելու համար:

— Խաղաղ գողցողը շատ յաջողակ է անշուշտ հաւեր ալ գողնալու: Գիտեմ ընելիքս, քեզի այնպիսի գաս մը տամ որ բաւական ատեն յիշողութեանդ մէջ մնայ:

Ու թակարդը բանալով խամաճիկին ծոծրակէն ամուր մը բռնեց ու այնպէս կախուած մինչեւ տուն տարաւ, կարծես կաթնակեր գառնուկ մը կը տանէր:

Երբ տան առջեւ գտնուող կալին մէջ հասան,

ուժով մը գետին նետեց Փինոքքիոն. ու մէկ ոտքը անոր վզին վրայ դնելով ըսաւ.

— Հիմայ արդէն ուշ է, ու ես կ'ուզեմ անկողին երթալ: Վաղը կը մաքրենք հաշիւնիս: Այսօր՝ շունս




Ո՛հ գո՛ղ աւագակ, ըսաւ գիւղացին զայրացած. ուրեմն հաւերս առնող տանողը դո՞ւն ես:

մեռած ըլլալով որ գիշերուան պահապանութիւն կ'ընէր, պէտք է որ դուն անմիջապէս իր տեղը բռնես: Դուն պիտի ըլլաս պահապան շունս:

Այսպէս ըսաւ և անոր վզէն անցուց՝ փուշերով ծածկուած արոյրէ խոշոր օղակ մը, և այնքան

սեղմեց որ՝ անգամ մը գլուխը ներս դնելէ վերջ ալ
չկարենայ դուրս հանել: Օղակին կապուած էր եր-
կաթէ՛ երկար շղթայ մը, և ան ալ պատին վրայ
հաստատուած էր:

— Եթէ այս զիշեր, ըսաւ գիւղացին, սկսի անձ-



.... կրնաս երթալ պառկիլ սա փայտէ խղիկին մէջ

բեւեւ, կրնաս երթալ պառկիլ սա փայտէ խղիկին
մէջ՝ ուր կտոր մը յարդ կայ՝ որ չորս տարի իբրեւ
անկողին ծառայեց խեղճ շանս: Ու թէ որ՝ դժբախ-
տաբար գալու ըլլան գողերը, նայէ՛ որ ուշադիր կենաս
հաջես:


Այս վերջին ազգարարութենէն վերջ, գիւղացին
տունը մտաւ և երկաթէ նիզով դուռը գոցեց: Խեղճ
Փինոքքիոյ հոն կալին վրայ մնաց կծկաած՝ ցուրտէն,

անօթութենէն, և մանաւանդ վախէն աւելի մեռած
քան թէ կենդանի:

Ու երբեմն երբեմն կատարաբար ձեռքերը վզի
օղակին մէջ անցնելով որ կոկորդը կը սեղմէր, ու
լալով կ'ըսէր.

— Եւ սակայն արժանի եմ... Չափէն աւելի
արժանի: Ուզեցի ծոյլի և դատարկաշրջիկի կեանք
վարել... ուզեցի չար ընկերներու խրատին մտիկ
ընել, և ասոր համար բախտը զիս շարունակ կը հա-
լածէ: Եթէ շնորհքով տղայ մ'ըլլայի՝ ինչպէս կան
շատեր, եթէ սորվելու և աշխատելու կամք ունենայի,
եթէ տունը խեղճ հայրիկիս քով մնացած ըլլայի, այս
վայրկենիս հոս դաշտերուն մէջ չէի ըլլար՝ գիւղացիի
մը տան պահապան շունն ըլլալու համար: Ո՛հ եթէ
կարենայի անգամ մ'ալ կրկին ծնանիլ... Բայց ա-
նօգուտ բան է, պէտք է համբերել:

Ինքնիրեն այս թեթեւ սփոփանքը տալէ վերջ
որ ուղղակի սրտէն կու գար, խղիկին մէջ մտաւ ու
ընացաւ:



Գ Լ Ո Ւ Խ Ի Բ.

Փինոքքիոյ կը գտնէ գողերը, և հաւատարիմ գտնուելուն ի վարձատրութիւն ազատ կ'արձակուի:

Արդէն երկու ժամէ ի վեր խորունկ կը քնանար, երբ կէս գիշերուան մօտ արթնցաւ անսովոր թեթեւ ձայներու շնչիւնը և փսփսոցէ մը՝ որ կալին մէջ կարծես կը լսուէր: Ուստի քթին ծայրը շան տնակի ծակէն դուրս հանելով տեսաւ կատուի նմանող մթազոյն մորթով չորս կենդանիներ՝ որոնք նստած խորհուրդ կ'ընէին: Սակայն կատու չէին, կուզեր էին, գիշակեր կենդանիներ, հաւկթի և նորահաս վառեկներու ոկրամոլները: Այդ կուզերէն մին իր ընկերներէն բաժնուելով շան տնակի ծակին մօտեցաւ ու ըսաւ ցած ձայնով.

- Բարի իրիկուն, Մելամբոյ:
- Անունս Մելամբոյ չէ, պատասխանեց խամաճիկը:
- Հապա ո՞վ ես:
- Ես ֓ինոքքիոն եմ:
- Հոս ի՞նչ կ'ընես:
- Պահապան շան պաշտօն կը կատարեմ:
- Եւ ո՞ւր է Մելամբոյ, ծերուկ շունը՝ որ այս տնակին մէջ կը կենար:
- Այս առտու մեռաւ:

— Մեռա՛ւ, խեղճ անասուն... Այնքան բարի էր... Բայց կերպարանքէդ դատելով, դուն ալ բարեկիրթ շուն մը կ'երեւաս ինձ:

— Դերէ՛, ես շուն չեմ.....

— Հապա ի՞նչ ես:

— Խամաճիկ մ'եմ:

— Եւ պահապան շան պաշտօն կը կատարես:



Այդ կուզերէն մին իր ընկերներէն բաժնուելով շան տնակի ծակին մօտեցաւ ու ըսաւ ցած ձայնով:

- Անշուշտ, պատժուելու համար....
- Լաւ ուրեմն, ես միեւնոյն պայմանները կ'առաջարկեմ քեզի, ինչ որ ունէինք հանգուցեալ Մելամբոյի հետ, ու գոհ պիտի ըլլաս:
- Եւ ի՞նչ են այն պայմանները:
- Մենք շաբաթը անգամ մը հոս պիտի գանք, ինչպէս կ'ընէինք առաջ, գիշեր ատեն այս հաւնոցը այցելելու և ութը հատ հաւ պիտի առնենք տանինք: Այս հաւերուն եօթը հատը մենք պիտի ուտենք, մէկն ալ քեզի պիտի տանք, պայմանաւ որ, լաւ մտիկ

ըրէ, դուն քնանալ պիտի ձեւացնես, և բնաւ հաջելու փափաք պէտք չէ որ ունենաս, որպէս զի գիւղացին չարթնցնես:

— Եւ Մելամբոյ իրաւցնէ այսպէս կ'ընէր, հարցուց Փինոբքիոյ:

— Այսպէս կ'ընէր, ու միշտ իրարու հետ համաձայն էինք: Ուստի հանդարտօրէն քնացիր, և վստահ եղիր՝ որ ասկէ մեկնելէ առաջ տնակիդ վրայ կը թողունք փեթթուած աղուոր հաւ մը վաղուան նախաճաշիդ համար: Լաւ հասկցանք զիրար:

— Պէտք եղածէն աւելի, պատասխանեց Փինոբքիոյ տեսակ մը սպառնական կերպով զրուին երեքցնելով, իբր թէ ըսել ուզեր. Քիչ ատենէն նորէն կը տեսնուինք....

Երբ չորս կուզերը իրենց գործի մասին վստահ կարծեցին ինքզինքնին, կարգաւ գնացին դէպ ի հաւնոցը՝ որ շան խղիկին ճիշդ մօտիկը կը գտնուէր, և անոր փայտէ դռնակը աւելաներով ու եղունգներով բանալէն ետք, իրարու ետեւէ ներս մտան: Սակայն գեռ բոլորովին ներսը չէին գնացած, երբ յանկարծ դռնակին սաստկութեամբ կրկին զոցուիլը լսեցին:

Չայն զոցուը Փինոբքիոն էր, որ միայն զոցելով գոհ չըլլալով, խոշոր քար մըն ալ դրաւ առջեւը իբրեւ նեցուկ:

Յետոյ սկսաւ հաջել. և ճիշդ պահապան շան մը պէս հաջելով, հո՛վ, հո՛վ, հո՛վ, հո՛վ կ'ընէր ձայնովը:

Այս հաջիւնը լսելուն, գիւղացին անկողնէն ցատքեց, և հրացանը առած պատուհանէն երեւցաւ ու հարցուց.

— Ի՞նչ կայ նորէն:

— Գողեր կան, պատասխանեց Փինոբքիոյ:

— Ո՞ւր են:

— Հաւնոցին մէջ:

— Հիմայ կու գամ:

Ու իրաւ ալ ամեն մ'ըսելու չափ չտեսեց գիւղացին վար իջաւ. շտապով մտաւ հաւնացին մէջ, և չորս կուզերը յանկարծակիի բերելէն և զանոնք պարկի մը մէջ զոցելէն վերջ, ճշմարիտ գոհունակութեան շեշտով մ'ըսաւ անոնց.

— Վերջապէս ձեռքս ինկաք: Կրնամ պատժել ձեզ, բայց այնքան վատ չեմ: Ընդհակառակն պիտի գոհանամ վաղը ձեզ մօտակայ գիւղի պանդոկապետին տանելով՝ որ ձեր մորթը հանելով պիտի եփէ քաղցրահամ ու գիրուկ նապաստակներու պէս: Պատիւ մը՝ որուն արժանի չէք, սակայն ինձի պէս վեհանձն մարդիկ կարեւորութիւն չեն տար այսպիսի չնչին բաներու.... Յետոյ Փինոբքիոյի մօտենալով սկսաւ շատ մը զգուանքներ ընել անոր, և ի մէջ այլոց նաեւ հարցուց.

— Ի՞նչպէս եղաւ որ գտար այս չորս գողերուն դաւաղրութիւնը: Ըսել է թէ Մելամբոյ իմ հաւատարիմ Մելամբոն, բնաւ բան մը անդրադարձած չէր....

Խամաճիկը այն ատեն կրնար ըսել իր զիտցածը, այսինքն կրնար պատմել շան և կուզերուն մէջ զրուած ամօթալից պայմանները. բայց մտածելով որ շունը արդէն մեռած էր, ինքնիրեն անմիջապէս ըսաւ. Ի՞նչ բանի կը ծառայէ մեռելները ամբաստանելը.... Մեռելները մեռած են, և ամենալաւ բանը՝ որ կարելի է ընել, զանոնք խաղաղութեան մէջ թողուլն է....

— Կուզերուն կալին մէջ եկած ատեն արթո՞ւն էիր թէ կը քնանայիր, շարունակեց հարցնել գիւղացին:

— Կը ընանայի, պատասխանեց Փինոքքիոյ, բայց կուզերը արթնցուցին զիս իրենց շաղակրատութիւններով, ու անոնցմէ մին մինչեւ հոս խղիկին քով եկաւ ինծի ըսելու. «Եթէ խոստանաս չհաջել ու տէրդ չարթնցնել, մենք քեզի փեթթուած աղուոր վառեակ մը կը նուիրենք»: Կը հասկնամք, հէ': Ինծի այսպիսի առաջարկ մ'ընելու լրբութիւնն ունենալ: Պէտք է գիտնաք որ ես խամաճիկ մ'եմ, ու այս աշխարհիս բոլոր պակասութիւնները կրնամ ունենալ. բայց պիտի չ'ըլլամ երբեք անպատիւ մարդոց խաղալիք, և անոնց գողութեան գործակից:

— Ապրիս տղաս, գոչեց գիւղացին անոր ուսին զարնելով: Այդ զգացումները պատիւ կը բերեն քեզի և իմ մեծ գոհունակութիւնս քեզի յայտնելու համար, հիմակուընէ ազատ կը թողում քեզ որ տուն դառնաս:

Եւ շան օղակը անոր վզէն հանեց:

Գ Լ Ո Ի Խ Ի Գ.

Փինոքքիոյ կու լայ կապոյտ մազերով գեղեցիկ Օրիորդին մահուան վրայ. յետոյ Աղանի մը կը գտնէ՝ որ զինքէ ծովեզերք կը տանի, ու հոն ջուրին մէջ կը նետուի իր հօրը ձեպպետոյի օգնութեան երթալու համար:

Փինոքքիոյ երբ ալ չէր զգար վզին վրայ այն կարծր և նուաստացուցիչ օղակին ծանրութիւնը, դաշտերուն մէջէն սկսաւ փախչիլ, ու վայրկեան մ'իսկ կանգ չ'առաւ մինչեւ որ հասաւ մայր ճամբուն վրայ՝ որ Պարիկին տնակը պիտի տանէր զինքը:

Երբ հասաւ մայր ճամբուն վրայ, դարձաւ նայելու դէպ ի վար գտնուող դաշտավայրը, ու շատ որոշ և յստակ կերպով տեսաւ անտառը՝ ուր դժբախտաբար հանդիպած էր Աղուէսին և Կատուին. տեսաւ նաեւ ծառերուն մէջ բարձր գագաթով այն մեծ կաղնին, որուն վրայ վզէն կախուած երերաց. ասդին նայեցաւ, անդին նայեցաւ, անկարելի եղաւ տեսնել կապոյտ մազերով գեղեցիկ Օրիորդին տնակը:

Այն ատեն տեսակ մը տխուր նախազգացում մ'ունեցաւ և իր բոլոր ոյժովը սկսաւ վազել ու քանի մը վայրկեանէն հասաւ մարգագետնին վրայ՝ ուր երբեմն կը գտնուէր ճերմակ տնակը: Սակայն ճերմակ տնակը չկար այլ եւս: Անոր տեղը կար

մարմարեայ քար մը՝ որուն վրայ քանդակուած տառերով կը կարդացուէին հետեւեալ խօսքերը.

ՀՈՍ ԿԸ ՀԱՆԳՅԻ
ՕՐԻՈՐԴԸ ԿԱՊՈՅՏ ՄԱՋԵՐՈՎ,
ՄԵՌԱԻ ԱՆ ՍՐՏԻ ՅԱԻՅՆ
ԼԸՔՈՒԱԾ ԸԼԼԱԼՈՒՆ
ՓԻՆՈՔՔԻՈՅ ԵՂԲՕՐՄԻՆ

Ինչպիսի՛ ցաւ զգաց խամաճիկը, երբ աղէկ գէշ հեգելով կարդաց այն խօսքերը, ձեզի կը թողու՞մ երեւակայել: Երեսի վրայ գետին ինկաւ ու հազար համրոյրներ տալով այն մարմարեայ գերեզմանաքարին սաստիկ լաց մը փրցուց: Լացաւ գիշերն ի բուն ու հետեւեալ առաւօտը լուսնալու մօտ տակաւին կու լար ու կու լար, թէեւ այլ եւս աչքերուն մէջ արցունքը ցամքեր էր. իր լացն ու կոծը այնքան սաստիկ և մորմոքիչ էր՝ որ շրջակայ բլուրները արձագանգը կը կրկնէին: Սն, կու լար ըսելով.

« Ո՛վ իմ անուշիկ Պարիկս, ինչո՞ւ մեռար.... ինչո՞ւ քու տեղդ ես չմեռայ՝ որ այնքան չար եմ, մինչ դուն այնքան բարի էիր.... Իսկ հայրիկս, ո՞ւր կրնայ ըլլալ արդեօք: Ո՛վ սիրուն Պարիկս, ըսէ ինձի ո՞ւր կրնամ գտնել զինքը, ա՛յլ կ'ուզեմ միշտ անոր հետ մնալ, ու զինքը չթողուլ երբեք.... Ո՛վ իմ Պարիկս, ըսէ ինձի իրաւցնէ՛ մեռա՞մ ես.... Եթէ ստուգիւ կը սիրես զիս.... եթէ կը սիրես քու եղբայրիկդ, կենդանացիր.... առաջուան պէս ողջնցիր: Զիս առանձին՝ ամենէն լքուած տեսնելով միթէ՛ չե՞ս ցաւիր.... Թի՛ք որ մարդասպանները վրայ հասնին ու

զիս դարձեալ կախեն ծառին ճիւղէն.... այն ատեն իրաւցնէ պիտի մեռնիմ ցմիշտ: Ի՞նչ կ'ուզես որ ընեմ ես առանձին այս աշխարհիս վրայ: Հիմայ որ կորսնցուցի քեզ ալ, հայրիկս ալ, ինձի ուտելիք ո՞վ պիտի տայ: Գիշերը ո՞ւր պիտի երթամ պառկիմ: Ինձի նոր զգեստիկ մը ո՞վ պիտի շինէ: Ո՛հ, լաւագոյն պիտի



Ո՛վ իմ անուշիկ Պարիկս, ինչո՞ւ մեռար....

ըլլայ, հարիւր անգամ լաւագոյն, որ ես ալ մեռնիմ: Սո՛ր, կ'ուզեմ մեռնիլ.... Ի՛հ, ի՛հ, ի՛հ....

Ու սաստիկ յուսահատութենէն ուզեց մագերը փեթթել սակայն մագերը փայտէ ըլլալով, մատերն անոնց մէջ խոթելու փորձն անգամ չկրցաւ ընել:

Նոյն միջոցին օդին մէջէն կ'անցնէր խոշոր աղանի մը, որ թեւերը տարածած պահիկ մը կենալով՝ ահագին բարձրութենէն պոռաց.

— Ըսէ՛ ինձ, մանուկ, վարը ի՞նչ կ'ընես:

— Չե՞ս տեսներ, կու լամ, ըսաւ Փինոբքիոյ գլուխը այն ձայնին եկած կողմը վերցնելով, և զգեստին թեզանիքով աչքերը սրբելով:

— Ըսէ՛ ինձ, աւելցուց այն ատեն Աղաւնին, արդեօք պատահմամբ ընկերներուդ մէջ կը ճանչնաս խամաճիկ մը Փինոբքիոյ անունով:

— Փինոբքիո՞յ... Փինոբքիո՞յ ըսիր, կրկնեց խամաճիկը ոտքի ցատքելով անմիջապէս, ես եմ Փինոբքիոն:

Այս պատասխանին վրայ Աղաւնին վար եկաւ արագարար գետին իջաւ: Հնդկահաւէ մ'աւելի խոշոր էր ան:

— Ուրեմն ճեպպետտոն ալ կը ճանչնաս հարցուց խամաճիկին:

— Անշուշտ կը ճանչնամ: Իմ խեղճ հայրիկս է: Արդեօք իմ մասիս քեզի խօսեցա՞ն: Ձիս անոր քով կը տանի՞ս, կ'ապրի՞ դեռ. պատասխանէ՛ ինձ Աստուծոյ սիրոյն. ան դեռ կապրի՞:

— Երեք օր առաջ ծովեզերքը թողուցի զինքը:

— Ի՞նչ կ'ընէր հոն:

— Պզտի նաւակ մը կը շինէր Ովկիանոսը անցնելու համար: Այն խեղճ մարդը չորս ամսէ ի վեր աշխարհ կը պըտըտի քեզ փնտռելով, ու չկրնալով գտնել, հիմակ ալ միտքը դրած է նոր աշխարհի հեռաւոր երկիրներուն մէջ փնտռել զքեզ:

— Ասկից մինչեւ ծովեզերք ո՞րքան հեռաւորու թիւն կայ, հարցուց Փինոբքիոյ անձկալից տագնապով:

— Հազար մղոնէ աւելի:

— Հազար մղոն: Ո՞վ իմ Աղաւնիս, ինչ աղուոր բան պիտի ըլլար թէ որ քու թեւերդ ունենայի....

— Եթէ գալ կ'ուզես, ես քեզ կը տանիմ հոն:

— Ի՞նչ կերպով:

— Գաւակիս վրայ նստած: Շատ ծանր ես:

— Ծանր, ընդհակառակն, տերեւի մը պէս թեթեւ:

Եւ Փինոբքիոյ առանց ուրիշ բան մ'ըսելու անմիջապէս ցատքեց Աղաւնիի գաւակին վրայ, և ոտքին մէկը այս կողմ, միւսը այն կողմ դրած, ինչպէս կ'ընեն ձի հեծնողները, ուրախ զուարթ գոչեց. «Շուտ վազէ, թո՛ր մտրուկս, որովհետեւ ստիպուած եմ շուտ հասնիլ...»: Աղաւնին թեւերուն թափ տուաւ և քանի մը վայրկենի մէջ այնքան բարձր սլացաւ՝ որ զրեթէ ամպերուն կը դպչէր:

Երբ այն ահագին բարձրութեան հասած էին, խամաճիկը հետաքրքրութիւնն ունեցաւ դէպ վար նայելու, բայց այնքան վախցաւ, այնքան գլխու պտոյտ մ'ունեցաւ՝ որ վար իյնալու վտանգին առջեւ աննելու համար ամուր մը իր փետրաւոր հեծանելիին վզին փաթթուեցաւ:

Ամբողջ օրը սրացան: Իրիկուան դէմ Աղաւնին ըսաւ.

— Սաստիկ ծարաւի եմ:

— Իսկ ես սաստիկ անօթի եմ, աւելցուց Փինոբքիոյ:

— Սա աղաւնոցին մէջ քանի մը վայրկեան կանգ առնենք, վերջը դարձեալ ճամբայ կ'ելլենք, ու վաղը առտու արշալոյսին ծովեզերքը կը հասնինք:

Ամայի աղաւնոցի մը մէջ մտան՝ ուր կար միայն կոնք մը ջուր և սակառ մը լեցուն վայրի ոլոռ:

Խամաճիկը իր ամբողջ կեանքին մէջ չէր կրցած երբեք տեսնել վայրի ոլոռներ, անոնց վրայ խօսիլն իսկ սրտի խառնուուր և զզուանք կը պատճառէր

իրեն. սակայն այն իրիկուն ճաթեղու աստիճան կե-
րաւ անոնցմէ, և երբ գրեթէ լմնցուց, դարձաւ Ա-
ղանիին ու ըսաւ.



... ամուր մը իր փետրաւոր հեծանիւին
վզին փաթթուեցաւ.

— Երբեք չէի կարծեր որ վայրի ուրոն ալ
այսքան համով ըլլայ:

— Պէտք է գիտնաս որ, տղաս, պատասխանեց
Աղանին, երբ իրաւ անօթութիւնը տիրէ, և ուտե-
լու ուրիշ բան չըլլայ, այն ատեն վայրի ուրոն

ալ պատուական կ'ըլլայ: Անօթութիւնը ո՛չ քմահա-
ճոյք ունի, ո՛չ փափկակերութիւն:

Այն թեթեւ ճաշը արագօրէն լմնցնելէ վերջ, ճամ-
բայ ելան ու սկսան երթալ: Հետեւեալ առաւօտուն
հասան ծովուն եզերքը:

Աղանին գետին դրաւ Փինոքքիոն, և բարի գործ
մը կատարած ըլլալուն համար շնորհակալութիւններ
լսելու նեղութենէն խուսափելու համար, անմիջա-
պէս թռաւ աներևոյթ եղաւ:

Ծովեզերքը բազմութիւն մը կար, մարդիկ դէպ ի ծով
նայելով սաստիկ կը պոռային շարժումներ կ'ընէին:

— Ի՛նչ կայ, հարցուց Փինոքքիոյ պառաւի մը:

— Խեղճ հայր մը իր զաւակը կորսնցուցած ըլ-
լալով, ուզեց պզտիկ նաւակով ծովերէն անդին երթալ
զինքը փնտռելու համար, և այսօր ծովը շատ կատա-
ղի ըլլալով՝ պզտիկ նաւակը ընկղմելու վրայ է...

— Ո՛ր է այդ պզտիկ նաւակը:

— Ահա՛ հոն վարը, մատիս ուղղութեամբ, ըսաւ
պառաւը պզտիկ նաւ մը ցոյց տալով՝ որ այն հե-
ռաւորութեան մէջ ընկոյզի կճեպի մը չափ կ'երեւնար,
մէջն ալ պզտըտիկ մարդ մը:

Փինոքքիոյ այն կողմը դարձուց նայուածքը,
և ուշադրութեամբ դիտելէ վերջ սուր ճիչ մ'արձա-
կեց պոռալով.

— Այն իմ հայրս է, իմ հայրս է:

Մինչդեռ նաւակը կատաղի ալիքներէն ցնցուած,
մերթ կ'անհետանար խոշոր ալիքներուն մէջ, մերթ
ջուրին երեսը կը ծփար, Փինոքքիոյ բարձր ժայռի
մը գագաթը կանգնած ալ չէր դադրեր հօրը անունը
կանչելէ, ձեռքերով ու թաշկինակովը, մինչեւ իսկ
զուրիւր դրած գտակովը նշաններ ընելէ:

Եւ կարծես ճեպպետտոն ալ՝ թէպէտ և ծովեզերքէն շատ հեռու էր, ճանչցաւ զաւակը, որովհետև ինքն ալ հանեց գտակը ու զանի բարեւեց, և ձեւեր ու նշաններ



.... ալ չէր դողրեր հօրը անունը կանչելէ....

ընելով վերջապէս հասկցուց թէ սիրով ետ պիտի դառնար, սակայն ծովն այնքան ալեկոծ էր՝ որ անկարելի էր թիերը գործածելը ցամաքին մօտենալու համար:

Յանկարծ սոսկալիօրէն խոշոր ալիք մ'եկաւ և

նաւակը անյայտացաւ: Ամէն մարդ կը սպասէր որ ան դարձեալ ջուրին երեսը ելլէր. բայց իզուր, ալ չտեսնուեցաւ ջուրին վրայ:

— Խեղճ մարդ, ըսին այն ատեն ձկնորսները՝ որոնք ծովափին վրայ հաւաքուած էին, և ցած ձայնով աղօթք մը մրմնալով ճամբայ ելան իրենց տուները դառնալու համար:

Երբ անոնք յանկարծ յուսահատ ճիչ մը լսեցին, ետ դառնալով տեսան պզտիկ տղայ մը՝ որ բարձր ժայռի մը կատարէն ծովը կը նետուէր պոռալով:

— Կ'ուզեմ հայրս ազատել:

Փինոքքիոյ ամբողջ փայտէ ըլլալով, դիւրաւ ջուրին երեսը կը մնար և ձուկի մը պէս կը լողար: Երբեմն կը տեսնուէր ջուրերուն տակ անհետանալը՝ ալիքներու սաստկութենէն տարուբերուած, երբեմն դարձեալ ջրէն դուրս կ'երեւնար կամ մէկ սրունքովը և կամ թեւովը՝ ցամաքէն շատ ու շատ հեռու: Վերջապէս աչքէ կորսնցուցին զինքը ու ալ չտեսան:

— Խեղճ տղայ, ըսին ձկնորսները՝ որ հոն ծովափին վրայ հաւաքուած էին, ու ցած ձայնով աղօթք մը մրմնալով իրենց տուները դարձան:

Գ Լ Ո Ւ Խ Ի Գ .

Փինոքքիոյ «Ճարտարամիտ Մեղուներ» ու կղզին կը հասնի, ու հոն կը գտնէ Պարիկը:

Փինոքքիոյ ժամանակին հասնելու և խեղճ հօրը օգնելու յուսով ոգեւորուած բոլոր գիշերը լողաց: Եւ ինչ զարհուրելի գիշեր մ'եղաւ այն գիշերը: Ջրհեղեղի պէս անձրեւեց, կարկուտ տեղաց, սարսափելիօրէն որոտաց՝ այնպիսի փայլատակուսներով՝ որ կարծես ցորեկ էր:

Լուսնալու մօտ վերջապէս յաջողեցաւ տեսնել քիչ հեռուն ցամաքի երկար գիծ մը: Կղզի մ'էր ծովուն մէջտեղը:

Ան ամէն ջանք ըրաւ անոր ափունքը հասնելու. բայց անօգուտ տեղը: Աւիքները իրարու ետեւէ վազելով, իրարու վրայ կուտակուելով՝ զինքը իրենց մէջ կը խաղցնէին, իբրեւ թէ յարդի շիւղ մը կամ թել մ'ըլլար: Վերջապէս, իրեն բախտէն, խոշոր եւ բուռն ալիք մը գալով զինքը ուժգին կերպով կղզիի աւազին վրայ նետեց:

Հարուածը այնքան սաստիկ եղաւ՝ որ գետինը զարնուելուն անոր բոլոր կողերն ու ոսկրներուն յողուածները ճարճատեցին, բայց շուտ մը մխիթարեց ինքզինքը ըսելով.

— Այս անգամ ալ ազատեցայ մահուրէն:

Մի և նոյն ատեն երկիրքը սկսաւ կամաց կամաց պարզուիլ, արեւը ծագեցաւ իր ամբողջ պայծառութեամբը, ծովը խաղաղեցաւ ու պարզուեցաւ իւրի պէս:

Այն ատեն իրամաճիկն իր հագուստները արեւին մէջ փռեց չորցնելու համար, ու սկսաւ ասդին անդին նայիլ թէ՛ արդեօք դիպուածով կարելի պիտի ըլլար նշմարել այն ջրի անսահման տափարակին վրայ փոքրիկ նաւակ մը, իր մէջը պղտիկ մարդ մը: Սակայն երկար դիտելէն վերջ՝ առջեւը ուրիշ բան չտեսաւ, եթէ ոչ միայն՝ երկիրք, ծով, և շոգենաւի մը առագաստը, բայց այնքան հեռու, այնքան հեռու որ՝ ճանճի մը պէս կ'երեւնար:

— Գոնէ գիտնայի թէ ինչ է այս կղզիին անունը, կ'ըսէր ինքն իրեն: Գոնէ գիտնայի թէ շնորհքով մարդիկ են այս տեղի բնակիչները, կ'ուզեմ ըսել թէ՛ այնպիսի բնակչութիւն մ'ունենար որ տղաքը ծառերու ճիւղերէն կախելու մոլութիւնը չ'ունենար. արդեօք որո՞ւ կրնամ հարցնել, որո՞ւ, քանի որ մարդ չկայ.....

Հոն առանձին, բոլորովին միս մինակ գտնուելու գաղափարը այդ անմարդաբնակ մեծ երկրին մէջ, այնպիսի սաստիկ մեղամաղձութեան մը մէջ ձգեց զինքը, որ սկսաւ լալ ողբալ, երբ յանկարծ եզբըքէն քիչ մը հեռուն տեսաւ որ խոշոր ձուկ մը կ'անցնէր, և ամբողջ գլուխը ջրէն դուրս՝ հանդարտօրէն իր գործին կ'երթար:

Այն ձուկը ինչ անունով կանչելը չգիտնալով, իրամաճիկն ինքզինքը լսել տալու համար բարձր ձայնով պոռաց.

— Էհէ՛, պարոն ձուկ, կը հաճի՞ք որ խօսք մ'ուղղեմ ձեզի:

— Նոյն իսկ երկու, պատասխանեց ձուկը, որ շատ քաղաքավար Գլխին մ'էր, և որուն նմանը շատ քիչ մը գտնուի աշխարհիս բոլոր ծովերուն մէջ:

— Կը հաճի՞ք ինձ ըսել, արդեօք այս կղզիին մէջ գիւղեր կը գտնուին՝ ուր կարելի ըլլայ ուտելիք գտնել, սակայն առանց ուտուելու վտանգի:

— Անշուշտ կան, պատասխանեց Գլխինը: Նոյն իսկ ասկից քիչ մը հեռու է անոնցմէ մին:

— Ո՞ր ճամբով երթալու եմ հոն:

— Պէտք է որ այն ձախ կողմը գտնուող նեղ ճամբան բռնես ու երթաս՝ շիտակ քթիդ ուղղութեամբ: Չես կրնար սխալիլ:

— Ուրիշ բան մ'ալ հարցնեմ: Դուք որ գիշեր ցորեկ ծովին մէջ կը պտըտիք, արդեօք պատահմամբ հանդիպեցա՞ք նաւակի մը՝ որուն մէջ կը գտնուէր հայրիկս:

— Եւ ո՞վ է հայրիկդ:

— Աշխարհիս ամենէն բարի հայրիկն է, ինչպէս ես ամենագէշ զաւակը:

— Այս գիշերուան փոթորկէն, պատասխանեց Գլխինը, անշուշտ նաւակը ջուրին յատակը գացած պիտի ըլլայ:

— Իսկ իմ հայրիկը:

— Այս ժամուս զինքը արդէն կ'լլած ըլլալու է այդ սոսկալի Շանաձուկը՝ որ քանի մ'օր է ի վեր հոս եկած է կոտորած և աւեր սփռելու մեր ջրերուն մէջ:

— Արդեօք շատ խոշոր է այդ Շանաձուկը, հարցուց Փինոբբիոյ՝ որ վախէն արդէն սկսած էր դողալ:

— Խոշոր... կրկնեց Գլխինը: Որպէս զի կարենաս զաղափար մ'ունենալ, ըսեմ քեզի որ՝ հինգ յարկ ունեցող մեծ տնէ մ'աւելի խոշոր է, և այնքան մեծ և այնքան խոր բերան մ'ունի որ երկաթուղիի ամբողջ կառախումբ մը վառուած մեքենայով միասին զիւրութեամբ կրնայ մէջէն անցնիլ:



... ներեցէք տուած ճանճրոյթիս համար. հազար շնորհակալութիւն ձեր ազնուութեան:

— Ո՛հ, մայրիկ, պողաց խամաճիկը սարսափած, հագուստները արագաբար հագաւ, ու Գլխինին դառնալով ըսաւ.

— Յտեսութիւն, պարոն ձուկ. ներեցէք տուած ճանճրոյթիս համար. հազար շնորհակալութիւն ձեր ազնուութեան:

Այս ըսելով այդ նեղ ճամբան բռնեց ու արագ քայլերով երթալ սկսաւ, այնքան արագ՝ որ կարծես կը վազէր: Եւ ամէն մէկ թեթեւ ազմուկին, կը

դառնար անմիջապէս չորս բոլորը նայելու, վախնալով որ ետեւէն չգայ այդ սոսկալի Շանաձուկը, հինգ յարկով մեծ տան մը պէս խոշոր, բերնին մէջ ալ կառախումբ մը:

Կէս ժամէն աւելի քալելէ յետոյ հասաւ փոքրիկ գիւղ մը՝ որուն անունն էր «Ճարտարամիտ Մեղուներու երկիր»: Փողոցներուն մէջ բազմութիւնը կը վխտար՝ ամէնքն ալ ասդին անդին իրենց գործերուն կը վազէին, ամէնքն ալ կ'աշխատէին, ամէնքն ալ գործի մը հետ էին: Հոն ծոյլ կամ դատարկաշըջիկ չէիր գտներ եթէ ճրագով ալ փնտռելու ըլլայիր:

— Հասկցայ, ըսաւ անմիջապէս այն փինոքքիոյ ըսուած ծոյլը, այս երկիրը իմ գործիս չի գար. ես աշխատելու համար ծնած չեմ:

Եւ սակայն անօթութիւնը զինք կը նեղէր, որովհետեւ գրեթէ քսանըչորս ժամէ ի վեր բերանը բան մը դրած չէր, և ոչ իսկ պնակ մը վայրի ուրու:

Ինչ ընելու էր:

Անօթութիւնը անցնելու համար երկու միջոց միայն կը մնար իրեն, կամ գործ մը խնդրել ու աշխատիլ, և կամ դրամ մը կամ կտոր մը հաց ողորմութիւն խնդրել:

Ողորմութիւն խնդրելու կ'ամչնար, որովհետեւ հայրը իրեն միշտ կը քարոզէր՝ որ ողորմութիւն խնդրելու իրաւունք ունին միայն ձեռքեր ու ցաւագարներ: Այս աշխարհիս մէջ եղած ճշմարիտ և օգնութեան ու կարեկցութեան արժանի թշուառները անոնք են՝ որ իրենց հասուն տարիքին կամ հիւանդութեան պատճառաւ չեն կրնար իրենց ձեռքի աշխատութեամբ ճարել իրենց ապրուստը: Բոլոր միւսները պարտաւոր են աշխատելու. և թէ որ չեն աշ-

խատիր և անօթութենէ կը տանջուին, յանցանքը իրենցն է:

Նոյն միջոցին ճամբէն մարդ մը կ'անցնէր ամբողջովին քրտինքի մէջ ողորուած ու շնչասպառ, ան առանձին՝ շատ դժուարութեամբ ածուխով բեռնաւորուած երկու սայլ կը քաշէր:



Աստուծոյ սիրոյն համար, դրամ մը կու տամ ինձ, անօթի կը մեռնիմ:

Փինոքքիոյ անոր բարի մարդ մ'ըլլալը կերպարանքէն դատելով, մօտեցաւ ամօթէն աչքերը խոնարհեցնելով, ու ցած ձայնով մ'ըսաւ անոր.

— Աստուծոյ սիրոյն համար դրամ մը կու տամ ինձ, անօթի կը մեռնիմ:

— Ո՛չ թէ մէկ, պատասխանեց անխավաճառը, այլ չորս դրամ կու տամ քեզի, թէ որ այս երկու սայլերը մինչեւ տուն տանելու օգնես ինձի:

— Կը զարմանամ, պատասխանեց խամաճիկը գրեթէ վիրաւորուած, գիտցած եղիւր որ ես բնաւ աւանակութիւն ըրած չեմ, կեանքիս մէջ բնաւ սայլ չեմ քաշած:

— Երանի՛ քեզի, պատասխանեց ածխավաճառը: Ուրեմն տղաս, եթէ անօթութենէ իրաւ մեռնելու աստիճանին հասեր ես, կէր երկու խոշոր պատառ հպարտութենէք, և զգոյշ եղիւր որ անմարսողութիւն չունենաս:

Քանի մը վայրկեան յետոյ ճամբէն անցաւ որմնաղիւր մը՝ որ ուսերուն վրայ կը տանէր կողով մը շաղախ:

— Ո՛վ ազնիւ մարդ, դրամ մը տալու բարիքը կ'ընէ՞ք խեղճ տղու մը որ շատ անօթի ըլլալէն կը յորանջէ:

— Ամենայն սիրով, ինծի հետ եկուր շաղախ կրելու, պատասխանեց որմնաղիւրը, և փոխանակ մէկի, հինգ հատ կու տամ քեզի:

— Բայց շաղախը ծանր է, վրայ բերաւ Փինոքըրիոյ ու ես յոգնութեան չեմ դիմանար:

— Եթէ յոգնութեան չես դիմանար, այն ատեն տղաս յորանջելով զուարճացիր և անոյշ ըլլայ:

Գրեթէ կէս ժամուան մէջ ուրիշ քսանի չափ մարդիկ ալ անցան, և Փինոքըրիոյ ամենէն ալ քիչ մ'ողորմութիւն խնդրեց, բայց ամէնքն ալ իրեն այսպէս պատասխանեցին:

— Չե՞ս ամչնար: Փոխանակ ճամբաներուն վրայ դատարկապորտ կենալու և քալելու, գնա՛ գործ մը փնտռէ ու աշխատէ, և հացդ վաստկիլ սորվէ:

Վերջապէս բարի կին մը անցաւ՝ որ երկու սափորը ջուր կը տանէր:

— Բարի կին, կը հաճի՞ք պուտ մը ջուր խմցնել ձեր սափորէն, ըսաւ Փինոքըրիոյ որ սաստիկ ծարաւէն կը պապակէր:

— Անշուշտ, խմէ՛ տղաս, ըսաւ բարի կինը երկու սափորները գետին դնելով:

Երբ Փինոքըրիոյ սպունգի մը պէս խմեց, ծծեց ջուրը, բերանը սրբելով ցած ձայնով մըմռաց.

— Ծարաւս անցուցի: Ո՛ւր էր թէ այսպէս ալ կարենայի անցնել անօթութիւնս...:

Բարի կինը լսելով այս խօսքերը, աւելցուց անմիջապէս.

— Եթէ այս սափորներէն մէկը տուն տանելու օգնես ինծի՛ քեզի խոշոր կտոր մը հաց կու տամ:

Փինոքըրիոյ նայեցաւ սափորին, և այո՛ կամ ոչ մը չպատասխանեց:

— Եւ հացին հետ մեկտեղ պիտի տամ քեզի ձէթով և քացախով համեմուտած պնակ մը լեցուն ընդակաղամբ, աւելցուց բարի կինը:

Փինոքըրիոյ ուրիշ նայուածք մ'ալ դարձուց սափորին ու դարձեալ չպատասխանեց:

— Եւ ընդակաղամբէն վերջը քեզի պիտի տամ պատուական շաքարեղէն մը քաղցրողիով լեցուն:

Այս վերջին որկրամուլական հրապոյրին ալ չկրցաւ դիմանալ Փինոքըրիոյ, և բոլոր քաջութիւնը վրան ժողվելով ըսաւ.

— Շատ աղէկ, սափորը մինչեւ տուն վը բերեմ:

Սափորը շատ ծանր էր, և խամաճիկը ձեռքերուն վրայ ոյժ չունենալով, համակերպեցաւ գլխուն վրայ տանելու զայն:

Տուն հասնելով բարի կինը պատրաստուած պղզատիկ սեղանի մ'առջեւ նստեցուց Փինոքըրիոն և ա-

նոր առջեւ դրաւ հացը, համեմուած ընդակաղամբը
և շաքարեղէնը:

Փինոբքիոյ չկերաւ, այլ լափեց: Իր ստամոքսը
կարծես հինգ ամիսներէ ի վեր պարապ և ամայի
մնացած համբարանոց մ'էր:



.... ու գետնի վրայ ծունկի գալով այդ խորհրդաւոր
կնկան ծունկերուն կը փարէր:

Երբ անօթութեան սաստիկ ցաւերը կամաց կա-
մաց հանդարտեցան, այն ատեն գլուխը վեր վերցուց
շնորհակալ ըլլալու համար իր բարեբարուհիին. բայց
դեռ անոր երեսը նայելէ դադրած չէր, երբ երկայն
ո՛հ մը փրցուց զարմանքէն, աչքերը խոշոր խոշոր
բացած պատառաքաղը օդին մէջ, բերանը հացով և
ընդակաղամբով լեցուն հոն ապշած դիւթուած մնաց:

— Ի՞նչ բանի համար կը զարմանաս այսչափ,
ըսաւ խնդալով բարի կի՛նը:

— Անոր համար որ... պատասխանեց կակա-
զելով Փինոբքիոյ, անոր համար որ... դուք կը
նմանիք... դուք ինձ կը յիշեցնէք... այո՛, այո՛,
այո՛, մի և նոյն ձայնը... մի և նոյն աչքերը...
մի և նոյն մազերը... այո՛, այո՛... դուք ալ
կապոյտ մազեր ունիք... անոր պէս: Ո՛վ իմ սիրելի
Պարիկս... սիրելի Պարիկս... ըսէ՛ ինձ դո՞ւն ես,
իրացնէ դո՞ւն ես... Այ՛ մի՛ լացնէր զիս: Թէ որ
գիտնաս... Ես՛ շատ, ու շատ լացի...:

Իւ այսպէս ըսելով Փինոբքիոյ սաստիկ կուլար,
ու գետնին վրայ ծունկի գալով այդ խորհրդաւոր
կնկան ծունկերուն կը փարէր:

Գ Լ Ո Ի Խ Ի Ե .

Փինոքքիոյ Պարիկին կը խոստանայ բարի ըլլալ և դպրոց երթալ, վասն զի խամաճիկ ըլլալէ ա՛լ ձանձրացած էր ու բարի տղայ մը դառնալ կ'ուզէր:

Բարի կինը՝ նախ սկսաւ ըսել թէ ինքը չէր կապոյտ մագերով փոքրիկ պարիկը. բայց երբ այլ եւս յայտնուած ըլլալը տեսաւ, խաղը աւելի երկարել չուզելով, ծանօթացուց զինքը ու ըսաւ Փինոքքիոյին.

— Անառակ խամաճիկ, ի՞նչպէս հասկցար որ ես իմ:

— Որովհետեւ քեզ շատ կը սիրեմ սիրտս է որ ըսաւ ինձի:

— Կը յիշե՞ս: Ձիս երբ թողուցիր աղջիկ մըն էի, ու հիմայ կին մ'եղած կը գտնես, այնպէս որ կրնամ գրեթէ մայրութիւն ընել քեզի:

— Ինձ շատ հաճելի է, վասն զի փոխանակ քոյրիկ կանչելու քեզ, մայրիկս պիտի կանչեմ: Արդէն շատ ատենէ ի վեր է՝ որ կը հալիմ ու կը մաշիմ մայրիկ մ'ունենալու փափագէն, միւս բոլոր տղոց պէս... բայց ինչպէս եղաւ որ այսքան շուտ մեծցար:

— Գաղտնիք մէն է դա:

— Ինձի ալ սորվեցուր, ես ալ պիտի ուզէի քիչ

մը մեծնալ: Չե՞ս տեսներ, շերտ մը պանիրի չափ բարձր մնացի միշտ:

— Սակայն դու չես կրնար մեծնալ, վրայ բերաւ Պարիկը:

— Ինչո՞ւ:

— Վասն զի խամաճիկները բնաւ չեն մեծնար: Կը ծնին խամաճիկ, կ'ապրին խամաճիկ, կը մեռնին խամաճիկ:

— Ո՛հ, շարունակ խամաճիկ ըլլալէ ա՛լ ձանձրացայ, պոռաց Փինոքքիոյ ծոծրակին հարուած մը տալով: Հիմայ՝ ուրիշ շատերուն նման կ'ուզէի ես ալ մարդ մ'ըլլալ:

— Պիտի ըլլա՞ս, եթէ գիտնաս անոր արժանի ըլլալ...:

— Իրաւցնէ՞: Ինչ կրնամ ընել անոր արժանանալու համար:

— Շատ դիւրին բան մը, վարժիլ պարկեշտ շնորհքով տղայ մ'ըլլալու:

— Միթէ այնպէս չեմ:

— Ընդհակառակն. շնորհքով պարկեշտ տղաքը հնազանդ են, մինչդեռ դուն...:

— Ինչաւ չեմ հնազանդիր:

— Պարկեշտ և բարի տղաք կը սիրեն սորվիլ, աշխատիլ, իսկ դուն...:

— Ես ընդհակառակն, արտանդական և դատարկապորտ կը շրջիմ ամբողջ տարին:

— Պարկեշտ տղաքը ճշմարտութիւնը կը խօսին միշտ...:

— Իսկ ես միշտ սուտ...:

— Պարկեշտ տղաք յօժարութեամբ դպրոց կ'երթան...:

— Իսկ ինձ փորի ցաւ կը պատճառէ դարոցը: Սակայն այսօրունէ սկսեալ վարքս փոխել կ'ուզեմ:

— Կը խոստանամ:

— Կը խոստանամ: Կ'ուզեմ պարկեշտ տղեկ մը դառնալ, ու հօրս մխիթարութիւնն ըլլալ... ո՞ր է արդեօք խեղճ հայրիկս այս ժամուս:

— Չեմ գիտեր:

— Չանի վերստին տեսնելու, գրկելու բախտը պիտի ունենամ արդեօք:

— Կարծեմ թէ այժմ նոյն իսկ վստահ եմ այդ մասին:

Այս պատասխանիս վրայ Փինոքքիոն այնչափ ուրախացաւ որ Պարիկին ձեռքերը բռնելով սաստիկ խանդով համբուրել սկսաւ, ինքնիրմէ դուրս ելած կը թուէր: Յետոյ գլուխը վեր առնելով և զօրովանօք անոր նայելով հարցուց.


— Ըսէ՛ ինձի մայրիկ, ուրեմն իրաւցնէ մեռած չես:

— Կերևայ թէ ո՛չ, պատասխանեց Պարիկը ժպտելով:

— Թէ որ գիտնաս որքան ցաւ և ինչպիսի կոկորդի սեղմում զգացի երբ կարգացի՝ հոս կը հանգչի...

— Գիտեմ, և ասոր համար է որ ներքի բեզի: Քու վշտիդ անկեղծութիւնը ճանչցուց ինձի թէ՛ բարի սիրտ մ'ունիս, և բարեսիրտ տղաք նոյն իսկ քիչ մը ստահակ և չարութեան վարժուած ալ ըլլան, միշտ յոսալից բան մ'ունին, միշտ կը յուսացնեն որ ուղիղ ճամբու մէջ մտնեն նորէն: Ահա ասոր համար է որ մինչեւ հոս եկայ քեզ փնտռելու: Ես քու մայրիկդ պիտի ըլլամ...

— Ո՛հ, ինչ աղուոր բան, գոչեց Փինոքքիոյ ուրախութենէն ցատկուտելով:



Ըսէ՛ ինձի մայրիկ, ուրեմն իրաւցնէ մեռած չես.

— Ինձի միշտ պիտի հնազանդիս և պիտի կատարես ինչ որ ըսեմ քեզի:

— Սիրով, սիրով, ամենասիրով:

— Վաղուրնէ սկսեալ, աւելցուց Պարիկը, դարոց պիտի երթաս:

Փինոքքիոյի զուարթութիւնը անմիջապէս նուազեցաւ:

— Յետոյ քու փափագիդ համեմատ պիտի ընտրես արուեստ մը, կամ արհեստ մը....

Փինոքքիոյ լուրջ կերպարանք մ'առաւ:

— Ինչ կը մըմռաս ահռանիրուդ մէջէն, հարցուց Պարիկը ցասկոտ շեշտով մը:

— Կ'ըսէի թէ.... կակագեց խամաճիկը մեղմ ձայնով մը, այլեւս ասկէ վերջը դարոց երթալը ինձ համար քիչ մը ուշ է....

— Ո՛չ պարոն. համոզուէ՛ որ ուսում առնելու և կըթուելու համար երբեք ուշ չէ:

— Բայց ես ո՛չ արուեստ կ'ուզեմ, ո՛չ աշխատանք....

— Ինչո՞ւ:

— Ինչու որ աշխատանքը յոգնութիւն է:

— Տղաս, ըսաւ Պարիկը, անոնք որ այսպէս կ'ըսեն միշտ՝ կամ բանտի կամ հիւանդանոցի մէջ կը վերջացնեն: Պէտք է գիտնաս որ մարդս հարուստ կամ աղքատ ալ եթէ ծնի, պարտաւորուած է այս աշխարհիս մէջ ո՛ր և է բանով մը պարապելու, գործելու. վայ անոր որ դատարկութենէ կը վարակուի: Դատարկութիւնը ամենագէշ հիւանդութիւն մըն է, պէտք է շուտով բուժել զայն, մանուկ հասակէն, եթէ ոչ, երբ մեծնալու ըլլանք այլ եւս անբուժելի կը դառնայ:

Այս խօսքերը Փինոքքիոյի սրտին դպան, անիկայ խանդով մը գլուխը վեր առնելով, ըսաւ Պարիկին.

— Պիտի սորվիմ, պիտի աշխատիմ, պիտի ընեմ ինչ որ ըսես ինձի, վասն զի վերջապէս ալ ձանձրացայ խամաճիկ ըլլալէն, և ինչ գնով ալ ըլլայ կ'ուզեմ լաւ տղայ մը դառնալ: Խոստացար ինձի, այնպէս չէ՞:

— Այո՛, խոստացայ, և հիմայ քեզմէ կախուած է:



Գ Լ Ո Ւ Խ Ի Զ .

Փինոբքիոյ իր դպրոցական ընկերներուն հետ ծովեզերք կ'երթայ սոսկալի Շանաձուկը տեսնելու համար:

Հետեւեալ օրը Փինոբքիոյ թաղային դպրոցը գնաց: Երեւակայեցէք հոն գտնուող չարաճճի տղոց ըրածները, երբ տեսան որ խամաճիկ մը իրենց դըպրոցը մտաւ: Ընդհանուր ծիծաղ մ'է փրթաւ, ու ա՛լ չէր վերջանար: Մէկը կատակ մը կ'ընէր անոր, ուրիշ մը գտակը կը յափշտակէր ձեռքէն, որը անոր հտեւէն հագուստը կը քաշէր, ուրիշ մը կը ջանար մելանով պիտեր գծել անոր քթին տակ, ուրիշ մ'ալ նոյն իսկ կը փորձէր դերձան կապել անոր ոտքերուն ու ձեռքերուն, զանի խաղցնելու համար:

Փինոբքիոյ քիչ մ'ատեն զուարթութիւն կեղծեց ու համբերեց. բայց վերջապէս զգալով համբերութեան հատնիլը, դարձաւ անոնց որ աւելի կը նեղէին ու կը ծաղրէին զինքը, ու խոփու դէմքով մ'ըսաւ.

— Գիտցէ՛ք տղաք, ես ձեր միմոսն ըլլալու չ'եկայ հոս: Ես ուրիշները կը յարգեմ և կ'ուզեմ որ յարգուիմ:

— Կեցցեն Շատախօս: Տպուած գրքի մը պէս խօսեցար, ճչեցին այդ չարաճճիները բարձրաձայն ծիծաղներ արձակելով, և անոնցմէ ամենէն լիբրը

ձեռքը երկնցուց խամաճիկին քթէն բռնելու դիտաւորութեամբ:

Բայց ժամանակ չունեցաւ. ինչու որ Փինոբքիոյ սեղանին տակէն ոտքը երկնցուց և հարուած մը տուաւ անոր սրունքին:

— Վա՛յ, ինչ կարծր ոտքեր, ճչեց տղան շփելով սրունքին վրայի կապոյտը՝ որ խամաճիկի տուած հարուածէն եղած էր:

— Եւ ինչպիսի՛ արմուկներ... ոտքերէն աւելի կարծր, ըսաւ ուրիշ մը՝ որ իր կոշտ կատակներուն համար արմուկի հարուած մ'ընդուներ էր կուրծքին:

Սակայն այս ստոյգ է որ, այդ ոտքի և արմուկի հարուածներէն վերջ, Փինոբքիոյ դպրոցի բոլոր տղայոց յարգանքն ու համակրանքը շահեցաւ և ամէնքն ալ հազար զգուանքներ կ'ընէին անոր, ու սրտանց կը սիրէին զանի:

Վարժապետն ալ զովեստներ կու տար, որովհետեւ կը տեսնէր անոր ուշադիր, ջանասէր և խելացի ըլլալը, և առաւօտուն դպրոց եկողներուն մէջ միշտ առաջինը, ու դպրոցը վերջանալուն ոտքի ելողներուն մէջ է՛ն վերջինն էր:


Միակ թերութիւնը որ ունէր, ան ալ ընկերներուն հետ շատախօսիւն էր. և ասոնց մէջ կային շատ մը ստահակներ, որոնք լաւ ծանօթ էին ուսում ընելու և իրենց պատիւ բերելու փափաք չունենալուն համար:

Վարժապետն ամէն օր կը խրատէր Փինոբքիոն, նոյնպէս Պարիկը չէր դադրեր ստէպ ստէպ ըսելէ ու կրկնելէ.

— Մտիկ ըրէ՛ Փինոբքիոյ: Դպրոցի այդ բոլոր ընկերներդ ուշ կամ կանուխ ուսմունքէն պիտի պա-

դեցնեն զքեզ և թերեւ մեծ դժբախտութեան մը մէջ
լինալու պատճառ պիտի ըլլան:

— Մի՛ վախնար, կը պատասխանէր խամաճիկը



Giuseppe Carlo
Firenze

Վարժապետն ալ զովեստներ կուտար, որովհետեւ կը տեսնէր
անոր ուշադիր, ջանասէր և խելացի ըլլալը...

ուսերը թօթուելով, և ցուցամատը ձակտին դնե-
լով՝ իբր թէ ըսել ուզէր. « ասոր մէջ բաւական
խելք կայ »:

Օր մը՝ դպրոց գացած պահուն իր ամենօրեայ

ընկերներու խումբին հանդիպեցաւ, որ իրեն ընդ ա-
ռաջ վազելով ըսին.

— Գիտէ՞ս, մեծ լուր մը կայ:

— Ի՞նչ լուր:

— Հոս մօտակայ ծովուն մէջ լերան պէս ահա-
զին Եանաձուկ մ'եկած է:

— Իրաւցնէ՞... Արդեօք մի և նոյն Եանաձուկն
է որ երբեմն իմ խեղճ հայրս խեղդեց:

— Մենք ծովեզերք կ'երթանք զանի տեսնելու
համար: Դուն ալ կ'ուզես գալ:

— Ո՛չ. ես դպրոց պիտի երթամ:

— Դպրոցն ի՞նչ կայ: Վաղը կ'երթանք: Դաս
մ'աւելի կամ պակաս առնելով, միշտ մի և նոյն
տիմարները պիտի չմնանք:

— Հապա վարժապետը ի՞նչ պիտի ըսէ:

— Վարժապետը ինչ որ ուզէ թող ըսէ. յատկա-
պէս վճարուած է բոլոր օրը տրտալու համար:

— Հապա մայրի՞կս:

— Մայրիկները բան չեն գիտեր, պատասխա-
նեցին այդ խաբեբաները:

— Գիտէ՞ք ինչ պիտի ընեմ, ըսաւ Փինոքքիոյ:
Կ'ուզեմ տեսնել այդ Եանաձուկը քանի մը պատ-
ճառներով, սակայն դպրոցէն վերջը:

— Խեղճ անմիտ, անդրադարձաւ մէկը խումբէն:
Ի՞նչ, կը կարծես որ այդ ահագին մեծութեամբ ձուկը
հոն կենայ ուզածիդ պէս շարժելու համար: Անիկայ
ձանձրացածին պէս ուրիշ տեղ կ'երթայ, և այն ատեն
ո՛վ որ տեսաւ՝ տեսաւ:

— Ասկից մինչեւ ծովեզերք երթալու համար
որքան ատեն պէտք է, հարցուց խամաճիկը:

— Մէկ ժամէն կերթանք ու կը դառնանք:

— Ուրեմն, յառաջ, ո՛վ որ շուտ վազէ, ամենէն քաջն է գոչեց Փինոքքիոյ:

Այսպէս մեկնումի նշանը տրուելուն պէս, ստահակներու խումբը գրքերնին ու տետրակնին թեւերնուն տակ առած՝ դաշտերուն մէջէն վազել սկսան,



.... Փինոքքիոյ միշտ ամենէն առաջ էր, կարծես թեւեր ունէր ոտքերուն տակ:

ու Փինոքքիոյ միշտ ամենէն առաջ էր, կարծես թեւեր ունէր ոտքերուն տակ:

Երբեմն երբեմն ետին դառնալով՝ ան կը ծաղրէր իր ընկերները՝ որոնք բաւական հեռու մնացած էին, և զանոնք շնչասպառ, փոշելից, և յոգնութենէն լեզունին բոլորովին դուրս ինկած տեսնելով սաստիկ կը խնդար: Ողորմելին այն ըոպէին չէր գիտեր թէ ինչպիսի սարսափի, և ո՞րքան սոսկալի փորձանքներու ընդառաջ կ'երթար:



Գ Լ Ո Ւ Խ Ի Է .

Մեծ կռիւ Փինոքքիոյի և ընկերներուն միջեւ, որոնցմէ մին վիրաւորուած ըլլալով, Փինոքքիոյ կը ձերբակալուի ոստիկաններէ:

Երբ ծովեզերը հասան, Փինոքքիոյ երկար ակնարկ մը նետեց ծովուն վրայ, բայց ո՛չ մէկ Շանաձուկ տեսաւ: Ծովը բիւրեղեայ խոշոր հայելիի մը պէս ջինջ պարզ էր:

— Հապա Շանաձուկնը ո՞ւր է, հարցուց ընկերներուն դառնալով:

— Նախաճաշ ընելու գացած պիտի ըլլայ, պատասխանեց ասոնցմէ մին խնդալով:

— Եւ կամ անկողնին վրայ տարածուած ըլլալու է մրափելու համար, աւելցուց ուրիշ մը խնդալէն ճաթելով:

Այն տարտամ պատասխաններէն, և այն լիբր ու տիմար քրքիջներէն հասկցաւ Փինոքքիոյ թէ իր ընկերները տգեղ կատակ մ'ըրած էին իրեն՝ հաւատացնել ուզելով բանի մը՝ որ ճշմարիտ չէր. և ասկէ անձնասիրութիւնը վիրաւորուած՝ զայրացկոտ ձայնով մ'ըսաւ անոնց.

— Ըսէ՛ք նայիմ, Շանաձուկին սուտ պատմութիւնը ինծի հաւատացնել տալու ի՞նչ նպատակ ունէիք:

— Անշուշտ նպատակ մը կար... պատասխանեցին այն ստահակները խմբովին:

— Ի՞նչ էր արդեօք:

— Դպրոց երթալուդ արգելք ըլլալ, և մեզի հետ միասին հոս բերել: Ամէն օր այնքան ճշդապահ գտնուելու և դասերուդ մէջ այնքան ժրաջանութիւն ցոյց տալու չէ՞ս ամչնար: Չէս ամչնար այնքան ջանք ցուցնելուդ ուսման:

— Իմ սորվելէս ձեզի ի՞նչ փնաս կուգայ:

— Շատ մեծ, որովհետև մենք պզտիկ կը մնանք վարժապետին առջեւ...

— Ինչո՞ւ համար:

— Վասն զի այն աշակերտները որոնք լաւ կ'ուսանին, կը նսեմացնեն զանոնք՝ որ սորվելու կամք չունին մեզի պէս: Ուրեմն մենք չենք ուզեր այս նախատինքը: Մենք ալ ունինք մեր արժանապատուութիւնը...

— Ուրեմն ի՞նչ ընելու եմ ձեզ գոհացնելու համար:

— Պէտք է որ դուն ալ ձանձրանաս դպրոցէն, դասէն ու վարժապետէն, որոնք մեր երեք մեծ թշնամիներն են:

— Ու եթէ ուզեմ ուսմունքս շարունակել:

— Մենք այլ եւս երեսդ չենք նայիր, և առաջին առթիւ պիտի կրես ատոր պատիժը:

— Իրաւ որ գրեթէ խնդալս կու գայ, ըսաւ խամածիկը գլխու թեթեւ շարժումով մը:

— Է՛հ, Փինոքքիոյ, պողաց այն ատեն տղոց ամենէն մեծը անոր քթին առջեւ երթալով: Հոս մեծարանութիւնը, աքաղաղի պէս խօսորտալը բարա չընէր... Թէ որ դուն մեզմէ չես վախնար, մենք ալ

բեզմէ չենք վախնար: Տէս դուն առանձին ես, ու մենք եօթը հոգի ենք:

— Եօթը մահացու մեղքերուն պէս, ըսաւ Փինոքքիոյ մեծ քրքիջով մը:

— Լսեցի՞ր: Մեզ ամենքս նախատեց: Եօթը մահացու մեղքեր անունը տուաւ մեզի...:

— Փինոքքիոյ, ներում խնդրէ ըրած նախատինքիդ համար... եթէ ոչ, վայ բեզի...:

— Քուրճ, ըսաւ խամածիկը ցուցամատը քթի ծայրին զարնելով ի նշան ծաղրածութեան:

— Փինոքքիոյ, վերջը գէշ կ'ըլլայ...:

— Քուրճ.

— Աւանակի մը պէս ծեծ պիտի ուտես...:

— Քուրճ:

— Քիթդ կտորած տուն պիտի դառնաս...:

— Քուրճ:

— Հիմայ ես բեզի կը սորվեցնեմ քուրճն, գոչեց ստահակներէն է՛ն յանդուզը: Առ այժմ իբր առ հաշիւ ընդունէ՛ ասիկայ, և այս իրիկուան ընթրիքիդ համար պահէ:

Եւ այսպէս ըսելով բռնցի հարուած մը տուաւ անոր գլխուն: Սակայն հարուածը հարուածին փոխանակեց որովհետև խամածիկը, ինչպէս կը սպասուէր, անմիջապէս ուրիշ հարուածով մը պատասխանեց. և այն ատեն կոիւր վայրկենապէս ընդհանուր և կատաղի կերպարանք մ'առաւ:

Փինոքքիոյ թէպէտ և առանձին, դիւցազի մը պէս կը պաշտպանէր ինքզինքը: Իր այն փայտեայ կարծր ոտքերով այնպէս լաւ գործ կը տեսնէր՝ որ պատկառելի հեռաւորութեան մը մէջ կը պահէր միշտ իր թշնամիները: Ո՛ւր որ կընային հասնիլ և դպչիլ իր

ուտքերը, հոն կը թողուին կապոյա նշան մը յիշատակի համար:

Այն ատեն տղաքը՝ խամաճիկին հետ դէմ առ դէմ չկրնալով չափուիլ, զայրացած՝ մտածեցին գնդակներու դիմել, և դպրոցական զրքերու ծրարները քակելով, սկսան Փինոքքիոյին վրան նետել Հեգարանները, Քերականոչիւնները, Քանակները, Հացի կտորները, Թուարին պատմութիւնները Պաշինիին ճշտութիւն և դպրոցական ուրիշ զրքեր. բայց խամաճիկը որ երազ ու ճարտար նայուածք մ'ունէր, կը յաջողէր միշտ ի դերև հանել հարուածները, այնպէս որ զրքի հատորները անոր գլխուն վրայէն անցնելով, ամենքն ալ ծով կը թափէին:

Երեւակայեցէք, ձկները կարծելով թէ այդ զրքերը ուտելու բաներ են, բազմութեամբ ջրին երեսը կը վազէին, բայց զրքի էջ մը, կամ թուղթ մը բերանին առնելէն ետք նորէն դուրս կը թքնէին տեսակ մը շարժուծեւ մ'ընելով, իբր թէ ըսել ուզէին. «Ասիկայ մեր ուտելու բանը չէ, մենք շատ աւելի համեղ կերակուրներու վարժած ենք»:


Սակայն կռիւր երթալով կը սաստկանար, երբ ահա խոշոր խեցգետին մը որ ջրէն դուրս ելած և կամաց կամաց մինչեւ ծովափին վրայ մագլցած ելած էր, պաղ առած աւազափողի անճոռնի ձայնով մը պոռաց:

— Վերջացուցէ՛ք, չարաճճիներ: Տղոց միջեւ ծագած ձեռքի կռիւնները շատ քիչ անգամ լաւ վերջ մը կ'ունենան. միշտ փորձանք մը կը պատահի....

Խեղճ խեցգետին, կարծես թէ հովին տուած ըլլար այն խրատը: Եւ մանաւանդ այն չարաճճի

Փինոքքիոն դառնալով և սպառնական ձևով մ'անոր նայելով կոշտաբար ըսաւ.

— Լռէ՛, չարագուշակ խեցգետին: Աւելի լաւ



.... երբ ահա խոշոր խեցգետին մը ջրէն դուրս ելած և կամաց կամաց մինչեւ ծովափին վրայ մագլցած ելած էր....

կ'ընէիր թէ որ քարաքոսի իրկու ըլիթ ծամէիր այդ կոկորդի հարբուխէդ ապաքինելու համար: Մանաւանդ թէ անկողին գնա՛ և ջանա՛ քրտնիլ:

Այն միջոցին տղաքը որ նետելով ալյուս սպառած էին իրենց բոլոր զրքերը, քիչ հեռուն նշմարեւ

ցին խամաճիկին գրքերուն ծրարը, և ակնթարթի մէջ տէր եղան անոր:

Այս գրքերուն մէջ կար նաեւ հաստ խաւարար-տէ կազմուած գիրք մը, կոնակը և ծայրերը մագաղաթեայ: Թուարանուրեան դասագիրք մ'էր: Չեզի կը թողում երեւակայել թէ ո՞րչափ ծանր էր ան:

Այդ սրիկաներէն մին քաշեց առաւ այդ զերբը, և Փինոքքիոյի գլխուն նշան առնելով բոլոր ուժովը նետեց. սակայն հարուածը փոխանակ խամաճիկին հանդիպելու, ընկերներէն մէկուն հանդիպեցաւ, որ լուացուած լաթի մը պէս ճեփ ճերմակ ըլլալով՝ այս խօսքերէն զատ ուրիշ բան չկրցաւ ըսել:

— Ո՛հ. մայրիկ... օգնութիւն կը մեռնիմ...

Եւ ան ինկաւ մնաց ծովափին վրայ:

Տղաքը իրենց մեռնող ընկերը որ տեսան սարսափած սկսան արագօրէն փախչիլ և քանի մը վայրկենի մէջ բոլորովին անյայտ եղան:

Սակայն Փինոքքիոյ հոն մնաց, և թէպէտ վշտէն ու սարսափէն ինքն ալ աւելի մեռած էր քան կենդանի, սակայն և այնպէս վագեց ծովուն ջուրին մէջ թաթխելու թաշկինակը, ու սկսաւ թրջել իր դպրոցական խեղճ ընկերին քունքը: Միեւնոյն ատեն սաստիկ կու լար և յուսահատարար անունը կը կանչէր ու կ'ըսէր:

— Եւզինիո՞ս... խեղճ Եւզինիոսս... բաց աչքերդ և ինծի նայէ՛...: Ինչո՞ւ չես պատասխաներ: Ես չէի՝ գիտնաս քեզի այս չարիքն ընողը: Հաւատա՛ որ ես չէի... բաց աչքերդ Եւզինիոս... թէ որ աչքերդ դոց պահես, զիս ալ կը մեռցնես...: Ո՛վ Աստուած իմ, հիմայ ինչպէս տուն պիտի դառնամ...: Ինչ երեսով պիտի ներկայանամ իմ բա-

րի մայրիկիս: Ինչ պիտի պատահի ինծի...: Ո՛հ ո՞րքան լաւագոյն էր, հազար անգամ լաւագոյն թէ որ դպրոց գացած ըլլայի...: Ինչո՞ւ մտիկ ըրի այն ընկերներուն, որ իմ կորստեանս պատճառ եղան: Ու վարժապետս ըսաւ այդ բանը ինծի...: Իսկ մայրիկս քանիցս կրկնեց. «Չար ընկերներէ գոռչացի՛ր»: Սակայն ես յամառ եմ... պնդագլուխ եմ... ըսէք ինչ որ ուզէք, միշտ գլխուս դրածիս պէս կ'ընեմ: Ու յետոյ ես կը կրեմ պատիժը...: Այսպէս ահաւասիկ, քանի աշխարհ եկած եմ, քառորդ ժամ մ'իսկ աղեկութիւն չեմ տեսած: Աստուած իմ: Ինչ պիտի ըլլամ, ինչ պիտի գայ գլխուս:

Եւ Փինոքքիոյ կը շարունակէր լալ և ողբալ, բռնցի հարուածներ տալ գլխուն, և խեղճ Եւզինիոսի անունը տալով կանչել զանի, երբ յանկարծ խուլ աղմուկ մը լսեց քայլերու որ կը մօտենային:

Դարձաւ նայեցաւ. երկու հրացանակիրներ էին:

— Ինչ կ'ընես այսպէս զետնի վրայ տարածուած, հարցուցին Փինոքքիոյի:

— Կ'օգնեմ այս դպրոցական ընկերիս:

— Ինչ, միթէ գէ՞շ զգաց:

— Այնպէս կ'երեւայ...:

— Դեռ աւելին կայ, ըսաւ հրացանակիրներէ մին ծռելով եւ մօտէն դիտելով զԵւզինիոս: Այս սղան վիրաւորուած է մէկ քունքէն, ո՞վ վիրաւորեց զինքը:

— Ես չ'ըրի, կակազեց խամաճիկը, որուն վրայ ալ հոգի չէր մնացեր:

— Եթէ դուն չես, հապա ո՞վ վիրաւորեց զանի:

— Ես չ'ըրի, կրկնեց Փինոքքիոյ:

— Ինչ բանով վիրաւորուեցաւ:

— Այս գրքով: Եւ խամաճիկը գետնէն վերցուց խաւարարտով և մագաղաթով կազմուած քուսարանուրիակը, հրացանակրին ցոյց տալու համար:

— Այս գիրքը որո՞ւն է:

— Իմս է:

— Բաւական է այսքանը. ուրիշ բանի պէտք չունինք: Ոտքի ելիր, և մեզի հետ եկուր:

— Բայց ես.....:

— Եկուր մեզի հետ.....:

— Բայց ես անմեղ եմ.....:

— Քալէ՛ մեզի հետ.

Մեկնելէն առաջ հրացանակրիները բանի մը ձկնորսներ կանչեցին, որոնք նոյն միջոցին իրենց նաւակովը ծովեզրին մօտէն կ'անցնէին, ըսին անոնց.

— Ձեզի կը յանձնենք զլիւէն վիրաւորուած այս տղան: Ձեր տունը տարէք ու խնամեցէք զինքը: Վաղը կը վերադառնանք զանի տեսնելու:

Յետոյ Փինոքքիոյի դարձան և իրենց երկուքին մէջտեղ առնելով զինքը, զինուորական շեշտով հրամայեցին.

— Յառա՛ջ, և շուտ քալէ՛, եթէ ոչ քեզի գէշ կ'ըլլայ:

Առանց կրկնել տալու, խամաճիկը սկսաւ քալել այն նեղ ճամբէն՝ որ գիւղը կը տանէր: Բայց խեղճը ինքն ալ չէր գիտէր թէ ինչ աշխարհի մէջ կ'ապրէր: Իրեն այնպէս կ'երեւար թէ կ'երազէր, և ինչ գէշ երազ: Ինքնիրմէն դուրս ելած էր. աչքերը ամէն ինչ կրկին կը տեսնէին, սրունքները կը դողային, լեզուն քիմքին փակած՝ ալ խօսք մը չէր կրնար հանել բերնէն: Եւ սակայն այն տեսակ մը ապշուածեան և անմտութեան մէջ, ամենասուր ցաւ մը իր սիրտը

կը ծակէր, այսինքն իր բարի Պարիկին տան առջեւէն անցնելու պարտաւորուած ըլլալը, հրացանակրիներու մէջտեղ: Ան՝ աւելի պիտի նախընտրէր մեռնիլ:



.... Փինոքքիոյին դարձան և իրենց երկուքին մէջտեղ առնելով զինքը, զինուորական շեշտով հրամայեցին.


Արդէն գրեթէ հասած և գիւղ մտնելու վրայ էին, երբ չափազանց սաստիկ հով մը Փինոքքիոյի գտակը զլիւէն առաւ թոցուց ու տասը քայլ հեռուն տարաւ նետեց:

— Կը հաւանի՞ք, ըսաւ խամաճիկը հրացանա-
կիրներուն, որ երթամ գտակա առնեմ:

— Կրնաս երթալ, բայց շո՛ւտ ըրէ, եկո՛ւր:

Խամաճիկը գնաց առաւ գտակը... բայց փոխա-
նակ զայն գլխուն վրայ դնելու, ահաաներուն մէջ
առած սկսաւ սաստիկ երագ վազել դէպի ծովեզերք:
Ան հրացանի գնդակի մը պէս կը սուրար:

Հրացանակիրները տեսնելով որ դժուար էր անոր
հասնիլը, ետեւէն զրգոնցին խոշոր գամփո մը՝ որ
շուներու ամէն արշաւներուն մէջ առաջին մրցա-
նակը շահած էր: Փինոքքիոյ կը վազէր, շունը իր-
մէն աւելի. աղմուկին վրայ՝ մարդիկ պատուհաններ
կ'ելլէին, ու ճամբու վրայ կը խոնուէին, այս կա-
տաղի արշաւանքին վախճանը տեսնելու անհամբեր:
Սակայն փափաքնուն չհասան, որովհետեւ խոշոր շու-
նը և Փինոքքիոյ ճամբուն վրայ այնպիսի փոշի մը
կը հանէին որ՝ քանի մը վայրկեան վերջ այլեւս
բան մը տեսնել կարելի չեղաւ:



Գ Լ Ո Ւ Խ Ի Ը .

Փինոքքիոյ ձկան մը պէս տապակի մէջ տապկուելու վտան-
գին կը հանդիպի:

Այն կատաղի վազքին պահը՝ սարսափի վայր-
կեան մը եղաւ, վայրկեան մը՝ երբ Փինոքքիոյ զգաց



.... կը զգար ահագին զազանին շնչասպառ հեւը և մինչեւ
իսկ անոր կրակի պէս տար շունչը:

Թէ ալ կորուսած էր. որովհետեւ պէտք է զիտնալ
որ Ալիտորոյ (այս էր գամփոին անունը) յետ սաստիկ
վազելու զրեթէ հասած էր իրեն:

Բաւականն է ըսել թէ՛ խամաճիկը թիզ մը հեռուն ետեւէն կը զգար անազին գազանին շնչասպառ հեւքը, և մինչեւ իսկ անոր կրակի պէս տաք շունչը:

Բարեբախտաբար ծովեզերքը այլ եւս մօտ էր, ու քանի մը քայլ անդին ծովը կ'երեւար:

Հազիւ ծովեզերք հասած, խամաճիկը խոշոր ոստում մ'ըրաւ ինչպէս պիտի ընէր գորտ մը, և գնաց ինկաւ ջուրին մէջ տեղ:

Ալիտորոյ կ'ուզէր կանգ առնել, սակայն արշաւանքին սաստկութենէն մղուած, ինքն ալ մտաւ ջրին մէջ: Բայց ողորմելին լողալ չէր գիտեր, որով սկսաւ թաթերովը զարնել ջրին երեսը ելլելու համար, սակայն քանի կը զարնէր այնքան աւելի դէպ ի տակը կ'երթար զլիտովը:

Երբ յաջողեցաւ զուելը ջրէն դուրս հանել, խեղճ կենդանին զարհուրած և աչքերը խոշոր մը բացած հաջելով կը պոռար.

— Կը խեղդուիմ, կը խեղդուիմ:

— Սատկէ՛, պատասխանեց հեռուէն Փինոքքիոյ՝ որ այլևս ազատ կը զգար ինքզինքը ամէն վտանգէ:


— Օգնութեան հասի՛ր, Փինոքքիոյ... ազատէ՛ զիս մահուանէ...

Այն սրտաճմլիկ աղաղակներուն խամաճիկը՝ որ վերջապէս պատուական սիրտ մ'ունէր, կարեկցեցաւ, ու շան դառնալով ըսաւ.

— Բայց եթէ ես քեզ ազատելու օգնեմ, կը խոստանամ որ ալ զիս պիտի չնեղես ու ետեւէս պիտի չվազես:

— Կը խոստանամ, կը խոստանամ: Ծո՛ւտ ըրէ՛, Աստուծոյ սիրոյն, որովհետեւ եթէ կէս վայրկեան մ'եւս ուշանալու ըլլաս, բոլորովին մեռած եմ:

Փինոքքիոյ վարանեցաւ մի քիչ. բայց յետոյ յիշելով որ իր հայրիկը շատ անգամներ ըսած էր իրեն, թէ բարի գործ մը բնաւ չի կորսուիր, լողալով գնաց հասաւ Ալիտորոյին քով, և երկու ձեռքով անոր պոչէն բռնելով՝ ծովափին չոր աւազին վրայ տարաւ զանի ողջ առողջ:



.... Լողալով գնաց հասաւ Ալիտորոյին քով և երկու ձեռքով անոր պոչէն բռնելով....

Խեղճ շունը ոտքի վրայ կենալու կարողութիւն անգամ չ'ունէր: Առանց ուզելու այնքան աղի ջուր խմած էր՝ որ օդապարիկի մը պէս ուռած էր: Միւս կողմանէ խամաճիկը չափէն աւելի վստահութիւն տալ չուզելով, խոհեմութիւն համարեցաւ կրկին ծովը նետուիլ, և ծովեզերէն հեռանալու ատեն ազատած բարեկամին պոռաց.

— Մնաս բարով, Ալիտորոյ, բարի ճամբորդութիւն, շատ բարեւ տար տունը:

— Մնաս բարով, Փինոբբիոյ, պատասխանեց շունը, հազար շնորհակալութիւն զիս մահուընէ ազատած ըլլալուդ համար: Մեծ ծառայութիւն մը մատուցիր ինծի. այս աշխարհիս վրայ եղած բարիքը անվարձ չի մնար: Եթէ առիթը պատահի, նորէն կը տեսնուինք....

Փինոբբիոյ լողալը շարունակեց, միշտ եզերքին մօտ սակայն: Վերջապէս իրեն այնպէս թուեցաւ թէ ապահով տեղ մը հասած է. ու ծովափին վրայ ակնարկ մը նետելով, ժայռերուն վրայ քարայրի պէս բան մը տեսաւ, ուսկից մուխի երկայն ծուէն դուրս կ'ելէր:

— Այն քարայրին մէջ, ըսաւ ինքնիրեն, կրակ ըլլալու է: Աւելի լաւ, կ'երթամ քիչ մը վրաս կը չորցնեմ ու կը տաքնամ, և յետո՞յ.... յետոյ ինչ որ պիտի ըլլայ՝ այն պիտի ըլլայ:

Այս որոշումը տալէն վերջ մօտեցաւ քարաժայռին, բայց երբ հոն հասնելով դուրս մագլցելու վրայ էր, զգաց որ ջուրին տակէն բան մը վեր կ'ելլէր, և զինքն ալ օդին մէջ կը հանէր: Փորձեց անմիջապէս փախչիլ, սակայն այլ եւս շատ ուշ էր, վասն զի՝ մեծ զարմանքով՝ ինքզինքը գտաւ խոշոր ուռկանի մը մէջ, ամէն տեսակ և ամէն մեծութեամբ ձկներով վիտացող բազմութեան մը մէջ և որ պոչերնին կը շարժէին ու իրարու կը զարնուէին, ինչպէս շատ մը յուսահատ հոգիներ:

Մի և նոյն միջոցին տեսաւ որ քարայրէ դուրս ելաւ ձկնորս մը, այնքան տգեղ, այնքան տգեղ՝ որ՝ կարծես ծովային հրէշ մ'էր: Գլխուն վրայ՝ մագերու տեղ՝ կանաչ խոտերէ թանձր խուրձ մը կը կրէր. կանաչ էր մորթին գոյնը, կանաչ էին աչքերը, կա-

նաչ էր երկար մօրուքը՝ որ մինչեւ վար կ'իջնէր: Կարծես խոշոր մողէզ մըն էր ետեւի ոտքերուն վրայ կանգնած:

Երբ ձկնորսը ծովէն դուրս քաշեց ուռկանը, շատ գոհ գոչեց.

— Օրհնեա՛լ Նախախնամութիւն: Այսօր ալ ձկան փառաւոր խնճոյք մը պիտի կրնամ ընել:

— Աղէ՛կ որ ես ձուկ մը չեմ, ըսաւ ինքնիրեն Փինոբբիոյ, քիչ մը սիրտ առած:

Չկներով լեցուն ուռկանը քարանձաւին մէջ տարուեցաւ, մութ և ծխոտ քարանձաւ մը, որուն մէջ տեղ ձիթալից տապակ մը կ'եռար, որ պատրոյզի քոսի գէշ հոտ մը կ'արձակէր, շունչը կտրելու աստիճան:

— Հիմայ նայինք թէ ինչ ձկներ բռներ ենք, ըսաւ կանաչ ձկնորսը, և ուռկանին մէջ խոթելով խոշոր ձեռքը, այնքան տարօրինակօրէն խոշոր, որ կարծես հացագործի փայտէ թիմըն էր, և բուռ մը արքայաձուկ դուրս հանեց:

— Համով են այս արքայաձկները, ըսաւ անոնց նայելով և հաճոյքով հոտոտելով զանոնք: Հոտոտելէն վերջը զանոնք կոնքի մը մէջ նետեց՝ ուր ջուր չկար:

Այսպէս քանի մ'անգամ կրկնեց մի և նոյն գործողութիւնը, և կամաց կամաց միւս ձկներն ալ դուրս հանելու ատեն բերնին ջրերը կը վազէին ու խայտալով կ'ըսէր.

— Աղուոր են այս մերլանգները....:

— Ընտիր են այս գլխանները....:

— Սքանչելի են այս լեզուաձկները....:

— Համեղ են այս լաբրակները....:

— Ի՛նչ սիրուն են այս զլխով անձրուկները: Կլնաք երեւակայել որ, մերլանգները, զլխանները, լեզուածկները, լարբակները և անձրուկները, բոլորն ալ միասին խառն ի խուռն լեցուեցան տաշտին մէջ արքայածկներուն ընկեր ըլլալու համար: Ուսկանին մէջ է՛ն վերջի մնացածն եղաւ Փիւնոքքիոյ:

Չկնորան հազիւ դուրս հանեց զանի, զարմանքէն իր խոշոր կանաչ աչքերը դուրս անկուեցան ու գրեթէ վախցած պոռաց.

— Ի՛նչ տեսակ ձուկ է ասիկայ: Այս ձուկը չեմ յիշեր որ կերած ըլլամ:

Ու դարձեալ ուշադրութեամբ դիտել սկսաւ և ամէն կերպով լաւ մը դիտելէ յետոյ, վերջացուց ըսելով.

— Հասկցայ ծովու խեցգետին մ'ըլլալու է:

Այն ատեն Փիւնոքքիոյ վիրաւորուած խեցգետին մը կարծուելուն համար, կծու շեշտով մ'ըսաւ.

— Ո՞րն է խեցգետինը... ո՛չ խեցգետինը... Ի՛նչ բանի տեղ կը դնես զիս: Ես, գիտցած ըլլաս, խամաճիկ մ'եմ:

— Խամաճիկ մը, կրկնեց ձկնորսը: Ճշմարիտն ըսելով՝ խամաճիկ ձուկը ինծի համար նորօրինակ ձուկ մ'է: Աւելի լաւ, աւելի հաճոյքով պիտի ուտեմ զքեզ:

— Չիս ուտե՛լ, բայց ի՛նչպէս պէտք է հասկցնել քեզի թէ ես ձուկ մը չեմ: Չե՞ս լսեր որ կը խօսիմ, և կը պատճառարանեմ ես ալ քեզի պէս:

— Շատ ստոյգ է. աւելցուց ձկնորսը, և որովհետեւ կը տեսնեմ որ ձուկ մ'ես, և ինծի պէս խօսելու և խորհելու բախաւորութիւնն ունիս, ես

ալ կ'ուզեմ պարտ ու պատշաճ ակնածանօք վարուիլ հետդ:

— Ո՞րն է այդ ակնածանքը...:

— Ի նշան բարեկամութեան և մասնաւոր յար-



Ի՛նչ տեսակ ձուկ է ասիկայ:

զանաց, քեզի պիտի թողում ընտրելը թէ ի՛նչպէս կ'ուզես եփուիլ: տապակին մէջ կ'ուզես տապկուիլ, թէ աւելի պտուկին մէջ կ'ընտրես եփուիլ լոլիկի համեմունքով:

— Ստոյգն ըսելով, պատասխանեց Փինոքքիոյ, եթէ ինծի կը թողուս ընտրութիւնը, աւելի կը նախընտրեմ ազատ թողութիւլ, տունս կարենալ դառնալու համար:

— Ի՞նչ. կը կարծես որ այսպիսի հազուագիւտ ձկան մը համը առնելու պատեհութիւնը կորսնցնել ուզեմ: Ա՛մէն օր չի պատահիր այս ծովերուն մէջ խամաճիկ ձուկ մ'որսալ: Այդ հոգը ինծի թող. միւս բոլոր ձկներուն հետ քեզ ալ կը տապկեմ տապակին մէջ, և գոհ պիտի մնաս: Ընկերութեամբ տապկուիլը միշտ մխիթարութիւն մըն է:

Գժբախտ Փինոքքիոյ, այս վերջին խօսքերը լսելով սկսաւ լալ և ողբալ, աղաչել ու պաղատիլ. և լալով կ'ըսէր. Ո՛րքան լաւագոյն էր, որ դպրոց գացած ըլլայի...: Ընկերներու խօսքը մտիկ ընել ուզեցի, և հիմակ կը տուժեմ... հի՛... հի՛... հի՛...:

Եւ որովհետեւ ան օձաձուկի մը պէս կը գալարուէր և անհաւատալի ջանքեր կ'ընէր կանաչ ձկնորսին ճիրաններէն ազատելու համար, ասիկայ պրտուէ աղուոր լար մ'առաւ, և Փինոքքիոյի ձեռքերն ու ոտքերը կապելէ վերջ, երշիկի մը պէս, կոնքին մէջ նետեց միւսներուն քով:

Յետոյ մէջը ալիւրով լեցուն փայտեայ ափսէ մը դուրս հանելով՝ սկսաւ ալիւրոտել բոլոր ձկները, և հետզհետէ ալիւրոտածը տապակին մէջ կը նետէր տապակելու համար:

Եռացող իւղին մէջ առաջին պարողներն եղան միրլանգները, յետոյ կարգը եկաւ լարրակներուն (համեղ ձուկ մը). յետոյ զլխաններուն, ապա լեզուաձուկերուն և անձրուկներուն, և յետոյ կարգը եկաւ Փինոքքիոյին: Սա ինքզինքը մահուան այսքան մօտ

տեսնելով (և ի՞նչ սոսկալի մահ), այնքան սաստիկ սարսուռ ու սոսկումէ բռնուցաւ որ օգնութիւն մը խնդրելու համար ոչ շունչ ունէր և ոչ ալ ճիչ կը հանէր:

Խեղճ տղեկը աչքերով օգնութիւն կը պաղատէր: Սակայն կանաչ ձկնորսը, առանց ուշ դնելու անոր, չորս հինգ անգամ ալիւրին մէջ դարձուց զանի, ոտքէն մինչեւ զլուխը լաւ մը ալիւրոտելով այնպէս որ կարծես կաւիճէ խամաճիկ մ'էր:

Յետոյ բռնեց զայն զլխէն, և.....:

Եւ նոյն միջոցին քարայրին մէջ լսուեցաւ մեղմիկ ձայն մը.

— Ազատէ՛ զիս, Ալիտորոյ: Եթէ զիս չազատես, տապկուած եմ...

Գ. Լ. ՈՒԽ Ի Թ.

Փինոքքիոյ կը դառնայ պարիկին տունը, կը խոստանայ իրեն որ հետեւեալ օրը այլ եւս խամաճիկ պիտի չ'ըլլայ, հապա տղայ մը պիտի դառնայ: Կաթի և սուրճի մեծ նախաճաշ այս մեծ դէպքը տօնելու համար:

Մինչդեռ ձկնորսը փինոքքիոն իրօք տապակին մէջ նետելու վրայ էր, քարայրին մէջ մտաւ խոշոր շուն մը, որ տապկոցին սաստիկ ու ախորժահամ հոտէն տարուած հոն մտած էր:

— Կորսուէ՛ դուրս, պոռաց անոր ձկնորսը սպառնական ձայնով, միշտ ձեռքին մէջ բռնելով ալիւրոտած խամաճիկը:

Բայց խեղճ շունը սաստիկ անօթի էր, կաղկանձեւելով ու պոչը շարժելով կարծես ըսել կ'ուզէր անոր.

— Պատառ մը տուր տապկածէդ և քեզ հանդարտ կը թողում:

— Կորսուէ՛ գնա՛ կ'ըսեմ քեզի, կրկնեց ձրկնորսը, և երկնցուց ոտքը հարուած մը տալու համար:

Այն ատեն շունը, թէպէտ և շատ անօթի էր, սակայն երբեք չէր վարժած թոյլ տալու որ հետը այդպիսի կատակ մ'ընէին, սպառնալից ձկնորսին դէմ մոնչելով ցոյց տուաւ սոսկալի ակունքերը:



— Կորսուէ՛ դուրս, պոռաց անոր ձկնորսը սպառնական ձայնով...

Շունը ճանչցաւ անմիջապէս փինոքքիոյին ձայնը, և ամենամեծ զարմանքով հասկցաւ որ ձայնիկը այն ալիւրոտած կապոցէն դուրս կ'ելլէր և զոր ձկնորսը ձեռքին մէջ բռնած էր:

Ինչ ըրաւ նէ աղէկ: Մեծ ոստում մ'ըրաւ գետնէն, յափշտակեց բերանն առաւ այն ալիւրոտած

կապոցը, և ակոսներով թեթեւ կերպով մը զանի բռնելով, քարայրէն դուրս ելաւ վազելով, ու փայլափի մը պէս սլացաւ:

Չկնորսը սաստիկ կատրած ձեռքէն յափշտակուելուն համար այնպիսի ձկան մը՝ զոր ինքը մեծ ախորժանօք պիտի ուտէր, փորձեց շան ետեւէն վազել, բայց հազիւ թէ քանի մը քայլ ըրաւ սաստիկ հազը բռնեց ու պարտաւորուեցաւ ետ դառնալ:

Վերջապէս Ալիտորոյ, քաղաք տանող նեղ ճամ-



.... ակոսներով թեթեւ կերպով զանի բռնելով, քարայրէն դուրս ելաւ վազելով ու փայլափի մը պէս սլացաւ:

բան գտնելով հոն կանգ առաւ, և ամէն զգուշութեամբ զետին դրաւ բարեկամ Փինոքքիոն:

— Ո՛րքան շնորհակալ պէտք է որ ըլլամ քեզի, ըսաւ խամաճիկը:

— Հարկաւոր չէ, պատասխանեց շունը, դուն զիս ազատեցիր, և փոխարէնը հատուցուեցաւ: Պէտք է որ այս աշխարհիս վրայ ամէնքս ալ իրարու օգնենք:

— Բայց ի՞նչպէս եղաւ որ այդ քարանձաւին մէջ մտար:

— Հոս ծովեզրին վրայ պառկած էի աւելի մեռած քան կենդանի, երբ քամին հեռուէն տապկո-

ցի անուշ հոտ մը բերաւ թթիս: Այն հոտը ախորժակս զրգոցեց, ու եկած կողմը ուղղուեցայ: Եթէ վայրկեան մ'ալ ուշանայի....:

— Մի՛ յիշեցներ ինձի, ճչեց Փինոքքիոյ՝ որ վախէն տակաւին կը դողար: Մի՛ ըսեր: Եթէ վայրկեան մ'ալ ուշանայիր, այս վայրկենիս աղուոր մը տապկուած կերուած ու մարսուած պիտի ըլլայի: Պրբը. մտածելը անգամ սարսուռ կը բերէ վրաս...:

Ալիտորոյ խնդալով աջ թաթը երկնցուց դէպ ի խամաճիկը, զոր իր ձեռքին մէջ առնելով ամուր մը սեղմեց ի նշան բարեկամութեան. ու յետոյ զիրար թողուցին:

Շունը իր տան ճամբան բռնեց. իսկ Փինոքքիոյ առանձին մնալով՝ հոն քիչ մը հեռուն գտնուող խըրճիթ մը գնաց, որուն դրան՝ առջև ձեռունի մը նստած էր արեւէն տաքնալու համար, ու հարցուց անոր.

— Խնդրեմ, ո՞վ բարի մարդ, արդեօք բան մը զիտէ՞ք զլիսէն վիրաւորուած խեղճ տղու մը մասին՝ որուն անունը Եւզինիոս էր:

— Տղան քանի մը ձկնորսներէն հոս այս խըրճիթիս մէջ բերուեցաւ, և հիմայ....

— Հիմայ մեռած պիտի ըլլայ.... ընդմիջեց Փինոքքիոյ մեծ կակիծով:

— Ո՛չ, ողջ է, և արդէն իր տունը վերադարձաւ:

— Իրաւցնէ՞.... իրաւ կ'ըսէք. զոչեց խամաճիկը ուրախութենէն ցատկաւելով: Ուրեմն վէրքը ծանր չէ՞ր....

— Ո՛չ սակայն կրնար շատ ծանր և նոյն իսկ մահացու ըլլալ, պատասխանեց ձեռունին, որովհետեւ ստուարաթղթէ կազմուած հաստ զիրը մը նետած են գլխուն:



BONCINI

Խնդրեմ, ո՞վ բարի մարդ, արդեօր բան մը գիտէ՞ք զլինն վերաւորուած
խեղճ աղու մը մասին՝ որուն անունը Եւզինիոս էր:

— Ո՞վ է նետեր:

— Իր զպրոցական ընկերներէն մէկը. անունը
Փինոքքիոյ.....:

— Եւ ո՞վ է այս Փինոքքիոն, հարցուց խամա-
ճիկը տգէտ ձեւանալով:

— Կ'ըսեն թէ չար տղայ մըն է, թափառաշրջիկ
մը, ճշմարիտ յանդուգն մէկը:

— Զրպարտութիւններ: Բոլորն ալ զրպարտու-
թիւններ են:

— Դուն կը ճանչնաս այս Փինոքքիոն:

— Զինքը տեսած եմ միայն, պատասխանեց
խամաճիկը:

— Դուն ի՞նչ զաղափար ունիս անոր վրան,
հարցուց ծերունին:

— Շատ բարի տղեկ մը կ'երեւայ ինձ, ուսման
փափաքով վառուած, հնազանդ, իր հօրը և ընտանի-
քին սրտանց կապուած:

Մինչ խամաճիկը անամօթաբար այս բոլոր սու-
տերն իրարու ետեւէ կը շարէր, քթին դպաւ, և
նշմարեց որ քիթը թիզաչափ մ'աւելի երկնցեր էր:
Այն ատեն բոլորովին սարսափած սկսաւ պոռալ.

— Ո՞վ բարի մարդ, մի՛ հաւատաք այն բոլոր
սուած բարի վկայութիւններուս, ինչու որ շատ լաւ
կը ճանչնամ Փինոքքիոն և ես ալ կրնամ վստա-
հացնել ձեզ թէ իրաւցնէ չար, անհնազանդ և ծոյլ
տղայ մըն է, և թէ փոխանակ զպրոց երթալու,
ընկերներուն հետ սրիկայութիւն ընելու կ'երթայ:

Հագիւ թէ ըսաւ այս խօսքերը, քիթը կարճնցաւ
և առաջուան պէս իր բնական մեծութիւնը առաւ:

— Ինչո՞ւ համար այսքան ճերմկեր է վրադ
զլուխդ հարցուց մէկէն ծերունին:



BONCINI

Խնդրեմ, ո՛վ բարի մարդ, արդեօր բան մը գիտե՞ք գլխին վերաւորուած խեղճ աղու մը մասին՝ որուն անունը Եւզինիոս էր:

— Ո՛վ է նետեր:

— Իր ղպրոցական ընկերներէն մէկը, անունը Փինոքքիոյ.....:

— Եւ ո՛վ է այս Փինոքքիոն, հարցուց խամաճիկը սզէտ ձեւանալով:

— Կ'ըսեն թէ չար տղայ մըն է, թափառաշրջիկ մը, ճշմարիտ յանդուգն մէկը:

— Ձրպարտութիւններ: Բոլորն ալ զրպարտութիւններ են:

— Դուն կը ճանչնաս այս Փինոքքիոն:

— Ձինքը տեսած եմ միայն, պատասխանեց խամաճիկը:

— Դուն ինչ զաղափար ունիս անոր վրան, հարցուց ձերունին:

— Շատ բարի տղեկ մը կ'երեւայ ինձ, ուսման փափաքով վառուած, հնազանդ, իր հօրը և ընտանիքին սրտանց կապուած:

Մինչ խամաճիկը անամօթաբար այս բոլոր սուտերն իրարու ետեւէ կը շարէր, ըթին ղպաւ, և նշմարեց որ ըիթը թիզաչափ մ'աւելի երկնցեր էր: Ս,յն ատեն բոլորովին սարսափած սկսաւ պոռալ.

— Ո՛վ բարի մարդ, մի՛ հաւատաք այն բոլոր սուտած բարի վկայութիւններուս, ինչու որ շատ լաւ կը ճանչնամ Փինոքքիոն և ես ալ կրնամ վստահացնել ձեզ թէ իրաւցնէ չար, անհնազանդ և ծոյլ տղայ մըն է, և թէ փոխանակ ղպրոց երթալու, ընկերներուն հետ սրիկայութիւն ընելու կ'երթայ:

Հազիւ թէ ըսաւ այս խօսքերը, ըիթը կարճնցաւ և առաջուան պէս իր բնական մեծութիւնը առաւ:

— Ինչո՞ւ համար այսքան ճերմկեր է վրադ գլուխդ հարցուց մէկէն ձերունին:

— Պիտի ըսեմ ձեզի... առանց անդրադառնալու նոր ծեփուած պատի մը քսուեր եմ, պատասխանեց խամաճիկը, ամչնալով պատմելու թէ զինքը ձկան մը պէս ալիւրոտեր էին, տապակին մէջ եփելու համար:

— Հապա վերարկուդ, վարտիքդ ու գտակդ ի՞նչ ըրիր:

— Գողերու հանդիպեցայ՝ որոնք մերկացուցին զիս: Խնդրեմ, բարի ծերուկ, արդեօք հին ու մին բան մը չունի՞ք ինձի տալու որպէս զի հագնիմ, այնքան որ կարենամ տուն դառնալ:

— Տղաս, ուրիշ բան մը չունիմ հագնելիք բաց ի պզտիկ պարկէ մը՝ որուն մէջ կը պահեմ եգիպտաոլոնն: Եթէ ուզես ան. ահա հոն է:

Փինոքքիոյ կրկնել չտուաւ. անմիջապէս առաւ եգիպտաոլոնի պարկը որ պարապ էր, և մկրատով յատակը փոքր ծակ մը բացաւ և երկու քովերէն ալ բանալով, շապիկի մը պէս վրան անցուց: Ու այսպէս շատ թեթեւ կերպով հագուած դէպ ի քաղաք ճամբայ ելաւ: Սակայն երթալու ատեն բնաւ հանգիստ չէր զգար ինքզինքը, այնպէս որ քայլ մ'առաջ կ'երթար քայլ մը ետ, և ինքնիրեն խօսելով կ'ըսէր.

— Ի՞նչպէս պիտի ներկայանամ իմ բարի Պարկիս: Ի՞նչ պիտի ըսէ երբ զիս տեսնելու ըլլայ...: Պիտի ներէ՞ այս ըրած երկրորդ ստահակութեանս...: Գրաւ կը դնեմ որ պիտի չներէ...: Ո՛հ, անշուշտ պիտի չներէ...: Արժան և իրաւ. որովհետեւ այնպիսի ստահակ մ'եմ որ միշտ կը խոստանամ զգաստանալ և խոստումս երբեք չեմ պահեր...:

Մութ գիշեր էր արդէն երբ գիւղ հասաւ, և որովհետեւ փոթորիկ կար և տեղատարափ կ'անձրեւէր,

ուղղակի Պարիկին տունը գնաց, դուռը զարնելու և բանալ տալու հաստատ մտքով:

Սակայն երբ հոն հասաւ, զգաց որ քաջութիւնը կը պակսի, և փոխանակ դուռը զարնելու, վազելով հեռացաւ անկէ քսան քայլ անդին: Յետոյ կրկին դարձաւ դրան քով, և ոչ մէկ բան կրցաւ որոշել.



.... այսպէս շատ թեթեւ կերպով հագուած դէպ ի քաղաք ճամբայ ելաւ:

յետոյ երրորդ անգամ նորէն մօտեցաւ, և դարձեալ նոյնպէս. չորրորդ անգամին դողալով դրան ուռնակը ձեռք առաւ, ու պզտիկ հարուած մը տուաւ:

Սպասեց, սպասեց, վերջապէս կէս ժամ վերջ պատուհան մը բացուեցաւ տանը է՛ն վերի յարկէն, (տունը քառայարկ էր), Փինոքքիոյ տեսաւ պատու-

հանէն խոշոր խղունջի մը երկնալը՝ որուն գլխուն վըայ աղօտ լոյս մը կը պլպլար, և որ ըսաւ.

— Ո՞վ է այս ժամուս դուռը զարնողն:

— Պարիկը տո՛ւնն է, հարցուց խամաճիկը:

— Պարիկը կը քնանայ և չ'ուզէր որ զինքը արթնցնեն. բայց դուն ո՞վ ես:

— Ես եմ:

— Ո՞վ ես:

— Փինոքքիո՞ն եմ:

— Ո՞ր Փինոքքիոն:

— Խամաճիկը, ան ո՞ր այս տանը մէջ կը կենայ Պարիկին հետ:

— Ո՛հ, հասկցայ, ըսաւ խղունջը, հոտ սպասէ, հիմայ վար կ'իջնեմ և անմիջապէս կը բանամ:

— Շուտ ըրէ՛, Աստուծոյ սիրոյն, ինչու որ ցուրտէն կը մեռնիմ:

— Տղաս, ես խղունջ մ'եմ, և խղունջները բնաւ աճապարեւ չեն զիտեր:

Անցաւ ժամ մը, երկու ժամ և դուռը չէր բացուէր. որով Փինոքքիոյ ցուրտէն, վախէն, և մանաւանդ վրան զլուխը անձրևէն թրջած ըլլալով, կը դողդղար, սիրտ ըրաւ ու երկրորդ անգամ մ'ալ զարկաւ դուռը, և աւելի ուժով:

Այս երկրորդ հարուածին երրորդ յարկէն բացուեցաւ պատուհան մը և երեւցաւ մի և նոյն խղունջը:

— Աղուոր խղունջիկ, պոռաց վարէն Փինոքքիոյ, երկու ժամ է որ կը սպասեմ: Եւ ասանկ սոսկալի գիշեր մը երկու ժամը երկու տարիէն աւելի երկար է: Աստուծոյ սիրոյն աճապարէ՛:

— Տղաս, պատասխանեց պատուհանէն այդ անասնիկը բոլորովին հանդարտ և խաղաղ կերպով,

տղաս, ես խղունջ մ'եմ, և խղունջները երբեք աճապարանք չ'ունին: Եւ պատուհանը կրկին գոցուեցաւ:

Քիչ վերջ կէս գիշեր հնչեց. յետոյ առաւօտեան ժամը մէկը, յետոյ երկու և դուռը միշտ գոց կը մնար:

Այն ատեն Փինոքքիոյ համբերութիւնը կորսնցուցած, բարկութեամբ բռնեց դրան ուռնակը կ'ուզէր այնպիսի հարուած մը տալ որ բոլոր տունը թնդացնէր, բայց երկաթեայ ուռնակը մէկէն ողջ օձածուկի մը փոխուեցաւ՝ և ձեռքերուն մէջէն սահելով, գնաց անհետացաւ առուակի մը մէջ՝ որ ճամբուն մէջտեղէն կը սահէր:


— Ո՛հ, ա՛յսպէս է, գոչեց Փինոքքիոյ միշտ աւելի կուրցած բարկութենէն: Եթէ դրան ուռնակը անհետացաւ, ես պիտի շարունակեմ զլարնել աքացի հարուածներով: Եւ քիչ մը ետեւ քաշուելով, ոտքի սաստիկ հարուած մը տուաւ տանը դրան: Հարուածն այնքան զօրաւոր էր՝ որ ոտքը մինչեւ կէսը փայտին մէջ մտաւ. և երբ փորձեց զանի նորէն հանել, անկարելի և անօգուտ յոգնութիւն մ'եղաւ, վասն զի ոտքը փայտին մէջը գամուած մնացած էր՝ զլուխը ձուած գամի մը պէս:

Երեւակայեցէք խեղճ Փինոքքիոյի վիճակը: Գիշերուան մնացած մասը մէկ ոտքը գետինը միւսը օդին մէջ ստիպուեցաւ անցնել:

Առաւօտուն լուսնալու վրայ վերջապէս դուռը բացուեցաւ: Այն բարի խղունջը չորրորդ յարկէն մինչեւ տանը դուռը իջնելու համար ինը ժամ դրած էր: Պէտք է իրաւցնէ ըսել թէ արդեօք որչափ քրտինք թափած պիտի ըլլայ:

— Դրան մէջ գամուած այդ ոտքովդ ի՞նչ կ'ընես հոն, հարցուց խամաճիկին՝ խնդալով:

— Դժբախտութիւն մ'է պատահեցաւ: Փորձեցէք քիչ մը աղուոր խղունջիկ կրնաք արդեօք յաջողիլ զիս այս տանջանքէն ազատել:



— Դրան մէջ գամուած այդ ոտքովդ ի՞նչ կ'ընես հոն....

— Տղաս, այս բանիս համար ատաղձագործ մը պէտք է, իսկ ես բնաւ ատաղձագործութիւն ըրած չեմ:

— Պարիկին աղաչէ՛ իմ կողմանէս....:

— Պարիկը կը քնանայ և չ'ուզեր որ զինք արթնցնենք:

— Սակայն բոլոր օրը ոտքս այս դրան գամուած ի՞նչ կուզէք որ ընեմ:

— Ճամբու վրայէն անցնող մըջիւնները համբելով զուարճացիր:

— Գոնէ ուտելու բան մը բեր, ալ բոլորովին ուժասպառ եղած եմ:

— Անմիջապէս, ըսաւ խղունջը:

Իրաւ ալ երեք ժամ վերջը Փինոքքիոյ տեսաւ անոր վերագառնալը գլխուն վրայ արծաթեայ ափսէով մը: Ափսէին մէջ կար հաց մը, խորոված վառեակ մը, և չորս հատ հասուն ծիրաններ:

— Ահաւասիկ նախաճաշիկդ, Պարիկը կը զրկէ քեզի, ըսաւ խղունջը:

Աստուծմէ եկած այն բարիքը տեսնելով, խամաճիկը բոլորովին մխիթարուած զգաց ինքզինքը: Սակայն որքան մեծ եղաւ յուսախաբուութիւնը, երբ ուտելու սկսելով ցաւ ի սիրտ տեսաւ որ հացը կաւիճէ էր, վառեակը խաւաքարտէ և չորս ծիրանները գունաւորուած ալապաստրէ, իբր թէ իրական ըլլային:

Կ'ուզէր լալ, կ'ուզէր բոլորովին յուսահատութեան տալ ինքզինքը, կ'ուզէր ափսէն իր մէջ եղածներով միասին անդին նետել: Սակայն ընդհակառակն, սաստիկ ցաւէն և ստամոքսի չափազանց տկարութեանէն՝ նուաղած ինկաւ:

Երբ անցաւ նուաղումը, բազմոցի մը վրայ տարածուած գտաւ ինքզինքը, և իր քովը կեցած էր Պարիկը:

— Այս անգամ ալ կը ներեմ քեզի, ըսաւ Պարիկը, բայց վա՛յ քեզի եթէ ուրիշ անգամ մ'ալ ընես քու....

Փինոբրիոյ խոստացաւ և երգուրնցաւ որ պիտի ուսանի, և թէ միշտ բարի վարք մը պիտի ունենայ: Եւ բոլոր տարին իր խոստումը պահեց:



Ով որ չտեսաւ Փինոբրիոյի զգացած ուրախութիւնը՝ այս ցանկալի լուրը առնելուն, երբեք պիտի չկարենայ երեւակայել զայն:

Իրաւ ալ ամաւներջի քննութիւններուն ղպրոցին մէջ ամենէն քաջն ըլլալու պատիւն ունեցաւ, և իր ընթացքն ընդհանրապէս այնքան գովելի և գոհացուցիչ համարուեցաւ որ Պարիկը բոլորովին գոհ ըսաւ անոր.

— Վաղը վերջապէս փափաքդ պիտի կատարուի:

— Այսինքն:

— Վաղը փայտեայ խամաճիկ մ'ըլլալէ պիտի դադրիս, և շնորհքով տղայ մը պիտի գտնաս:

Ով որ չտեսաւ Փինոբրիոյի զգացած ուրախութիւնը՝ այս ցանկալի լուրը առնելուն, երբեք պիտի չկարենայ երեւակայել զայն: Իր բոլոր բարեկամներն ու ղպրոցական ընկերները շքեղ նախաճաշի մը պիտի հրաւիրուէին հետեւեալ օրը Պարիկին տունը, այդ մեծ դէպքը միասին տօնելու համար, և Պարիկը երկու հարիւր թաս կաթ ու սուրճ, և չորս հարիւր հատ ալ կարագով օծուած հացիկներ պատրաստել տուած էր: Այն օրը յիրաւի շատ գեղեցիկ և շատ զուարթ ըլլալ կը խոստանար. բայց....

Դժբախտաբար, խամաճիկներու կեանքին մէջ՝ միշտ թայց մը կայ՝ որ ամէն բան կ'աւրէ:

Գ Լ Ո Ի Խ Լ .

Փինոբքիոյ փոխանակ շնորհքով տղայ մը դառնալու, ծա-
ծուկ կերպով կը մեկնի իր բարեկամին Լուչինեոլոյի
հետ « Խաղալիքներու երկիրը » :

Ինչպէս որ բնական է, Փինոբքիոյ անմիջապէս
հրաման խնդրեց Պարիկէն քաղաք երթալու հրաւեր-
ներ ընելու համար, և Պարիկն ըսաւ անոր .

— Գնա՛ վաղուան նախաճաշին համար ընկեր-
ներդ հրաւիրէ՛ : Բայց յիշէ՛ որ տակաւին չմթնած
տուն դառնալու ես : Հասկցա՛ր :

— Կը խոստանամ մէկ ժամէն վերադառնալ,
պատասխանեց խամաճիկը :

— Զգոյշ եղի՛ր, Փինոբքիոյ : Տղաք շատ շուտ
կը խոստանան, բայց շատ անգամ կը պակսին կա-
տարելու իրենց խոստումը :

— Բայց ես ուրիշներուն չեմ նմանիր . ես երբ
բան մ'ըսեմ, կը կատարեմ :

— Տեսնենք : Եւ սակայն եթէ երբեք անհնա-
զանդ գտնուելու ըլլաս, քեզի գէշ կ'ըլլայ :

— Ինչո՞ւ համար :

— Վասն զի այդ տղաք որ իրենցմէ աւելի
բան գիտցողներու խրատներուն մտիկ չեն ըներ,
միշտ դժբախտութեան մը կը հանդիպին :

— Ու ես փորձեցի ատիկայ, ըսաւ Փինոբքիոյ :
Բայց այսուհետեւ ա՛լ նոյն սխալին մէջ չեմ խնար :

— Պիտի տեսնենք թէ ճշմարիտ կ'ըսես :

Առանց ուրիշ խօսքեր աւելցնելու, խամաճիկը
բարեւեց իր բարի Պարիկը, որ գրեթէ մայր մ'էր
իրեն համար, և երգելով ու պարելով դուրս ելաւ
տանը դռնէն :

Քիչ ատենուան մէջ արդէն իր բոլոր բարեկամ-
ները հրաւիրուած էին :

Մէկ քանին մեծ հաճութեամբ անմիջապէս ըն-
դունեցան, ուրիշներ՝ սկիզբը քիչ մը աղաչել տուին,
բայց երբ իմացան որ կաթով սուրճ և կարագոտած
հացիկներ ալ պիտի ըլլային, հաւանեցան ու ըսին .
« Մենք ալ կուգանք քեզի հաճոյք մը պատճառելու
համար » :

Արդ պէտք է գիտնալ որ Փինոբքիոյ իր բարե-
կամներուն և դպրոցական ընկերներուն մէջ ունէր
մէկը որ ուրիշներէն աւելի նախամեծար կը համա-
րէր և է՛ն սիրածն էր, անունը Ռոմէոս . սակայն
ամէն մարդ Լուչինեոլոյ (պատրոյգ) մականունը կու
տար իրեն, իր նիհար, չոր ու պզտիկ մարմնոյն
պատճառաւ, զիշերուան կանթիղի մը նոր պատրու-
զին յար և նման ըլլալուն համար :

Լուչինեոլոյ դպրոցին տղոց է՛ն ծոյլն և է՛ն
չարածճին էր . բայց Փինոբքիոյ շատ կը սիրեր զա-
նի . գնաց շուտ մը զայն փնտռելու, և իր տունը
նախաճաշի հրաւիրելու համար . բայց առաջին ան-
գամ տունը չգտնելով զինքը, երկրորդ անգամ վե-
րադարձաւ, դարձեալ հոն չէր Լուչինեոլոյ . երրորդ
անգամ մ'ալ գնաց, և պարապ տեղը ճամբայ ըրաւ :

Ո՛ր կարելի էր գտնել ատիկայ : Ասդին փնտռեց

անդին փնտոեց, վերջապէս տեսաւ ոց գիւղացիի մը տան կամարին ետին պահուըտած էր:

— Հոս ի՞նչ կ'ընես, հարցո՞ւր Փինոքքիոյ քովը մօտենալով:

— Կը սպասեմ որ կէս գիշերը ըլլայ, մեկնիմ....

— Ո՞ւր կ'երթաս:

— Հեո՞՛ւ, հեո՞՛ւ, շատ հեո՞ւ:

— Մինչդեռ ես երեք անգամ տունդ գացի քեզ փնտոելու....

— Ինձմէ ի՞նչ կ'ուզէիր:

— Չե՞ս գիտեր մեծ դէպքը: Ինձի հասած բախտէն տեղեկութիւն չ'ունի՞ս:

— Ո՞րն է:

— Վաղը ալ խամաճիկ ըլլալէ պիտի դադրիմ, և քեզի ու միւսներուն պէս տղայ մը պիտի ըլլամ:

— Ուրախակից եմ:

— Ուրեմն վաղուան նախաճաշին քեզի կը սպասեմ տանս մէջ:

— Բայց քեզի ըսի թէ այս երեկոյ իսկ կը մեկնիմ:

— Ժամը քանի՞ն:

— Գիշ ատենէն:

— Ո՞ւր կ'երթաս:

— Կ'երթամ բնակելու երկիր մը.... որ այս աշխարհիս էն գեղեցիկ երկիրն է՝ երեւակայեալ առատութեան երկիր՝ մը....

— Եւ ի՞նչպէս կը կոչուի:

— Կը կոչուի «Խաղալիկներու երկիր»։ Ինչո՞ւ դուն ալ չես գար:

— Ե՞ս, իրաւ որ չեմ կրնար գալ:

— Շատ կը սխալես, Փինոքքիոյ: Հաւատա՛ ին-

ծի, եթէ չգասս պիտի գղջաս: Ո՞ւր կ'ուզես գտնել աւելի շահաւոր երկիր մը մեզ տղայոցս համար: Հոն չկան ոչ դպրոցներ, ո՛չ վարժապետներ, ո՛չ գրքեր: Այն օրհնեալ երկրին մէջ բնաւ չեն ուսանիր: Հինգշաբթի օրը դպրոց չկայ. և իւրաքանչիւր շաբաթ վեց հինգշաբթիէ և մէկ կիրակիէ կազմուած է: Երեւակայէ որ աշնան արձակուրդները կը սկսին յունուարին սկիզբը, և կը վերջանան դեկտեմբերի վերջերը: Ահաւասիկ երկիր մը՝ որ իրաւցնէ հաճելի է ինձի: Ահա ա՛յսպէս պէտք էին ըլլալ բոլոր քաղաքակիրթ երկիրները....:

— Սակայն «Խաղալիկներու երկրին» մէջ ի՞նչպէս կ'անցնին օրերը:

— Առտուրնէ մինչև իրիկուն խաղալով և զուարճանալով: Իրիկունը կը պառկին և միւս առտուն դարձեալ կը սկսին: Ի՞նչ կ'ըսես այս բանիս:

— Հը՛մ.... ըրաւ Փինոքքիոյ, գլուխը թեթեւ մը երերցնելով իբր թէ ըսել ուզէր. կեանք մը՝ զոր ես ալ սիրով պիտի ընէի:

— Ուրեմն կ'ուզե՞ս հետս մեկնիլ: Այո՛ կամ ո՛չ. որոշէ՛:

— Ո՛չ, ո՛չ, և նորէն ո՛չ: Այլ եւս խոստացայ իմ բարի Պարիկին շնորհքով տղայ մը դառնալ, և կ'ուզեմ խոստումս պահել: Նա մանաւանդ կը տեսնեմ որ արեւը մարը մտնելու վրայ է, կը թողում քեզ անմիջապէս ու կը մեկնիմ: Ուրեմն երթաս բա՛րով, և բարի ճամբորդութիւն:

— Այդքան շուտ ո՞ւր կը վազես:

— Տուն: Իմ բարի Պարիկս կ'ուզէ որ գիշերէն առաջ տուն դառնամ:

— Երկու վայրկեան եւս սպասէ:

- Վերջը կ'ուշանամ:
- Երկու վայրկեան միայն:
- Ու եթէ Պարիկը պոռայ երեսիս:
- Թող որ պոռայ: Այդէ մը պոռալէ կանչելէ վերջ պիտի լռէ, ըսաւ ստահակ Լուչինեոյ:
- Առանձին կ'երթաս թէ ընկերութեամբ:
- Առանձին: Հարիւրէ աւելի տղաք ենք:
- Ճամբորդութիւնը ոտքով պիտի ընէք:
- Քիչ ատենէն այս տեղէն պիտի անցնի կառքը՝ որ զիս առնելով մինչեւ այն ամենաերջանիկ երկրին սահմաններուն մօտ պիտի առաջնորդէ:
- Ո՛րքան պիտի ուզէի որ կառքը հիմայ անցնէր....
- Ի՛նչ պատճառաւ կ'ուզես:
- Ամենուդ միասին մեկնիլը տեսնելու համար:
- Քիչ մը եւս կեցիր ու պիտի տեսնես:
- Ո՛չ, ո՛չ. կ'ուզեմ տուն վերադառնալ:
- Սպասէ՛ երկու վայրկեան ալ:
- Արդէն շատ ուշ է: Պարիկը տազնապի մէջ պիտի ըլլայ ինձի համար:
- Խեղճ Պարիկ: Արդեօք կը վախնայ որ ջղջիկները քեզ ուտեն
- Սակայն ըսէ՛, աւելցուց Փինոքքիոյ, իրաւցնէ վստահ ես որ այն երկրին մէջ բնաւ դպրոց չկայ....
- Եւ ոչ իսկ շուքը:
- Եւ ո՛չ ալ վարժապետներ:
- Ոչ իսկ մէկ հատ:
- Եւ ուսանելու, պարտականութիւն չկայ բնաւ:
- Բնաւ, բնաւ երբեք:
- Ի՛նչ գեղեցիկ երկիր, ըսաւ Փինոքքիոյ բերնին ջրերը վազցնելով: Ի՛նչ գեղեցիկ երկիր: Ես հոն բնաւ չեմ գացած, բայց կ'երեւակայեմ....:

- Ինչո՞ւ դուն ալ չես գար:
- Զիս զրգուելդ անօգուտ բան է: Իմ բարի Պարիկիս խոստացեր եմ ասկէ վերջը խոհեմ տղայ մը դառնալ, և չեմ ուզեր խօսքս դրժել:
- Այն ատեն մնաս բարով. ինձմէ բարեւ տար երկրորդական և լիկիոնական վարժարաններուն երբ ճամբան անցած ատենդ հաշդիպիս:
- Երթաս բարով Լուչինեոյ, բարի ճամբորդութիւն կը մաղթեմ. զուարճացիր, և յիշէ՛ երբեմն բարեկամներդ:
- Ասանկ ըսելով խամաճիկը երկու քայլ առաւ երթալու համար. բայց յետոյ կանգ առնելով և քարեկամին դառնալով հարցուց.
 - Բայց իրաւցնէ վստահ ես որ այն երկրին մէջ իւրաքանչիւր շարաթ վեց հինգշարթիէ և մէկ կիրակիէ կը բաղկանայ:
 - Ամենավստահ:
 - Բայց ստոյգ գիտե՞ս որ արձակուրդները կը սկսին յունուարին սկիզբը և կը վերջանան դեկտեմբերի վերջերը:
 - Ստոյգ գիտեմ:
 - Ի՛նչ գեղեցիկ երկիր, կրկնեց Փինոքքիոյ չափազանց գոհունակութենէն գետին թքնելով:
 - Յետոյ հաստատ շեշտով մ'աւելցուց աճապարանօք.
 - Ուրեմն երթաս բարով, և բարի ճանապարհ:
 - Մնաս բարով:
 - Որքան ատենէն կը մեկնիս:
 - Քիչ ատենէն:
 - Մեղք. եթէ մեկնելու համար ժամ մը միայն պէտք ըլլար, թերեւս կարենայի սպասել:

— Հապան Պարիկը:

— Այլ եւս ուշացայ.... ժամ մ'առաջ ժամ մը վերջը տուն դառնալ մի և նոյն բան է:

— Խեղճ Փինոքքիոյ: Հապան եթէ Պարիկը պոռայ կանչէ քեզի:

— Համբերութիւն: Կը թողում որ պոռայ: Լաւ մը պոռալէն կանչելէն ետք կը լռէ:

Գիշերը արդէն վրայ հասած էր, մութ գիշեր մը, երբ յանկարծ հեռուէն պզտիկ լոյսի մը շարժիլը տեսան.... և բոժոժներու ձայն մը ու փողի մը հնչիւնը լսեցին, այնքան տկար և խեղդուկ՝ որ մժղուկի մը սուլումն ըլլալ կը թուէր:

— Ահաւասիկ, գոչեց Լուչինեոլոյ ոտքի ցատքելով:

— Ո՞վ է հարցուց ցած ձայնով Փինոքքիոյ:



— Կառքն է որ զիս առնելու կու գայ: Ուրեմն կ'ուզես գալ, օ՛ն այո՛ կամ ո՛չ:

— Բայց իրաւցնէ ճշմարիտ է, հարցուց խամաձիկը, որ այն երկրին մէջ տղաք բնաւ պարտաւորեալ չեն սորվելու:

— Բնաւ, բնաւ, բնաւ երբեք:

— Ի՛նչ գեղեցիկ երկիր.... Ի՛նչ գեղեցիկ երկիր.... Ի՛նչ հրաշալի երկիր.....:





Վերջապես կառքը հասաւ:

C. CHIOSTRI - Firenze

ԳԼՈՒԽ ԼԱ.

Հինգ ամիս վայելքէ և երջանկութենէ վերջ, Փինոքքիոյ մեծ զարմանքով կը զգայ որ գլխուն վրայ երկու իշու ականջներ կը բուսնին, և աւանակ մը կը դառնայ պոչով և ամէն բանով:

Վերջապէս կառքը հասաւ. առանց մէկ թեթև աղմուկ մ'իսկ հանելու, որովհետեւ անոր անիւները խծուծով և քուրջելով փաթաթուած էին:

Կառքը կը քաշէին տասներկու զոյգ էջեր, բոլորն ալ միեւնոյն մեծութեամբ, բայց տարբեր գոյներով:

Ոմանք մոխրագոյն էին, ոմանք ճերմակ, ոմանք խատուտիկ աղ ու պղպեղի պէս, ոմանք ալ դեղին և կապոյտ խոշոր գծերով:

Սակայն ամենէն տարօրինակ բանը ան էր՝ որ այդ տասներկու զոյգերը, և կամ քսանչորս էջերը, փոխանակ պայտուած ըլլալու, ինչպէս բոլոր միւս բեռնակիր անասուններ, ճերմակ կաշիէ շինուած մարդու կիսակօշիկներ հագած էին:

Հապա՞ կառավարը....

Երեւակայեցէք մարդուկ մը՝ աւելի լայն քան երկայն, գիրուկ, քնքուշ, կարագէ գնդակի մը պէս իւղոտ, խնձորանման երեսով, բերան մ'ունէր որ միշտ կը ժպտէր, նուրբ և յանկուցիչ ձայնով մը,

կատուի ձայնին նման որ տան տիրուհւոյն բարի սրտին կը յանձնարարէ ինքզինքը:

Բոլոր տղաքն ալ, երբ զանի կը տեսնէին կը սիրահարուէին անոր, և կառքին վրայ ելլելու հա-



Երեւակայեցէք մարդուկ մը՝ աւելի լայն քան երկայն, զերուկ, քնքուշ, կարագէ գնդակի մը պէս իւզոտ...

մար իրարու հետ կը մրցէին, որպէս զի անիկայ զիրենք տանի այն երջանիկ երկիրը, որ աշխարհացոյց տախտակին վրայ սա հրապուրիչ անունովը ճանչցուած էր. « Խաղալիկներու երկիր »:

Իրօք ալ կառքն արդէն բոլորովին լեցուած էր ութէն տասներկու տարեկան տղաքներով, աղջուրի

մէջ դրուած անձրուկներու պէս իրարու վրայ դիզուած: Գէշ էր վիճակին, ճգմուելու աստիճան էին, գրեթէ շունչ չէին կրնար առնել. բայց անոնցմէ ո՛չ մէկը անի վախ մը կ'ըսէր, ոչ մէկը կը զանգատէր: Այդ մխիթարութեամբ թէ՛ քանի մը ժամէն երկիր մը պիտի հասնին, ո՛ւր ոչ գիրք, ոչ դպրոց, ոչ ալ վարժապետներ կային՝ անոնք այնքան գոհ և ուրախ կը զգային որ ամէն բանի համակերպած, չէին զգար ո՛չ անհանգստութիւն, ո՛չ չարչարանք, ո՛չ անօթութիւն, ո՛չ ծարաւ, ո՛չ քնատութիւն:

Հազիւ թէ կառքը կեցաւ, փոքրիկ մարդուկը Լուչինեոլոյին ուղղելով խօսքը, հազար քնքշանքներով ու արուեստակեալ ձեւերով հարցոց ժպտելով.

— Քեզի հետ եմ, աղուոր տղաս, դուն ալ կ'ուզե՞ս գալ այն բարերախտ երկիրը:

— Անշուշտ կ'ուզեմ գալ:

— Սակայն, սիրելիս, քեզի կ'իմացնեմ որ կառքին մէջ ա՛լ տեղ չկայ: Ինչպէս կը տեսնես, ամբողջ լեցուն է...:

— Համբերութիւն, պատասխանեց Լուչինեոլոյ, եթէ ներսը տեղ չկայ, կառքի քեղիին վրայ նստելու տեղ մը կը յարմարցնեմ: Եւ մէկ ոստումով ցատկեց հեծաւ քեղիին վրայ:

— Հապա դուն, սիրելիս, ըսաւ մարդուկը դառնալով Փինոքքիոյի չափազանց քաղաքավարութեամբ, ի՛նչ ընելու միտք ունիս: Մեզի՛ հետ պիտի գաս, թէ՛ հոս պիտի մնաս...:


— Ես հոս կը մնամ, պատասխանեց Փինոքքիոյ: Ես կ'ուզեմ տուն վերադառնալ. կ'ուզեմ ուսանիլ և դպրոցին պատինն ըլլալ, ինչպէս կ'ընեն բոլոր շնորհքով տղաք:

— Ուրախակից եմ:

— Փինոքքիոյ, ըսաւ այն ատեն Լուչինեոյոյ, մտիկ ըրէ՛, ինձի եկուր հետերնիս ու երջանիկ պիտի ըլլանք:

— Չէ՛, չէ՛, չէ՛:

— Հետերնիս եկուր ուրախ պիտի ըլլանք, պոռացին ուրիշ չորս հոգիներ կառքին մէջէն:



— Մեզի հետ եկուր, ուրախ պիտի ըլլանք, գոռացին հարիւր ձայներ միասին:

— Մեզի հետ եկուր, ուրախ պիտի ըլլանք, գոռացին հարիւր ձայներ միասին:

— Եւ եթէ ձեզի հետ գալու ըլլամ, ի՞նչ պիտի ըսէ իմ բարի Պարիկս, ըսաւ խամաճիկը՝ որ կը սկսէր կակուղնալ, տատամսիլ:

— Մի՛ այդքան սեւամաղձութեամբ գլուխդ ցաւցներ: Մտածէ՛ որ կ'երթանք երկիր մը, ուր առաւօտէն մինչեւ իրիկուն ուզած խաղերնիս պիտի խաղանք....

Փինոքքիոյ չպատասխանեց, սակայն հառաչանք

մ'արձակեց, յետոյ ուրիշ մը, յետոյ երրորդ մը. ու վերջապէս ըսաւ:

— Քիչ մը տեղ տուէք ինձի. ես ալ կ'ուզեմ գալ....:

— Ամբողջ տեղերը բռնուած են, պատասխանեց պզտի մարդուկը, բայց ցոյց տալու համար թէ որքան հաճելի ես, քեզի կու տամ իմ նստարանս:

— Իսկ դ՞ուր:

— Ես ոտքով կ'երթամ:

— Ո՛չ, երբեք յանձն չեմ առներ: Աւելի կը նախընտրեմ այն էջերէն մէկուն գաւակին վրայ նստիլ, զոչեց Փինոքքիոյ:

Իսկոյն առաջին գոյգին աջակողմեան իշուն մօտեցաւ, որ վրան հեծնէ. սակայն անասնիկը՝ իրիստ կերպով անոր դառնալով, ուժգին կից մը տուաւ կուրծքին ու գետին ձգեց զայն ոտքերը օդին մէջ:

Երեւակայեցէք լիրբ ու այլանդակ քրքիջները այն բոլոր տղոց՝ որոնք ներկայ էին տեսարանին:

Բայց պզտիկ մարդուկը չխնդաց: Ամենամեծ քնքուշութեամբ մօտեցաւ ըմբոստ իշուկին, և անոր համբոյր մը տալ ձեւացնելով, մէկ խածուածքով աւնոր աջ ականջին կէսը փրցուց:

Նոյն ատեն Փինոքքիոյ սաստիկ կատղած ոտքի ելլելով, մէկ ոստումով խեղճ կենդանիին գաւակին վրայ ցատկեց: Եւ ոստումը այնքան յաջող եղաւ, որ տղաք խնդալը մէկդի դնելով սկսան բարձրաձայն պոռալ. կեցցէ՛ Փինոքքիոյ. և բուն անվերջ ծափահարել զինքը:

Երբ ահա յանկարծ իշուկը իր ետեւի ոտքերը վեր բարձրացուց և ամենասաստիկ ոստում մ'ընելով փողոցին մէջտեղը խիճերու դէզի մը վրայ նետեց Փինոքքիոն:

Գարձեալ սկսան բարձրաձայն ծիծաղները, բայց պզտիկ մարդուկը փոխանակ խնդալու, այնքան գորովով լեցունեցաւ այն անհանդարտ իշուկին հանդէպ որ համբոյր մը տալու պէս ծռեցաւ և միւս ականջին կէսն ալ մէկ խածուածքով փրցուց տարաւ: Յետոյ ըսաւ խամաճիկին.



.... ամենասաստիկ ոստում մ'ընելով փողոցին մէջտեղը խիճերու ղէզի մը վրայ նետեց Փինոքքիոն:

— Հիմայ կրնաս հեծնալ, ու մի՛ վախնար: Այն իշուկին խելքը զլխէն թռել էր, բայց ես երկու խօսք ըսի անոր ականջն ի վար, և կը յուսամ թէ կըցայ խելքի բերել և հանդարտեցնել զինքը:

Փինոքքիոյ հեծաւ, և կառքը սկսաւ շարժիլ, սակայն մինչ իշուկները քառատրոփ կ'արշաւէին, և կառքը հասարակաց ճամբու խիճերուն վրայէն կը

սուրար, խամաճիկը կարծեց լսել մեղմ ու հազիւ լսելի ձայն մը՝ որ կ'ըսէր իրեն.

— Խեղճ տխմար: Կամքդ կատարեցիր, բայց պիտի զղջաս:

Փինոքքիոյ գրեթէ սարսափած, ասդին անդին կը նայէր գիտնալու համար թէ ո՞ր կողմէն կու գային այդ խօսքերը. բայց մէկը չտեսաւ: Իշուկները քառատրոփ կ'արշաւէին, կառքը կը սուրար, կառքին մէջ գտնուող տղաք կը քնանային, Լուչինեոլոյ առնետի մը պէս կը խորդար, և նստարանին վրայ եղող պզտիկ մարդուկը ցած ձայնով կ'երգէր.

Գիշերը ամէնքն ի քուն,
Ես միայն արթուն....:

Կէս մղոն ճամբայ եւս ընելէ վերջ, Փինոքքիոյ գարձեալ լսեց այն տկար ձայնը՝ որ կ'ըսէր իրեն.

— Աղէկ միտքդ դիր ս'վ տխմարիկ: Այն տղաք՝ որ ուսմունքը մէկգի թողլով, կռնակ կը դարձնեն զրքերուն, դպրոցին և վարժապետներուն, ինքզինքնին բոլորովին խաղի և զուարճութեան տալու համար, միշտ գծախտ վերջ մը կ'ունենան: Ես փորձով գիտեմ, և կրնամ ըսել քեզի....: Պիտի գայ օրը՝ որ դուն ալ պիտի լաս, ինչպէս հիմակ ես.... բայց շատ ուշ պիտի ըլլայ....

Մեղմ ձայնով շնչուած այս խօսքերը լսելուն պէս խամաճիկը կարգէ դուրս սարսափած վար ցատքեց իշուն գաւակէն, և գնաց անոր երեսէն բռնելու:

Եւ երեւակայեցէք ինչպէս այլալլած մնաց, երբ տեսաւ որ իր իշուկը կու լար.... կուլար ճիշդ տղու մը պէս:

— Է՛հ, պարոն մարդուկ, գոչեց այն ատեն Փինոցքիոյ կառքին տիրոջը, գիտե՛ս այս նորութիւնը: Այս իշուկը կուլայ:

— Թո՛ղ որ լայ. երբ փեսայ ըլլայ պիտի խնդայ:

— Արդեօք խօսի՛լ ալ սորվեցուցեր ես իրեն:

— Ո՛չ, երեք տարի ընտելացած շուներու ընկերութեան մը մէջ մնալով, ինքնիրենը սորվեցաւ քանի մը խօսք մըթմութալ:

— Խեղճ, կենդանի....


— Շուտ, մէկդի՛.... ըսաւ մարդուկը, ժամանակ չկորսնցնենք իշու մը լացը տեանելու համար: Հեծիր ու երթանք. գիշերը զով է և ճամբանիս երկար:

Փինոցքիոյ առանց շունչ առնելու հնազանդեցաւ:

Կառքը սկսաւ իր գնացքը. և հետեւեալ առաւօտ արշալոյսին յաջողութեամբ հասան «Խաղալիկներու երկիրը»:

Այս երկիրը աշխարհիս ուրիշ ոչ մէկ երկրին կը նմանէր: Իր բնակչութիւնը կազմուած էր միայն տղոցմէ: Ամենէն տարեցները տասնըչորս տարեկան էին. իսկ երիտասարդները հազիւ ութը տարեկան: Փողոցներուն մէջ զուարթութիւն մը, ազմուկ մը, մարդուս խելքը գլխէն տանելու աստիճան կանչուրտուր մը կը տիրէր: Ամէն կողմ ստահակներու խումբեր, ոմանք ընկոյզ, ոմանք կլոր քարեր, ոմանք ալ գնդակներ կը խաղային. մէկը հեծելանիւով կը վազէր, ուրիշ մը փայտէ ձիուկի մը վրայ նստած էր. ասդին աչկապուր կը խաղային, անդին իրարու ետեւէ կը վազէին. ուրիշներ խեղկատակի պէս հագուած վառուած խժուժ կը դնէին բերաննին. մէկը բարձրաձայն կը կարդար, ուրիշ մը կ'երգէր, ուրիշ մը սաստիկ ոստուններ կ'ընէր. որ մէկը զլխի վար

ոտքերը վեր օդին մէջ ձեռքերուն վրայ քալելով կը զուարճանար, ուրիշ մը շրջանակ կը դարձնէր, ուրիշ մը հրամանատարի պէս հագուած՝ և զլուխը տերեւէ սաղաւուրտ մը, շաղուած թղթէ գումարտակի մ'առջեւէն կը շրջագայէր, մէկը կը խնդար, միւսը կը



BONCINI

Իր բնակչութիւնը կազմուած էր միայն տղոցմէ:

ճչար, որ մէկը կը կանչէր, որը ձեռքերն իրարու կը զարնէր, ուրիշ մը կը սուլէր, մէկը հաւին հաւկիթ ածելու եղանակը կը ձեւացնէր, վերջապէս դիւաց այնպիսի ժողովարան մը, խառնաձայն աղմուկ մը, և տաժանելի պողոտաներ մը՝ որ մարդս չլըլնալու համար ականջներուն մէջ բամպակ դնելու էր: Բոլոր հրապարակներուն վրայ կը տեսնուէին

կտաւէ շինուած թատրոններ, առաւօտէն մինչեւ իրիկուն տղոցմով լեցուն, և բոլոր տներու պատերուն վրայ ածուխով գրուած գեղեցիկ խօսքեր կը կարդացուէին ինչպէս, օրինակի համար, կեցցէ Խաղեյը, (փոխանակ խաղերը ըսելու). ալ դպրոցներ չենք ուզեր, (փոխանակ դպրոց ըսելու). անկցի՛ր թիւ թանաքիւնը, (փոխանակ թուաքանաքան), և ուրիշ նմանօրինակ ծաղիկներ:

Փինոցքիոյ, Լուչինեոլոյ և միւս բոլոր տղաք որ մարդուկին հետ ճամբորդութիւն ըրած էին, հազիւ թէ ոտքերնին քաղաքին մէջ դրին, անմիջապէս ահագին բազմութեան խառնակ ժխորին մէջ մտան, և քանի մը վայրկեան վերջը, ինչպէս դիւրին է երեւակայել, ամենուն հետ ալ բարեկամացան: Ալ ո՞վ կար իրենցմէ աւելի գոհ և երջանիկ: Անընդհատ պտոյտներու և տեսակ տեսակ զուարճութիւններու մէջ ժամերը, օրերն ու շաբաթները փայլակի պէս կ'անցնէին:

— Ո՛հ, ինչ գեղեցիկ կեանք, կ'ըսէր Փինոցքիոյ ամէն անգամ որ Լուչինեոլոյին կը հանդիպէր:

— Տես, ուրեմն իրաւունք չունէի, կը կրկնէր այս վերջինը: Իսկ դուն մեկնիլ չէիր ուզեր. ու զլուխդ դրած էիր Պարիկիդ տունը դառնալ նորէն, ուսանելով պարապ ժամանակ կորսնցնելու համար: Գըրքերու և դպրոցի նեղութենէն այսօրուան ազատութիւնդ ինձի կը պարտիս, իմ խրատներուս և հոգածութեանս, ճիշդ չէ: Ճշմարիտ բարեկամները միայն գիտեն այսպիսի մեծ բարիքներ ընել:

— Ճշմարիտ է Լուչինեոլոյ: Եթէ ես այսօր իրաւցնէ ուրախ տղայ մ'եմ, զայն քեզի կը պարտիմ: Մինչդեռ վարժապետը՝ գիտես ինչ կ'ըսէր ինձի քու մասիդ խօսած ատեն: Կ'ըսէր միշտ, «Մի ըն-

կերակցիր այն անառակ Լուչինեոլոյին, որովհետեւ անիկայ անպիտան ընկեր մըն է չարիք ընելու համար միայն կրնայ խրատ տալ...»

— Խեղճ վարժապետ, վրայ բերաւ միւսը զլուխն երեքցնելով: Շատ լաւ գիտեմ թէ ինձմէ կը նեղուէր, և զիս միշտ զրպարտելով կը զուարճանար, սակայն ես վեհանձն եմ ու կը ներեմ իրեն:

— Ո՛վ վեհանձն հոգի, ըսաւ Փինոցքիոյ գորովանօք գրկելով բարեկամը, և ճակտին համբոյր մը տալով:

Հինգ ամսէ ի վեր օրերը զուարճանալով և խաղալով կ'անցնէին, առանց երբեք գրքի և դպրոցի երես տեսնելու, երբ առաւօտ մը Փինոցքիոյ արթըննալուն շատ տգեղ անակնկալ մ'ունեցաւ, որ ստուգիւ շատ խոռովեց զինքը:

Չեզի կը թողում՝ երեւակայել խեղճ Փինոքքիոյի ցաւը, ամօթը և յուսահատութիւնը:

Սկսաւ լալ և ողբալ. գլուխը պատին՝ զարնել. բայց որքան աւելի կը յուսահատէր, այնքան աւելի



.... եր դէմքը զարդարուած գտաւ իշու զոյգ մը սքանչելի ականջներով:

կը մեծնային իր ականջները, կը մեծնային, կը մեծնային, և ծայրերը կը մազոտէին:

Այն մեծածայն աղաղակը լսելով, խուցին մէջ մտաւ ազուտրիկ մկնարջիկ մը՝ որ վրայի յարկը կը բնակէր: Ասիկայ սաստիկ կատաղութեան մէջ տեսնելով խամաճիկը, հարցուց խորին հոգածութեամբ.

— Ի՞նչ ունիս սիրելի դրացիս:

— Հիւանդ եմ, Մկնարջիկս, շատ հիւանդ....

Գ. Լ. ՈՒ Խ Լ Բ.

Փինոքքիոյի գլխուն վրայ իշու ականջներ կը բուսնին, և յետոյ իրաւցնէ իշուկ մը կը դառնայ և կը սկսի զուլ:

— Ի՞նչ էր արդեօք այս անակնկալը:

— Պիտի պատմեմ ձեզի, սիրելի փոքրիկ ընթերցողներս: Այս անակնկալը ան էր որ Փինոքքիոյ առաւօտ մը արթննալուն բնականաբար ուզեց գլուխը քերել, քերուքտած ատեն տեսաւ որ....

Գուշակեցէք նայիմ ի՞նչ տեսաւ:

Ամենամեծ զարմացմամբ տեսաւ որ ականջները թիզաչափ մ'աւելի երկնցէր էին:

Դուք գիտէք որ խամաճիկը ի ծնէ պզտորտիկ ականջներ ունէր, այնքան պզտորտիկ՝ որ առաջին նայուածքով չէին տեսնուեր իսկ: Ուստի երեւակայեցէք ի՞նչպէս զարմացած մնաց, երբ գիշերը ստիպուեցաւ ձեռքովն ականջներուն դպչիլ, որոնք այնքան երկնցած էին, որ կարծես երկու աւելակներ ըլլային:

Անմիջապէս գնաց հայելի մը փնտռելու, ինքզինքը տեսնելու համար. սակայն հայելի չգտնելուն, ձեռք լուալու պատի կոնքին մէջ ջուր լեցուց և անոր մէջ ինքզինքը դիտելով, ի՞նչ տեսնէ. ինչ որ երբեք պիտի չ'ուզէր տեսնել, այսինքն իր դէմքը զարդարուած գտաւ իշու զոյգ մը սքանչելի ականջներով:

և այնպիսի հիւանդութենէ մը բռնուած եմ որ ինձ վախ կ'ազդէ. դուն երակի գարկէն կը հասկնաս:

— Քչիկ մը կը հասկնամ:

— Ուրեմն տես արդեօք ջերմ ունիմ:

Մկնարջիկը աջ թաթը վեր հանեց, և Փինոքը քիոյի երակը գննելէ վերջ, հառաչելով մ'ըսաւ.

— Բարեկամ, կը ցաւիմ որ պարտաւորուած եմ քեզի գէշ լուր մը տալու....:

— Այսինքն:

— Դուն շատ գէշ ջերմ մ'ունիս:

— Ինչպիսի ջերմ կընայ ըլլալ արդեօք:

— Աւանակի ջերմ:

— Չեմ հասկնար այդ ջերմին ինչ ըլլալը, պատասխանեց խամաճիկը՝ որ շատ աղէկ հասկըցած էր:

— Այն ատեն ես քեզի կը բացատրեմ, աւելցուց Մկնարջիկը, գիտցի՛ր ուրեմն, որ երկու երեք ժամէն այլ եւս ո՛չ խամաճիկ պիտի ըլլաս, ո՛չ, ալ տղայ մը....:


— Եւ ինչ պիտի ըլլամ:

— Երկու երեք ժամէն ճշմարտապէս իշուկ մը պիտի դառնաս, ճիշդ անոնց պէս որ կառք կը քաշեն, ու կաղամբ՝ և աղցան կը տանին շուկան:

— Ո՛հ, վայ ինձի, վայ ինձի, գոչեց Փինոքը քիոյ երկու ձեռքերով ականջները բռնելով, և կատաղաբար քաշել ու փրցնել ուզելով զանոնք, իրրեւ թէ ուրիշներու ականջներն ըլլային:

— Սիրելիս, պատասխանեց Մկնարջիկը զանի միտիթարելու համար, ի՞նչ կ'ուզես ընել: Այլ եւս ճակատագիրդ է, և իմաստութեան գրքին մէջ գրուած է թէ՛ այն բոլոր ծոյլ տղաքը՝ որոնք գրքերէն, դպրոց-

ներէն և վարժապետներէն ճանճրանալով, իրենց օրերը կ'անցնեն խաղերով, խաղալիկներով և զուարճութիւններով, ուշ կամ կանուխ իրենց վախճանը պիտի ըլլայ պզտիկ պզտիկ աւանակներու փոխակերպիլ:



— Երկու երեք ժամէն իրապէս իշուկ մը պիտի դառնաս....

— Սակայն իրօք այնպէս է, հարցուց խամաճիկը հեկեկալով:

— Դժբխտաբար այդպէս է: Ու հիմայ լաց ու կոծերն անօգուտ են: Պէտք էր որ առաջ մտածէիր:

— Բայց յանցանքը իմա չէ. յանցանքը, հաւատա՛ ինձ Մկնարջիկ, յանցանքը բոլորովին Լուչինեոյին է:

— Եւ ո՞վ է այն Լուչինեոյի:

— Դպրոցի ընկերներէս մէկը: Ես տուն դառ-

նալ, հնազանդ ըլլալ կ'ուզէի. կ'ուզէի ուսմունքս շարունակել և պատիւ բերել ինձի... բայց Լուչինեոլոյ ետլոն ըսաւ. « Ինչո՞ւ ուսմունք սորվելով դունք բեզ կը նեղես. ինչո՞ւ դպրոց երթալ կ'ուզես...: Ընդհակառակն հետեընիս եկուր խաղալիկներու երկիրը. հոն ալ բնաւ պիտի չսորվինք, հոն առաւօտէն մինչեւ երիկուն պիտի զուարճանանք, ու միշտ զուարթ պիտի ըլլանք »:

— Ինչո՞ւ հետեւեցար այն կեղծ բարեկամին, այն գէշ ընկերոջ խորհուրդին:

— Ինչո՞ւ... Ինչու որ, Մկնարջիկս, ես անխելք խամաճիկ մ'եմ... անսիրտ խամաճիկ մը: Ո՛հ, եթէ կտորիկ մը սիրտ ունեցած ըլլայի, պիտի չլքէի բնաւ այն բարի Պարիկը՝ որ մօր մը պէս կը սիրէր զիս և ինձի այնքան բարիք ըրաւ... և այս ժամուս ալ ես խամաճիկ մը պիտի չըլլայի... հապա աղուոր տղեկ մը, շատերուն պէս: Ո՛հ... բայց եթէ Լուչինեոլոյին հանդիպիմ, վայ իրեն, այնքան բաներ պիտի ըսեմ որ...

Եւ ան դուրս ելլել ուզեց: Բայց երբ դրան առջև հասաւ, միտքը ինկաւ որ իշու ականջներ ունէր, և ժողովրդեան մէջ երեւնալու ամենալով, գիտէք ինչ բան հնարեց: Բամպակէ խոշոր գտակ մ'առաւ, և զլուխը մինչեւ ականջներուն տակը մէջը խոթեց:

Յետոյ դուրս ելաւ, ու սկսաւ ամէն կողմ Լուչինեոլոն փնտռել: Փնտռեց զանի հրապարակներուն փողոցներուն և թատրոններուն մէջ. վերջապէս ամէն տեղ. սակայն իզուր: Ճամբուն վրայ որ ուր հանդիպէր տեղեկութիւն կ'ուզէր, բայց ոչ ոք տեսած էր զինքը:

Այն ատեն տունը գնաց փնտռելու, ու դրան առջև հասնելով գարկաւ:

- Ո՞վ է, հարցուց ներսէն Լուչինեոլոյ:
- Ես եմ, պատասխանեց խամաճիկը:
- Քիչ մը սպասէ, կը բանամ:



Բամպակէ խոշոր գտակ մ'առաւ, և զլուխը մինչեւ ականջներուն տակը մէջը խոթեց:

Կէս ժամ վերջը դուրը բացուեցաւ. երևակայեցէք ինչպէս զարմացած մնաց Փինոքքիոյ, երբ խցիկին մէջ մտնելով տեսաւ իր բարեկամ Լուչինեոլոն զլխուն վրայ բամպակէ խոշոր գտակով մը՝ որ սինչեւ ըթին տակը կ'իջնէր:

Այն գտակը տեսնելուն, Փինոքքիոյ զրեթէ միւթարութիւն մը զգաց, ու ինքնիրեն մտածեց.

— Արդեօք բարեկամս ալ բռնուած է միեւնոյն հիւանդութեամբ: Արդեօք ինքն ալ իշու ջերմ ունի.... և բան մը չնշմարածի պէս կեղծելով, ժպտելով մը հարցուց.

— Ինչպէս ես, սիրելի Լուչինետոյ:

— Շատ լաւ. ինչպէս մուկ մը Բարմայի պանիրի կաղապարի մը մէջ:

— Լըջօրէն կ'ըսես:

— Ինչո՞ւ սուտ պիտի ըսեմ քեզի:

— Ներողութիւն բարեկամ, ուրեմն ինչո՞ւ զլխուդ վրայ կը կրես բամպակէ այդ գտակը՝ որ ականջներդ ամբողջ գոցած է:

— Բժիշկը պատուիրեց որ այսպէս ընեմ, որովհետեւ ծոնկերէս մին վիրաւորեցի: Իսկ դուն, սիրելի Փինոքքիոյ, դուն ինչո՞ւ կը կրես այդ բամպակէ գտակը՝ որ մինչեւ ականջներուդ տակը կ'իջնէ ու կը գոցէ:

— Բժիշկը պատուիրեց, վասն զի մէկ ոտքս թեթեւ մը վիրաւորուած է:

— Ո՛հ, խեղճ Փինոքքիոյ:

— Ո՛հ, խեղճ Լուչինետոյ....

Այս խօսքերուս յաջորդեց երկար լուսթիւն մը, և այդ միջոցին երկու բարեկամները իրարու կը նայէին ծաղրածու կերպով:

Վերջապէս խամաճիկը մեղրակաթ ու սրնգային ձայնով մը ըսաւ իր ընկերին,

— Խնդրեմ, գոհացուր հետաքրքրութիւնս, սիրելի Լուչինետոյ. արդեօք ականջի հիւանդութեամբ տառապած ես:

— Երբեք.... հապա դո՞ւն:

— Երբեք: Եւ սակայն առաւօտէն ի վեր ականջիս մէկը զիս սաստիկ կը նեղէ:

— Ես ալ մի և նոյն ցաւը ունիմ:



.... սկսան ականդրկներով ցոյց տալ իրարու իրենց չափէ դուրս խոշորցած ականջները....

— Դո՞ւն ալ.... Ո՞ր ականջդ կը ցաւի:

— Երկուքն ալ: Մի և նոյն հիւանդութիւնն է արդեօք:

— Կը վախնամ որ այդպէս է:

- Լուչինեոլոյ հաճոյք մ'ընել կ'ուզեմ ինծի:
- Սիրով: Բոլոր սրտովս:
- Կը թողնու որ տեսնեմ ականջներդ:
- Ինչո՞ւ չէ: Սակայն կ'ուզեմ նախ քուկինն ներդ տեսնել, սիրելի Փինոքքիոյ:
- Ո՛չ, առաջինը դուն պէտք է ըլլաս:
- Ո՛չ, սիրունիկս: Առաջ դուն, վերջը ես:
- Լաւ ուրեմն, ըսաւ խամաճիկը, իբրեւ անկեղծ բարեկամներ դաշինք մը դնենք:
- Դնենք:
- Երկուքս միասին մի և նոյն ատեն վերցնենք գտակնիս. կ'ընդունին:
- Կ'ընդունիմ:
- Ուշադրութիւն ուրեմն:
- Եւ Փինոքքիոյ սկսաւ բարձրաձայն համբել.
- Մէկ: Երկու: Երեք:

Երեք ըսուելուն պէս երկու տղաքը իրենց գլխէն գտակնին հանելով օդին մէջ նետեցին:

Եւ այն ատեն տեսարան մ'եղաւ՝ որ անհաւատալի պիտի թուէր եթէ ճշմարիտ եղած չ'ըլլար: Այսինքն երբ Փինոքքիոյ և Լուչինեոլոյ տեսան որ երկուքն ալ մի և նոյն դժբախտութեան մէջ ինկած էին, փոխանակ վշտանալու և մահանալու, սկսան ակնարկներով ցոյց տալ իրարու իրենց չափէ դուրս խոշորցած ականջները, ու հազար տեսակ կոշոռ ու կոպիտ ձեւեր ընելէ վերջ, սաստիկ խնտալ մըն էր փրցուցին:

Այնքան խնտացին, այնքան խնտացին, որ կանգուն չէին կրնար կենալ, երբ այն կուշտ ու կուռ խնտալու պահուն, Լուչինեոլոյ յանկարծ լռեց և երերալով ու գոյնը նետելով, ըսաւ բարեկամին.

- Օգնութիւն. օգնութիւն, փինոքքիոյ:
- Ի՞նչ ունիս:
- Աւաղ, ալ չեմ կրնար ոտքերուս վրայ շիտակ կենալ:



Փոխանակ ողբի, հեծեճանքի՝ իշու գունչին կ'արձակէին, և քաղցրահնչուն կերպով գալով, երկուքն միասին կը խմբերգէին. Ե—ա, ես, ես:

— Ես ալ չեմ կրնար, գոչեց Փինոքքիոյ, լալով ու երերակալով:

Այսպէս ըսած ատեննին, երկուքն ալ ծոկեցան ու չորս ոտքի վրայ կեցան գետնին վրայ, ձեռքերով ոտքերով քալելով, և սկսան դառնալ ու վազել խցիկին մէջ: Վազելու միջոցին իրենց թեւերը թաթի փոխուեցան, երեսնին երկնցաւ ու ցուռկ եղաւ,

ու կոնակնին ծածկուեցաւ խատուտիկ բաց մոխրագոյն մազով:

Սակայն այդ երկու թշուառներուն համար չարագոյն վայրկեանը գիտէ՞ք որն եղաւ: Ամենայտո՞ր ու ամենանուաստացուցիչ վայրկեանն եղաւ այն՝ երբ զգացին որ ետենէն պոչ մը կը բուսնի: Այն ատեն ամօթէն ու ցաւէն ընկճուած, փորձեցին լալ, ողբալ իրենց տխուր ճակատագիրը:

Երանի թէ բնաւ ըրած չ'ըլլային: Փոխանակ ողբի, հեծեծանքի՝ իշու զոնչիւն կ'արձակէին, և քաղցրահնչիւն կերպով զուարով, երկուքն միասին կը խմբերգէին. և—ա, և—ա, և—ա:

Նոյն պահուն դուռը զարնուեցաւ, և դրսէն եկող ձայն մը պոռաց.

— Բացէ՛ք: Պզտիկ մարդուկն եմ, ձեզ այս երկիրը բերող կառավարն եմ: Բացէ՛ք շուտով, եթէ ոչ՝ վայ ձեզի:



Գ Լ Ո Ի Խ Լ Գ.

Իրաւցնէ իշուկ մը դառնալով, ծախուելու կը տարուի, և խեղկատակներու ընկերութեան մը վարիչը, ծախու կ'առնէ զանի, պարել և շրջանակներու մէջէն ցատկել սորվեցնելու համար անոր. բայց իրիկուն մը կը կաղանայ, և այն ատեն ուրիշ մը կը գնէ զինք մորթովը թմբուկ մը շինելու համար:

Տեսնելով որ դուռը չի բացուիր, մարդուկը ոտքի սաստիկ հարուած մը տալով բացաւ դուռը, և խուցին մէջ մտնելով իր սովորական անոյշ ծիծաղով ըսաւ Փինոքքիոյի և Լուչինեոյի.

— Ապրի՛ք տղաքս: Շատ աղուոր զոացիք. ես ձեր ձայնէն ճանչցայ անմիջապէս, և անոր համար հոս եկայ:


Այն խօսքերը լսելով երկու իշուկները բոլորովին վհատեցան, զլուխնին ծռած, ականջնին կախ, պոչերնին ալ սրունքներնուն մէջ տեղ քաշած մնացին:

Մարդուկը նախ շողոքորթեց, զգուեց ու փայփայեց զանոնք. յետոյ ձիու բերիչը դուրս հանելով, սկսաւ լաւ մը քերել զանոնք:

Էւ երբ յարատեւ քերելով հայլիի պէս փայլեցուց անոնց մորթը, պախուրց մ'անցուց գլուխնին և շուկայի հրապարակը տարաւ, յուսալով որ ծախէ զանոնք, և բաւական մեծ վաստակ մը ընէ:

Իրաւ ալ գնողները սպասել չտուին:

Լուչինեոյ գնուեցաւ գիւղացիէ մը, որուն աւանակը նախորդ օրը մեռած էր, իսկ Փինոքքիոյ ծախուեցաւ խեղկատակներու և լարախաղացներու ընկերութեան մը վարիչին, որ գնեց զանի՝ կրթելու, և յետոյ ընկերութեան միւս կենդանիներուն հետ պարել և ոստումներ ընել տալու համար:



.... պախուրց մ'անցուց զլուչինին և շուկայի հրապարակը տարաւ, յուսալով որ ծախէ զանոնք....

Հիմայ հասկցա՞ք, փոքրիկ ընթերցողներս, թէ ինչ պատուական արհեստ մ'էր որ ի գործ կը դնէր այն պզտիկ մարդուկը: Այն անպիտան շրջուն յանձնակատարը, որուն կերպարանքը համակ քաղցրութիւն էր, երբեմն երբեմն կառքով կ'երթար կը պըտըտէր ասդին անդին, և ճամբան երթալու ատեն խոստումներով և փաղաքշանքներով կը ժողվէր բոլոր ծոյլ և անհոգ տղաքը, որոնք գրքերէն և զըպրօցներէն ձանձրացած էին, և իր կառքին մէջ լեցնելով զանոնք « խաղալիկներու երկիրը » կը տանէր, որպէս զի անոնք բոլոր ժամանակին անցնեն

խաղալիկներով, խաղերով և զուարճութիւններով: Ու երբ այդ խաբուած խեղճ տղաքը շարունակ խաղալով և երբեք չուսանելով, իշուկներու կը փոխուէին, բոլորովին գոհ ու երջանիկ անոնց տէր կը դառնար, ու ծախելու կը տանէր տօնավաճառներու և շուկաներու մէջ: Այս կերպով քանի մը տարուան մէջ մեծ գումար մը դիզած և միլիոնատէր դարձած էր:

Թէ ինչ պատահեցաւ Լուչինեոյի՝ չեմ գիտեր, գիտեմ սակայն՝ որ Փինոքքիոյ առաջին օրերէն իսկ ամենաղմբնդակ և չարաչար կեանքի մը մատնուեցաւ:

Երբ ախօռ տարուեցաւ, իր նոր տէրը մտուրին մէջ յարդ լեցուց իրեն համար. բայց Փինոքքիոյ, պատառ մը համը նայելէ վերջ, անդին հրեց:

Այն ատեն տէրը մըմոտարով չոր խոտ լեցուց մտուրին մէջ. բայց չոր խոտն ալ ախորժելի չ'եղաւ անոր:

— Հա՛, չոր խոտն ալ չե՛ս սիրեր, գոչեց տէրը զայրանալով: Այդ գործը ինծի թող, աղուոր իշուկս, եթէ զլխուդ մէջ քմահաճոյքներ ունիս, ես գիտեմ զանոնք հանելու կերպը.... Եւ զանի ուղղելու պատրուակաւ, խարազանի հարուած մ'իջեցուց անոր սրունքներուն:

Փինոքքիոյ սաստիկ ցաւէն սկսաւ լալ ու զոալ, և զոալու ատեն կ'ըսէր.

— Ե՛-ա՛, ե՛-ա՛, յարդը չեմ կրնար մարսել....

— Այն ատեն չոր խոտ կեր, վըայ բերաւ տէրը՝ որ շատ լաւ կը հասկնար էշերուն բարբառը:

— Ե-ա, ե-ա, չոր խոտը փորի ցաւ կուտայ....

— Ուրեմն կը պահանջես որ քեզի պէս աւանակ մը հաւու կուրծքով և կրտած աքաղաղի պաղ մսով կերակրեմ, աւելցուց տէրը միշտ աւելի բարկանալով, և խարազանի երկրորդ հարուած մը տալով:

խարազանի այս երկրորդ հարուածին, Փինոքքիոյ խոհեմութեան համար լռեց անմիջապէս, և ուրիշ բան չ'ըսաւ:

Մի և նոյն ատեն ախոռին դուռը գոցուեցաւ, և Փինոքքիոյ մնաց առանձին. և որովհետև ժամերէ ի վեր բան կերած չէր, սաստիկ անօթութենէն սկսաւ յօրանջել: Եւ յօրանջելու ատեն բերանը այնքան խոշոր խոշոր կը բանար որ կարծես փուռ մըն էր:

Վերջապէս մտուրին մէջ ուրիշ բան չգտնելով, համակերպեցաւ քիչ մը չոր խոտ ծամելու, և լաւ մը ծամելէ վերջ, աչքերը գոցեց ու կլկեց:

— Այս չոր խոտը գէշ չէ, ըսաւ յետոյ ինքնիրեն, բայց որքան լաւագոյն պիտի ըլլար, եթէ ուսմունքս շարունակէի...: Այս ժամուս փոխանակ չոր խոտի, պիտի կարենայի ուտել թարմ հացի անոյշ պաքցամատ մը և կտոր մը երշիկ: Համբերութիւն...

Հետևեալ առաւօտ արթննալուն պէս քիչ մը չոր խոտ եւս փնտռեց մտուրին մէջ. բայց չգտաւ, որովհետև գիշերը բոլորն ալ կերած էր:

Այն ատեն պատառ մը մանրուած յարգ առաւ, և մինչ ծամելու զբաղած էր, համոզուեցաւ որ մանրուած յարդին համը չէր նմաներ բնաւ ոչ բրինձէ չոր ապուրին, (փիլափ) և ոչ ալ Նարոլիի դղմածին:

— Համբերութիւն, կրկնեց, ծամելը շարունակելով: Երանի՛ թէ ինձի պատահած դժբախտութիւնը կարելի ըլլար իբրև դաս ծառայել այն ամէն տղոց որոնք անհնազանդ են, և սորվելու կամք չունին: Համբերութիւն... համբերութիւն:

— Գլուխդ անցնի համբերութիւնը, պոռաց տէրը, այն բոպէին ախոռը մտնելով: Կը կարծես որ աղուոր իշուկս, քեզ կերցնելու և խմցնելու համար միայն

զնեցի: Ո՛չ, ես զքեզ զնեցի որպէս զի աշխատիս և շատ մը զրամ վաստկցնես ինձի: Օ՛ն, ուրեմն, քաջ եղիր: Հետս եկուր կրկէսին մէջ, հոն կը սորվեցնեմ քեզի շրջանակներու մէջէն ցատկել, գլխով թղթէ տակառներ պատռել, և շրջադարձ պարը պարել ու կաքաւել, ետևի ոտքերուդ վրայ շիտակ կենալով:

Խեղճ Փինոքքիոյ, կամայ ակամայ պարտաւորուեցաւ սորվիլ այս ամէն աղուոր բաները, բայց սորվելու համար պէտք ունեցաւ երեք ամիս դաս առնել, և մորթը հանելու աստիճան խարազանի հարուածներ ուտել:

Եկաւ վերջապէս օրը, երբ իր տէրը կարող եղաւ ծանուցանել թէ՛ իրօք արտաքոյ կարգի տեսարան մը տեղի պիտի ունենար: Փողոցներուն անկիւնները փակցուած ազդագրերը այսպէս կ'ըսէին.

ՄԵՐ ԵՒ ՇՔԵՂ ՆԵՐԿԱՅԱՅՈՒՄ
ԱՅՍ ԻՐԻԿՈՒԱՆ ՀԱՄԱՐ

Տեղի պիտի ունենան մի եւ նոյն նորաքանչ ոստումներ, եւ խաղերը պիտի կատարուին բոլոր դերասաններէն եւ ընկերութեան երկսեռ բոլոր չորքոտանիներէն,

ԵՒ ՄԱՏԱՒԱՆԳ

ԱՌԱՋԻՆ ԱՆԳԱՄ ԸԼԼԱԼՈՎ ՊԻՏԻ ՆԵՐԿԱՅԱՅԱՅ
ՀՈՉԱԿԱՒՈՐ

ԻՇՈՒԿ ՓԻՆՈՔՔԻՈՅ

ՄԱԿԱՏՈՒԱՆԵԱԼ

ՊԱՐԻ ԱՍՏՂԻԿԸ

Թատրոնը ցերեկուան պէս լուսաւորուած պիտի ըլլայ:

Այդ իրիկուն, ինչպէս կրնաք երեւակայել, ներկայացումը սկսելէն ժամ մ'առաջ թատրոնը արդէն խուռն բազմութեամբ լեցուն էր:

Աւ ո՛չ թիկնաթոռ, ո՛չ առաջին կարգի տեղ, ո՛չ օթեակ կարելի էր գտնել եթէ նոյն իսկ բեռ մը ոսկի ալ վճարելու ըլլայիր:

Կրկէսին աստիճանները կը վխտային պզտըտիկ մանչերով ու աղջիկներով, և ամէն հասակէ տղոցմով՝ որոնք տենդոզ փափաք մ'ունէին հոչակաւոր իշուկ փինոքքիոյին պարելը տեսնելու:

Ներկայացման առաջին մասը լրանալուն, ընկերութեան վարիչը սեւ բաճկոնով, ճերմակ տափաստով, և մինչեւ ծունկերը կաշիէ կօշիկներով՝ ներկայացաւ իրարու վրայ խոնուած ժողովրդեան, և խորին յարգանք մ'ընելէն ետք, մեծ հանդիսաւորութեամբ բարձրաձայն կարդաց հետեւեալ չափազանցօրէն երկար բանախօսութիւնը.

« Յարգելի ժողովուրդ, տիկնայք և պարոնայք.

« Խոնարհ ստորագրեալս այս հոչակաւոր քաղքէն անցնելու ատեն՝ ուզեցի ո՛չ թէ միայն պատիւ բերել ինձի, այլ հաճոյք պատճառել ներկայացնելու համար խելացի և պատուաւոր ունկնդիրներուդ՝ հոչակաւոր իշուկ մը որ արդէն պատիւ ունեցած է պարելու նորին վեհափառ կայսեր առջև և Եւրոպայի բոլոր գլխաւոր արքունիքներու ներկայութեան:

« Եւ շնորհակալ ըլլալու ատենս, կը խնդրեմ օգնել մեզի ձեր քաջալերիչ ներկայութեամբը և կարեկից ըլլալ »:

Այս բանախօսութիւնը ընդունուեցաւ բաւական ծիծաղներով և ծափահարութիւններով. սակայն ծափահարութիւնները կրկնապատկեցան և տեսակ մը

փոթորկի փոխուեցան, երբ կրկէսին մէջտեղ երեւցաւ իշուկ փինոքքիոյ: Անիկայ հանդիսական կերպով հագուած էր: Փայլուն կաշիէ նոր սանձ մ'ունէր, արոյրէ շինուած ճարմանդներով և գնդաձեւ զարդերով. ականջներուն վրայ երկու սպիտակ գամելիաներ. բաշը շատ մը գանգուրներու բաժնուած և կարմիր մետաքսէ ծոպիկներով կապուած: Ոսկիէ և արծաթէ լայն գօտի մը մէջքին վրայ, և պոչը մանիշակագոյն և կապոյտ թաւշեայ ժապաւէններով ամբողջ հիւսուած:

Վերջապէս, սիրահարուելու աստիճան աղուոր իշուկ մ'էր:

Վարիչը զայն ժողովուրդին ներկայացուցած ատեն այս խօսքերը աւելցուց.

« Յարգելի ունկնդիրներս: Հոս ձեզի սրտաբանութիւն ընելու համար եկած չեմ. երբ ըսեմ թէ՛ կըրցայ ջանքերովս հարթել մեծամեծ դժուարութիւններ, հնազանդեցնելու և վարժեցնելու համար այս չորքօտանին, մինչ ազատօրէն կը ճարակէր լեռնէ լեռայրեցեալ գօտիի դաշտագետիններուն վրայ: Դիտեցէ՛ք, խնդրեմ, ինչպիսի՛ վայրագութիւն կ'արտայայտեն անոր աչերը, որովհետեւ զայն քաղաքացի չորքօտանիներու ուտելիքներուն վարժեցնելու համար ձեռք առած բոլոր միջոցներս ի դերեւ ելլելով, պարտաւորուեցայ շատ անգամ խարազանի քաղցը բարբառին դիմելու: Սակայն իմ բոլոր իմաստութիւնս փոխանակ զիս իրեն հաճելի ընել տալու, շատ աւելի եւս դառնացուցին անոր հոգին: Բայց ես կալլէսի դրութեան հետեւելով, իր գանկին մէջ գտայ պզտիկ ոսկրային կռճիկ մը՝ զոր նոյն իսկ Բարիզի բժշկական համալսարանն իսկ ճանչցաւ զայն իբրեւ վե-

բաճնող կոճղեզը մագերուս և զինակաքաւի: Եւ ասոր համար էր՝ որ ուզեցի կրթել զանի պարի մէջ, միանգամայն շրջանակներու և թղթապատ տակառներու պատկանող ոստումներուն մէջ: Հիացէք իր վրայ, ու յետոյ դատեցէք: Սակայն ձեզմէ հրաժեշտ առնելէս առաջ, ո՛վ պարոններ, ներեցէք որ հրաւիրեմ զձեզ վաղը երեկոյ ըլլալիք ցորեկուան ներկայացուսի. բայց թէ որ խաղին յաղթական փառաւորութիւնը խանգարի անձրեւի սպառնալիքով այն ատեն ներկայացումը փոխանակ վաղը երեկոյ ըլլալու՝ առաւօտը տեղի պիտի ունենայ, կէս օրէն առաջ ժամը տասնըմէկին »:

Եւ հոս վարիչը ուրիշ ամենախորին յարգութիւն մ'ալ ըրաւ, և յետոյ Փինոքքիոյի դռնալով ըսաւ.

— Օ՛ն, քեզ տեսնեմ, Փինոքքիոյ: Առաջ եկուր, և ճարպիկ խաղերդ ընելէ առաջ բարեւէ այս յարգելի ժողովուրդը, տիկիները, պարոնները և տղաքը:

Փինոքքիոյ հնազանդելով անմիջապէս ծունր դրաւ, և մնաց ծունկի վրայ մինչեւ որ տնօրէնը մտրակը շառաչեցնելով ըսաւ իրեն.

— Քայլափոխ.

Այն ատեն իշուկը չորս ոտքի վրայ կայնեցաւ, ու սկսաւ դռնալ կրկէսին շուրջը միշտ քայլափոխ երթալով:

Քիչ վերջը տնօրէնը գոչեց.


— Ընդո՛ստ գնացք: Եւ Փինոքքիոյ հրամանին հնազանդ՝ քայլափոխը դարձուց ընդոստ գնացքի:

— Քառարշաւ: Եւ Փինոքքիոյ սկսաւ քառատրոփ վազել:

— Սրբարշաւ: Եւ Փինոքքիոյ սկսաւ սաստիկ վազել: Սակայն բարբարիկ ձիու մը պէս վազելու

մեջոցին տնօրէնը թեւը օդին մէջ բարձրացնելով՝ ատրճանակի հարուած մ'արձակեց:

Այն հարուածը լսելուն՝ իշուկը վիրաւորուած



Փինոքքիոյ հնազանդելով անմիջապէս ծունր դրաւ,

ձեւացնելով փոռեցաւ ինկաւ կրկէսին մէջ, իբրեւ թէ իրաւցնէ հոգեվարը ըլլար:

Մինչեւ երկինք բարձրացող ծափահարութիւններու և գոչումներու մէջտեղ ոտքի ելլելով, բնական

նարար պէտք եղաւ որ գլուխը վեր բարձրացնէ նայելու համար... և նայած տեսն օթեակի մը մէջ տեսաւ գեղեցիկ տիկին մը, որ վզին ունէր ոսկիէ խոշոր մանեակ մը, ուսկից կախուած էր մեծ միտալ մը և միտալին վրայ քանդակուած էր խամաճիկի մը պատկերը:

— Այդ պատկերը իմս է... իսկ այն տիկինը Պարիկն է, ըսաւ ինքնիրեն Փինոքքիոյ անմիջապէս զանի ճանչնալով, և սաստիկ ուրախութենէն դուրս ելած փորձեց պոռալ:

— Ո՛վ իմ Պարիկս, ո՛վ իմ Պարիկս:

Բայց փոխանակ այս խօսքերուն, կոկորդէն ելաւ երկար և հնչուն զոնչիւն մը՝ որ բոլոր հանդիսականներուն ծիծաղը շարժեց, և մասնաւորապէս թատրոնը գտնուող բոլոր տղոց:

Այն տեսն Տնօրէնը անոր սորվեցնելու և հասկընելու համար թէ՛ հասարակութեան առջեւ զոտը անքաղաքավարութիւն էր, խարազանին կոթով անոր քթին այնպիսի հարուած մը տուաւ, որ խեղճ իշուկը լեզուն թիզ մը դուրս հանելով, զրեթէ հինգ վայրկենի չափ շարունակաբար քիթը լզեց, զուցէ կարծելով որ այս կերպով պիտի կարենայ մեղմել զգացած ցաւը:

Սակայն ո՛րքան մեծ եղաւ իր յուսահատութիւնը, երբ անգամ մ'ալ վեր նայելով տեսաւ որ օթեակը պարապ էր, և Պարիկը աներեւութացած...:

Մեռնելու աստիճան ցաւ զգաց. աչքերն արցունքով լեցուեցան և սկսաւ լալ դառնապէս: Թէպէտ և ոչ ոք նշմարեց, և մանաւանդ Տնօրէնը՝ որ ընդհակառակն մտրակը շառաչեցնելով գոչեց.

— Քեզ տեսնեմ, Փինոքքիոյ: Հիմայ այս պա-

րոններուն ցոյց պիտի տաս թէ ինչպիսի՛ վայելչութեամբ ցատքել գիտես շրջանակներու մէջէն:

Փինոքքիոյ երկու երեք անգամ փորձեց, բայց ամէն անգամ որ շրջանակին առջեւ կը հասնէր, փոխանակ անոր մէջէն անցնելու, հանգստօրէն տակէն կ'երթար: Վերջապէս ուտում մ'ըբաւ ու անցաւ. բայց դժբախտաբար ետեւի ոտքերը շրջանակին մէջ բռնուեցան. այդ պատճառաւ գետին ինկաւ միւս կողմէն ամբողջ ծանրութեամբ:

Երբ ոտքի ելաւ կաղացած էր, և հազիւ կարողութիւն ունէր ախոռ երթալու:

— Դուրս թող գա՛յ Փինոքքիոն: Կ'ուզենք իշուկը. դուրս թող գա՛յ իշուկը, կը պոռային տղաք թատրոնի գետնայարկէն, յուզուելով և կարեկցելով այն շատ տխուր պատահարին վրայ:

Բայց իշուկը ա՛լ մէջտեղ չ'ելաւ այն իրիկունը: Հետեւեալ առաւօտ անասնաբոյժը (այսինքն՝ կենդանեաց բժիշկը), երբ անոր այցելեց, յայտարարեց՝ որ կարելի է կաղ մնայ ամբողջ կեանքին մէջ:

Այն տեսն Տնօրէնը ըսաւ ախոռի մանչուն.

— Ի՞նչ կ'ուզես որ ընեմ կաղ աւանակ մը: Չրի հաց ուտող մը պիտի ըլլայ: Ուստի հրապարակ տար ու ծախէ՛ զանի:


Հրապարակ հասնելով, անմիջապէս գնող մը գտան, որ հարցուց ախոռի մանչուն.

— Այս կաղ իշուկին համար ի՞նչ կը պահանջես:

— Քսան ֆրանք:

— Ես քեզի կու տամ քսան փող: Մի՛ կարծեր որ ծառայեցնելու համար կը գնեմ զանի. կը գնեմ միայն իր կաշիին համար: Կը տեսնեմ որ շատ կարծր

կաշի մ'ունի, անով կ'ուզեմ թմբուկ մը շինել իմ
զիւղիս երաժշտական խումբին համար:



Chesler Carlo
France

Փինտըքիոյ այն քարը վզին կապած, անմիջապէս ծովուն
յատակը գնաց.

Չեզ կը թողում մտածելը, տղաք, այն ամե-
նամեծ զարմացումը որ ունեցաւ խեղճ Փինտըքիոյ՝
երբ լսեց թէ թմբուկ մ'ըլլալու դատապարտուած էր:

Եւ իրօք գնողը հազիւ վճարեց քսան փողը,
ծովեզերքը գանուող քարաժայռի մը վրայ տարաւ
իշուկը, և վիզը քար մը կապելով, ոտքէն ալ չուան
մը, որուն մէկ ծայրէն ինքը բռնած էր, յանկարծա-
կան ուժգին հրելով ծովուն մէջ ձգեց զանի:

Փինտըքիոյ այն քարը վզին կապած, անմիջապէս
ծովուն յատակը գնաց. և գնողը չուանը ձեռքին
մէջ միշտ ամուր մը բռնած հանգիստ նստեցաւ ժայ-
ռին վրայ, սպասելով որ իշուկը հանգիստ ժամա-
նակ ունենայ խղրուելու մեռնելու, որպէս զի յետոյ
մորթը քերծէ:

- Գո՞ւն:
- Ես:
- Այ խարդախ քեզի: Կ'ուզես վրան խնդալ:

Գ Լ Ո Ւ Խ Լ Գ .

Փինոքքիոյ ծովը նետուելով և ձկներէն ուտուելով առաջուան պէս խամաճիկի մը կը փոխուի. բայց մինչ կը լողար ինքզինք ազատելու համար, կը կլլուի սոսկալի Շա նաձուկէն:

Յիսուն վայրկեանէ ի վեր իշուկը ջուրին յատաւ կը կը գանուէր, երբ գնողը ինքն իրեն խօսելով ըսաւ.

— Այս ժամուս իմ խեղճ կաղ իշուկը աղէկ մը խղզուած պէտք է ըլլայ: Ուստի վեր քաշենք զանի, և անոր կաշիով շինենք այն աղուոր թմբուկը:


Ու սկսաւ վեր քաշել չուանը, որով կապած էր անոր մէկ ոտքը. քաշեց, քաշեց, քաշեց, և վերջապէս տեսաւ ջուրին երեսը ելլելը.... Կը գուշակէք: Փոխանակ մեռած իշուկի մը, տեսաւ ջուրին երեսը ողջ խամաճիկ մը՝ որ օձաձուկի մը պէս կը գալարէր:

Տեսնելով այն փայտէ խամաճիկը, խեղճ մարդը կարծեց երազել, ու ապշած բերանը բաց ու աչքերն իրենց կապիճներէն դուրս ելած մնաց:

Երբ իր առաջին ապշութենէն մի քիչ սթափեցաւ, ըսաւ լալով և կակազելով.

— Հապա իշուկը որ ծովը նետեցի ո՞ւր է....:

— Ես եմ այն իշուկը, պատասխանեց խամաճիկը խնդալով:



Carlo Chiostri
Firenze

Կը գուշակէք: Փոխանակ մեռած իշուկի մը, տեսաւ ջուրին երեսը ողջ խամաճիկ մը՝ որ օձաձուկի մը պէս կը գալարէր:

- Վրո՞ղ խնդալ: Ընդհակառակն, սիրելի տէրս, ես քեզի լրջօրէն կը խօսիմ:
- Բայց ի՞նչպէս կ'ըլլայ դուն որ քիչ առաջ

իշուկ մ'էիր, և պահ մը ջուրին մէջ մնալով հիմայ փայտէ խամաճիկի մը փոխուեցար.....

— Ծավուն ջուրին ազդեցութիւնը պէտք է ըլլայ: Ծովը շատ կ'ընէ այսպիսի կատակներ:

— Զգոյշ եղիր խամաճիկ, զգոյշ եղիր.... Մի՛ խնդար վրաս: Վա՛յ քեզի, եթէ համբերութիւնս հատնի:

— Լաւ ուրեմն: Կ'ուզես գիտնալ ամբողջ պատմութիւնս: Քակէ սա սրունքս ու ես կը պատմեմ քեզի:

Այն պատուական մարդը, ճշմարիտ պատմութիւնը գիտնալու հետաքրքիր, անմիջապէս քակեց անոր ոտքին չուանը որ միշտ կապուած կը մնար. և այն ատեն Փինտըքիոյ ազատ զգալով ինքզինքը, ինչպէս թռչուն մը օդին մէջ, այսպէս սկսաւ ըսել:

— Ուրեմն գիտցէ՛ որ ես փայտեայ խամաճիկ մ'էի ինչպէս եմ այսօր. բայց աշխարհիս վրայ գտնուած շատ մը տղոց պէս պիտի ըլլայի գրեթէ, թէ որ դպրոց երթալու կամք չ'ունենալով, և շատ մ'ընկերներու խօսքը մտիկ ընելով տնէն չփախչէի.... և օր մը քնէս արթննալու՝ ինքզինքս իշուկի մը փոխուած գտայ խոշոր ականջներով.... և երկար պոչով....: Ինչպիսի՛ ամօթ մ'եղաւ անիկայ ինծի համար.... Մեծ ամօթ մը, սիրելի տէրս, որ օրհնեալ սուրբ Անտոնը այդ բանը երբեք քեզի զգացնել չտայ: Յետոյ էջերու շուկան ծախուելու տարուելով, գնուեցայ ձիերու ընկերութեան մը Տնօրէնէն, որ միտքը դրաւ զիս ճարտար պարող մը, կամ շրջանակներէ ճարպիկ ցատքող մը շինել. սակայն երեկոյ մը ներկայացման միջոցին գէշ կերպով ինկնալով թատրոնին մէջ, երկու ոտքերս կաղացան: Այն ատեն

Տնօրէնը չգիտնալով թէ ինչ ընէր կաղ էշ մը, նորէն ծախելու դրկեց զիս, և դուր գնեցիք:

— Դժբախտաբար շատ ճիշդ: Եւ քսան փող վճարեցի քեզի համար: Եւ հիմայ ով պիտի վերադարձնէ ինծի իմ խեղճ քսան փողերս:

— Եւ ինչո՞ւ գնեցիք զիս: Դուք զիս գնեցիք մորթովս թմբուկ մը շինելու համար.... թմբուկ մը.....

— Ստոյգ է: Եւ հիմայ ո՞ւր պիտի գտնեմ ուրիշ մորթ մը....

— Մի՛ յուսահատիր տէր: Էշէր շատ կան այս աշխարհի վրայ:

— Ըսէ՛ ինծի, անամօթ ստահակ. հոս կը վերջանայ պատմութիւնդ:

— Ո՛չ, պատասխանեց խամաճիկը, երկու խօսք եւս կայ, ու կը վերջանայ: Զիս գնելէ վերջ այս տեղ բերիք սպաննելու համար, բայց յետոյ մարդկային զթաշարժ զգացումէ մը մղուած՝ նախամեծար համարեցիք վզիս քար մը կապելով ծովուն յատակը նետել: Այս ազնիւ զգացումը քեզի շատ պատիւ կը բերէ, ու ես յաւիտեան երախտապարտ պիտի մնամ քեզի: Սակայն, սիրելի տէրս, այս անգամ քու հաշիւներդ ըրիր առանց Պարիկին....

— Ո՞վ է այս Պարիկը:

— Իմ մայրիկս է, որ կը նմանի այն ամէն բարի մայրերուն՝ որոնք շատ կը սիրեն զաւակները, ու աչքէ չեն հեռացնէր զանոնք երբեք, և խանդաղատանօք կ'օգնեն անոնց ամէն դժբախտութեան մէջ, նոյն իսկ երբ զաւակներն իրենց անխելութեամբ ու գէշ ընթացքով արժանի ըլլան լքուելու և իրենց բախտին թողուելու: Կ'ըսէի ուրեմն, որ բարի Պա-

ըրկը զիս խղղուեալու վտանգին մէջ տեսնելուն պէս, ձկնեբու անբաւ խուսք մը ղրկեց, որոնք զիս իրաւցնէ մեռած լինցած իշուկ մը կարծելով, սկսան ուտել զիս: Եւ ինչ խոշոր պատահներ կ'ընէին: Երբեք պիտի չհաւատայի որ ձկնեբու այնքան որկրամուր ըլլան, նոյն իսկ տղաքներէն աւելի: Մէկը աչքերս կերաւ, ուրիշ մը քիթս, մէկը վիզս ու բաշս, միւսը ոտքերուս կաշին, ուրիշ մը կռնակիս մուշտակը... և ի մէջ այլոց ձկնիկ մ'ալ կար այնքան ազնիւ, որ հաճեցաւ մինչեւ իսկ պոչս ուտել:

— Այս օրուրնէ սկսեալ, ըսաւ գնողը սարսափած, կ'երգնում երբեք ձուկ չուտել: Շատ անախորժ պիտի ըլլայ ինծի երբ տապկած արքայաձուկ մը և կամ մերլանգ մը բանամ, և անոր փորին մէջ իշու պոչ մը գտնեմ:

— Ես ալ քեզի պէս կը մտածեմ, վրայ բերաւ խամաճիկը խնդալով, սակայն, պէտք է զիտնաս որ երբ ձկնեբու ամբողջ կերան լինցուցին այն իշու մորթը՝ որ ոտքէս մինչեւ գլուխս կը ծածկէր, ինչպէս բնական է, հասան ոսկորին... կամ աւելի լաւ ըսելու համար, հասան ամենակարծր փայտին: Բայց անգամ մը խածնելէ վերջ, այն որկրամուր ձկնեբու անմիջապէս հասկցան որ փայտը իրենց ակռային յարմար ուտելիք մը չէր, և այդ անմարսելի կերակուրէն զգուեալով, մէկը ասդին միւսը անդին գնաց առանց իսկ ետեւին դառնալով ինծի շնորհակալ ըլլալու... Ահաւասիկ պատմեցի ինչ կերպով որ եղաւ, երբ դուն չուանը վեր քաշելով, փոխանակ մեռած իշուկի մը, ողջ խամաճիկ մը գտար:

— Ես կը ծիծաղիմ քու պատմութեանդ վրայ, գոչեց գնողը կատրած: Ես այն զիտեմ որ քսան

փող վատնեցի քեզ գնելու համար, և ետ կ'ուզեմ ստակներս: Գիտես՝ ինչ պիտի ընեմ: Դարձեալ շուկայ պիտի տանեմ քեզ, և իբրեւ վառարանին մէջ վառելու չոր փայտ պիտի ծախեմ:

— Ծախեցէք, ես գոհ կը մնամ, ըսաւ Փինոքըրիոյ: Սակայն այսպէս ըսած ատենը՝ ոստում մ'ըրաւ ու ցատքեց ջուրին մէջ: Եւ զուարթօրէն լողալով ու ծովափէն հեռանալով, կը պոռար խեղճ գնողին.

— Մնաս բարով, տէրս. եթէ թմբուկ շինելու համար կաշիի պէտք ունենաս, յիշէ՛ զիս:

Ու կը խնդար լողալը շարունակելով. քիչ վերջը դարձեալ ետ դառնալով աւելի ուժով պոռաց.

— Մնաս բարով տէր... եթէ երբեք վառարանը վառելու համար չոր փայտի պէտք ունենաս, յիշէ՛ զիս: Եւ իրօք ակնթարթի մը մէջ այնքան հեռացած էր, որ ալ գրեթէ չէր տեսուեր, կամ թէ ծովուն մակերեսին վրայ կը տեսուէր պզտիկ սեւ կէտ մը՝ որ երբեմն երբեմն ոտքերը ջրէն դուրս կը հանէր ու ոստումներ կ'ընէր, զուարթ և անհոգ դիփինի մը պէս:

Մինչ Փինոքըրիոյ կը լողար ըստ բախտին, հեռուն ծովուն մէջ տեսաւ քարաժայռ մը, որ սպիտակ մարմարէ էր կարծես, անոր գագաթին վրայ կայնած էր ուրիկ մը՝ որ անոյշ ձայնով կը մայէր և նշան կ'ընէր իրեն որ մօտենայ:

Է՛ն տարօրինակ բանը այն էր՝ որ ուրիկին բուրդը փոխանակ ձերմակ, սեւ կամ գոյնզգոյն ըլլալու, ինչպէս միւս այծերունը, կապոյտ էր, այնքան փայլուն կապոյտ մը՝ որ խիստ շատ կը յիշեցնէր գեղեցիկ Աղջկան մազերը:

Չեզի կը թողում մտածել թէ խեղճ Փինոբբիոյի սրտիկը որքան ուժով սկսաւ բարախել: Ոյժն ու կորովը կրկնապատկելով սկսաւ լողալ զէպ ի սպիտակ քարածայրը. և արդէն կէս ճամբան հասած էր՝ երբ ահա ջրէն դուրս ելաւ, ու իրեն ընդ առաջ գալ սկսաւ ծովային հրէշի սոսկալի գլուխ մը, անդունդի մը պէս խոշոր բացուած բերանով, եւ երեք կարգ ժանիքներով, որոնց նկարուածն իսկ տեսնել վախ պիտի պատճառէր:

Եւ գիտէ՞ք ով էր այն ծովային հրէշը:

Այն ծովային հրէշը ճիշդ այն վիթխարի Ծանաձուկն էր որ շատ անգամ յիշուած է այս պատմութեանս մէջ, և որ իր հասուցած վնասներուն, և անկուշտ ոկրամոլութեանը համար « Չկներուն և ձկնորսներուն Ատտիղասը » մականուանուած էր:

Երեւակայեցէք խեղճ Փինոբբիոյին սարսափը երբ տեսաւ այդ հրէշը: Չանաց հեռանալ, ճամբան փոխել, փախչել անկէ. բայց անիկայ վիթխարի բերանը ամբողջ բացած միշտ զէպ իրեն կու գար նետի մը արագութեամբ:

— Աճապարէ՛ Փինոբբիոյ, Աստուծոյ սիրոյն, կը պոռար մայելով գեղեցիկ ուլիկը:

Եւ Փինոբբիոյ յուսահատաբար կը լողար թեւերով, կուրծքով, սրունքներովն ու ոտքերովը:


— Վազէ՛ Փինոբբիոյ, վասն զի հրէշը քեզի կը մօտենայ....

Ու Փինոբբիոյ իր ամբողջ ոյժն հաւաքելով կը կրկնապատկէր վազքը:

— Չգոյշ եղի՛ր Փինոբբիոյ.... հրէշը քեզի կը հասնի: Ահաւասիկ.... ահաւասիկ.... Աճապարէ՛, Աստուծոյ սիրոյն, եթէ ոչ՝ կորսուած ես....

Փինոբբիոյ կը լողար աւելի արագ քան երբեք.... հրացանի գնդակի մը պէս առաջ նետուելով:

Ու արդէն քարածայրին մօտենալու վրայ էր, և ուլիկը բոլոր մարմնով ծովուն վրայ կախուած իր



Եւ Փինոբբիոյ յուսահատաբար կը լողար թեւերով, կուրծքով, սրունքներովն ու ոտքերովը:

առջևի թաթերը կ'երկնցնէր օգնելու անոր որ ջուրէն դուրս ելնէր.... բայց....:

Իայց ա՛լ ուշ էր: Հրէշն անոր հասեր էր: Ոնշունչը ներս քաշելով կ'լլեց խեղճ խամաճիկը, ինչպէս պիտի կ'լլէր հաւու մը հաւկիթը, և այնքան սաստկութեամբ, այնքան անյազօրէն կ'լլեց զանի՛ որ Փինոբբիոյ Ծանաձուկին փորին մէջ իյնալով, այնպիսի սաստիկ հարուած մը ընդունեցաւ՝ որ քառորդ ժամ մը ընդարմացած մնաց:

Երբ այն սարսափէն վերջ ինքնիրեն եկաւ, Փի- նոքքիոյ չկրցաւ գիտնալ թէ ո՞ր աշխարհի մէջ կը գտնուէր:

Իր բոլորովորդ սաստիկ խաւար պատած էր. խա- ւար մը այնքան մթին և խոր, որ իրեն կը թուէր թէ ամբողջ գլխով մարմնով մեղանով լեցուն կաղա- մարի մը մէջ մտած էր:

Կեցաւ մտիկ ընելու, ոչ մէկ աղմուկ լսեց. միայն երբեմն հովի մը փչումը կը զգար երեսին: Նախ չկրցաւ հասկնալ թէ ո՞ւր կ'ըլլէր այդ հովը. բայց յետոյ հասկցաւ որ հրէշին թոքերէն էր: Որով- հետեւ պէտք է գիտնալ որ Շանաձուկը սաստիկ կը տանջուէր ծանրաշնչութենէ, և երբ շունչ կ'առնէր, կարծես թէ իրաւցնէ հիւսիսային հովն էր որ կը փչէր:

Փինոքքիոյ առջի բերան ջանաց քաջ ըլլաւ. սա- կայն երբ լաւ մը հասկցաւ որ ծովային հրէշին մարմնոյն մէջ փակուած էր, այն ատեն սկսաւ լալ ու լալ և ողբալ, ու լալու ատեն կը պոռար.

— Օգնութիւն, օգնութիւն: Եղուկ ինձ: Չկայ մէկը որ գայ ու զիս ազատէ:

— Ո՞վ կ'ուզես որ ազատէ քեզ թշուառական ... ըսաւ մթութեան մէջ՝ խանգարուած կիթառի ձայնին պէս անճոռնի ձայն մը:

— Ո՞վ է որ այսպէս կը խօսի, հարցուց Փի- նոքքիոյ, սարսափէն սարսուռ մը զգալով:

— Ես եմ, խեղճ թիւնոս ձուկ մը, Շանաձուկէն կ'ըլլուած քեզի պէս: Եւ դուն ի՞նչ տեսակ ձուկ ես:

— Ես ձկնեբուն հետ գործ չունիմ: Ես խամա- ճիկ մ'եմ:

— Ուրեմն եթէ ձուկ մը չես, ինչո՞ւ հրէշին ինք- զինքդ կ'ըլլել տուիր:

— Ես կ'ըլլել չտուի. ինքն է որ զիս կ'ըլլեց: Եւ հիմայ ի՞նչ պիտի ընենք այս մութին մէջ....:

— Համակերպիլ և սպասել որ Շանաձուկը մարսէ երկուքնիս ալ....:

— Սակայն ես մարսուիլ չեմ ուզեր, ճչեց Փինոքքիոյ, լալ սկսելով:

— Ես ալ պիտի չուզէի մարսուիլ, աւելցուց թիւնոսը, բայց ես ըստ բաւականի փիլիսոփայ եմ, և կը մխիթարուիմ խորհելով, որ երբ մենք թիւնոս կը ծնանինք, աւելի պատիւ է մեզի մեռնիլ ջուրին տակ, քան եռացած ձէթին մէջ:

— Յիմարութիւններ, գոչեց Փինոքքիոյ:

— Ըսածս կարծիք մըն է, վրայ բերաւ թիւնոս, և կարծիքները ինչպէս կ'ըսեն քաղաքագէտ թիւնոս- ները, կը յարգուին:

— Վերջապէս.... ես այս տեղէն երթալ կ'ու- զեմ.... ես կ'ուզեմ փախչիլ....:

— Փախիր եթէ կրնաս.....:

— Այս մեզ կ'ըլլող Շանաձուկը շատ խոշոր է, հարցուց խամաճիկը:

— Երեւակայէ որ անոր մարմինը մղոնէ մ'աւելի երկար է, առանց հաշուելու պոչը:

Երբ մութին մէջ այս խօսակցութիւնը կ'ընէին, Փինոքքիոյի այնպէս երեցաւ որ շատ հեռուն տե- սակ մը լոյս կը տեսնէ:

— Այդ հեռաւոր լոյսիկը ի՞նչ կրնայ ըլլալ արդեօք, ըսաւ Փինոքքիոյ:

— Մեր դժբախտութեան ընկեր մ'ըլլալու է, որ մեզի պէս պիտի սպասէ մարսուելու վայրկեա- նին....:

— Կ'ուզեմ երթալ գտնել զանի: Դիպուածով

չի կրնամք ըլլալ որ ծեր և փախչելու ճամբայ մը
ինձ սորվեցնելու կարող ձուկ մ'ըլլայ:


— Սրտանց կը մաղթեմ որ այդպէս ըլլայ,
սիրելի խամաճիկ:

— Մնաս բարով, թիւնոս:

— Երթաս բարով, խամաճիկ, և բարի յաջո-
ղութիւն:

— Գարձեալ զիրար ո՞ւր պիտի տեսնենք....

— Ո՞վ գիտէ.... Այդ մասին լաւագոյն է և ոչ
իսկ մտածել:



Գ Լ Ո Ւ Խ Լ Ե .

Փինոքքիոյ Շանաձուկի փորին մէջ կը գտնէ.... Զո՞վ կը գտնէ:
կարդացէք այս գլուխը ու պիտի գիտնաք:

Փինոքքիոյ իր ազնիւ բարեկամ թիւնոսին մնաս
բարով ըսելէն ետք, սկսաւ շարժիլ մութին մէջ
խարխափելով, և այսպէս վարանոտ քալելով Շա-
նաձուկին մարմնոյն մէջ, քայլ առ քայլ հասաւ մին-
չեւ այն պզտիկ լոյսը, որ շատ հեռուէն կ'երեւար
ու կ'անհետանար:

Գալելու ատեն Փինոքքիոյ զգաց որ ոտքերը ճար-
պոտ և լպրծուն ջրոյ լճացեալ հունի մը մէջէն կ'անց-
նէին, և այն ջուրը տապկուած ձուկի այնքան սաստիկ
հոտ մ'ունէր որ իրեն այնպէս կը թուէր թէ մեծ
պահքի օրերուն մէջ կը գտնուի:

Որքան առաջ կ'երթար, այնքան աւելի փայլուն
և որոշ կ'ըլլար լոյսը, մինչեւ որ քալելով քալելով,
վերջապէս հասաւ հոն. և երբ մօտեցաւ.... Ի՞նչ
տեսնէ: Կը թողում որ հազար տեսակ գուշակու-
թիւններ ընէք. գտաւ պզտիկ պատրաստ սեղան մը
որուն վրայ կանաչ բիւրեղեայ սրուակի մը մէջ
անցուած մոմ մը կը վառէր, սեղանին քով նստած
էր առոյգ ձերունի մը, մազն ու մօրուքը ամբողջ
ճերմկած, կարծես ձիւնէ կամ սերէ էին: Ան հոն

նստած ծամծամելու վրայ էր բանի մը ողջ ձկնիկներ, անքան ողջ և աշխոյժ որ ուտելու ատեն մինչև իսկ բերնէն դուրս կը փախչէին:

Այս տեսարանին վրայ խեղճ Փինոքքիոյ անքան



Որքան առաջ կ'երթար, այնքան աւելի փայլուն և որոշ կըլլար լոյսը....

մեծ և անակընկալ ուրախութիւն մը զգաց, որ քիչ քիչ պիտի ցնորէր: Կ'ուզէր խնդալ, լալ, կ'ուզէր շատ մը բաներ ըսել, ընդհակառակն, խառնխուռն ճիչեր և աղաղակներ միայն կը հանէր, և կիսատ ու տարտամ խօսքեր կը թոթովէր: Վերջապէս յաջողեցաւ ուրախութեան աղաղակ մը արձակել, և

թեւերը բանալով ու ձերունիի վզին փաթթուելով, սկսաւ ճչալ բարձրաձայն.

— Ո՛հ, հայրիկս, վերջապէս գտայ զքեզ: Այլ բնաւ պիտի չթողում զքեզ, բնաւ երբեք, երբեք:

— Ուրեմն աչքերս զիս չէ՞ն խաբեր, վրայ բե-



.... ու ձերունիի վզին փաթթուելով, սկսաւ ճչալ բարձրաձայն.

րաւ ձերունին, աչքերը շփելով: Ուրեմն դո՞ւն ես իրաւցնէ իմ սիրելի Փինոքքիոս:

— Այո՛, այո՛, ես եմ, իրաւցնէ ես: Եւ դուն արդէն ինձի ներեցիր, այնպէս չէ՞: Ո՛հ իմ անուշիկ հայրիկս, ո՛րքան բարի ես.... և մտածել որ ես, ընդհակառակն....: Ո՛հ եթէ գիտնայիր թէ ո՛րքան զժբախտութիւններ տեղացին գլխուս, և ո՛րքան բաներ անյաջող գացին: Միտքդ բեր այն օրը երբ դուն խեղճ հայրիկս վերարկուդ ծախելով Այբբենարան

մը գնեցիր ինծի, դպրոց երթալու համար, ես փախայ ու գացի խամաճիկները տեսնելու, և խամաճիկ խաղցնողը կ'ուզէր զիս կրակին վրայ դնել, որպէս զի իր ոչխարը խորովելու օգնեմ, և յետոյ ինքն եղաւ որ հինգ ոսկի դահեկան տուաւ ինծի, որպէս զի քեզի բերեմ. բայց ես ճամբուն վրայ Աղուէսն ու կատուն գտայ, որ զիս կարմիր խեչափառի պանդուկը տարին, ուր գայլերու պէս կերան, ու զիշերը առանձին մեկնելով պանդուկէն, մարդասպաններու հանդիպեցայ, ես ալ վազեցի փախայ. անոնք կը վազէին, ես կը վազէի, և անոնք միշտ ետեւէս կու գային, մինչեւ որ բռնելով խոշոր կաղնիի մը ճիւղէն կախեցին զիս, ուր կապոյտ մազերով գեղեցիկ Աղջիկը կառք մը դրկելով զիս այն տեղէն տուն տաւ, և երբ բժիշկները զիս տեսնելու եկան, անմիջապէս ըսին. «եթէ մեռած չէ, նշան է թէ միշտ ողջ է», այն ատեն սուտ մը փախաւ բերնէս, ու քիթս սկսաւ խոշորնալ, ու սենեկին դռնէն ալ չէր կրնար անցնիլ. այն պատճառաւ Աղուէսին ու կատուին հետ գացի թաղելու չորս ոսկի դահեկանները որոնցմէ մին պանդուկին մէջ վատնած էի, իսկ թութակն սկսաւ խնդալ, և փոխանակ երկու հազար դրամի ոչինչ գտայ. և երբ Դատաւորը լսեց որ դրամներս գողցուցեր էի, անմիջապէս զիս բանտ դնել տուաւ գողերուն հաճելի ըլլալու համար: Բանտէն ելլելու՝ այգիի մը մէջ աղուոր ողկոյզ մը խաղող տեսայ, և առնելու ատենս թակարդի մէջ բռնուեցայ, և իրաւամբ զիւղացին շան մանեակը վիզս անցուց կապեց՝ որպէս զի պահպանութիւն ընեմ հաւնոցին, ուր ճանչցաւ անմեղութիւնս և թողուց որ երթամ: Ճամբուն վրայ տեսայ օձ մը որուն պոչէն ծուխ կ'ելլէր,

սկսաւ խնդալ, ու խնդացած ատեն կուրծքէն երակ մը փրթաւ, և այսպէս դարձայ գեղեցիկ Աղջկան տունը. ան մեռած էր, և Աղուէսին տեսնելով որ կուլամ, ըսաւ. «Տեսայ հայրդ որ պզտիկ նաւակ մը շինելու ետեւէ էր քեզ փնտռելու համար». ես ալ յարեցի. «Ո՛հ, եթէ ես ալ թեւեր ունենայի»: Իսկ անիկայ ըսաւ ինծի. «Կ'ուզես հօրդ քով երթալ»: Պատասխանեցի. «Երանի թէ, բայց զիս ո՞վ պիտի տանի հոն»: Աւելցուց ան. «Ես կը տանիմ»: Հարցուցի. «Ինչպէս»: «Հեծիր գաւակիս վրայ»: Ու այսպէս ամբողջ գիշերը սլացանք, ու յետոյ առաւօտուն բոլոր ձկնորսները որ դէպ ի ծովուն խորը կը նայէին ըսին ինծի. «Խեղճ մարդ մը պզտիկ նաւակի մը մէջ ընկղմելու վրայ է». և ես հեռուէն ճանչցայ քեզ, սիրտս կ'ըսէր ինծի, ու նշան ըրի քեզի որ ծովեզերք դռնաս....:

— Ես ալ քեզ ճանչցայ, ըսաւ ճեպպետոյ, և սիրով պիտի դառնայի. բայց ինչպէս ընէի, ծովը ալեկոծեալ էր և խոշոր ալիք մը նաւակս դարձուց: Այն ատեն սարսափելի Դանաձուկ մը որ հոն մօտ էր, հազիւ զիս ջուրին մէջ տեսաւ, մէկէն վազեց վրաս ու լեզուն դուրս հանելով, կամաց կամաց ներս քաշեց զիս ու կլլեց Պոլոնեայի կարկանդակի մը պէս:

— Եւ որքան ատենէ ի վեր հոս փակուած ես, հարցուց Փինոքքիոյ:

— Այն օրէն ի վեր երկու տարի պիտի ըլլայ. երկու տարի Փինոքքիոյ.... որ երկու դարեր կը թուին ինծի:

— Եւ ինչպէս ըրիր ապրելու համար: Ուսկից գտար մոմ, և զայն վառելու համար ո՞վ տուաւ քեզի լուցկի:

— Հիմայ ամէն բան կը պատմեմ քեզի: Ուրեմն պէտք է գիտնաս որ այն փոթորիկը՝ որ նաւակս գլխովայր դարձուց, ընկզմեց նաեւ վաճառականական շոգենաւ մը: Բոլոր նաւաստիք ազատեցան, բայց շոգենաւը ծովուն յատակը գնաց, և Շանաձուկը որ այն օրը չափազանց ախորժակ մ'ունէր, զիս կլլելէ վերջ, շոգենաւն ալ կլլեց....

— Ի՞նչպէս: Մէկ պատառով կլլեց.... հարցուց Փինոքքիոյ զարմացած:

— Բոլորը պատառ մ'ըրաւ. դուրս տուաւ միայն մեծ կայմը, որ փուշի մը պէս ակռաներուն մէջ մնացած էր: Իմ մեծ բախտէս, շոգենաւը լեցուն էր ոչ միայն անագէ արկղիկներու մէջ դրուած պահճու մսով, այլ նաեւ պաքցամատներով, խորոված հացերով, զինիի շիշերով, չամիչով, պանիրով, սուրճով, շաքարով, ճարպամոմերով, և լուցկիներու տուփերով: Աստուծոյ տուած այս բոլոր պարգեւներով կարողացայ ապրիլ երկու տարի. բայց այսօր վերջին փշրանքը մնացած են. այսօր ամբարանոցին մէջ ոչինչ կայ, և այս մտմը որ հոս վառուած կը տեսնես, վերջին մոմն է....

— Վերջը:

— Վերջը, սիրելիս, մութին մէջ պիտի մնանք երկուքնիս ալ:

— Ուրեմն, սիրելի հայրիկս, ըսաւ Փինոքքիոյ, կորսնցնելու ժամանակ չունինք: Պէտք է որ անմիջապէս փախչելու ճամբան խորհինք:

— Փախչիլ.... և ի՞նչպէս:

— Շանաձուկին բերնէն փախչելով և ծովուն մէջ լողալով:

— Դիւրաւ դիւրաւ կը խօսիս. բայց ես, սիրելի Փինոքքիոս, լողալ չեմ գիտեր:

— Ի՞նչ կ'ըլլայ.... Դուն ուսերուս վրայ կը նստիս, ու ես որ լաւ լողացող մ'եմ, քեզ ողջ ծու վեզերը կը տանիմ:

— Յնորական խորհուրդներ են ատոնք տղաս, վրայ բերաւ ճեպպետոյ գլուխը ցնցելով, և տխուր կերպով ժպտելով: Կարելի բան է որ քեզի պէս հազիւ մէկ մեզը բարձրութիւն ունեցող խամաճիկ մը կարենայ այնքան ոյժ ունենալ՝ որ զիս ուսերուն վրայ լողալով տանի:

— Փորձէ ու պիտի տեսնես: Ամէն պարագայի եթէ ճակատագրին մէջ գրուած է որ պիտի մեռնինք, գոնէ միասին գրկուած մեռնելու միտքարութիւնը պիտի ունենանք:

Եւ առանց ուրիշ բան մ'ըսելու, Փինոքքիոյ ձեռքն առաւ մտմը, և լոյս ընելու համար առջեւէն երթալով ըսաւ հօրը.

— Ետեւէս եկ'որ, ու մի՛ վախնար:

Այսպէս բաւական տեղ քալեցին, ու Շանաձուկին բոլոր մարմնոյն ու ստամոքսին մէջէն անցան: Բայց երբ հասան այն կէտին ուր կը սկսէր հրէշին մեծատարած կոկորդը, յարմար դատեցին կանգ առնել, ասդին անդին ակնարկ մը տալու, և փախուստի յարմար վայրկեանը գտնելու համար:

Արդ պէտք է գիտնալ որ Շանաձուկը շատ ծելացած ըլլալով, և ծանրաշնչութենէ ու սրտի բաբախումէ տանջուելով, ստիպուած էր բերանը բաց պառկիլ. անոր համար Փինոքքիոյ նախ անոր կոկորդին մէջէն գլուխն երկնցնելով, ու դէպ ի վեր նայելով, այն ահագին բացուած բերնէն դուրսը կըցաւ տեսնել մեծ մաս մը աստղազարդ երկնքի և լուանի ամենագեղեցիկ լոյս մը:

— Ասիկայ փախչելու է՛ն յարմար վայրկեանն է փափսաց հօրը դառնալով: Շանաձուկը կը քնանայ առնէտի մը պէս, ծովը հանդարտ և ցորեկուան պէս լուսաւոր է: Եկուր ետեւէս ուրեմն հայրիկ, և քիչ ատենէն ազատ պիտի ըլլանք:

Այսպէս ըսելով ծովու հրէշին կոկորդն ի վեր բարձրացան, ու երբ այն անսահման բերանը հասան, սկսան ոտքերնուն ծայրերուն վրայ քալելով երթալ անոր լեզուին վրայէն, լեզու մը այնքան լայն ու երկայն էր որ՝ պարտեզի մը մուտքին կը նմանէր: Ու հոն մեծ ոստումն ընելու ու ծովը նետուելու վրայ էին, երբ ճիշդ այն յարմար պահուն, Շանաձուկը փոնգտաց, ու փոնգտալու ատեն այնպիսի սաստիկ ցնցում մը տուաւ, որ Փինոքքիոյ և Ճեպպետոյ դէպ ի ետև նետուեցան, և կրկին հրէշին ստամոքսին խորը գտան ինքզինքնին:

Այս անկումի սաստիկ ընդհարումէն մոմը մարեցաւ, և հայր ու տղայ մնացին մութին մէջ:

— Հիմայ ի՛նչ պիտի ընենք... հարցուց Փինոքքիոյ լուրջ կերպարանք մ'առնելով:


— Հիմայ տղաս ալ բոլորովին կորսուած ենք:

— Ինչո՞ւ կորսուած: Չեղք տո՛ւր ինձի հայրիկ, և զգոյշ եղիր որ չսահիս...

— Ձիս ո՛ւր կը տանիս:

— Պէտք է նորէն փորձենք փախուստը: Եկու՛ր հետս, ու մի՛ վախնար:

Այս ըսելով Փինոքքիոյ բռնեց հօքը ձեռքէն, և շարունակ ոտքերնուն մատուրներուն վրայ քալելով, դարձեալ հրէշին կոկորդն ի վեր ելան միասին. յետոյ լեզուին մէջտեղէն երթալով, երեք շարք աւ-



ուաներէն անդին անցան: Սակայն մեծ ոստումն ընելէ
առաջ խամաճիկն ըսաւ հօրը.

— Հեծի՛ր ուսերուս վրայ և ամուր մը գրկէ
զիս: Մնացածը ինձի թո՛ղ:

Ճեպպետոոյ հազիւ թէ լաւ մը տեղաւորուեցաւ
զաւկին ուսերուն վրայ, կտրիճ ֆինոքքիոն վստահ
իր ըրածին, նետուեցաւ ջուրին մէջ ու սկսաւ լողալ:
Ծովը իւզի պէս հանդարտ էր. լուսինն իր բոլոր
պայծառութեամբը կը փայլէր. և Շանաձուկը կը
շարունակէր քնանալ անքան խորունկ որ թնդանօ-
թի հարուած մ'իսկ պիտի չկարենար արթնցնել
զանի:



Գ Լ Ո Խ Խ Լ Զ .

Վերջապէս Փինոքքիոյ խամաճիկ մ'ըլլալէ կը դադրի, և տղայ մը կը դառնայ:

Մինչ Փինոքքիոյ արագօրէն կը լողար ծովափը հասնելու համար, հայրը իր ուսերուն վրայ առած որուն սրունքը մինչեւ կէսը ջուրին մէջ էր, անգրագարձաւ որ սաստիկ կը դողար, խեղճ ծերուկը կարծես երեքօրեայ ջերմէ բռնուած էր:

Ան վախէն կը դողար թէ ջերմէն: Ո՛վ գիտէ..... Գուցէ քիչ մը մէկէն քիչ մ'ալ միւսէն: Բայց Փինոքքիոյ կարծելով որ վախէն կը դողայ, զինքը քաջալերելու համար ըսաւ.

— Քաջութիւն հայրիկ: Քանի մը վայրկենէն ցամաք կը հասնինք և ազատ կ'ըլլանք:

— Բայց ո՞ւր է այն օրհնեալ ծովեզերքը, հարցուց ծերունին, միշտ աւելի անհանգիստ դառնալով ու տեսութիւնը սրելով, ինչպէս կ'ընեն դերձակները դերձանն ասեղէն անցուցած ատեններն: Ամէն կողմ կը նայիմ և ուրիշ բան չեմ տեսներ, բայց եթէ միայն ծով ու երկինք:

— Բայց ես ծովեզերքը կը տեսնեմ, ըսաւ խամաճիկը, գիտցած եղիւր որ կատուններու պէս աւելի լաւ կը տեսնեմ զիշերը՝ քան թէ ցորեկը:

Խեղճ Փինոքքիոյ զուարթ կը ձեւացնէր ինքզինքը, բայց ընդհակառակն.... ընդհակառակն կը սկսէր վհատի. ոյժը սկսաւ նուազիլ, շունչը ընդհատ և տագնապալից կը դառնար.... վերջապէս ալ կարողութիւն չունէր, և ծովեզերքը տակաւին միշտ հեռուն էր:

Որքան որ շունչ ունէր՝ լողաց. յետոյ զլուխը դէպ ի ճեպպետոյ դարձուց և կցկտուր խօսքերով ըսաւ.

— Հայրիկ, օգնէ՛ ինձ.... վասն զի կը մեռնիմ....

Հայր ու որդի՝ ալ խղղուելու վրայ էին, երբ կիթառի աններդաշնակ ձայն մը լսեցին՝ որ կ'ըսէր.

— Ո՛վ է որ կը մեռնի:

— Ես և իմ խեղճ հայրիկս:

— Այս ձայնը ես կը ճանչնամ: Դուն Փինոքքիոն ես.....

— Ճիշդ, հապա դ՞ուր:

— Ես թիւնոսն եմ, Շանաձուկին մարմնոյն մէջ գտնուող բանտի ընկերդ:

— Ի՞նչպէս պրծար ազատեցար:


— Օրինակիդ հետեւելով: Դուն ես որ փախչելու ճամբան ինձի սորվեցուցիր, և քեզմէ վերջ ես ալ փախայ:

— Սիրելի թիւնոսս, ճիշդ ժամանակին հասար: Կ'աղաչեմ քեզի, զաւակներուդ պատրտիկ թիւնոսիկներուդ սիրոյն համար ըլլայ, օգնէ՛ մեզի, եթէ ո՛չ կորսուած ենք:

— Ամենայն սիրով և բոլոր սրտովս: Երկուքդ ալ պոչիս կառչեցէք, և թողէք որ տանիմ ձեզ: Չորս վայրկենէն ցամաք կը հասնեմ:

Ճեպպետոյ և Փինոքքիոյ, ինչպէս կ'ընար ե-

բեւակայել, անմիջապէս ընդունեցին հրաւերը, բայց փոխանակ պոչին կառչելու, աւելի յարմար դատեցին շիտակ թիւնոսին կոնակին վրայ նստիլ:



.... աւելի յարմար դատեցին շիտակ թիւնոսին կոնակին վրայ նստիլ:

— Շատ ծանր ենք, հարցուց Փինոբջիոյ:
— Ծանր, և ոչ իսկ ստուերը. ինձի կը թուի թէ խեցիի երկու պատեան ունիմ կոնակիս վրայ, պատասխանեց թիւնոսը որ երկու տարեկան հորթի մը պէս գիրուկ և ուժեղ մարմին մ'ունէր:
Երբ ծովզերք հասան, նախ Փինոբջիոյ ցատքեց

ցամաքին վրայ հօրը օգնելու համար, յետոյ թիւնոսին դառնալով ըսաւ անոր յուզուած ձայնով.

— Բարեկամ, դուն հայրիկս ազատեցիր: Շնորհակալ ըլլալու համար բաւական խօսք չունիմ: Գոնէ թոյլ կու տամ որ համբուրեմ զքեզ, ի նշան յաւիտենական երախտագիտութեան....

Թիւնոսը ջրէն դուրս հանեց դունչը, և Փինոբջիոյ գետինը ծունկի գալով սիրալիբ համբոյր մը դրողմեց անոր բերնին վրայ: Այս գորովալիբ խանտաղատանքին վրայ, որուն բնաւ վարժած չէր խեղճ թիւնոսը, այնքան յուզում զգաց՝ որ ամչնալով տղու մը պէս լալը ցոյց տալէն՝ զլուսը ջրին մէջ խօթեց ու անհետացաւ:

Արդէն լուսցած էր:

Ուստի Փինոբջիոյ իր թեւը տալով ճեպպետտոյի՝ որ հազիւ կարողութիւն ունէր ոտքի վրայ կենալու, ըսաւ.

— Աղէկ մը կռթնէ թեւիս, սիրելի հայրիկ, ու երթանք: Կամացուկ կամացուկ կը քալենք մըջիւններու պէս, ու երբ յոգնելու ըլլանք, ճամբան քիչ մը կը հանգչինք:

— Ո՛ւր պիտի երթանք, հարցուց ճեպպետտոյ:

— Տուն մը կամ խրճիթ մը փնտռելու, ուր ի սէր Աստուծոյ մեզի պատառ մը հաց տան ուտելու, և քիչ մը չոր խոտ վրան պառկելու համար:

Հարիւր քայլ ճամբայ ըրած չէին տակաւին, երբ ճամբուն եզերքը հողակոյտի մը վրան նստած տեսան երկու տգեղ դէմքեր, որոնք ողորմութիւն խնդրելու ձեւով կեցած էին հոն:

Աղուէսն ու Կատուն էին, թէպէտ և նախկին աղուէսն ու Կատուն ըլլալնին բնաւ չէր ճանչցուեր:

Երեւակայեցէք որ կատուն շարունակ կոյր ձեւանալէն՝ իրօք ալ կուրացեր էր. Աղուէսը ձերացած ու մէկ կողմը բոլորովին կորսնցուցած ցեցակեր եղած, և ոչ իսկ պոչը ունէր: Արժան և իրաւ:



.... Փինոքցիոյ գետինը ծունկի զաւով սիրաւոր համբոյր մը դրոշմեց անոր բերնին վրայ:

Այն գող աւագակը վերջին ծայր թշուառութեան մէջ իյնալով, օրին մէկը ստիպուած էր ծախել նոյն իսկ իր ամենագեղեցիկ պոչը շրջուն փերեզակի մը՝ որ զայն գնեց ճանճավան մը շինելու համար:

— Ո՛վ Փինոքցիոյ, աղաղակեց Աղուէսն ողբալից ձայնով, ողորմէ՛ այս երկու խեղճ ցաւագարներու:



Մնաց բարով կեղծաւորներ: Յիշեցէք այն առածը որ կ'ըսէ. «Սատանային աւելոր ամբողջ թեփ կ'ըլլայ»:

— Յաւագարներուս, կրկնեց կատուն:

— Մնաց բարով զիմակաւորներ, պատասխանեց խամաճիկը: Անգամ մը խաբեցիք զիս, հիմայ ակնէք կրնար յաջողիլ:

— Հաւատա՛, Փինոքքիոյ, այսօր իրօք աղբատու թշուառ ենք:

— Իրօք, կրկնեց կատուն:

— Եթէ աղբատ էք, արժանի էք ըլլալու: Յիշեցէք առածը որ կ'ըսէ. «գողցուած ստակները բնաւ շահ չեն բերեր»: Մնաց բարով, խեղճ զիմակաւորներ:

— Գթա՛ մեր վրայ...

— Մեր վրայ, կրկնեց կատուն:

— Մնաց բարով կեղծաւորներ: Յիշեցէ՛ք այն առածը որ կ'ըսէ. «սատանային ալիւրը, ամբողջ թեփ կ'ըլլայ»:

— Մեզ երեսի վրայ մի թողուր....


— Մի թողուր.... կրկնեց կատուն:

— Մնաց բարով կեղծաւորներ: Յիշեցէ՛ք այն առածը որ կ'ըսէ. «Ո՛վ որ իր ընկերին վերարկուն կը գողնայ, սովորաբար առանց շապկի կը մեռնի»:

Եւ այսպէս ըսելով, Փինոքքիոյ ու ճեպպետտոյ հանդարտութեամբ իրենց ճամբան շարունակեցին. մինչեւ որ հարիւր քայլ եւս ընելով՝ նեղ ճամբուն խորը տեսան ամբողջ յարդով շինուած, գեղեցիկ խրճիթ մը տանիքով, աղիւսով ու կղմինտրով ծածկուած:

— Այդ խրճիթին մէջ անշուշտ մէկը կը բնակի, ըսաւ Փինոքքիոյ, երթանք հոն, ու դուրը զարնենք: Իսկոյն գնացին ու դուրը զարկին:

— Ո՞վ է, ըսաւ ներսէն տկար ձայն մը:



— Մենք ենք, խեղճ հայր մը և խեղճ գաւակ մը:

— Բանալին դարձուցէք, ու դուռը պիտի բացուի, ըսաւ մի և նոյն ձայնը:

Փինոքքիոյ դարձուց բանալին, ու դուռը բացուեցաւ:

Հագիւ թէ ներս մտան սկսան ասդին անդին նայել, ու մէկը չտեսան:

— Հապա խրճիթին տէրը ո՞ւր է, ըսաւ Փինոքքիոյ զարմացած:

— Ահաւասիկ վերն եմ:

Հայր և որդի դէպ ի ձեռունը նայեցան ու պզտի գերանի մը վրայ տեսան խօսուն,—ծղրիղը:

— Ո՛վ իմ սիրելի փոքրիկ ծղրիղս, ըսաւ Փինոքքիոյ զանի քաղաքավարութեամբ բարեւելով:

— Հիմայ զիս քու «Սիրելի փոքրիկ ծղրիղ» , կ'անուանես, այնպէս չէ՞: Սակայն կը յիշե՞ս որ զիս տնէդ վճռտելու համար մուրճի հարուած մը տուիր ինծի:

— Իրաւունք ունիս, փոքրիկ ծղրիղ: Դուն ալ զիս վճռտէ.... Մուրճի հարուած մ'ալ տուր ինծի, բայց զթա՛ խեղճ հօրս....

— Ես պիտի գթամ թէ՛ հօր թէ՛ զաւակին, սակայն յիշեցնել ուզեցի այն կոպիտ վարմունքը՝ զոր քեզմէ ընդունեցայ, հասկցնելու համար քեզի՝ որ այս աշխարհիս վրայ որքան որ ապրինք՝ ազնիւ ըլլալու ենք ամենուն հետ, եթէ կ'ուզենք որ փոխադարձ ընեն մեզի մեր կարօտութեան օրերուն՝ նոյնքան ազնուութեամբ:

— Իրաւունք ունիս, փոքրիկ ծղրիղ, շատ իրաւունք ունիս այդպէս ըսելու. ու ես միտքս պիտի

պահեմ այս դասը՝ որ ինձ տուիր: Սակայն ըսէ ինծի, ի՞նչպէս եղաւ որ գնեցիր այս գեղեցիկ խրճիթը:

— Այս խրճիթը սիրուն այժ մը նուիրեց ինծի երէկ, որուն վրայի բուրդը շատ գեղեցիկ կապոյտ գոյն մ'ունէր:

— Իսկ այժը ո՞ւր գնաց, հարցուց Փինոքքիոյ սաստիկ հետաքրքրութեամբ:

— Չեմ գիտեր:

— Ե՞րբ պիտի վերադառնայ....

— Ա՛լ բնաւ պիտի չվերադառնայ: Երէկ սաստիկ ցաւով մեկնեցաւ, և մայելու ատեն, կարծես թէ կ'ըսէր. «Խեղճ Փինոքքիոյ... այլ ես երբեք պիտի չտեսնեմ զինքը... Այս ժամուս Շանաձուկը աղէկ մը լափած պիտի ըլլայ զանի»....

— Ճիշտ այդպէս ըսաւ.... Ուրեմն անկիայ էր.... իմ սիրելի Պարիկս էր.... սկսաւ Փինոքքիոյ ձշալ բարձրաձայն հեկեկալով ու լալով դառնօրէն:

Երբ լաւ մը լացաւ, աչքերը սրբեց և յարդեայ պզտիկ անկողին մը պատրաստելով, վրան պառկեցուց ձերունի ձեպպետտոն:

Յետոյ հարցուց խօսուն—ծղրիղին.

— Ըսէ՛ ինծի, ծղրիղս, իմ խեղճ հօրս համար գաւաթ մը կաթ ո՞ւր կրնամ գտնել:

— Այս տեղէն երեք արտ հեռու ձիւնճիոյ անուն պարտիզպանը կայ, որ կովեր ունի: Գնա՛ անոր, ու փնտռած կաթդ պիտի գտնես:

Փինոքքիոյ վազելով պարտիզպան ձիւնճիոյ տունը գնաց.

Պարտիզպանն ըսաւ.

— Ո՞րչափ կաթ կ'ուզես:

— Գաւաթ մը լեցուն:

— Գաւաթ մը կաթը հինգ բարա կ'արժէ: Մէկ կողմէն դուրս հանէ դրամը:

— Փող մ'իսկ չունիմ, պատասխանեց Փինոքը-
րիոյ ցաւագին:

— Գէշ բան խամածիկս, վրայ բերաւ պար-
տիզպանը:

— Եթէ դուն փող մ'անգամ չունիս, ես ալ
մատ մը կաթ չունիմ քեզի տալիք:

— Համբերութիւն, ըսաւ Փինոքըրիոյ, և դարձաւ
դուրս ելլելու:

— Կեցի՛ր քիչ մը, ըսաւ ձիանճիոյ: Մէջեր-
նիս կրնանք գործը կարգադրել: Յանձն կ'առնե՞ս
ճօլօրիկ դարձնելը:

— Ի՞նչ բան է ճօլօրիկը:

— Այն փայտէ գործիքն է որ ջրամբարէն ջուր
քաշելու կը ծառայէ, բանջարեղէնները ջրելու համար:

— Կը փորձեմ...:

— Ուրեմն հարիւր դոյլ ջուր քաշէ, և անոր
փոխարէն ես ալ գաւաթ մը կաթ կը նուիրեմ քեզի:

— Շատ աղէկ:

ձիանճիոյ բանջարանոց տարաւ խամածիկը և
ճօլօրիկը դարձնելու կերպը սորվեցուց անոր: Փի-
նոքըրիոյ շուտ մը գործի սկսաւ, բայց տակաւին
հարիւր դոյլը չլինցած՝ ոտքէն մինչեւ ցգլուխ արիւն
ըրտինքի մէջ մտաւ: Այսպիսի աշխատութեան մը
հանդիպած չէր երբեք:

— Մինչեւ հիմայ այս ճօլօրիկը դարձնելու
աշխատութիւնը, ըսաւ պարտիզպանը, իմ իշուկիս
ընել կու տայի, բայց այսօր խեղճ կենդանին մեռ-
նելու վրայ է:

— Ձիս քովը կը տանի՞ս, անգամ մը տեսնեմ
զինքը, ըսաւ Փինոքըրիոյ:

— Սիրով:

Փինոքըրիոյ հազիւ թէ մտաւ ախոռին մէջ, տե-
սաւ յարդին վրայ տարածուած իշուկ մը՝ անօթու-
թենէն և սաստիկ աշխատանքէն լինցած ուժասպառ
եղած: Երբ ուշադրութեամբ անոր նացեցաւ, այլայլ-
լած ըսաւ ինքնիրեն.

— Եւ սակայն կը ճանչնամ ես այս իշուկը:
Նոր դէմք մը չէ ինծի համար:

Եւ դէպ անոր ծոկով՝ հարցուց իշու բարբառով.

— Ո՞վ ես դուն:

Այս հարցումը լսելուն, իշուկը բացաւ իր հո-
գեվարքի աչքերը, և միեւնոյն բարբառով պատաս-
խանեց կակազելով.

— Լու... չին... եո... լոն եմ:

Ու յետոյ նորէն աչքերը գոցելով շունչը փչեց:

— Ո՛հ, խեղճ Լուչինեոլոյ, ըսաւ Փինոքըրիոյ
մեղմ ձայնով. և բուռ մը յարդ ատնելով սրբեց
արցունքի կաթիլ մը՝ որ անոր երեսն ի վար կը
վազէր:

— Այդքան կը յազուէս իշու մը համար՝ որ
քեզի բան մը չ'արժեք ըսաւ պարտիզպանը: Հապա
ես ի՞նչ պիտի ընեմ որ հնչուն դրամով գնեցի գանի:

— Պիտի ըսեմ ձեզի... բարեկամս էր...:

— Բարեկամդ:

— Դպրոցական ընկերներէս մին...:

— Ինչպէ՞ս, գոչեց բարձրաձայն ձիանճիոյ սաս-
տիկ խնդալով: Ինչպէ՞ս, դպրոցական ընկերներդ ա-
ւանակներ էին...: Ինչ գեղեցիկ ուսմունք ըրած
պիտի ըլլաս...:

Խամաճիկը այդ խօսքերէն վիրաւորուած չպատասխանեց. առաւ գաւաթ մը կաթը որ տակաւին տաք էր, ու խրճիթ վերադարձաւ:

Այն օրէն անդին գրեթէ հինգ ամիսէ աւելի շարունակեց ելլել ամէն առտու արշալոյսէն առաջ,



Եւ դէպ անոր ծնելով հարցուց իշու բարբառով. — Ո՞վ ես դուն,

երթալ ճօլօրիկը դարձնելու, եւ այսպէս վաստկելու այն գաւաթ մը կաթը՝ որ հօրը քայքայուած առողջութեան այնքան կը նպաստէր: Բայց ասով միայն չզոհացաւ. ինչու որ այս ժամանակամիջոցին մէջ սորվեցաւ սակառներ շինել. և վաստկած դրամներով օրուան ծախքերը կը հոգար ամենամեծ խոհեմութեամբ: Բաց ի ուրիշ բաներէ, շինեց նաեւ սիրուն կառք մը, գեղեցիկ արևոտ օրերուն պտոյտի տանն.

լու համար իր հայրը, քիչ մը օդ առնել տալու համար անոր:

Յետոյ երեկոնները տքնութեամբ կարդալու և գրելու կը պարապէր: Մօտակայ գիւղէն քանի մը փող տալով գնած էր խոշոր գիրք մը, որուն կողքն ու ցանկը կը պահսէր, և անով կ'ընէր իր ընթերցանութիւնը: Գալով գրելուն, գրիչի նման կտրուած շիւղ մը կը գործածէր. և կաղամար ու մելան չունենալով, մորենիի և կեռասի հիւթով լեցուն պղպտիկ շիշի մը մէջ կը թաթխէր զայն:

Եւ իրօք վերջապէս աշխատելու և բախտը շինելու ինքնայօժար ջանքերովը, յաջողեցաւ ո՛չ միայն հոգալ ու խնամել իր միշտ հիւանդոտ հայրը բաւական բարւոք կերպով, այլ նաև կրցած էր մէկդի դնել քառասուն դահեկան՝ նոր հագուստ մը գրնելու համար:

Առաւօտ մ'ըսաւ հօրը.

— Սա մերձակայ տօնավաճառը կ'երթամ, վերարկու մը, գտակ մը, և զոյգ մը կօշիկ գնելու ինծի: Երբ տուն դառնամ, աւելցուց խնդալով, այնպէս աղուոր հագուած պիտի ըլլամ որ մեծ պարոն մը պիտի կարծես զիս:

Ու տնէն դուրս ելլելով սկսաւ վազել բոլորովին գոհ և զուարթ: Երբ յանկարծ լսեց որ իր անունը կը կանչեն, ետին դառնալով տեսաւ աղուորիկ խղունջ մը՝ որ ցանկապատէն դուրս կ'ելլէր:

— Ձիս չէ՞ս ճանչնար, ըսաւ խղունջը:

— Կարծեմ... Բայց չէ՛, չեմ կարծեր...

— Ձե՞ս յիշեր այն խղունջը, որ կապոյտ մազերով Պարիկին քով սենեկապան էր. չէ՞ս յիշեր այն պարագան երբ վար իջայ քեզի լոյս ընելու,

ու դուն ոտքիդ մէկը դրան վրայ գամուած մնացեր էիր:

— Կը յիշեմ, այո՛, կը յիշեմ բոլորը, գոչեց Փինոբքիոյ, շուտ պատասխանէ՛ ինծի գեղեցիկ խղունջիկ, ո՛ւր թողուցիր իմ բարի Պարիկս. ի՛նչ կ'ընէ ներե՛ց ինծի. կը յիշէ՞ զիս. միշտ կը սիրէ՞ զիս. աս կից շատ հեռո՛ւ կը բնակի. կընամ երթալ զինքը գտնել:

Առանց շունչ առնելու և գահավիժօրէն եղած այս բոլոր հարցումներուն, խղունջը իր սովորական դանդաղութեամբ պատասխանեց.

— Ա՛խ, Փինոբքիոյ: Խեղճ Պարիկը հիւանդ պառկած է հիւանդանոցին մէջ:

— Հիւանդանոցին մէջ:

— Այո՛: Հազարումէկ դժբախտութիւններ զըլխուն գալով ծանրապէս հիւանդացաւ, և պատառ մը հաց գնելու իսկ դրամ չունի:

— Իրան կ'ըսես Ո՛հ, ի՛նչ մեծ վիշտ պատճառեցիր ինծի: Խեղճ Պարիկս, խեղճ Պարիկս: Եթէ միլիոն մը դրամ ունենայի, կը վազէի անոր տանելու բայց ես քառասուն դահեկան միայն ունիմ ահա հոս են, ճիշդ նոր հագուստ մը գրնելու կ'երթայի: Ա՛ո ասոնք խղունջ, ու իմ բարի Պարիկիս տուր անմիջապէս:

— Հապա նոր հագուստդ:

— Ի՛նչ պիտի ընեմ նոր հագուստը: Սա կըռնակիս քուրջերն ալ կը ծախէի անոր օգնելու կարող ըլլալու համար: Գնա՛ խղունջ, և աճապարէ՛. երկու օրէն դարձիր հոս, կը յուսամ ուրիշ քանի մը դրամ ալ տալու կարող ըլլալ: Մինչև հիմայ աշխատեցայ հայրս հոգալու համար. այս օրուրնէ ան-

դին հինգ ժամ աւելի պիտի աշխատիմ իմ բարի մայրիկս ալ հոգալու համար: Մնաս բարով խղունջ, երկու օրէն քեզի կը սպասեմ:

— Խղունջը հակառակ իր սովորութեան, սկսաւ վազել ինչպէս մողեզ մը օգոստոսի արևին սաստիկ ջերմութեան տակ:

Երբ Փինոբքիոյ տուն դարձաւ հայրը հարցուց անոր.

— Հապա նոր հագուստդ:

— Անկարելի եղաւ գտնել հատ մը որ ինծի յարմարէր: Համբերութիւն: Ուրիշ անգամ կը գնեմ:

Փինոբքիոյ այն իրիկուն փոխանակ մինչեւ ժամը տասը աշխատելու, մինչեւ կէս գիշեր հակեց, աշխատեցաւ, և կնիւէ ութը զամբիւղ շինելու տեղ, շինեց տասնըվեց հատ: Յետոյ գնաց պառկելու ու քնացաւ: Գնացած ատեն երազին մէջ կարծեց տեսնել Պարիկը՝ բոլորովին ժպտուն ու գեղեցիկ, որ զինքը համբուրելէ վերջ, այսպէս ըսաւ իրեն.

— Ապրիս Փինոբքիոյ: Ծնորհիւ բարեսրտութեանդ կը ներեմ մինչեւ այսօր քու ըրած ստահակութիւններուդ: Այն տղաքը որ սիրով կ'օգնեն իրենց բուն ծնողացը, անոնց թշուառութեան եւ տկարութեան ատեն, նոյն իսկ եթէ կարելի չըլլայ զանոնք բարի վարուց եւ հնազանդութեան տիպարներ կոչել, սակայն արժանի են գովեստի և սիրոյ: Խոհեմութեամբ վարուէ ասկէ վերջը, եւ երջանիկ պիտի ըլլաս:

Այս կէտին վերջացաւ երազը, և Փինոբքիոյ արթնցաւ աչքերը խոշոր խոշոր բացած:

Կընաք երևակայել թէ՛ որքան մեծ եղաւ զար-

մանքը, երբ արթննալուն տեսաւ որ ալ փայտէ խամածիկ մը չէր. հապա ուրիշ բոլոր տղոց նման տղայ մը դարձած էր: Նայուածք մը նետեց իր շուրջը, և փոխանակ խրճիթի յարդէ պատերուն, տեսաւ գեղեցիկ սենեակ մը վայելուչ պարզութեամբ մը կահաւորուած: Անկողնէն վար ցատկելով պատրաստ գտաւ գեղեցիկ ու նոր զգեստներ, նոր զլխարկ մը և զոյգ մը կաշիէ նոր կիսակօշիկներ, որ իրեն ճշմարիտ նկար կը թուէին:

Չանոնք հագնելուն պէս բնականաբար ձեռքերը զրպաններուն մէջ դրաւ, իսկից դուրս հանեց փղոսկրէ պղտիկ քսակ մը, որուն վրայ այս խօսքերը զրուած էին.

«Կապոյտ մագերով Պարիկը իր սիրելի Փինոքքիոյին կը վերադարձնէ քառասուն դահեկանը, և շունորհակալ կ'ըլլայ իր բարեսրտութեանը համար»: Քսակը բանալով տեսաւ սր քառասուն հատ պղնձէ դրամներուն տեղ հոն կը փայլէին քառասուն ոսկի դրամներ բոլորն ալ փողերանոցէն նոր ելած:

Յետոյ գնաց հայելիին մէջ ինքզինքը դիտելու, և իրեն այնպէս թուեցաւ որ տարբեր մէկն էր: Չտեսաւ փայտէ խամածիկին սովորական դէմքը, այլ՝ շագանակագոյն մագերով, կապոյտ աչքերով, վարդերու զատկի մը նման ուրախ գուարթ խելացի կերպարանքով գեղեցիկ տղայ մը պատկերացաւ աչքերուն:

Այս բոլոր զարմանալի բաներուն մէջ, որոնք իրարու կը յաջորդէին, Փինոքքիոյ ինքն ալ չէր գիտէր թէ իրաւցնէ արթնուն էր թէ աչքերը բաց միշտ կ'երազէր:

— Հապա հայրիկա ո՞ր է, պոռաց յանկարծ. և քովի սենեակը մտնելով հոն գտաւ ծերուկ ձեպ-

պետտոն առողջ, աշխոյժ ու գուարթ տրամադրութեան մէջ ինչպէս երբեմն. ան՝ փայտի վրայ փորագրելու իր արուեստը անմիջապէս վերսկսած ըլլալով, ճիշդ գծագրելու վրայ էր տերևներով, ծաղիկներով, և զա-



.... ցոյց տալով անոր խոշոր խամածիկ մը թիկնաթոռի մը կռթնած....

նագան կենդանեաց պղտիկ գլուխներով ճոխ վարդարուն շատ գեղեցիկ շրջանակ մը:

— Հայրիկ, գոհացուր հետաքրքրութիւնս, ի՞նչպէս պէտք է մեկնել այս եղած յանկարծական բոլոր փոփոխութիւնները, հարցուց Փինոքքիոյ անոր վիզը ցատրելով ու զանի համբոյրներով ծածկելով:

— Մեր տան մէջ եղած այս յանկարծական փոփոխութիւնը՝ բոլորն քու արդիւնքդ է, ըսաւ ճեպպետոյ:

— Ինչո՞ւ համար իմ արդիւնքս է...

— Որովհետեւ երբ տղաք չարութենէ դէպ ի բարութիւն փոխուին, նոր ու ժպտուն կերպարանք մը տալու յատկութիւնն ունին նոյնիսկ իրենց ընտանեկան ներքին կեանքին մէջ:

— Հապա փայտէ վաղեմի Փինոքքիոնն ո՞ւր պահւրտած է:

— Ահա հոն է, պատասխանեց ճեպպետոյ, ցոյց տալով անոր խոշոր խամաճիկ մը թիկնաթոռի մը կռթնած, գլուխը մէկ կողմ դարձած, թևերն երկու քովերէն վար կախուած, ոտքերն իրարու վրայ դրած ու ծալլուած այնպէս որ հրաշք մըն էր կարծես իրեն ոտքի վրայ կանգուն կենալը:

Փինոքքիոյ դարձաւ անոր նայելու. և պահ մը դիտելէն յետոյ, ամենամեծ գոհունակութեամբ մ'ըսաւ ինքնիրեն.

— Ինչ խայտառակ բան էր երբ խամաճիկ էի. իսկ հիմայ շնորհքով տղայ մը դառնալուս համար ո՞րքան գոհ եմ...:

Վ Ե Ր Զ



Յ Ա Ն Կ



Ա.	Ինչպէս եղաւ որ ատաղձագործ վարպետ Կեոսս փայտի կտոր մը գտաւ՝ որ աղու մը պէս կու լար ու կը ինդար.	5
Բ.	Վարպետ Կեոսս փայտին կտորը կը նուիրէ իր բարեկամին՝ ճեպպետոյի, որ գայն կ'առնէ զարմանալի խամաճիկ մը շինելու համար, այնպէս որ կարենար պարել, սրախաղութիւն և մահացու ոտուձմեր ընել.	9
Գ.	Ճեպպետոյ տուն դառնալով անմիջապէս կը սկսի շինել խամաճիկը, և անոր անունը կը դնէ Փինոքքիոյ. Փինոքքիոյի առաջին ստահակութիւնները.	15
Դ.	Փինոքքիոյի ունեցած պատահարը Խոսուն ծղրիղին հետ ուր կը տեսնուի թէ ինչպէս անառակ տղաք կը նեղուին խրատ լսելու անկէ՝ որ իրենցմէ աւելի բան գիտէ.	22
Ե.	Փինոքքիոյ անօթի է. հակիթ մը կը փնտռէ որ ձուգեղ շինէ և ուտէ. բայց հագիւ թէ պիտի սկսի ուտել՝ ձուգեղը պատու հանէն դուրս կը թռչի.	26
Զ.	Փինոքքիոյ ոտքերը վառարանին վրայ քունը կը տանի, և հետեւեալ առաւօտ արթննալուն՝ ոտքերն այրած կը գտնէ.	29
Է.	Ճեպպետոյ տուն կը դառնայ, և իրեն համար միասին բերած նախաճաշը խամաճիկին կու տայ ուտելու.	33
Ը.	Ճեպպետոյ կրկին կը շինէ Փինոքքիոյի ոտքերը, և իր տառատկը կը ծախէ անոր Քերական մը գնելու համար.	38



Թ. - Փինոբրիոյ կը ծախէ իր Բերականը՝ խամաճիկներու թատրոնը
երթալ տեսնելու համար 43

Ժ. - Խամաճիկները կը ճանչնան իրենց եղբայրը Փինոբրիոն, ու
ամենամեծ ընդունելութիւն մը կ'ընեն իրեն. բայց յանկարծ
դուրս կ'ելլէ խամաճիկ խաղցնող «Հրակուլը» և Փինոբրիոյ
գործը գէշ վերջացնելու վտանգի մէջ կ'իյնայ 47

ԺԱ. - «Հրակուլը» կը փոնգտայ ու կը ներէ Փինոբրիոյն՝ որ յետոյ
մահուրնէ կ'ազատէ իր Հտպի տ բարեկամը. 52

ԺԲ. - Խամաճիկ խաղցնող Հրակուլը հինգ հատ ոսկի դրամ կը
նուիրէ Փինոբրիոյն՝ որպէս զի իր հօրը ճեպպետտոյն տանի.
և սակայն Փինոբրիոյ կը խաբուի Աղուէն և Կատուէն, և
անոնց հետ կ'երթայ. 57

ԺԳ. - «Կարմիր խեչափառ»ին պանդուկը 65

ԺԴ. - Փինոբրիոյ խօսուն Ծղրիդի խրատը մտիկ չընելուն համար,
աւազակներու կը կը հանդիպի. 71

ԺԵ. - Աւազակները կը հետապնդեն Փինոբրիոն, և անոր հասնելով՝
մեծ կաղնիի մը ճիւղէն կը կախն զինքը 76

ԺԶ. - Կապոյտ մագերով զեղանի աղջիկը այն տեղէն վերցնել կու
տայ խամաճիկը. անկողին կը դնէ զանի, և երեք բժիշկ կը
կանչէ գիտնալու համար թէ՛ ո՞րչէ է թէ՛ մեռած 81

ԺԷ. - Փինոբրիոյ շաքարը կ'ուտէ, բայց չուզեր մաքրողական առ-
նել, սակայն երբ կը տեսնէ որ մեռելաթագերը կու գան զինքը
տանելու համար, այն ատեն կ'առնէ մաքրողական ղեղը,
Յետոյ սուտ կը խօսի, և ասոր ի պատիժ քիթը կ'երկնայ. 87

ԺԸ. - Փինոբրիոյ կը գտնէ Աղուէն ու Կատուն, և անոնց հետ
կ'երթայ հրաշքներուն դաշտը չորս դրամները սերմանելու . . . 95

ԺԹ. - Փինոբրիոյ կը կողոպտուի իր չորս ոսկի դրամներէն, և ի
պատիժ ասոր չորս ամիս կը բանտարկուի 103

Ի. - Փինոբրիոյ բանտէն ազատուելուն պէս Պարիկին տունը դառ-
նալու համար ճամբայ կ'ելլէ, երթալու ատեն սոսկալի օձ մը
կը տեսնէ ճամբուն վրայ, ու թակարդի մէջ բռնուած կը մնայ. 110

ԻԱ. - Փինոբրիոյ զեղացիէ մը կը բռնուի, որ կը ստիպէ զինքը հաւ-
նոցի մը պահապան շունն ըլլալու 115

ԻԲ. - Փինոբրիոյ կը գտնէ զողերը, և հաւատարիմ գանուելուն ի
վարձատրութիւն ազատ կ'արձակուի 120

ԻԳ. - Փինոբրիոյ կու լայ կապոյտ մագերով զեղեցիկ Օրիորդին մահ-
ւան վրայ. յետոյ Աղուէն մը կը գտնէ՝ որ զինքը ծովեզերք
կը տանի, ու հոն չուրին մէջ կը նետուի իր հօրը ճեպպետ-
տոյի օգնութեան երթալու համար 125

ԻԴ. - Փինոբրիոյ «Ճարտարամիտ Մեղուններ»ու կղին կը հասնի,
ու հոն կը գտնէ Պարիկը 134

ԻԵ. - Փինոբրիոյ Պարիկին կը խոստանայ բարի ըլլալ և զպրոց
երթալ, վասն զի խամաճիկ ըլլալէ ալ ձանձորացած էր ու բա-
րի տղայ մը դառնալ կ'ուզէր 144

ԻԶ. - Փինոբրիոյ իր զպրոցական ընկերներուն հետ ծովեզերք կ'եր-
թայ սոսկալի շանձուկը տեսնելու համար 150

ԻԷ. - Մեծ կուր Փինոբրիոյ և ընկերներուն միջեւ. որոնցմէ մին
վերաւորուած ըլլալով, Փինոբրիոյ կը ձերբակալուի օստի-
կաններէ. 155

ԻԸ. - Փինոբրիոյ ձկան մը պէս տապակի մէջ տապկուելու վտանգին
կը հանդիպի 165

ԻԹ. - Փինոբրիոյ կը դառնայ Պարիկին տունը, կը խոստանայ իրեն
որ հետեւեալ օրը այլեւս խամաճիկ պիտի չըլլայ, հապա աք-
ղայ մը պիտի դառնայ, Կաթի և սուրճի նախաճաշ այս մեծ
ղէպը տօնելու համար 174


Լ. - Փինոբրիոյ փոխանակ շնորհքով տղայ մը դառնալու, ծածուկ
կերպով կը մեկնի իր բարեկամին Լուչինեոյի հետ «խա-
ղալիքներու երկիրը» 181

ԼԱ. - Հինգ ամիս վայելէ և երջանկութենէ վերջ, Փինոբրիոյ մեծ
զարմանքով կը զգայ որ զլիսուն վրայ երկու իշու ախանջներ
կը բուսնին, և աւանակ մը կը դառնայ պոչով և ամէն բանով. 195

ԼԲ. - Փինոբրիոյի զլիսուն վրայ իշու ախանջներ կը բուսնին, և յե-
տոյ իրաւցնէ իշուկ մը մը կը դառնայ և կը սկսի գալ 206

ԼԳ. - Իրաւցնէ իշուկ մի դառնալով, ծախուելու կը տարուի, և խեղ-
կատակներու ընկերութեան մը վարիչը, ծախու կ'առնէ զանի,
պարիկ և շրջանակներու մէջէն ցատուել սորվեցնելու համար

- անոր. բայց իրիկուն մը կը կաղանայ, եւ այն ատեն ուրիշ մը
կը գնէ զինք մորթովը թմբուկ մը շինելու համար . . . 217
- ԼԳ. - Փինոքքիոյ ծովը նետուելով եւ ձկներէն ուտուելով առաջուան
սէս խամաճիկի մը կը փոխուի. բայց մինչ կը լողար ինք-
զինք ազատելու համար, կը կլլուի սոսկալի Շանաձուկէն . 230
- ԼԵ. - Փինոքքիոյ շանաձուկի փորին մէջ կը գտնէ... Զճ՝ կը գտնէ,
կարդացէք այս գլուխը ու պիտի գիտնաք. . . 241
- ԼԶ. - Վերջապէս Փինոքքիոյ խամաճիկ մ'ըլլալէ կը դադրի, եւ տը-
ղայ մը կը դառնայ. 250
-



« Ազգային գրադարան



NL0386615

2197

855

4-64